


K 259.553
3

4XV67

საქართველოს სსრ მეცნიერებათა აკადემია 
АКАДЕМИЯ НАУК ГРУЗИНСКОЙ ССР

ივ. ჯავახიშვილის სახელობის ისტორიის,
არქეოლოგიისა და ეთნოგრაფიის ინსტიტუტი
ИНСТИТУТ ИСТОРИИ, АРХЕОЛОГИИ И
ЭТНОГРАФИИ ИМЕНИ И. А. ДЖАВАХИШВИЛИ

ქრეზო



1966

Д. Л. Мухелишвили



Город Уджарма

*Из исторических взаимоотношений
Иберии и Албании*

*Издательство „Мецниереба“
Тбилиси
1966*

დ. მუსხელიძე

ცისე-ქალაქი უჯარმა

ივერია-ალვანეთის ურთიერთობის ისტორიიდან

გამომცემლობა „მეცნიერება“

თბილისი

1966

9 (C41)
9 (47. 922)
მ 936

საქართველოს
ისტორიის
ინსტიტუტი

მონოგრაფიაში განხილულია ისტორიული კახეთის პოლიტიკური ცენტრის, ქ. უჯარმის წარმოქმნის, განვითარებისა და დაცემის საკითხები ანტიკური ხანიდან X—XI სს-მდე.

შესწავლილია კახეთის მეურნეობის ძირითადი დარგები, მათი მნიშვნელობა ივერიის ეკონომიური განვითარებისათვის, აგრეთვე კახეთის მიერ მეზობელა არაქართული ტომების გაქართველების პროცესი. განხილულია ის ეკონომიური და პოლიტიკური მიზეზები, რამაც განაპირობა ქ. უჯარმის დაცემა.

სკეპ-2000
შემოწმებულია

საქართველოს
პარლამენტის
ეროვნული
ბიბლიოთეკა

თავი I

**კახეთ-ჰერეთის ისტორიული გეოგრაფიის საკითხები.
კახეთის უძველესი პოლიტიკური ცენტრები**

ივერიისა და ალვანეთის ანუ, ძველი წყაროების ენით რომ ვთქვათ, ქართლისა და ჰერეთის ისტორიული ურთიერთობა საქართველოს ძველი ისტორიის ერთ-ერთი ფრიად საინტერესო პრობლემაა. ფაქტიურად ჩვენ აქ საქმე გვაქვს ივერიის აღმოსავლეთი პერიფერიის, კახეთის (და კუხეთის) მოსახლეობის პოლიტიკურ და კულტურულ ურთიერთობასთან ალვანეთის დასავლეთ ნაწილში მცხოვრებ ტომებთან. ამ ურთიერთ მომიჯნავე მხარეებში უძველესი დროიდანვე გვერდიგვერდ ცხოვრობდა ქართული და ალვანური მოსახლეობა, რომელსაც ძველთაგანვე ჰქონდა მჭიდრო პოლიტიკური, კულტურული და ეკონომიური ურთიერთობა.

ეს უკანასკნელი საუკუნეთა მანძილზე გარკვეული ტენდენციით ვითარდებოდა, რის შედეგადაც უძველესი დროიდანვე დასავლეთი ალვანეთის მოსახლეობა ქართული კულტურის ორბიტაში მოექცა, ქართული ენა შეითვისა და გაქართველდა. ეს ხანგრძლივი და რთული პროცესი, გარდა პოლიტიკური და კულტურული ურთიერთობისა, გაპირობებული იყო ქართული მოსახლეობის მიგრაციული ტალღებით ალვანეთისკენ. ასეთი მოძრაობა მოსახლეობისა ქართლის სამეფოს აღმოსავლეთ პერიფერიაზე აგრეთვე უძველესი დროიდანვე მოწმდება. ფაქტიურად ჩვენ ვადასტურებთ კახეთის (და კუხეთის) მოსახლეობის დასავლეთ ალვანეთის მონათესავე მოსახლეობასთან შერწყმის ტენდენციას.

მაგრამ აქ დგება საკითხი აგრეთვე ივერიის მთის, „კახეთის მთეულეთის“ მხრივ ასეთივე ტენდენციის გამოვლინებისა და, საბოლოო ჯამში, ივერია-ალვანეთის ისტორიული ურთიერთობის გაშუქება გულისხმობს მთისა და ბარის ურთიერთობის გათვალისწინებასაც.

ამ თვალსაზრისით და ამის ფონზე უნდა იქნეს შესწავლილი კახეთისა და ჰერეთის ისტორიული გეოგრაფია. ფრიად დამახასიათებელი ჩანს, ამ მხრივ, ევოლუცია ისტორიულ-გეოგრაფიული ცენტრების



ბისა „კახეთი“ და „ჰერეთი“. პირველის მოცულობა დროთა განმავლობაში ფართოვდება მეორის ხარჯზე. ეს უკანასკნელი კი, პირუტყუ, თანდათან იკუმშება, ვიდრე საბოლოოდ არ ქრება, როგორც გარკვეული „ქვეყნის“ აღმნიშვნელი ცოცხალი ტერმინი.

ყველა ამ საკითხის მთელი სიგრძე-სიგანით კვლევა ამჟამად ჩვენი მიზანი არ არის. ქრონოლოგიურადაც ანტიკური და ადრეფეოდალური ხანით ვიზღუდებით.

ამ პერიოდის ბოლოს ემთხვევა უაღრესად მნიშვნელოვანი ეტაპის დასასრული ქართლისა და ალვანეთის ისტორიულ ურთიერთობაში.

მეორე მხრივ, ამავე ხანაზე მოდის უჯარმის, როგორც მნიშვნელოვანი ციხე-ქალაქის, ადრეფეოდალური კახეთის პოლიტიკური ცენტრის დაცემა. ეს არ არის შემთხვევითი გარემოება. პირუტყუ, ეს ორი მოვლენა ერთმანეთთან მჭიდრო კავშირშია.

ქალაქ უჯარმის წარმოქმნა და მისი შემდგომი ისტორია, გარკვეული აზრით, შეიძლება ითქვას, აგრეთვე გაპირობებულია ქართლისა (კახეთის) და ჰერეთის პოლიტიკური და ეკონომიური ურთიერთობის ევოლუციით და ამიტომ მისი ისტორიის შესწავლა ამავე დროს ამ ურთიერთობის გაშუქებას ემსახურება და პირუტყუ.

ქალაქი უჯარმა წარმოიქმნა გარკვეულ დროს. იგი წარმოიქმნა, როგორც კახეთის ერთ-ერთი ცენტრი, რომელსაც ამის შემდგომ განსაზღვრულ პერიოდში უდიდესი და სხვებთან შედარებით უპირატესი მნიშვნელობა ჰქონდა. ეს, რა თქმა უნდა, გაპირობებული იყო პირველ რიგში კახეთის სამეურნეო განვითარებით, მაგრამ რომ ქალაქი მაინცდამაინც უჯარმაში წარმოიქმნა, ამას, სამეურნეო თვალსაზრისით მოხერხებული მდებარეობის გარდა, ისიც აპირობებდა, რომ ისტორიული გეოგრაფიის მიხედვით უჯარმა მდებარეობდა სამი მნიშვნელოვანი პროვინციის, კახეთის, კუხეთისა და ჰერეთის ურთიერთმიჯნავე საზღვართა გადაკვეთის კვანძზე.

ამრიგად, უპირველესად ყოვლისა ჩვენ ამ პროვინციების ისტორიული გეოგრაფიის საკითხებს უნდა შევეცხოთ.

„ქართლის ცხოვრებაში“ კახოსის და კუხოსის წილი შემდეგნაირადაა განსაზღვრული: „ხოლო კუხოსს (გადამწერთაგან შეცდომით წერია „კახოსს“. — დ. მ.) მისცა ბოსტან-ქალაქი, რომელსა აწ ჰქუიან რუსთავი, მისცა არაგვითგან ვიდრე თავადმდე მთასა კახეთისასა და მტკუარს შუა; ხოლო კახოსს მისცა კავკასიასა და კახეთის მთას შორის არაგვიდგან ვიდრე ტყე-ტბადმდე, რომელ არს საზღუარი ჰერეთისა“¹. ჰეროსის ხვედრი კი ასეა ლოკალიზებული: „ჰეროსს მის-

¹ ანასტუღი ნუსხა, 1942, გვ. 5.

ცა ქვეყანა მტკურისა ჩრდილოთ, მცირისა ალაზნისა თავიდგან ვიდრე ტყე-ტბამდენ, რომელსა აწ ჰქუიან გოლგოლა“².

ტექსტი რომ ნაკლული და დამახინჯებულია, ეს ჯერ კიდევ აკად. ივ. ჯავახიშვილმა აღნიშნა³. მანვე სცადა თავდაპირველი ტექსტის აღდგენა. იგი სრულიად სამართლიანად იზიარებს „ქართლის ცხოვრების“ ზ. ჭიჭინაძის გამოცემის (რომელიც მ. ბროსეს გამოცემის მეორედ გამოცემას წარმოადგენს) შესწორებას ჰერეთის განსაზღვრაში და ასკვნის: „მაშასადამე, ჰერეთად იწოდებოდა „ქუეყანა მტკვარისა ჩრდილოთ“ მდებარე „მცირისა ალაზნისა“ ანუ ი თ რ ი ს შე ს ა რ თ ა ვ ი თ გ ა ნ მოყოლებული გულგულამდე“⁴.

კახოს-კუხოსის წილთა შესახებ ივ. ჯავახიშვილი ამბობს: „ქ“ ცა (იგულისხმება ჭიჭინაძის გამოცემა — დ. მ.) ზოგან სამართლიანად ასწორებს და წერს: „კუხოსს მისცა ბოსტან-ქალაქი, რომელსა აწ ჰქვიან რუსთავი, მისცა არ ა გ ვ ი თ გ ა ნ ვ ი დ რ ე ჰ ე რ ე თ ა მ დ ე, თავადმდე მთისა კახეთისასა და მტკუარს შუა; ხოლო კახოსს მისცა კავკასიასა და კახეთის მთასა შორის, არაგვიდგან ვიდრე ტყე-ტბამდე, რომელ არს საზღუარი ჰერეთისა“⁵. მაგრამ იგი ასეთ აღდგენას მთლიანად არ ეთანხმება და დასძენს: „თვით ლეონტი მროველს უეჭველია ასე ექმნებოდა დაწერილი: „კუხოსს მისცა ბოსტან-ქალაქი, რომელსა აწ ჰრქვან რუსთავი, მისცა არაგვითგან ვიდრე თავადმდე მთისა კახეთისასა <ალაზნისა> და მტკუარს შუა; ხოლო კახოსს მისცა კავკასიისა და კახეთის მთას შორის, მცირისა ალაზნისა შესართავითგან ვიდრე ტყე-ტბამდე, რომელ არს საზღუარი ჰერეთისა“⁶. თვით ასეთი აღდგენის შემდეგაც არ მიაჩნია ივ. ჯავახიშვილს ტექსტი უნაკლულო, მაგრამ ყველა სხვა ვარიანტს შორის, როგორც ჩანს, ამას ამჯობინებს⁷. აქ აღვნიშნავთ მხოლოდ, რომ ივ. ჯავახიშვილს ტექსტის აღდგენისას მცირეოდნად სიზუსტე აკლია; კერძოდ, მარიამისეულ ნუსხაში⁸ და ჭიჭინაძის მიერ გამოცემულში⁹ კუხოსის ხვედრის შესახებ წერია: „მისცა... არაგვითგან ვიდრე თავადმდე მთასა კახეთისასა და მტკუარს შუა“ და არა „მთისა კახეთისასა“, როგორც ეს ივ. ჯავახიშვილსა აქვს. როგორც

2 იქვე, გვ. 2.

3 ივ. ჯავახიშვილი, ქართველი ერის ისტორია, წ. I—II, 1913, გვ. 297—9.

4 იქვე, გვ. 298.

5 იქვე.

6 იქვე.

7 იქვე, გვ. 298—9.

8 იხ. ანასეული ნუსხა, გვ. 5.

9 იხ. ეს გამოც., წ. I, 1897, გვ. 22.

ქვევით დავინახავთ, ამას, ეგების, არც თუ მცირე მნიშვნელობა ჰქონდეს.

ივ. ჯავახიშვილი აღნიშნავს: „როგორც ეტყობა, ამ საკითხის გამოსარკვევად (ლაპარაკია კახეთ-კუხეთ-ჰერეთის საზღვრების შესახებ.—დ. მ.). იმაზე მეტი მასალები, რაც ახლა მოგვეპოვება, არც ვახუშტსა ჰქონია, მისი განმარტება მთლად ლეონტი მროველის ცნობებზეა დამყარებული“¹⁰. ამაზეც განსვენებულ მეცნიერს ვერ დავეთანხმებით: უთუოა, რომ ვახუშტი ლეონტი მროველის მონაცემებიდან ამოლიოდა, მაგრამ ისიც უთუოა, რომ მას მეტად მნიშვნელოვანი დამატებითი მასალა, გამოუყენებია. მასვე ეკუთვნის ლეონტი მროველის სათანადო სქემის კონკრეტიზაციის პირველი ცდა. დავიმოწმეთ თვით ვახუშტი: ჰეროსმა „დაიპყრა ქვეყანა წილ-ხლომილი თვისი. სამხრით ხორანთისა-გან (=იორ-ალაზნის შესართავისგან, სადაც ლ. მროველი სდებს მოვაკანისა და ჰერეთის საზღვარს და საცა ჰეროსმა ააშენა ქალაქი ჰერეთი ანუ ხორანთა.—დ. მ.). მტკვრამდე და კავკასამდე საზღვარი მოვაკანისა, ჩრდილოეთ ხუნანიდამ გულგულამდე და კავკასამდე, აღმოსავლით კავკასი, დასავლით მტკვარი: ამათ შორისი ქვეყანა არს ჰერეთი...“¹¹, კახეთის შესახებ: „და მისცა კახოს საზღვარი: აღმოსავლით მთა კავკასი; სამკრით საზღვარი ჰერეთისა, თურდო-შტორის ქევი, ვიდრე კავკასამდე; დასავლით მთა კახეთისა, რომელსა განჰქვევთს, ერწო-თიანეთს, იორის მდინარე, და მერმე მზღვრის მდინარე არავგი, და ჩრდილოთ მთა კავკასი. და ამათ შორისი ქვეყანა არს კახეთი...“¹², „ხოლო კუხოსს მისცა საზღვარი: აღმოსავლით მთა კახეთისა; სამკრით საზღვარი ჰერეთისა, რომელ არს ხუნანის გამოსწვრივ გულგულამდე; დასავლით მტკვარი და არავგი; ჩრდილოთ იგივე მთა კახეთისა. და ამათ შორის ქვეყანას ერწოდა კუხეთი...“¹³. სხვაგან ვახუშტი ამბობს სამეზბის ზევის შესახებ, რომელიც იორს ერთვის მარცხნიდან ხაშმის ანუ კაწარეთის სამეზბის ზემოთ: „ესევე ქევი არს საზღვარი ჰერეთისა და კახეთისა“¹⁴. ამგვარად, ვახუშტს ჩვენ ვერ დავწამებთ, რომ მას ლეონტი მროველთან შედარებით ახალი ცნობები არ მოუცია, სხვა საკითხია ამ ცნობების რომელ ნაწილში უნდა ვენდოთ მას და რომელში არა.

¹⁰ ქართველი ერის ისტორია, გვ. 299.

¹¹ საქართველოს ცხოვრება, ზ. ჰიჭინაძის გამოც., 1913, გვ. 146.

¹² ვახუშტი, აღწერა სამეფოსა საქართველოსა, 1941, გვ. 86.

¹³ იქვე.

¹⁴ იქვე, გვ. 90.



ასეთია ლეონტი მროველის, ვახუშტისა და ივ. ჯავახიშვილის შეხედულებები ამ საკითხზე. განვიხილოთ ისინი ცალკე.

ვიდრე ლეონტი მროველის სათანადო ცნობების განხილვაზე გადავიდოდეთ, საჭიროდ მიგვაჩნია აღვნიშნოთ მისი მეთოდი, რომლის საშუალებითაც იგი ახდენს თავისი ისტორიულ-გეოგრაფიული კონცეფციის კონკრეტიზაციას. საცა ხერხდება, ან უკეთ, საცა საზღვარი ბუნებრივ ზღვარზე გადის (მდინარე, ქედი), ლეონტი მროველი ასახელებს მას; მაგ.: „მისცა ქართლოსს და უჩინა საზღუარი აღმოსავლით ჰერეთი და მდინარე ბერდუჯისი, დასავლით ზღუა პონტოსა, სამხრით მთა, რომელი მიჰყვების ბერდუჯის მდინარის თავსა და მთა რომელი მიჰყუების დასავლით კერძო“ და სხვ. ჩრდილოეთით იგულისხმება კავკასიონი¹⁵. მაგრამ საცა საზღვრის ხაზი არ მიჰყვება ბუნებრივ ზღვარს, იქ ლეონტი მროველი კმაყოფილდება ერთი პუნქტის დასახელებით, რომელიც ამ ხაზზე მდებარეობს და რომელიც, ამგვარად, ერთგვარი ორიენტირის როლს თამაშობს. მაგ.: „მოვაკანს მისცა მტკუარსა ჩრდილოთ (იგულისხმება კავკასიონამდე.— დ. მ.), მცირისა ალაზნისა [შესარ] თავიდგან ვიდრე ზღუამდე“¹⁶. ამგვარად, აქ მოვაკანის დასავლეთი საზღვარი, რომელიც ბუნებრივად არ იყო გამოყოფილი, აღნიშნულია ერთი ორიენტირით—მცირე ალაზნის შესართავით. მაგრამ სხვა შემთხვევაშიაც ასე იქცევა იგი: მიუხედავად იმისა, რომ ქართლოსის წილი მეტნაკლებად სრულადა აქვს განსაზღვრული საზღვართა მთელ სიგრძეზე, სხვაგან ლეონტი მროველი წერს: „ქართლი, ხუნანითგან ვიდრე ზღუამდე სპერისა“¹⁷.

მეორე მხრივ¹⁸, ლეონტისთვის დამახასიათებელია საზღვრების აღნიშვნა საპირისპირო ქვეყნის მხარეების მიხედვით. მაგ.: „გარდაბოსს მისცა ხუნანი, და უჩინა საზღუარი აღმოსავლით მდინარე ბერდუჯისი, დასავლით ქალაქი გაჩიანი, და სამხრით მთა პირველ-ხსენებული, და ჩრდილო მტკუარი“¹⁹, და ა. შ.

თუ ლ. მროველის ამ თავისებურებას გავიზიარებთ და გავითვალისწინებთ, მაშინ ჩვენთვის გასაგები გახდება, რომ მის მიერ ჰერეთი შემდეგნაირადაა შემოფარგლული: სამხრეთით—მტკვარი, ჩრდილოეთით — კავკასიონი (იგულისხმება), აღმოსავლეთით—მცირე ალაზნის შესართავი (=ხაზი, რომელიც ამ წერტილზე გადის და-

¹⁵ ანას ქ. ცა, გვ. 2.

¹⁶ იქვე.

¹⁷ იქვე, გვ. 4.

¹⁸ როგორც ეს უკვე აღნიშნა ედიშერ ხოშტარიამ.

¹⁹ იქვე, გვ. 5.



ჰერეთს გამოყოფს მოვაკანისგან), დასავლეთით—ტყეტბა (=ხანთი²⁰ რომელიც გადის ტყეტბაზე და ჰერეთს გამოყოფს ქართლისაგან, კერძოდ, კახეთ-კუხეთისგან).

ვახუშტსაც სწორად გაუგია ლ. მროველის მეთოდოლოგიური თავისებურება, რის შედეგადაც მოგვცა ზემომოტანილი განსაზღვრა ჰერეთისა. ჩვენთვის განსაკუთრებით საინტერესოა ჰერეთის დასავლეთი და, შესაბამისად, ქართლის აღმოსავლეთი საზღვარი. ვახუშტი ამ ხაზს ხუნანიდან გულგულამდე (და კავკასამდე) უჩვენებს²⁰. ძნელი გამოსარკვევია, ხუნანსაც რომ მიუთითებს, ვახუშტს საამისო სხვა პირდაპირი ცნობა ჰქონდა, თუ ეს მან ლეონტი მროველის მონაცემების შესწავლის შედეგად დაადგინა, მაგრამ ის კი, მაინცდამაინც, ცხადია, რომ ამ უკანასკნელი საშუალებითაც ხერხდება საამისო დასკვნის გამოტანა. საქმე ისაა, რომ „მამათა და ნათესავთა“ ავტორი ერთგან, როგორც აღვნიშნეთ, ხუნანს პირდაპირ მიუთითებს, როგორც ქართლის (ქართლოსის წილის) უკიდურეს აღმოსავლეთ პუნქტს²¹. ვახუშტით ხუნანი, როგორც ცნობილია, მდებარეობს ქცია-მტკვრის შესართავში²². მართლაც, ჩვენ ვიცით, რომ აქ იყო, ერთის მხრივ, ბარდოსის წილის (რანის) აღმოსავლეთი საზღვარი²³, მაგრამ ბარდოსის წილი იღო „მტკუარს სამხრით“²⁴ და რადგან ხუნანი ქართლის უკიდურეს საზღვარზეა, ცხადია, „მტკუარს ჩრდილოთ“ მას სხვა ქვეყანა უნდა ესაზღვრებოდეს. ასეთი ქვეყანა კი შესაძლებელია იყოს მხოლოდ ჰერეთი, რომელი „ქუეყანა მტკურისა ჩრდილოთ“ იღო. ჰერეთის საზღვრის ნაწილის ასეთ ლოკალიზაციას, როგორც დავინახავთ, სხვა წყაროებიც ადასტურებენ.

ამგვარად, უნდა მივიღოთ, რომ ვახუშტის მიერ ჰერეთის დასავლეთი საზღვრის კოორდინაცია, გულგულა-ხუნანის შემაერთებელ ხაზზე, სწორია. რაც შეეხება თვით ამ ხაზის დადგენას, აქ სხვა

²⁰ აქ აღვნიშნავთ, რომ ვახუშტი ამ საზღვარს ჰერეთისთვის ჩრდილოეთისად თელის, რაც აშკარა შეუსაბამობაა. ზუსტად რომ ვთქვათ ესაა ჰერეთის ჩრდილო-დასავლეთი საზღვარი და ამიტომ ჩვენ პირობითად დასავლეთისას ვუწოდებთ. ვახუშტს შესაბამისად არეული აქვს ჰერეთის დანარჩენ საზღვართა ორიენტაცია ქვეყნის მხარეების მიმართ.

²¹ ცხადია, ეს იმას არ ნიშნავს, რომ ეს განცხადება სიტყვა-სიტყვით უნდა გავიგოთ, ან რომ ლეონტის სიზუსტეში ეჭვი არ შევიტანოთ. აქ დავუმატებთ, რომ მოსე ხორენელის მიხედვით არანისა და გუშარის ზევერი ქვეყნების საზღვარი ჰნარაყერტზე გადის. შესაძლებელია, ეს ჰნარაყერტი ქართული ხუნანი იყოს.

იხ. **ჟათონიძის წაკითხვა**, **ქიქუა**, 1910, გვ. 108.

²² თუმცა ეს არ არის სწორი. უკანასკნელ ხანებში გამოთქმულია ეჭვები, ვფიქრობთ სამართლიანად, რომ ხუნანი სხვაგანაა საქმბარი.

²³ ვახუშტით მდ. ბერდუჯი, რომელიც ქციას ერთვის ხუნანის ცოტა ზემოთ, დღევანდელი დებედაა. ვ ა ზ უ შ ტ ი, აღწერა..., გვ. 34—5.

²⁴ ანას. ქ ც ა, გვ. 2.

არა დაგვრჩენია რა, ჯერჯერობით, გარდა იმისა, რომ ვახუშტს ვენდოთ, მით უმეტეს, რომ საწინააღმდეგო რაიმე საბუთი არ მოგვეპოვება, ხოლო ვახუშტის ცნობები, ჩვენი აზრით, სრულებით სანდოა (იხ. ქვემოთ).

ზემოთ უკვე აღვნიშნეთ, რომ ვახუშტით კახეთის სამხრეთი (sic) საზღვარი გადის სამების ხევზე, შემდეგ თურდოსა და შტორის ხევზე. იქვე, სხვა ადგილას იგი ხელმეორედ აღნიშნავს: „ალაზანს მორთვის თურდოს-ქევი, გამომდინარე შუა-მთიდან. ამ ქვეზედ არს გულგულა, რომელსა ეწოდა პირველ ტყეება. ეს ქევი არს საზღვარი ჰერეთისა და კახეთისა“²⁵. შტორის ხევზე ცალკე ვილაპარაკებთ, ხოლო ამჯერად აღვნიშნავთ, რომ, ვახუშტის მიხედვით, კახეთ-ჰერეთის საზღვარი, იორ-ალაზანს შორის, ზედმიწევნით ირკვევა. გამოსარკვევი გვრჩება ამ საზღვრის სამხრეთი (კუხეთის მომიჯნავე) და ჩრდილოეთი მონაკვეთი. სამხრეთ მონაკვეთზე კვლავ ვახუშტი გვშველის. იგი ამბობს, რომ ძველ კუხეთსო „აწ უწოდებენ თიანეთს, საგურამოს ანუ თეძმის ქვეს... კვალად გრდანი, მარტყოფი, ლილო, დიდუბე, სამგორი, ჩადივარი, ომანისქევი, ყარაღაჯი და ნაგები და ყარაია“²⁶. სხვა ადგილას: „არამედ ესე ადგილნი ნაგებს ზეით (ე. ი. ჩრდილო-დასავლეთით—**დ. მ.**) არს ძველად კუხეთისა... ხოლო ნაგებს ქვეითი ჰერეთისა არს, და აწ უწოდებენ ყარაიას, და გარეჯის მთას მასვე ძველ სახელს“²⁷.

ნაგები ანუ რუსთავი, ისევე როგორც სხვა ამგვარი პუნქტები, ვახუშტის მიხედვით, გაიზარება მთელ ოლქად, „ქვეყნად“. ასე მაგ.: ნაგების „საზღვარი... არს: დასავლით მტკვარი, ჩრდილოთ ქევი ლოკინისა“²⁸, აღმოსავლით მთა გარეჯისა, ვიდრე მწარე-წყალამდე, სამკვრით მწარე-წყალი“²⁹. საქართველოს კარტოგრაფიული ინსტიტუტის მიერ 1930 წ. გამოცემულ საქართველოს სსრ რუკაზე აღნიშნულია მწარე წყალი, რომელიც მიედინება ჩრდილო-დასავლეთიდან სამხრეთ-აღმოსავლეთის მიმართულებით ყარაიის ველზე, რკინიგზის სადგურ სოლუთ-ბულადის სამხრეთით და მტკვარს ერთვის მარცხნიდან. თუ ვახუშტი ამ მწარე წყალს გულისხმობს, მაშინ იგი წინააღმდეგობაში ვარდება, რომ „ნაგებს ქვეითი... ყარაია“ ჰერეთისაა, რადგანაც ეს მწარე-წყალი სწორედ ყარაიაშია. შესაძლებელია სხვა მწარე წყალიც ყოფილიყო, პირველის ჩრდილოეთით, რადგანაც თვით ვახუშტის მოწმობით ვიცით, რომ ამ რაიონში „წყარო-ტბანი... თუ

25 ვახუშტი, აღწერა..., გვ. 100.

26 იქვე, გვ. 86.

27 იქვე, გვ. 51.

28 ვახუშტით იგივე ომანის ქევი, იხ. იქვე, გვ. 95.

29 იქვე, გვ. 50.



საღმე არს, მლაშენი და მწარენი“ არიან³⁰. მაგრამ ეს მაინც არ უნდა იყოს გამოსავალი, რადგან რუსთავის ქვევით უშუალოდ უკვე ყარაია იწყება და, ე. ი. საცა არ უნდა დაიდოს აქ ნაგების სამხრეთის საზღვარი, ვახუშტი თავის თავთან წინააღმდეგობაში მოვა.

მაგრამ თუ კარგად ჩავუკვირდებით, სინამდვილეში არავითარი წინააღმდეგობა არ უნდა იყოს. საქმე ისაა, რომ ვახუშტს ამ შემთხვევაში ორი სხვადასხვა დროის შესაფერისი ცნობა აქვს გამოყენებული: კუხეთის აღწერისას აკი პირდაპირ აღნიშნავს, რომ იგი აწინდელ ყარაიასაც მოიცავდაო (გვ. 86), ხოლო ზემოთ კი (გვ. 51) ამბობდა ყარაია და გარეჯის მთა ჰერეთისააო. ეს ორი, თითქოს ურთიერთ გამომრიცხველი, ცნობა ისე უნდა გავიგოთ, რომ გარკვეულ პერიოდში, უფრო ძველად, ნაგებს ქვეითი მხარე—ყარაია და გარეჯის მთა ჰერეთს ეკუთვნოდა; უფრო გვიან კი ყარაია კუხეთს შეუერთდა, რუსთავ-ნაგების „ქვეყნის“ ერთ ნაწილად იქცა, ხოლო გარეჯის მთა—მის აღმოსავლეთ საზღვრად. ეს ცნობები ასე რომ უნდა გავიგოთ, ამას გვაფარაულებინებს, ჯერ ერთი, სხვა წყაროების მონაცემები³¹, ამასვე გვაფარაულებინებს ქართლ (ივერია)—ჰერეთის (ალვანეთის) პოლიტიკური ურთიერთობის ტენდენცია, რომლის შესახებაც ქვემოთ გვექნება საუბარი.

ამგვარად, თუ ჩვენ ყარაიას ველს თავდაპირველად ჰერეთის კუთვნილებად ჩავთვლით, უნდა დავასკვნათ, რომ ქართლ-ჰერეთის საზღვრის ეს მონაკვეთი (ხუნანსა და რუსთავს შორის) მტკვარზე უნდა დებულყო³². დანარჩენი მონაკვეთი, რუსთავიდან—სამების ხევამდე ჩვენთვის ძნელად დასადგენია. მას უნდა გაველო სამგორსა და ჩადიერის გორებსა და გარეჯის მთას შუა³³.

³⁰ ვ ა ხ უ შ ტ ი, აღწ., გვ. 89.

³¹ კერძოდ, სტრაბონი თავის „გეოგრაფიაში“ (XI, 32) აღნიშნავს, რომ ივერიის დაბლობზე გამავალი მტკვარი, მას შემდეგ, რაც შეიერთებს არაგვს და სხვა შენაკადებს, „по узкой речной долине изливается в Албанию“ (ВДИ. 1947, № 4, 218)—არა მგონია ყარაიიდან დაწყებული მტკვრის ველს ვიწრო უწოდონ. ეგებ ამ ვიწრო ველად თბილის-ყარაიას მონაკვეთს თვლის სტრაბონი. მაშინ სადღაც აქ უნდა დაიდოს ივერია-ალვანეთის საზღვარი, რაც სწორედ კარგად უდგება ლეონტი მროველისა და ვახუშტის ზემომოტიანილ მონაცემებს. შდ. ნ. ლომოური, იბერიის (ქართლის) სამეფოს საზღვრების საკითხისათვის ანტიკურ პერიოდში. ა. შ. გორკის სახ. სოხუმის სახელმწიფო პედაგოგიური ინსტიტუტის შრომები, VII, 1955, 9.

³² მტკვარზე სდებს ივერია-ალვანეთის საზღვარს უფრო გვიანი ხანისთვის სომხ. ანონ, გეოგრ. იხ. Армянская География VII в. по Р. Х. издае К. Патканов, 1877, 16, თარგმანის 39.

³³ რომ ვახუშტის ცნობები იმგვარად უნდა გავიგოთ, როგორც ჩვენ ვვარაუდობთ, ამის პირდაპირი მოწმობა გვაქვს დავით გარეჯელის (VI ს.) ცხოვრებაში,

სხვაგვარადაა საქმე ჩვენთვის საინტერესო სასაზღვრო ხაზის ჩრდილო მონაკვეთის მიმართ. ვახუშტს აქ კახეთ-ჰერეთის საზღვრად შტორის ხევი მიაჩნია. ჩვენ ამის შესახებ ზემოთ უკვე მოვიტანეთ ამონაწერი. ვახუშტი სხვაგანაც ამბობს: „ამ შტორის-კვევისა... ჩრდილოეთი ქვეყანა არს კახეთი, ამათ სამკრეთი—ჰერეთი“³⁴. აქ კი ვახუშტი ცდება (ან უკეთ, ალბათ კახეთ-ჰერეთის პოლიტიკური ურთიერთობის შედარებით მოგვიანო ეტაპს განსაზღვრავს). ვახუშტი რომ ცდება, ეს ცხადია იქიდან, რომ მდ. შტორის დასავლეთით (ვახუშტით—ჩრდილოეთით მდებარე „ბახტრიონსა და ლალის-ყურს შუი არს ველი ალონად წოდებული“³⁵, რომელზედაც მდებარეობს სოფელი ალვანი. ეს ტოპონიმი (ალონი=ალვანი) მიუთითებს ალვანთა ტომის არსებობაზე ამ ტერიტორიაზე გარკვეულ დროს³⁶. აქედან კი გამომდინარეობს, რომ იგი უნდა გამოირიცხოს თავდაპირველი კახეთის, ალვანთაგან ეთნიკურად განსხვავებული მოსახლეობის ტერიტორიის, ფარგლებიდან. რომ, მართლაც, შტორის ხევეზე არ უნდა ყოფილიყო თავდაპირველი საზღვარი, ეს ლეონტი მროველის მიხედვითაც ჩანს: ტყეების ანუ გულგულის დასახელება ჰერეთის დასავლეთ საზღვრად არ უნდა იყოს შემთხვევითი, არამედ უნდა მიუთითებდეს გულგულის, როგორც ორიენტირის მნიშვნელობაზე³⁷. ამიტომ, ბუნებრივია, თუ ვიფიქრებთ, რომ გულგულას შემდეგ (თურღოს შესართავის შემდეგ) საზღვარი 90°-ით იცვლის დასავლეთისაკენ მიმართულებას და ეხლა უკვე—ალაზნის გასწვრივ. ამგვარი მდგომარეობა უნდა ვიგულისხმოთ ბახტრიონამდე, საიდანაც იწყება ალონის ველი და სადაც ალაზანი მკვეთრად უხვევს ჩრდილოეთისაკენ.

კახეთ-ჰერეთის საზღვრის უკიდურესი ჩრდილოეთი მონაკვეთის განსაზღვრა კვლავ ვახუშტის მიხედვით ხერხდება.

სადაც რუსთავეს მთავარს, როგორც ჩანს, ხელი მიუწვდება არა თუ ყარაიზე, არამედ გარეჯის მთებზედაც და ე. ი. ეს მხარე კუხეთის საერისთაოში შემავალად უნდა ვიგულისხმოთ (იხ. ქვემოთ).

³⁴ იქვე, გვ. 101.

³⁵ იქვე, გვ. 102.

³⁶ იხ. M. Brosset, Introduction, p. X.

³⁷ შდ. მაგ.: დასახელება, მცირე ალაზნის შესართავისა, რომელიც წარმოადგენდა საკვანძო პუნქტს ჰერეთის, მოვაკანისა და აგრეთვე რანის საზღვრებისათვის. მტკვარი, რომელიც რანის ჩრდილო საზღვარს წარმოადგენდა, ორიოდუკმ-თაა ამ შესართავს დაშორებული. არც ისაა აუცილებელი, რომ ზუსტად ივრის შესართავი შევიჩინოთ ჰერეთ-მოვაკანის საზღვრად. ვახუშტი სწორად იქცევა, როდესაც ჰერეთის ამ აღმოსავლეთის საზღვარს „სამხრით ხორანთისა-გან (იგულისხმე: მცირე ალაზნის შესართავიდან — დ. მ.) მტკვრამდე“. ვარაუდობს (იხ. ზემოთ).

საქმე ისაა, რომ მას შემდეგ, რაც ჰერეთის ქართული სამეფო კახეთისას შეუერთდა, ხოლო კახეთის სამეფო კი საქართველოს სამეფოს შემადგენელი ნაწილი გახდა, ჰერეთი ცალკე ადმინისტრაციულ (და არა ერთ) ერთეულად განიხილებოდა. სწორედ ამას გულისხმობს ვახუშტის სიტყვები, რომ „კვირიკემ, დაიპყრა რა ერეთაცა, იწოდა კახთ მეფედ, გარნა ერეთს აქუნდა თვისივე სახელი მოუსპელი“³⁸. ჰერეთი, როგორც ადმინისტრაციული ერთეული, ქრება XVI ს-ის რეფორმების შედეგად, როდესაც სერისთავოების მაგიერ სამოურავოები შეიქმნა და სხვ³⁹. ამიტომ ჰერეთისა და კახეთის საზღვრები საუკუნეთა მანძილზე მეტ-ნაკლებად დაცული იყო და კარგადაც განსაზღვრული (სწორედ ამის გამოა საზღო ვახუშტის ლოკალიზაცია, რომელიც ეგებ ზეპირ გადმოცემასაც ემყარებოდა).

ამიტომაც ჩვენ გვგონია, რომ გვიანდელი ცნობები, კახეთ-ჰერეთის საზღვრებს რომ ეხება, გამოსადეგი უნდა იყოს უფრო ძველი დროისთვისაც და, კერძოდ, გამოსაყენებელი უნდა იქნას ჰერეთ-კახეთის თავდაპირველი საზღვრის დასადგენად.

მხედველობაში გვაქვს კვირიკე დიდის მიერ (XI-ს-ის დასაწყისი) ჰერეთის დაპყრობის შემდეგ კახეთის სამეფოში ჩატარებული ადმინისტრაციული რეფორმები.

ვახუშტის მიხედვით კვირიკემ „დასხნა“ ერისთავნი „სამი კახეთს და ოთხი ჰერეთს და კახეთისა ერთი რუსთავს და მისცა სრულიად კუხეთი... მეორე დასვა კვეტერისა და მისცა უჯარმას ზემოთი ორთა მთათა შორის, რომელ არიან კახეთისა და კუხეთისა (უნდა ვიგულისხმოთ დღევანდელი ქართლისა და კახეთის ქედებს შორისი ტერიტორია—**დ. შ.**), ვიდრე კავკასამდე და გარდაღმად. ესე არს ერწო-თიანეთი, ფხოველნი, ძურძუკი და ღლიღვი. მესამე პანკისისა ანუ მარილისისა და მისცა ჰერეთის საზღვრის-ზეითი კავკასამდე და კახეთის მთამდე თუშეთითურთ. ხოლო ჰერეთს დასვა პირველი ხორნაბუჯს ანუ ხორანთას... მეორე ვეჯინს და მისცა ქისიყის საზღუარს-ზეითი თურდოს ხევამდე და ალაზანსა და ჰერეთის მთის⁴⁰ შიგნით, რომელ არს აწ შიგნით კახეთი. მესამე მაჭისა და მისცა მაჭის წყლის ქვეით და ალაზნის აღმოსაელებით შაკიხითურთ და ხუნზახითურთ. მეოთხე დასვა შტორისა და მისცა შტორის ხევიდამ მა-

³⁸ იქვე, გვ. 87.

³⁹ იხ. Н. Бердзенишвили, Очерк из истории развития феодальных отношений в Грузии (XIII—XVI вв.), გვ. 28.

⁴⁰ ცივის მთა, იხ. ვახუშტის „აღწერა“, გვ. 97 და სხვ.

კის წყალმდე ალაზნის აღმოსავლეთი დიდოეთითურთ, რომელს არს აწ გაღმა მხარი⁴¹.

ჩვენთვის აქ საინტერესოა, რომ ალაზნის ზემო წელი (ბახტრიონამდე), სადაც მდებარეობენ მარილისი და პანკისი, კახეთსა აქვს მიკუთვნებული; შემდეგ—რომ შტორის ხევი მაინცდამაინც პერეთს ეკუთვნის. საფიქრებელია, რომ კახეთ-პერეთის სასაზღვრო ხაზი აქ ზედ მდინარეზე კი არ გადიოდა, არამედ წყალგამყოფ ქედზე და კერძოდ იმაზე, რომელიც შტორის მდინარეს ალაზნისაგან ყოფს—ესაა ნაქერალას ქედი, რომელიც დიდგვერდის მთას გამოსდის და სამხრეთისაკენ ეშვება ეს ქედი ბოლოში (სამხრეთით) ორ შტოდ იყოფა, რომელთაგან ერთი, მოკლე, წარმოდგენს მდ. მაჭარეულის და მდ. სტორის (ქვედა წელში) წყალგამყოფს, ხოლო მეორე, გრძელი, მდ. მაჭარეულისა და ალაზნის ზემო წელის (მონაკვეთი დაწყებული დუი-სოფლიდან ჩრდილოეთით, ვიდრე ბახტრიონამდე სამხრეთით) წყალგამყოფს. ამ ორი შტოს შუაშია მოქცეული სწორედ ზემოხსენებული ალონის ველი, რადგან ეს უკანასკნელი, როგორც ზემოთ ვთქვით, აგრეთვე გამოსარიცხია თავდაპირველი კახეთის ტერიტორიიდან, ამიტომ ეგებ არ შეეცდეთ, თუ კახეთ-პერეთის საზღვარს მაჭარეულ-ალაზნის წყალგამყოფზე დავდებთ, რომელიც ბახტრიონთან ალაზნის მარცხენა ნაპირს აღწევს.

ამგვარად, თუ თავს მოვუყრით ყველა ზემოთქმულს და გავიზიარებთ გამოთქმულ მოსაზრებებს, ქართლისა (ქართლოსის წილი) და პერეთის საზღვარი შემდეგნაირად წარმოგვიდგება. უკიდურესი სამხრეთის პუნქტი ხუნანია, აქედან მტკვრის გასწვრივ რუსთავამდე, შემდეგ სამგორ-ჩადივრისა და გარეჯის მთის შორისი ხაზით მდ. იორამდე; აქედან სამების ხევით გომბორის გადასასვლელამდე, შემდეგ თურდოს ხეობით ალაზნამდე; აქედან ალაზნის გაყოლებით დასავლეთისაკენ, ვიდრე ბახტრიონამდე; შემდეგ ალაზან-მაჭარეულის წყალგამყოფი მთით, ალაზან-შტორის წყალგამყოფი ქედის მიმართულებით კავკასიონამდე⁴².

⁴¹ „საქ. ცხოვრება“, გვ. 151. ვახუშტი ფაქტიურად სცდება, როდესაც ერთი საერისთვის ცენტრალ შტორის ასახელებს. ნამდვილად არსებობდა „ტურის ერისთავი“ (იხ. ანას. ქ^აცა, 185), და არა შტორისა. „ტურის ციხე“ დღესაც არის გაღმამხარში, ალაზნის პირას. მდ. ჩელთან შესართავს ქვემოთ. ციხე-სიმაგრის ნანგრევები მოხილულ იქნა 1964 წ-ის 9.IV ისტორიის ინსტიტუტის უფრ. მეცნ. თანამშრომლის კ. მელითაურის, ფოტოგრაფ მ. კოზლოვსკის და ჩემ მიერ.

⁴² შდ. ნ. ლომოური, იბერიის (ქართლის) სამეფოს საზღვრების საკითხისათვის ანტიკურ პერიოდში, 8—9. ამგვარად, ჩვენ მიერ პერეთის, როგორც ქართლის (ივერიის) აღმოსავლეთით მდებარე ქვეყნის, წარმოდგენა ემყარება ლეონტი მროველისა და ვახუშტის ცნობებს, ამასთან დაკავშირებით აუცილებლად

ახლა გადავიდეთ კახეთ-კუხეთის დანარჩენი საზღვრების განსაზღვრაზე. გადამწყვეტი მნიშვნელობა ამ ორი ერთეულის გამიჯვნისათვის აქვს „კახეთის მთის“ ლოკალიზაციას.

ვახუშტის მიხედვით: „მთა. რომელი გამოხდების ფშავ-ლილვის საშორისის კავკასილამ და გამოვლის მახვილის კვესა და ფშავს შორის, კვალად ერწო-თიანეთსა და ირტო-საყდრიონს შორის, და ქალეთის ბოლომდე მდებარებს ჩრდილოდამ სამკრით, მერმე წარმოვალს და მივალს მალარო-ხორნაბუჯამდე, აღმოსავლეთ-სამკრეთს შუა მდებარებს და უძეს აღმოსავლით შიგნით-კახეთი, სამკრით ქიზიყი, დასავლით გარეთ-კახეთი და ერწო-თიანეთი. და ერწოდები მთასა ამას კავკასის კერძოსაკენ მთა კახეთისა, მერმე გონბორი, შუა მთა და ცივი“⁴³. ცივის მთა იგივე ჰერეთის მთა ყოფილა⁴⁴.

ამგვარად, ექვსგარეშეა, რომ კახეთის მთა არის დღევანდელი კახეთის ქედი გომბორამდე. სწორედ ასე აქვს ნაჩვენები 1923 წ. გამოცემულ რუკაზე ივ. ჯავახიშვილს.

ცხადია, „კახეთის მთა“, თუკი ასეთ ლოკალიზაციას გავიზიარებთ, შეიძლება ყოფილიყო კახეთისათვის მხოლოდ დასავლეთის საზღვარი და სწორედ ასე უჩვენებს ვახუშტი (იხ. ზემოთ) მაგრამ აქ ცხად შეუსაბამობასთანა გვაქვს საქმე: ასეთ შემთხვევაში ერწო-თიანეთი, ფშავ-ხევსურეთი (ძველი ფხოვი), რომელთაც ვახუშტი

გვეჩვენება გავიხსენოთ იაკობ ცურტაველის სათანადო მონაცემები, რომელთა საფუძველზე ივ. ჯავახიშვილმა ჰერეთს სხვაგვარი ლოკალიზაცია მისცა. განსვენებული მეცნიერი წერდა: „იაკობის მიერ დაწერილი თხზულებიდან ჩანს, რომ „ჰერეთი“ აღმოსავლეთ საქართველოს, ქართლის ანუ იბერიის სამეფოს უციდურესი სამხრეთი თემი იყო. სამხრეთიდან საქართველოში მომავალი პირველად სწორედ ჰერეთს მიადგებოდა“ (ქართ. ერის ისტ. წ. I, 1951 წ., გვ. 208). „იაკობ ხუცესის ცნობიდან მაინცდამაინც აუცილებლად მტკიცდება, რომ „ეთნოგრაფიული ჰერეთი“ აღმოსავლეთი საქართველოს სწორედ მტკვრის სამხრეთით მდებარე, უციდურესი სამხრეთის თემი იყო“ (იქვე, გვ. 209). იაკობ ხუცესის ნაწარმოებში ჩვენ ასეთი კატეგორიული მსჯელობისათვის საფუძველს ვერა ვხედავთ: 1) სამხრეთიდან მომავალი კაცი ჰერეთის ერთ ნაწილს მოადგებოდა და სადამდე ვრცელდებოდა მთელი, თუნდაც მხოლოდ „ეთნოგრაფიული ჰერეთი“, მაგ.: ჩრდილოეთისაკენ, ჩვენ აქედან ვერაფერს ვავიგებთ; 2) სრულიად აუცილებელი არაა ვარსკენი თავის სამფლობელოში სამხრეთიდან შემოსულიყო და არა, მაგალითად, აღმოსავლეთიდან, რადგან ერანიდან ქართლში მომავალი „გზასა რანისასა“ მოდიოდნენ (ანას ქცა, გვ. 127, 148); მითუმეტეს ვარსკენი ქცაში „რანის ერისთავად“ იხსენიება. ხოლო ვარსკენის სამფლობელო, რომ მტკვრის ჩრდილოეთითაც ვრცელდებოდა, ეს კარგად ჩანს „შეშანიკის მარტვილობის“ სომხური ვარიანტიდან (იხ. იაკობ ცურტაველი, მარტვილობაი შეშანიკისი, ილია აბულაძის გამოც. 1938 წ. გვ. 22—შიშანიობის დროს ვარსკენის შეილები თავშეაფარად მიჰყავთ მტკვარ-ვალმა ციხე-სიმაგრეში).

⁴³ ვ ა ხ უ შ ტ ი, აღწერა..., გვ. 87.

⁴⁴ იქვე, გვ. 97, 101.

სრულიად სამართლიანად კახეთში შემავალ მხარეებად თვლის, კახეთის საზღვრებს გარეთ რჩება, და უნდა ვიგულისხმოთ კუხეთში შემავალად, რადგან კუხეთის აღმოსავლეთ საზღვრად სწორედ ეს „კახეთის მთა“ მის მიერვე დასახელებული. მაგრამ კუხეთიდან ვახუშტი სრულიად გამორიცხავს, და ამასაც სახსრებით სამართლიანად ივრის ხეობის ზემო წელს.

ივრის ხეობის ზემო წელი რომ თავდაპირველი საცხოვრისია კახელებისა, ეს იქიდანაც ჩანს, რომ სწორედ ამ ტერიტორიის მოსახლეობას უწოდებენ დღევანდელი ფშავეები კახებს, კახელების აგან განსხვავებით. კახელებს ისინი უწოდებენ დღევანდელ შიგნიკახელებს. კახების ასეთი ლოკალიზაცია სხვა მხრივაც მოწმდება, კერძოდ, სოფ. ქიოტანთქარის პახლობლად (სოფ. საყარაულოს პირდაპირ), ივრის მარცხენა ფერდობზე მცირე ზომის დანგრეული, უსახური ეკლესია დგას, რომელსაც „კახების ხატს“ უწოდებენ — ცხადია, აქ ჩამოსახლებული ფშავეები.


ვახუშტის აქ აშკარად აკლია სიზუსტე: „კახეთის მთა“, რომელიც მან ახლახან კუხეთის აღმოსავლეთ საზღვრად დასახა, ორი სტრიქონით ქვემოთ იმავე კუხეთის ჩრდილოეთ საზღვრადაც გამოჰყავს⁴⁵, ეს კი სრულიად გამორიცხულია მის მიერვე კუხეთის მხარეთა მიხედვით ლოკალიზაციიდან⁴⁶. ეს უკანასკნელი გარემოება თითქოს იმაზე უნდა მიუთითებდეს, რომ მიუხედავად „კახეთის მთის“ კონკრეტული განსაზღვრისა, ვახუშტი უნებლიედ ამ სახელწოდებით სხვა რომელიმე მთასაც ნათლავს. ასეთი დასკვნა გამომდინარეობს აგრეთვე ვახუშტის შემდეგი სიტყვებიდან: ლაპარაკობს რა კახეთზე, იგი ამბობს: საზღვრავსო „დასავლით მთა კახეთისა, რომელსა განჰკვეთს, ერწო-თიანეთს, იორის მდინარე“. თუ ტექსტი შერყენილი არ არის და სწორად გვესმის, ეს უნდა ნიშნავდეს, რომ ერწო-თიანეთზე გავლისას იორი ორად ჰყოფს კახეთის მთას. თუ ეს სწორია, მაშინ აშკარაა, ამ შემთხვევაში ვახუშტის „კახეთის მთა“ უდრის ქედების სისტემას, წარმოდგენილს დღევანდელი კახეთის, ქართლის და, ეგებ, იალნოს ქედითაც. შესაძლებელია მართლა ასე იყო, მაგრამ ეს საქმეს არ შეეღობა.

ყოველ შემთხვევაში, ერთი რამ ცხადია: ვახუშტის მიხედვით კახეთის მთის ლოკალიზაცია ჭირს.

დავუბრუნდეთ კვლავ ლეონტი მროველს. მაგრამ ვიდრე თვით მის ტექსტს განვიხილავდეთ, მოვიგონოთ ივ. ჯავახიშვილისეული რედაქცია ამ ადგილისა: „კუხოსს მისცა ბოსტან-ქალაქი, რომელსა

⁴⁵ იქვე, გვ. 86.

⁴⁶ იხ. აქვე, ზემოთ, გვ. 11.



აწ ჰრქვან რუსთავი, მისცა არაგვითგან ვიდრე თავადმდე მთისა კახეთისასა, <ალაზნისა> და მტკუარს შუა; ხოლო კახოსს მისცა კავკასიასა და კახეთის მთას შორის, მცირისა ალაზნისა შესართავი დგან ვიდრე ტყე-ტბამდე, რომელ არს სამზღუარი ჰერეთისა“⁴⁷. თავის რედაქციას განსვენებული მეცნიერი ასეთ განმარტებას აძლევს: „რომ „და მტკუარს შუას“ წინ რაღაც აკლია, ამას ნათლად ამტკიცებს კავშირი „და“ და თანდებული „შუა“, იმიტომ რომ უიმისოდ არა ჩანს, რისა და „მტკუარს შუა“. რაკი აზრისდაგვარად ყველაზე უფრო ბუნებრივი იყო, ჩვენ „ალაზნისა“ ჩავუმატეთ. კახოსის სამფლობელოს განსაზღვრა რომ შევასწორეთ და ნაცვლად გამოთქმისა „არაგვითგან ვიდრე ტყე-ტბამდე“ დავწერეთ „მცირისა ალაზნისა შესართავითგან ვიდრე ტყე-ტბამდე“, ესკი აუცილებლად იყო საჭირო იმიტომ, რომ ამ განსაზღვრას მისდევეს განმარტება „რომელ არს საზღუარი ჰერეთისაო“, ხოლო ჩვენ უკვე ვიცით, რომ ჰერეთის სამზღვარი მცირე ალაზანი და ტყე-ტბა იყო და არა არაგვი და ტყე-ტბა“⁴⁸.

დავიწყეთ ბოლოდან. აუ მოვიგონებთ ლ. მროველის ხემაღნიშნულ სპეციფიურობას ქვეყნების საზღვართა ლოკალიზაციას დროს, მაშინ ცხადი შეიქნება, რომ საფუძველი „არაგვის“ შეცვლისა „მც. ალაზნის შესართავით“, აღარ გვექნება. საქმე ისაა, რომ ლ. მროველმა ტყეებისა და ივრის შესართავის დასახელებით ის ორი პუნქტი კი არ აღნიშნა, რომელთა შემაერთებელი სწორი იქნებოდა ჰერეთის საზღვარი, არამედ ორი მოპირდაპირე საზღვრის ორიენტირი; და ამგვარად განმარტება: „რომელ არს საზღუარი ჰერეთისა“ ეხება მხოლოდ ტყეებას, ხოლო არაგვი აღნიშნავს ტყეების მოპირდაპირე საზღვარს კახეთისას (ლ. მროველი არასოდეს არ ღალატობს თავის პრინციპებს!). ამგვარად არაგვი—ტყეება აღნიშნავს კახეთის დასავლეთისა და აღმოსავლეთის (ზუსტად ჩრდილო-დასავლეთისა და სამხრეთ აღმოსავლეთის) საზღვრებს. დაგვრჩა ჩრდილოეთისა და სამხრეთის საზღვრები: ჩრდილო საზღვარი—„კავკასიაა“; სამხრეთი—„კახეთის მთა“. აქედანაც სრულიად აშკარაა, რომ ლ. მროველის „კახეთის მთა“ არ უდრის ვახუშტის მიერ ლოკალიზებულ „კახეთის მთას“.

ივ. ჯავახიშვილის მიერ კუხოსის წილის შესახები ტექსტის აღდგენაც არ უნდა იყოს თითქოს სწორი.

ცხადია, საზღვართა ორიენტირებში ერთ-ერთი კომპონენტი აკლია; დასახელებულია მხოლოდ სამი: არაგვი (შეცდომით—ეგრი),

⁴⁷ ქართ. ერის ისტ., წ. I—II, 1913, გვ. 298. ხაზგასმულია ჩვენ მიერ ივ. ჯავახიშვილის ჩამატებული სიტყვები.

⁴⁸ იქვე, გვ. 299.



კახეთის მთა და მტკვარი. საძიებელია, მაშასადამე, მეოთხე ორიენტირი. განსვენებული მეცნიერი საამისოდ ალაზანს ასახელებდა.

არაგვი კუხეთისათვის, ცხადია, იქნებოდა დასავლეთი (ზუსტად ჩრდილო-დასავლეთი) საზღვარი; მტკვარი—სამხრეთი; ყოველ ექვს გარეშეა, რომ კუხეთის აღმოსავლეთ საზღვრად „კახეთის მთას“ ვერ დავდებთ, თუნდაც იმიტომ, რომ აქეთა საზღვარი კუხეთისა გაშლილია (თუ ე. წ. გარეჯის დაბალ ზეგანს არ ჩავთვლით); ე. ი. კახეთის მთისთვის რჩება კუხეთის ჩრდილო საზღვარი (შდ. ზემოთ ვახუშტს, რომელიც ერთ შემთხვევაში სწორედ ასე იქცევა); უკვე ამიტომ, თუ გავითვალისწინებთ ლ. მროველის აღნიშნულ მეთოდოლოგიურ თავისებურებას, რომ იგი მოპირდაპირე მხარეების ორიენტირებს ყოველთვის წყვილად ასახელებს, უკვე ამიტომ კახეთის მთის, როგორც კუხეთის საზღვრის, დაკავშირება არაგვთან არ მიგვაჩნია სწორად.

ეს რომ ასეა, ამას სრულიად სხვა ხასიათის მოსაზრებები ადასტურებენ: საქმე ისაა, რომ ძველი ქართული სინტაქსისათვის (ისევე, როგორც თანამედროვე ენისთვისაც) შეუწყნარებელი ჩანს იმგვარი შეთანხმება მსაზღვრელ-საზღვრულისა, როგორც ეს ივ. ჯავახიშვილის მიხედვით უნდა გვევარაუდა. ასეთი აღდგენით მივიღეთ: „არაგვითგან ვ ი დ რ ე თ ა ვ ა დ მ დ ე მ თ ა ს ა კ ა ხ ე თ ი ს ა ს ა“. წესით უნდა ყოფილიყო: „თავადმდე მთისა კახეთისასა“⁴⁹.

ამგვარად, ცხადია, „კახეთის მთა“ მეორე წყვილის კომპონენტი: „მთასა კახეთისასა და მტკუარს შუა“. აქედან კი ცხადია, რომ ლეონტი მროველისათვის „კახეთის მთა“ კუხეთის ჩრდილოეთ საზღვარს შეადგენს.

ამის შემდეგ თუ დავხედავთ რუკას და ამასთან თუ მოვიგონებთ ვახუშტის მიერ ჩამოთვლილ კახეთისა და კუხეთის შემადგენელ „ქვეყნებს“, ცხადი უნდა გახდეს, რომ მთა, რომელიც წარმოადგენს კახეთის სამხრეთ და, შესაბამისად, კუხეთის ჩრდილოეთ საზღვარს, შეიძლება იყოს მხოლოდ იალნოს ქედი ანუ ვახუშტის ტერმინოლოგიით „კუხეთის ანუ აწ ზედაძნისა“ ანუ „იალონად წოდებულნი“ მთა“⁵⁰.

თუ ტექსტის ამგვარ გაგებას დავუჭერთ მხარს, მაშინ როგორც კუხეთის, ისე კახეთის დასავლეთ საზღვრად უნდა არაგვი მივიღოთ. აქაც, ჩვენი აზრით, არავითარ შეუსაბამობასთან არა გვაქვს საქმე.

49 ივ. ჯავახიშვილი, როგორც ზემოთ აღვნიშნე, ცხადია, სწორედ ასე აღადგენს: „თავადმდე მთისა კახეთისას“. მაგრამ არც მარიამისეულ ნუსხაში და არც კიკინაძის მიერ გამოცემულ „ქ-ც-ში“ სიტყვა მთა ნათესაობითში არა დგას, არამედ მიცემითშია!

50 „კახეთის მთა“ რომ იალნოს უნდა უდრიდეს, ჩემამდე ედ. ხოშტარიამ აღნიშნა.

ვახუშტით კუხეთშია, სხვათა შორის „ხერკი (დღ. საგურამო—დ. მ.) და თიანეთი, არაგვის კერძო ქინვანამდე“⁵¹. მაშასადამე, ქინვანამდე არაგვი კუხეთის დასავლეთი საზღვარია. ქინვანი ორი არაგვის შავი ანუ მთიულეთისა და თეთრი ანუ ფშავის არაგვის შესართავშია. მის ზემოთ იწყება უკვე ფშავი, „რომელსა შუაში უდის თეთრი არაგვი“⁵². ჩვენ არ შევცდებით თუ კახეთის საზღვრად დასავლეთისაკენ (ზუსტად ჩრდილო დასავლეთი) სწორედ ამ თეთრი არაგვის ხეობას დავდებთ; მაგრამ, რადგანაც კახეთში ფშავი მთლიანად იგულისხმება (იხ. ქვემოთ) ამიტომ, ცხადია, აქ ისეთივე შემთხვევა უნდა გვქონიყეს, ზემოთ შტორის ხეობის შესახებ რომ აღვნიშნეთ, სახელდობრ, მდინარის საზღვრად დადება ზოგჯერ გულისხმობს მის მთელ ბასეინს. ე. ი. აქაც კახეთის საზღვრად თეთრი და შავი არაგვის წყალგამყოფი ქედი უნდა ვიგულისხმოთ.

დაუდგენელი გვრჩება კუხეთის აღმოსავლეთი საზღვარი, რომელიც, როგორც ზემოთ ქართლ-ჰერეთის საზღვრის შესახებ ლაპარაკისას აღვნიშნეთ, ჩადივარ-სამგორისა და გარეჯის მთის შუა უნდა გასულიყო. მისი უფრო ზუსტად ლოკალიზაციისათვის არც ლეონტი მროველის ტექსტის ნაწყვეტი გვშველის: „ხოლო კუხოსს... მისცა არაგვითგან ვიდრე თავადმდე...“ რის თავამდე ანუ დასაწყისამდე ან ეგების [შესართავამდე, ჩვენთვის დაუდგენელია აქ „თავადმდე“ თავიდან სრულგებობაც არა ყოფილა და ლეონტი მროველის თავდაპირველი ტექსტი ასეთი იყო: „ხოლო კუხოსს მისცა ბოსტან-ქალაქი, რომელსა აწ ჰქუიან რუსთავი, მისცა არაგვითგან ვიდრე ჰერეთამდე, მთასა კახეთისასა და მტკუარს შუა; ხოლო კახოსს მისცა კავკასიასა და კახეთისა მთას შორის [თეთრი] არაგვიდგან ვიდრე ტყე-ტბამდე, რომელი არს საზღუარი ჰერეთისა“⁵⁴. ასეთ აღ-

51 „საქ. ცხოვრება“, გვ. 151; ხერკისა და თიანეთის ამ ნაწილის ლოკალიზაცია, იხ. აღწერა..., გვ. 91 და 94.

52 ვ ა ხ უ შ ტ ი, აღწ. სამეფ. საქ., გვ. 92.

53 არა გვეგონია აქ ივრის შესართავი იგულისხმებოდეს.

54 უკანასკნელ ხანებში კახეთ-კუხეთ-ჰერეთის საზღვრებს შეეხო მ. ლორთქიფანიძე. მისი აზრით, ლ. მროველის ტექსტს კუხეთის საზღვრების შესახებ ასე უნდა გასწორდეს: „ხოლო კუხოსს მისცა ბოსტან-ქალაქი, რომელსა ჰქუიან რუსთავი, მისცა არაგვითგან ვიდრე თავადმდე მთასა კახეთისასა (იორსა) და მტკუარს შუა“. ჩვენი აზრით, ესეც არ უნდა იყოს სწორი, რადგან ლეონტი გარკვეულად მიუთითებს, რომ ჰერეთი არის „ქუეყანა მტკურისა ჩრდილოთ“ და ე. ი. მისი სამხრეთი საზღვარი არის მტკვარი და არა იორი, როგორც ამ შემთხვევაში გამოვიდოდა.

კახეთის მიმართ მ. ლორთქიფანიძეც ვახუშტს მიჰყვება, თუმცა იმეორებს მის შეცდომას „კახეთის მთის“ ლოკალიზაციის დროს. ამასთან, გაუგებარია, სადა აქვს ვახუშტს მითითება, რომლის მიხედვითაც „კახეთის მთის დასავლეთით მდებარე ერწოს და თიანეთს ის (ვახუშტი—დ. მ.) კუხეთში ათავსებს, ხოლო

დგენას გვავარაუდებინებს ის გარემოება, რომ მსგავსი გამიჯნვა თვით ლეონტისაც მოეპოვება: „მისცა ქართლოსს და უჩინა საზღუარი აღმოსავლით ჰერეთი (ხელნაწერში—ჰაერთა) და მდინარე ბერდუჯისი“ და სხვ⁵⁵.

კახეთს ჩრდილოეთიდან მოსდგამდა მთიანეთი, რომელსაც ქართული წყაროები უწოდებენ „მთეულეთს კახეთისასა“⁵⁶. საგულისხმოა რომ ლეონტი მროველი ამ მთიანეთს კახეთის ნაწილადა თვლის. ეს გამომდინარეობს, ჯერ ერთი, იქიდან, რომ იგი კახეთის ჩრდილო საზღვრად „კავკასს“ ანუ კავკასიონის ქედს სდებს და შენდევ, თვით ტერმინიდან—„მთეულეთი კახეთისა“ (რაც, თავის მხრივ, სხვა „მთეულეთსაც“, მაგ., ქართლის ან ჰერეთისას, გვავარაუდებინებს). ასევე იქცევა ვახუშტიც. თუ ვის მიათვლიან ქართული თუ სხვა წყაროები „მთეულთა კახეთისათა“⁵⁷, საამისო ცნობები ამოკრებილი აქვს ივ. ჯავახიშვილს. ესენი არიან: „ერწუთიანელნი“, „ყვარელნი“, „ფხოველნი“ ანუ „ფხოვნი“, „თოშნი“⁵⁸ და თუ ვახუშტს დავუჭერეთ „ძორძუქი და ლლიღვი“⁵⁹. შესაბამისად ჰერეთის მთიანეთში სავარაუდოდ არის: „დიდოეთი“, „ხუნზახი“, „შაკიხი“⁶⁰ და აგრეთვე „ნოპატელნი“⁶¹. რომ „ნოპატელნი“ კახეთის მთეულეებად არიან დასახელებულნი, ამან არ უნდა შეგვაცდინოს, რადგან „ნოპატო ეხლანდელს საინგილოში ყოფილა“⁶² და ე. ი. ზემომოტანილი ლოკალიზა-

კახეთის მთის აღმოსავლეთით მდებარე ერწოსა და თიანეთს—კახეთში“; ან საერთოდ სადაა ამგვარი ორი ერწო და ორა თიანეთი?! (იხ. მ. ლორთქიფანიძე, ფეოდალური საქართველოს პოლიტიკური გაერთიანების ისტორიიდან, მასალები საქ. და კავკ. ისტორიისთვის, ნაკ. 31, გვ. 21—22).

⁵⁵ ანასეული ქ^აცა, გვ. 2. შდ. აგრეთვე ჭიჭინაძის გამოც. ქ^აცა: „ზოლო კუხოსს მისცა ბოსტან-ქალაქი... მისცა არაგვითგან ვიდრე ჰერეთამდე, თავადმდე მთასა კახეთისასა და მტუქარს შუა“. გვ. 22. შდ., აგრეთვე ფარნავაზის დროინდელი კახეთის საერისთავოს განსაზღვრა. იხ. აქვე, გვ. 31; ქ^აცა, გვ. 17. ლეონტი მროველთან განუსაზღვრელი რჩება კახეთის დასავლეთი და შესაბამისად კუხეთის ჩრდ.—აღმოსავლეთი საზღვარი, რითაც ეს ორი თემი გამოყოფილი უნდა ყოფილიყო ერთმანეთისაგან. თავისთავად ცხადია, რომ აქ იგულისხმება დღევანდელი ქართლის ქედი. ლეონტისთვის, როგორც ვიცით, არცაა აუცილებელი საზღვრების მთელი ზოლის თავიდან ბოლომდე ჩვენება, ისე რომ ასეთი გამოტოვება არ უნდა გვიკვირდეს. მაგრამ ასეა თუ ისე, ეს მაინც აღძრავს ეჭვს: ხომ არ გულისხმობს „კახეთის მთის“ ქვეშ ლეონტი, ვახუშტის მსგავსად, ქედების მთელ სისტემას (ქართლის, კახეთის, იალნო).

⁵⁶ ანას ქ^აცა, გვ. 142.

⁵⁷ იქვე, გვ. 140.

⁵⁸ ქართ. ერის ისტ., წ. I—II, გვ. 302.

⁵⁹ „საქ. ცხოვრება“, გვ. 151.

⁶⁰ იქვე.

⁶¹ ანას ქ^აცა, გვ. 140.

⁶² ივ. ჯავახიშვილი, იქვე, გვ. 302.

ციით—ჰერეთში. მათი „კახეთის მთეულებად“ წოდება (თუკი „ნოპოტელთა“ საინგილოში ლოკალიზაცია სწორია), შესაძლებელია გარკვეულ მოვლენასთან იყოს დაკავშირებული, რის შესახებაც ქვემოთ ვისაუბრებთ.

რომ ჰერების (ალვანელების) და ივერიელების პოლიტიკურა ძალაუფლება, მართლაც, ვრცელდებოდა ჩრდილოეთ კავკასიონის მთიანეთზე, ამას მატერიალური ძეგლებისა და ქართული წყაროების გარდა (იხ. ქვემოთ) სტრაბონიც მოწმობს: „В войнах с внешними врагами им (= албанам — დ. მ.) помогают кочевники, как и иберам“⁶³. აქ, ჩვენი აზრით, სწორედ ჩრდილოეთის მომთაბარენი უნდა იგულისხმებოდნენ.

ამგვარად, თუ ზემომოტანილი მოსაზრებები გასაზიარებელია, მაშინ მეტ-ნაკლებად დადგენილად უნდა ჩაითვალოს ერთი მხრივ, კახეთ-კუხეთის, ხოლო მეორე მხრივ, ქართლ-ჰერეთის (ივერია-ალვანეთის) საზღვრებიც. ჩვენთვის განსაკუთრებით უკანასკნელია საინტერესო. მაგრამ, ცხადია, ქრონოლოგიის გარეშე რაიმე ისტორიული მოვლენის დადგენას ნახევარი ფასი აქვს.

ჩვენ, რასაკვირველია, არა გვგონია, რომ ქართლ-ჰერეთის მთელი ეს სასაზღვრო საზღვრები უმეტესად ერთდროულია. სრულიად ადვილი წარმოსადგენია, რომ იგი, ასე ვთქვათ, რამდენიმე ქრონოლოგიურ შრეს შეიცავდეს, თუმცა საამისო ცნობები არ უნდა იყოს; მიუხედავად ამისა მაინც აუცილებელია ეს საზღვარი მიახლოებით ჩავსვათ გარკვეულ ქრონოლოგიურ ჩარჩოში. ეს არც თუ ისე ძნელია⁶⁴.

ქვემოთ ვნახავთ, რომ ძველი და ახალი წელთაღრიცხვის მიჯნის ბერძენ-ლათინი მწერლები ივერიის აღმოსავლეთ საზღვარს გაცილებით უფრო აღმოსავლეთით სდებენ, ვიდრე ეს ლეონტი მროველსა აქვს ნაჩვენები. ამისდა მიხედვით ნაჩვენები საზღვარი ძ. წ. I ს-ზე უწინარესი უნდა იყოს. ლეონტი მროველის კონცეფციის თანახმად

⁶³ „География“, XI, 45, ВДИ, 1947, № 4, გვ. 220.

⁶⁴ ცხადია, ამ საკითხის მთელი სიგარძე-სიგანით განხილვა, რაც იგულისხმებდა საერთოდ მთელი ქართლის (და ეგრისისაც) საზღვრების განხილვას, საკმაოდ რთული ამბავია და ჩვენ მიერ აღმოსავლეთი საზღვრის ასე იზოლირებულად აღება, ეგებ, არც იყოს გამართლებული. მაგრამ ეს საკითხი (მროველის საზღვრების განხილვა) ცალკე შესწავლის საგანია, ხოლო ჩვენ მხოლოდ მიახლოებით, ასე ვთქვათ, გამოსავალ წერტილს აღვნიშნავთ. აქ დავკმაყოფილდებით აგრეთვე იმ მითითებით, რომ ქართლის სხვა საზღვრებიც (სამხრეთი, დასავლეთი) ჩვენი ავტორის მიერ ნაჩვენები, სტრაბონის უწინარესია, თუმცა არც მაინცდამაინც დიდი ხნით (იხ. ს. ჯანაშია, შრ., II ტ., იბერიის (ქართლის) სამეფოს პოლიტიკურა გეოგრაფიისათვის უძველეს პერიოდში).

მის მიერ შემოსაზღვრული ქართლი მაინცდამაინც ფარნავაზის უწინარეს ხანას ეკუთვნის, ხოლო თვით ფარნავაზის მოღვაწეობის ხანა d. წ. IV—III სს-ის მიჯნას. მომხდარი იყო თუ არა ჩვენთვის საინტერესო საზღვარზე რაიმე ცვლილება ფარნავაზის გამეფებისას ეს დანამდვილებით არ ჩანს; მის მიერ დადგენილ ერისთავებს იგივე საზღვრები ზედათ წილად, რაც ძველად (გარდაბანი, გაჩიანი), თუმცა კახეთ-კუხეთის მიმართ ამას ვერ ვიტყვით, მით უმეტეს რომ კუხეთი ფარნავაზის დროს არც კია გამოყოფილი ცალკე ერთეულად. არამედ კახეთში იგულისხმება: „და გაგზავნა ერთი კახეთისა ერისთავად, მისცა არაგვითგან ვიდრე ჰერეთამდე, რომელ არს კახეთი“⁶⁵. ცვლილებაა მომხდარი ქართლის დასავლეთ საზღვარზე (მარგუის საერისთავო). გადაჭრით, რასაკვირველია, ამის თქმა შეუძლებელია, მაგრამ ჩვენ გვგონია, რომ არც მაინცდამაინც შევცდებით თუ ქართლ-ჰერეთის ზემონაჩვენებ სასაზღვრო ხაზს სწორედ ფარნავაზის ხანას და ე. ი. d. წ. IV-ის ბოლოს მივაკუთვნებთ⁶⁶.

ზემოთქმულის მიხედვით შეიძლება ითქვას, რომ ქართული წყაროებისა (ლეონტი მროველი, ვახუშტი) და ეთნოგრაფიული მონაცემების მიხედვით („კახების“ ლოკალიზაცია) თავდაპირველი კახეთი მოიცავს ივრის ხეობის აუზს, მის ზემო წელს (დაახლ. უჯარმამდე), დღევანდელ შიგნი კახეთის ნაწილს (ალაზან-თურდოს შორისი) და ჩრდილოეთიდან მიმდებარე მთიანეთს („მთეულეთი კახეთისა“).

რაც შეეხება დღევანდელი კახეთის დიდ ნაწილს, ისევე როგორც საინგილოსა და ჩრდილო-დასავლეთ აზერბაიჯანს (ყოფილი შაქის ოლქი ანუ ნუხის მაზრა), ეს ქვეყანა, უძველესი დროიდან დასახლე-

⁶⁵ ანას ქ. ცა, გვ. 17.

⁶⁶ პ. ინგოროყვა თავის გამოკვლევაში ლ. მროველის შესახებ ეხება ქართლ-ჰერეთის საზღვარს. იგი წერს: ანტიკური წყაროებით ივერიელების ეთნოგრაფიული საზღვარი—კამბეჩიანზე გადიოდაო (ცხადია, აქ სტრაბონი იგულისხმება, დ. მ.). „ეს ეთნოგრაფიული საზღვარი არსებობდა ადრეულ საშუალო საუკუნეებშიც, ქრისტიანობის ეპოქაში“, კერძოდ, 4—7 სს („მოქც. ქართლისაჲ“ ავტორის აზრით VII ს-ა და იგულისხმება მისი ცნობა, რომ ბოდინი-ბოდბე კახეთშია—დ. მ.). ლეონტის მიხედვით ეს საზღვარი გაცილებით ჩრდილოეთითაა—გულგულა; ე. ი. არამც თუ კამბეჩიანი და ბოდბის მხარე, არამედ დიდი ნაწილი საკუთრივ კახეთისა—ჰერეთშია.

„რასაკვირველია არ არის საჭირო სიტყვის გაერცელება იმის შესახებ, რომ ლეონტის თხზულებაში ამ შემთხვევაში ნაჩვენებია პოლიტიკურ საზღვარი და არა ეთნოგრაფიული.

ხოლო როდის არსებობდა ასეთი პოლიტიკური საზღვრები ჰერეთისა? როგორც ირკვევა ასეთი მდგომარეობა იყო სწორედ მე-8 საუკუნის ნახევარში. ასე, მეფე არჩილის დროს, მე-8 საუკუნის შუა წლებში (744—759) ჰერეთის ბაგრატიონთა სამფლობელო ნაჩვენებია შაკიხიდან (ე. ი. ნუხიდან) დაწყებული „ვიდრე გულგულამდის“ (ენიშის მ-ზე, 1941, ტ. X, გვ. 123—124).

ბული ქართველთა მონათესავე ტომებით, შეადგენდა ქართული წყობის პერტის⁶⁷.

* * *

კახეთის უძველეს ცენტრად ქ-ის მიხედვით, გვევლინება ბერ-ი („ბერ ერქვა პირველ შენებულსა კახეთისასა“). ესაა უფრო გვიანდე-

ჩვენ გგონია, რომ არ უნდა იყოს ეს მსჯელობა სწორი, თუნდაც ლეონტი, მართლაც; VIII ს-ის მწერალე ყოფილიყო, რატომ უნდა წარმოვიდგინოთ, რომ იგი, რომელიც საერთო აღიარებით ფართო გაქანების მოაზროვნე იყო, თავისი თანადროული სინამდვილის იქით ვერაფერს გაითვალისწინებდა და რომ მთელი მისი ეთნოგეოგრაფიული კონცეფცია მხოლოდ და მხოლოდ VIII ს-ის მდგომარეობის ანარეკლი უნდა იყოს.

რაც შეეხება ივერიის პოლიტიკურ საზღვარს VIII ს-ში: პერტის ბაგრატიონები შაიხიდან—გულგულამდე სწორედ არჩილის „ბრძანებით“ დაემკვიდრნენ და ე. ი. პერეთი პოლიტიკურად ივერიაში, კერძოდ არჩილის სამფლობელოში შემოვიდა (იხ. ქვემოთ). მართალია ეს არაა ეთნოგრაფიული საზღვარი, მით უფრო არ არის ეს პოლიტიკური საზღვარი. საქმე ისაა, რომ ანონიმთან გულგულა კახეთ-პერეთის საზღვარია, ხოლო ლეონტისთან ქართლ-პერეთისა. სწორედ ეს მოწმობს, რომ ლეონტის ეთნო-გეოგრაფიული კონცეფცია გაიღებოთ უფრო ძველ წყაროებზეა დამყარებული, ვიდრე ეს პ. ინგოროყვას ჰგონია:

67 ნ. ბერძენიშვილი, „მიმომხ“. III, 67. რამოდენიმე სიტყვა „პერეთის“ შესახებ. სამეცნიერო ლიტერატურაში ხშირია შემთხვევა ამ ტერმინის ხმარებისა „ალვანეთის“ შესატყვისად (იხ. მაგ.: ს. ჯანაშია, შრომები, ტ. I, გვ. 267; ა. შანიძე, ენიმკის მოამბე IV, გვ. 1, შენ. 1). მაგრამ, როგორც ცნობილია, ქართულ წყაროებში „პერეთს“ ვიწრო მნიშვნელობაც ჰქონდა. მინცდამაინც საგულისხმოა, რომ იაკობ ცურტაველი პერეთს მხოლოდ ასეთი ვიწრო მნიშვნელობით იცნობს; „ქ-ში“ კი, „ერეთის“ ზოგადი მნიშვნელობით, მთელი ალვანეთის აღსანიშნავად, ხმარება, ჩვენ მხოლოდ „მატიანე ქ-ა“-ს ტექსტში დავადასტურეთ (ანას ქ-ე, გვ. 161, 162). რაც შეეხება ლეონტი მროველსა და ჯუნანურს, მათ რამდენადაც ვიცით, „პერეთი“ ასეთი ზოგადი მნიშვნელობით ნახმარი არა აქვთ (იხ. იქვე, გვ. 2, 40, 41, 82, 86, 143). როგორც ჩანს, „პერეთის“ ხმარება „ალვანეთის“ შესატყვისად IX—X ს-ზე ადრე დადასტურებული არ არის (იხ. „მარტ. შუშანიკისი“, ილ. აბულაძის გამოც. გამოკვლევის 056—057 გვერდები). ილ. აბულაძე აღნიშნავს: პერეთი „როგორც ჩანს, X ს-ის ახლოს ალვანეთის ზოგადი სახელწოდება ყოფილა“. IX ს-ში არსენ საფარელი თავის თხზულებაში „განყოფისათვის ქართლისა და სომხეთისა“ იხსენიებს პერთა კათალიკოსს—ალვანთა კათალიკოსის მნიშვნელობით (იხ. ქრონიკები, I, გვ. 319, 321). ამიტომ ქვემოთ ჩვენ ყველგან „პერეთს“ ვხმარობთ ვიწრო მნიშვნელობით ქართლის აღმოსავლეთიდან მომიჯნავე მხარის აღსანიშნავად, რომელიც თავდაპირველად ალვანეთის პოლიტიკურ გაერთიანებაში შედიოდა და რომელიც „უძველეს დროდან... დასახლებული იყო ქართველთა მონათესავე ტომებით“ (ნ. ბერძენიშვილი, „მიმომხ...“, III, 67). ქართველები რომ „ალვანელებსაც“ იცნობდნენ ესეც უდავოა. ეს ჩანს, ლევანდელი ტოპონიმიკიდან (სოფ. ალვანი; ვახუშტის ალონის ველზე) და ის-



ლი ჩელეთი⁶⁸. აღსანიშნავია აგრეთვე, რომ ლეონტი მროველისეულ დედაციხეს, რომელიც ქართლოსის ცოლმა აღაშენა⁶⁹. ვახუშტი იგივე ბოჭორმად თვლის: „ხოლო ბოჭორმა აღაშენა ცოლმან ქართლოსისამან და უწოდა დედა-ციხე“⁷⁰.

თუ ვახუშტის კვალად, დედაციხეს და ბოჭორმას გავაიგივებთ, მაშინ ერთგვარი საშუალება გვქვია ბერ-ჩელეთის დაახლოებითი ლოკალიზაციისა. ქ^რე-ში ვკითხულობთ: „ამან კახოს აღაშენა ჩელეთი და, კუხოს შეეწია შენებასა ჩელეთისასა, რამეთუ დედა-ციხე კახოსის ხვედრი იყო, და მისცა კახოს შეწევნისათვის და შეეწია შენებასა ჩელეთისასა, რომელსა ბერ ერქვა, პირველ შენებულსა კახეთისასა“⁷¹. ჩვენთვის ძნელია თქმა იმისა, თუ რა რეალურ-ისტორიული ამბის გამოხატულებაა ეს გადმოცემა, მაგრამ აქედან ის კი ცხადია, რომ თუკი დედაციხე—ბოჭორმა კუხეთს პრეგებია (უნდა ვიგულისხმობთ, რასაკვირველია, ივრის ხეობითურთ: კუხეთის საზღვრიდან ანუ იაღნოს მთიდან ვიდრე ბოჭორმამდე) ბერ ანუ ჩელეთი ბოჭორმის ჩრდილოეთით უნდა ყოფილიყო, სავარაუდოა, იმავე ივრის ხეობაში. ვახუშტი ვარაუდობს, რომ ეს უნდა ყოფილიყო გვიანდელი ქალეთი. იგი წერს: ქალეთსო „ვეგონებთ ამას ჩელეთად, რომელი აღაშენა, კახოს ქალაქი, რომელსა პირველ ბერ ერქვა“⁷². და სადაც „შემდგომად გორგასალ აღაშენა ეკლესია კეთილ-შეენიერი, გუნბათიანი და დასვა ეპისკოპოზი, მწყემსი ერწო-თიანეთისა ფშავ-ჭევე-

ტორიული ტოპონიმიკიდანაც: ბარდავს მიმავალი დავით აღმაშენებელი „აღაშენა სანაჟარსა გაცურდა ყივჩაყთა“ (ქ^რე, 216; ხომ არაა ეს მოსე კლანკატუელის **საღისინ**—აღვანთა მეფეების საზღვრულ რეზიდენცია, იხ. **საოთხიქსინ საღისაჲსე სეჟარსინ**, 1913 წ. გვ. 97—8, 348; ან პტოლემეოსის **ალბანია**, XI², **ВДИ**, 1948, № 2, გვ. 252; ან სომხური ანონიმური გეოგრაფის **საღის**, რომელიც სწორედ უტის ოლქშია (იხ. პატკანოვის გამოცემა, გვ. 20; თარგმანის 51). აღვანელებს იცნობს აგრეთვე „ქელმწ. კარის გარეგება“: დავით აღმაშენებელს „მაშინ ორნი ოსთა მეფენი და კახთა მეფე და აღვანთა მეფე, წანართა მეფე, სამნი ტაოელთა მეფენი და სომეხი მეფე და ტრაპიზონელნი და შარვან-შაჰენნი, ესენი ჩაესხნეს ნაჰარმაგვეს“ (20²⁰¹-1).

„აღვანებს“ იცნობს ერთი ქართული „საკითხავი“, რომელიც ავთანგელოსის თხზულების თარგმანს წარმოადგენს (ქრონიკები 1, გვ. 22). იგი „ჩართულია... ერთს ხუცურს ხელნაწერში..., რომელიც დაწერილია XI საუკუნის ხელით დავით აღმაშენებლისათვის“ (იქვე, გვ. 19, შენიშვნა).

⁶⁸ ანას ქ^რე, გვ. 5.

⁶⁹ იქვე.

⁷⁰ ვახუშტი, აღწერა სამეფ. საქ., გვ. 90.

⁷¹ ჰიქინაძის გამოც., გვ. 22.

⁷² ვახუშტი. აღწერა სამეფ. საქ., გვ. 91.

სურისა და კერკისა⁷³. მაგრამ ვახუშტი არაა დარწმუნებული თა-
ვის ასეთ განსაზღვრაში, რადგან იქვე ამბობს: თიანეთშიო „თეთრის
არაგვის მკვერეტად არს ხარჭაშოს ეკლესია გუნბათიანი, კეთილშენი,
ზის ეპისკოპოზი, მწყემსი ერწო-თიანეთისა, ფშავ-კეგსურისა და თუ-
შეთისა, რამეთუ შემუსრვასა ჩელეთისასა მოსცვალეს ანუ ეს არს
ჩელეთი“.

ხარჭაშო ახლაცაა სოფელი ივრის მარცხენა შენაკადის ვერხვე-
ლის და ფშავის ანუ თეთრი არაგვის წყალგამყოფზე, ფაქტიურად
არაგვის ხეობაში, ჟინვალიდან ჩრდილო-აღმოსავლეთის მიმართუ-
ლებით დაახლ. 10 კმ-ის მანძილზე. ქალეთის ლოკალიზაცია ცდეს
უკვე ხერხდება⁷⁴. ქალეთი მდებარეობდა სოფ. საყარაულოს პირის-
პირ, ივრის მარცხენა ნაპირზე, სოფ. ჭიოტაანთ-კარის აღმოსავლეთ-
ით ამართული, ტყით დაფარული მცირე მთის თავზე. ამ ადგილს ეხ-
ლაც ქალეთს ეძახიან (ფშაური გამოთქმით—ქალეთი), იგი უნახავს
და აუწერია კიდეც პ. უჯაროვას⁷⁵. სამიოდე კმ-ით სამხრეთისაკენ
სოფ. სიონთან, სიონშენის ტერიტორიაზე, არის ძველი ეკლესია,
საკმაოდ დანგრეული. რომელსაც ადგილობრივი მოსახლეობა სიონს
უწოდებს⁷⁶ (სოფელმაც სწორედ მისგან მიიღო სახელი). უკვე ასეთი
სახელწოდება (სიონი) უნდა მოწმობდეს, რომ აქ ოდესღაც საეპის-
კოპოსო კათედრა ყოფილა⁷⁷.

ქალეთის სასარგებლოდ ლაპარაკობს თითქოს ქ-ც-ა ნინოს ქა-
დაგებასთან დაკავშირებით. მთიელების მოსაქცევად წობენს დამდ-
გარი წმ. ნინო თავის თანხლებიანად „გარდამოვიდეს მუნით და
დადგეს ქალეთს, და უქადაგეს ერწო-თიანელთა“⁷⁸. ის პუნქტები.

⁷³ ვახუშტი, აღწერა სამეფ. საქ.

⁷⁴ ეს შესაძლებელი გახდა ივრის ხეობის ისტ.-არქეოლოგიური ექსპედიციის
დაზვერვითი მუშაობის შედეგად 1951 წ., რომელსაც ხელმძღვანელობდა აკად. ნ.
ბერძენიშვილი.

⁷⁵ იხ. МАК, т. X, გვ. 4—5.

⁷⁶ სიონის ტაძრის დთარიღების შესახებ ორი აზრი არსებობს. არის მოსაზ-
რება, რომელიც გავიზიარა არქიტექტორმა ი. ციციშვილმა, რომ ტაძარი (ძირა-
თადი ნაგებობა) წარმოადგენს V ს-ის ძეგლს და ამდენად მისი აგება შესაძლებე-
ლია, მართლაც, ვახტანგ გორგასალს მიეწეროს, რაზედაც ვახუშტი მიგვიითიუბს
(იხ. ზემოთ). მაგრამ სხვების აზრით სიონის ტაძარი უფრო გვიანდელია. მაგალი-
თად, ბ. შმერლინგი წერს: „Исходя из характера архитектуры и деко-
ративного убора храма Сиони в р-не Эрцо, время его возведения связы-
вается с зодчеством VIII-IX вв. (ქართული ხელოვნების ისტორიის ინსტი-
ტუტის VIII სამეცნ. სესია, 1954 წ., 14—15 მაისი. მუშაობის გეგმა და მო-
ხსენებათა თეზისები), შდ. Г. И. Чубинашвили, Архитектура Кахетии,
1959, 132—133.“

⁷⁷ ეს შეგვენიშნა ნ. ბერძენიშვილმა.

⁷⁸ ანას ქ-ცა, 80.

საცა ნინო ჩერდება (წობენი, ქალეთი და სხვ.) საგულისხმოა, როგორც იმდროინდელი კულტურული და პოლიტიკური ცენტრები.

„მოქც. ქართლისაჲ“ განსხვავებულ საკითხავს იძლევა: წმ. ნინო წობენიდან „გარდავიდა ერწოდ და დადგა ქალეთს. დაბასა ედემს“. ქალეთი რომ ერწოში არ უნდა იგულისხმებოდეს ეს აღნიშნა ივ. ჯავახიშვილმა⁷⁹. აქედან ისე გამოდის რომ ქალეთი ერთი პუნქტი კი არა, არამედ მთელი მხარეა⁸⁰.

მაგრამ სრულიად საწინააღმდეგო საკითხავს იძლევა ქელიშის ნუსხა. წმ. ნინო და მასთან მყოფნი „წარვიდეს ერწოდ და დადგეს ედომს დაბასა ქალეთს“⁸¹. უპირატესობა შესაძლებელია ერთ-ერთ ვარიანტს მივცეთ, მაგრამ მაინც სიფრთხილისა გამო მიგვაჩნია, რომ ჯერჯერობით ქალეთის გაიგივება ჩელეთთან და ბერთან მაინც ნაადრევია და ამიტომ ეს საკითხი ღიად უნდა დარჩეს⁸².

ამგვარად, დაკვამყოფილდეთ იმის კონსტატაციას, რომ უძველეს პოლიტიკურ ცენტრებად კახეთისა გვევლინებიან ბერ ანუ ჩელეთი და (ვახუშტით) დედაციხე ანუ ბოჭორმა (არაა აუცილებელი მათი ასეთი ფუნქცია ერთდროულად ვივარაუდოთ). ესენი უნდა ყოფილიყვნენ ის „კახეთისა ქალაქნი“, ალექსანდრე მაკედონელმა რომ „პოვნა“ ქართლში შემოსვლისას⁸³.

ფარნავაზის დროს, რომელსაც ლეონტი მროველი ქართლის სამეფოს ადმინისტრაციულად მოწყობას აწერს, კახეთი ერთ-ერთ საერისთავოდ წარმოიდგინება. მან „გაგზავნა ერთი კახეთისა ერისთავად, მისცა არაგვითგან ვიდრე ჰერეთამდე, რომელ არს კახეთი“⁸⁴. საინტერესო აქ ის არის, რომ კახეთის საერისთავოს ფარგლებში აქ კუხეთიც უნდა იგულისხმებოდეს. ამგვარი მოვლენა არაერთხელ შეგვხვდება ქვემოთ.

ამგვარად, ისტორიული ტრადიციის თანახმად, კახეთი კუხეთთან ერთად ქართლის სახელმწიფოს შექმნისთანავე ორგანულ ნაწილად

⁷⁹ ქართ. ერის ისტ., წ. I—II, 306. თუმცა ვახუშტს ქალეთი მაინცდამაინც ერწოსათვის მიძღვნილ პარაგრაფში აქვს მოთავსებული. იხ. აღწერა სამეფ. საქ., 91.

⁸⁰ ამის სასარგებლოდ ლაპარაკობს თითქოს ვახუშტიც თავის გეოგრაფიაში, როდესაც კახეთის შთას აღწერს, რომელიც „ქალეთის ბოლომდე მდებარებს ჩრდილოდამ სამჭრით“, იხ. იქვე, გვ. 87.

⁸¹ Опис..., 717.

⁸² ქალეთის სასარგებლოდ უნდა ლაპარაკობდეს მისი მდებარეობა ივრის ხეობაში, ე. ი. კახეთის გულში. ხარკაშო კი მაინცდამაინც კუხეთის საზღვარზეა. მაგრამ, მეორე მხრივ, ორივე სახელწოდების (ქალეთი, ჩელეთი) ძველადვე პარალელურად არსებობა ეკვს აღძრავს რომ ეს ორი სხვადასხვა პუნქტი უნდა იყოს.

⁸³ ანას. ქცა, 12.

⁸⁴ იქვე, 17.

შედის მასში ერთ-ერთი სამხედრო-ადმინისტრაციული ერთეულის სახით.

ქართული წყაროების მიხედვით უკვე ძალიან ადრე ჩანს სახელმწიფოს ხელისუფალთა საქმიანობა აღმოსავლეთის პერიფერიაზე. კერძოდ, უკვე მეოთხე ფარნავაზიანი ფარნაჯომი, რომლის ზეობის წლებსაც ვახუშტი ძ. წ. II—I ს-ების მიჯნაზე სდებს, იწყებს „შენებად კახეთს ქალაქსა ნელქარისასა, რომელ არს ნეკრესი“⁸⁵. ხოლო არბაკმა (ვახუშტით, ძ. წ. I ს-ის მიწურული) „ამან განიშორა ნენქარ ქალაქი კახეთისა“⁸⁶. ნელქარი ანუ ნეკრესი, რომელიც აწინდელ შილდასთან მდებარეობდა, საკმაოდ დაცილებულია იმ საზღვარს კახეთ-ჰერეთისას, რომელიც ლეონტი მროველის მიხედვითაა საგულისხმო და რომლის დადგენაც ზემოთ შევეცადეთ. ლეონტის მიხედვით ნეკრესი ჰერეთში უნდა ყოფილიყო. კახეთს რომ ამბობს აქ ლეონტი, ეს, შესაძლებელია, მოწმობდეს იმას, რომ გაღმამხრის ეს ნაწილი ადრევე იქნა შემოერთებული ივერიის მიერ⁸⁷.

ჩვენთვის უფრო საინტერესოა იმის დადგენა შეიძლება თუ არა ვენდოთ ჩვენი წყაროების ამ ცნობებს და ე. ი. დავადგინოთ ჩვენ წელთაღრიცხვამდე გაცილებით უფრო ადრე დაწყებული პროცესი შერწყმისა ქართლისა ალვანეთთან. ვფიქრობთ სრული უფლება გვაქვს ვენდოთ ქ^რც-ის ცნობებს. ჯერ ერთი, ამას გვაგულისხმებინებს სრულიად კონკრეტული, დაბეჯითებითი ხასიათი ცნობებისა, მაინცდამაინც, ნეკრესის აგებას რომ ეხება ქართლის მეფეების მიერ; შემდეგ — მთელი ის ტენდენცია, რომლითაც ხასიათდება ქართლის და ჰერეთის შემდგომი ურთიერთობა, რომელსაც ქვემოთ ვნახავთ; დაბოლოს — ქ^რც-სგან სრულიად დამოუკიდებელი უცხოური, ლათინ-ბერძნული წყაროები, კერძოდ, სტრაბონი და პლინიუსი.

მხედველობაში გვაქვს უპირველესად ყოვლისა სტრაბონის ცნობა „კამბისენეს“ შესახებ: ალვანეთის „სამხრეთ (მხარეს—დ.) წარმოადგენს მიმდებარე სომხეთი, რომელშიაც ბევრი ველგბია, მაგრამ მთებიც ბევრია, როგორც, მაგალითად, კამბისენეში, რომელშიაც სომხები ხვდებიან იბერებს და ალბანებს“⁸⁸.

სხვა ადგილას იგივე სტრაბონი ამბობს: „ხორზენე და კამბისენე—სომხეთის ყველაზე უფრო ჩრდილოეთი და თოვლიანი ოლქებია, რომლებიც მისდგამენ კავკასიის მთებს, იბერიას და კოლხეთს“⁸⁹. ამ-

⁸⁵ იქვე, 21.

⁸⁶ იქვე, 24.

⁸⁷ ქვემოთ ხშირად შევხვდებით მსგავს მოვლენას თუნდაც იმავე ნელქარის შესახებ და არა მხოლოდ ქ^რცა-ში.

⁸⁸ XI, 4₁; ВДИ, 1947, 4, გვ. 219.

⁸⁹ XI, 14₄; ВДИ, 1947, 4, გვ. 232.

გვარად, ცხადია, „კამბისენეში“ ერთმანეთს ემიჯნებიან ივერიელე-ბი, ალვანელები, სომხები. ამდენად ჩვენთვის დიდი მნიშვნელობა აქვს ამ ოლქის ლოკალიზაციას.

ჯერ კიდევ მ. ბროსე აღნიშნავდა, რომ კამბისენე-კამბეჩანის შეესატყვისება ყარაღაჯის და შირაქის ველებს⁹⁰.

ივ. ჯავახიშვილიც კამბისენეს აიგივებს ქართულ კამბეჩოანთან და ამბობს: „შესაძლებელია ეს ადგილი ეხლანდელი შირაქის მინდვრები იყოს. კამბეჩოანს დიდი სივრცე ჰქონია“⁹¹.

პროფ. ს. კაკაბაძეც აღნიშნავს, რომ კამბისენეს „წარმოადგენს ეხლანდელი შირაქის ველი“ და „კამბეჩოვანი უწევდა მდ. იორამდის“⁹².

კამბეჩანის ტერიტორიის კიდევ უფრო დაზუსტებაც შეიძლება. ქ-ც-ა აზორც და არმაზელის ორმეფობის დროს (დაახლ. I—II სს. მიჯნა ა. წ.) აღნიშნავს, რომ ამათ დაარბიეს „სომხითი“ „ჩატყუნენს დაშტი, ვიდრე ნახჭევანამდე და აღიღეს ტყუე... და გამოვლეს გზა ფისოსისა“⁹³. უკან მობრუნებულნი ქართველნი „განსრულ იყუნეს მტკუარსა და მისრულ იყუნეს კანბეჩოვანს და დაებანაკათ იორსა ზედა“⁹⁴. აქედან ცხადად ჩანს, რომ ლაშქარი სომხეთიდან მომავალი გადადის მტკვარს, შედის კამბეჩანში და ბანაკდება იორზე (იორს არ გადადის!). ე. ი. კამბეჩანის ნაწილი მტკვარსა და იორს შორისაა! კამბეჩანი რომ მტკვრამდე მოდიოდა ამას მოწმობს სომხური უსახელო გეოგრაფიაც: «*ქამბჩანს ათ ზორას*»⁹⁵, რაც სიტყვა-სიტყვით ნიშნავს: „კამბეჩანი მტკვართან ახლოს“ ან „მტკვრის მახლობლად“ მდებარე (და არა მტკვარზე!).

მაგრამ აქ თითქოს წინააღმდეგობაში ვვარდებით სტრაბონისავე ცნობასთან, რომ, ერთი მხრივ, კამბისენე სომხეთშია (იხ. ზემოთ),

⁹⁰ Introduction. p. X.

⁹¹ ქართ. ერის ისტ., წ. I—II, 58—59.

⁹² ქართ. სახ. გენეზისის... საისტ. მოამბე, წ. I, 1924 წ., გვ. 30. აქ აღნიშნავთ, რომ ს. კაკაბაძეს ეს სწორი დასკვნა მიღებული აქვს სრულიად მცდარი წინამძღვრებიდან! იგი წერს:—„მეორე ადგილას ის (სტრაბონი—დ. მ.) ვარკვევით ამბობს რომ „ალბანიიდან სომხეთისკენ გასასვლელი გზა უწყლო და მკაცრ კამბისენით მოდისო მდ. ალაზნისკენ“. გზა ალბანიიდან სომხეთისკენ, მამასადაძმე უდაბურ ადგილით მიდიოდა და მდ. ალაზნზე გადიოდა. ცხადია, ასეთს გზას წარმოადგენს ეხლანდელი შირაქის ველი და ალაზნად აქ შემდეგდროინდელი იორი უნდა იგულისხმებოდეს“ (იქვე). აქ გაუგებრობაა: სტრაბონი დასახელებულ ადგილას ლაზარაკობს „იბერიიდან ალბანეთში“ გამავალ გზაზე (XI, 4, ВДИ, 1947, № 4, გვ. 220) და არა ალბანიიდან სომხეთისკენ! აქედან არასწორი გაიგივება ალაზნისა იორთან და სხვა მთელი რიგი მცდარი დებულებებისა.

⁹³ ანას ქ-ცა, გვ. 28. აქ შეცდომაა, უნდა: „გზა ფარისოსისა“.

⁹⁴ ქ-ცა, კიკინაძის გამოც., გვ. 63, I. ამ ადგილას ანასეული ქ-ც-ის ტექსტი შერყენილია.

⁹⁵ მოგვეყავს ივ. ჯავახიშვილით: ქართ. ერის ისტ. წ. I—II, გვ. 303.

ხოლო, მეორე მხრივ, რომ სომხეთ-ალბანიის საზღვარი მტკვარზე გადის⁹⁶. ამ გარემოებამ ს. კაკაბაძეს კამბისენეს ნაწილი მტკვრის სამხრეთით გადმოატანინა—სომხეთის წილი. ს. ჯანაშიაც სტრაბონის მეორე ცნობაზე დაყრდნობით მსგავს დასკვნას აკეთებს: „კამბისენეს სომხური ნაწილი იორ-ალაზნის შუა-წყლის სამხრეთით მდებარე მაღალი ქედების—ბამბაკის აღმოს. ნაწილისა და შაჰ-დაღის-მთიანეთში უნდა ვეძიოთ“⁹⁷.

რომ მტკვრის სამხრეთით კამბეჩანი არ გადმოდის, ზემოთქმულის გარდა, ამას კარგად მოწმობს მოსე კალანკატუელი, რომელიც VII ს-ის შუა ხანებისთვის ამბობს: ჯვანშერი, ალვანეთის მთავარი „*Չառնայր ճակով 'ի հայրենի վիճակին իւր սահմանս, յաղსկոյ գետոյն Կուրայ 'ի Կապիճան գաւառ*“⁹⁸. ე. ი. ჯვანშერი თავისი მამეული ქვეყნიდან (=გარდმანს) გადასულა მტკვარს გაღმა კამბეჩანში. მაშ გარდმან-გარდაბნის პირდაპირ მტკვრის იქით კამბეჩანია⁹⁹.

რომ კამბეჩანი მტკვრის ჩრდილოეთით მდებარეობდა და მის სამხრეთით არ გადადიოდა ეს მტკიცდება არსენ საფარელის თხზულებიდანაც: „ქუჭყანით განკდილი“ იოანე ბერი „წარვიდა ოტებული კავკასიისა მთასა და მუნით უკუმოიქცა მსწრაფლ, რამეთუ არა შეიწყნარეს იგი მთეულთა მათ კაცთა, რამეთუ იყვნეს იგი კერბთ მსახურ და გარდამოვიდა კანბეჩანს და დაემკვდრა ქევსა შინა მცირესა, რომელსა ჰრქვიან ქევვისომხითისა და მრავალნი დაიმოწაფნა არა თუ მას შინა ოდენ, არამედ ამიერმტკვრისა, არართს, გარდამანს, ძორთორს და სომხითს“... და სხვ.¹⁰⁰ ამბავი ხდება VII ს-ში¹⁰¹.

⁹⁶ XI, 3; ВДИ, 1947, № 4, გვ. 218.

⁹⁷ ს. ჯანაშია, შრომები ტ. II, გვ. 257.

⁹⁸ *Պատմութիւն Ալուանից Աշխարհի*, 1913, 214. ტექსტი, როგორც ჩანს, შერყენილია.

⁹⁹ სომხური ტექსტის ისეთი ვაგებაცაა აქ, ჩვენი აზრით, შესაძლებელი, რომ ჯვანშერი სწორედ თავის მამეულ ნაწილში გადადის. ჩვენთვის ეხლა ამას მნაშენელობა არა აქვს. გარდმანი შამქორის ზეობაშია, იხ. H. Hübschmann, *Die altarmenischen Ortsnamen*, 1904, S. 352.

¹⁰⁰ „განყოფისათჳს ქართლისა და სომხითისა“, ქრონიკები..., 1, გვ. 332.

¹⁰¹ აქედან კარგად ჩანს აგრეთვე სომხების ექსპანსიაც პერეთისაკენ, რაც უფრო ადრე VI ს-თვის სხვაფორმაც ივარაუდება. მხედველობაში გვაქვს დავით გარეჯელის „ცხოვრება“, სადაც ბუბაქარ რუსთავის ერისმთავარი „სომხურითა ენითა“, ელაპარაკება გარეჯის უღაბნოში, რომელიც, ცხადია მის სამფლობელოში (ყუხეთში) შედის, დავითს (იხ. „საქ. სამოთხე“, გვ. 277, 287. შდ. Introduction, p. X).

მაშ როგორ შევუთანხმოთ ეს გარემოება სტრაბონისავე ცნობას მტკვარზე გამავალი ალვანეთ-სომხეთის საზღვრის შესახებ? საქმე ისაა, რომ არ უნდა წარმოვიდგინოთ თითქოს ეს საზღვარი მთელ სიგრძეზე მტკვრის გასწვრივ გადიოდა. ეგებ აქ მხოლოდ მტკვრის ქვემო წელი იგულისხმება¹⁰² ან არადა, უნდა ვიფიქროთ, სტრაბონს საამისო ორი სხვადასხვა დროისა და ვითარების ცნობები გამოუყენებია.

მითუმეტეს არ უნდა იყოს სწორი კამბეჩანის გაფართოება ვიდრე ბამბაკ-შაჰდაღის მთებამდე. ეს რომ ასე იყოს, სადღა მოთავსდება უტიების ოლქი (სომხ. *Մուխք*) და არცახიცი, რომელიც სწორედ მტკვარსა და ამ ქედებს შორისაა ლოკალიზებული¹⁰³? სხვა არა იყოს რა, თვით სტრაბონი იცნობს უტიებს ვიტიების სახელით და მის მიერ მათი ლოკალიზაცია გვაპარაუდებინებს სწორედ უტიქს¹⁰⁴. რაც შეეხება კამბისენეში მალალი და თოვლიანი მთების დასახელებას სტრაბონის მიერ—ეს შესაძლებელია შეცდომა იყოს. მაგრამ შესაძლებელია კამბისენეს ფარგლები ჩრდილოეთისაკენ გაგვაფართოებინოს (სტრაბონით იგი აკი კავკასიონის მთებს ემიჯნება!). შემცდარია და კომენტარებს არ საჭიროებს კამბისენე-კამბეჩანის გაიგივება სამგორის ველთან¹⁰⁵. ასეა თუ ისე, ერთი რამ ცხადია: ასეთ შემთხვევაში ადგილობრივ წყაროებს უცილობლად მეტი უპირატესობა უნდა მივცეთ უცხო წყაროებთან შედარებით.

ჩვენთვის საინტერესოა ვახუშტის მიერ დადგენილი ქიზიყის, მის მიხედვით ძველი კამბეჩოვანის, საზღვრები: „მზღვრის აღმოსავლით ალაზანი; დასავლით ლაკბის—კევი და ხაზი მისი იორამდე გასული; სამკრით იორი ანუ მტკვარი (ეს თითქოს ისე უნდა გავიგოთ, რომ ერთ ნაწილში, ალბათ დასავლეთში, საზღვარი იორზე გადის, ხოლო მეორეში, ალბათ აღმოსავლეთში — მტკვარზე. — დ. მ.); ჩრდილოთ მთა ცივისა, კარდანახსა და ქისიყს შორისი, და ხაზი ასანურ-საქვაბეს შორის გასული ალაზნამდე“¹⁰⁶.

ამგვარად, ძველი კ ა მ ბ ე ჩ ა ნ ი ს საზღვრები მეტნაკლებად დადგენილად შეიძლება ჩაითვალოს: ი გ ი მ ო ი ც ა ვ დ ა

¹⁰² შდ. პტოლემეოსს, რომელიც სომხეთ-ალვანეთის საზღვრად მტკვრის შესართავს დებს, XI₁, ВДИ, 1948, № 2, გვ. 252, თუმცა მეორე ადგილას იგივე პტოლემეოსის მტკვარსა სდებს ზოგადად (!?) ივერია-ალვანეთსა და სომხეთის საზღვრად, XI₃, იქვე, გვ. 253.

¹⁰³ იხ., მაგალითად, სომხ. ანონ. გეოგრ. კ. პატკანოვის გამოცემა, გვ. 20; კარგმანის გვ. 51.

¹⁰⁴ ს ტ რ ა ბ ო ნ ი, XI, 7₁, ВДИ, 1947, № 4, გვ. 226.

¹⁰⁵ С. Еремян, იხ. ВДИ, 1939, № I, გვ. 88.

¹⁰⁶ აღწერა სამეფ. საქ., 98.



ვრცელ ტერიტორიას ალაზნის ქვემო წელ და მტკვარს შორის; მასზე გადიოდა იორი.

დავუბრუნდეთ სტრაბონის ცნობას. ეს ცნობა, ჩვენი აზრით, მხოლოდ ისეა შესაძლებელი გავიგოთ, რომ კამბეჩანში მოსახლეობენ, როგორც ალვანელები, ისე ივერიელები და სომხები და, ე. ი. საბოლოო ჯამში ამ სამი ქვეყნის საზღვრები ამ ოლქში იყრიდა თავს¹⁰⁷. ამეამად ჩვენთვის საინტერესოა იმ ფაქტის დადგენა, რომ I ს-ში ძ. წ. თუ უფრო ადრე არა ქართლის სამეფოს საზღვრები გაცილებით აღმოსავლეთითაა ნაჩვენები, ვიდრე ეს ლეონტი მროველის მიერაა წარმოდგენილი. მაგრამ ივერიელებს, მაშასადამე, კამბეჩანის მხოლოდ ნაწილი სჭერიათ. ჩვენი აზრით, ეს უნდა ყოფილიყო კამბეჩანის ჩრდილო-დასავლეთი ნაწილი, შირაქის ველთანად, ალაზან-იორს შორისი. რომ მაინცდამაინც ივერიელების საზღვარი ალაზანთან ახლოს უნდა გასულიყო ამას სტრაბონისავე ცნობები მოწმობს: „გასასვლელი ალბანეთიდან (იბერიაში—დ. მ.) თავიდან წარმოადგენს კლდეში გამოკვეთილ ბილიკს, შემდეგ მიდის ჭაობზე, რომელიც წარმოქმნილია კავკასიიდან მომდინარე ალაზნის მიერ“¹⁰⁸. და მეორეგან: „გასასვლელი იბერიიდან ალბანეთში მიდის უწყლო და უსწორ-მასწორო კამბისენეთი მდინარე ალაზნისკენ“³⁹. აქედან ცხადია, რომ თუმცა ალაზანი, იმავე სტრაბონის მიხედვით, ალვანეთზე მიედინება¹¹⁰, მაგრამ აღმოსავლეთის საზღვარი ივერიისა ალვანეთთან სადღაც მის მახლობლად უნდა გადიოდეს, რადგან „გასასვლელი“ გულისხმობს საზღვარს.

მაგრამ ეს ჯერ კიდევ არ ნიშნავს, რომ „მდ. მტკვრის აუზი კამბისენემდე მთლიანად ქართლის სამეფოს საზღვრებშია“¹¹¹. ეს რომ ასე არ უნდა ყოფილიყო, ამას თვით სტრაბონის ერთი ცნობა გვაგარაუდებინებს, რომელიც ჩვენ ზემოთ ერთხელ უკვე მოვიტანეთ და რომლის მიხედვით მტკვარი „ვიწრო ველით ალბანეთში გადადის“¹¹². ჩვენ აღვნიშნეთ, რომ ეს „ვიწრო ველი“ უნდა ყოფილიყო მონაკვეთი თბილისიდან ყარაიამდე და ე. ი. აქ უნდა დაიდოს საზღვარი (მტკვარზე) ივერია-ალვანეთს შორის¹¹³. ჩვენ აღვნიშნეთ, რომ ეს

107 შდ. ივ. ჯავახიშვილი, ქართ. ერის ისტ., წ. I—II, გვ. 55; ს. ჯაკობაძე, დასახ. ნაშრ., გვ. 29; ს. ჯანაშია, შრ., ტ. II, გვ. 257;

108 XI, 3₆; ВДИ, 1947, № 4, გვ. 218.

109 XI, 4₆; იქვე, 220.

110 XI, 3₇; იქვე, 218.

111 ს. ჯანაშია, შრ., ტ. II, 253.

112 XI, 3₇.

113 შდ. ნ. ლომოური, კლავდიოს პტოლემეისი, „გეოგრაფიული სახელმძღვანელო“, ცნობები საქართველოს შესახებ. მასალები საქ. და კავ. ისტორიისათვის, ნაგ. 32, გვ. 58, შენ. 4.



ამასვე მოწმობს დიონ კასიუსი. ნ. ლომოური თავის საკანდიდატო დისერტაციაში პტოლემეაიოსის გეოგრაფიის შესახებ მანანდიანის შრომაზე¹¹⁴ დაყრდნობით სწორად აღნიშნავს, რომ ალვანეთზე გალაშქრებული „პომპეუსი ამრიგად დაახლოებით: აწინდელ ფოილოსთან უნდა გადასულიყო მტკვარზე. მდ. კამბისი საერთო აღიარებით აწინდელ მდ. იორს უდრის (!? სიმონ ჭანაშიამ კარგად უჩვენა, რომ პომპონიუს მელას კამბიზი იორს კი არა არაქსს უდრის — დ. მ.)¹¹⁵; პომპეუსს, დიონ კასიუსის მოთხრობის თანახმად, მტკვრიდან კამბისამდე, ანუ იორამდე „არავითარი ზიანი არ განუცდია მოწინააღმდეგისაგან“. „მოწინააღმდეგედ აქ, რასაკვირველია, სწორედ ალბანელები იგულისხმებიან. რამდენადაც კასიუსი სპეციალურად აღნიშნავს, მტკვარსა და იორს შორის რომაელებს მტერი არ დასხმია“. და იქვე: „ეს ცნობა, ჩვენის ფიქრით, სწორედ იმაზე მიუთითებს, რომ ალბანეთის ტერიტორია არა მარტო ალაზნის დასავლეთით, არამედ თვით მდ. იორის დასავლეთითაც ვრცელდებოდა“¹¹⁶. დიონ კასიუსის ცნობის ასეთი ინტერპრეტაცია, რასაკვირველია, შესაძლებელია, თუმცა ამას მაინც თან ახლავს რამდენიმე საეჭვო გარემოება: ჯერ ერთი, მტკვარზე გადასულ პომპეუსის ლაშქარს, რომელიც გადადის კამბისზე და შემდეგ მიადგება მდ. აბანტუს, რომელსაც ალაზნთან აიგივებენ, მთელი ამ გზის განმავლობაში მოსახლეობა ეხმარება სურსათ-სანოვავით¹¹⁷; თუ ესენი ალვანელები არიან. მაშინ მათ წინააღმდეგ წამოსულ რომაელებს რად დაეხმარებოდნენ? შემდეგ, მოწინააღმდეგე არ არის აუცილებელი თავის მიწაწყალზე შებრძოლებოდა მტერს. იგი მეზობელი ქვეყნის სანახებშიაც მოახერხებდა ამას. საამისო მაგალითების მოტანა ჩვენივე წყაროებიდან შეიძლება¹¹⁸. მაგრამ ეს, როგორც ვხედავთ, იმგვარი ეჭვებია, რომელთა ახსნაც ორივე აზრის სასარგებლოდაა შესაძლებელი. ამი-

¹¹⁴ ВДИ, 1939, № 4.

¹¹⁵ იხ. ს. ჭანაშია, შრომები, ტ. II, გვ. 255.

¹¹⁶ იხ. ნ. ლომოურის საკანდიდატო დისერტაცია: კლავდიოს პტოლემეაიოსის „გეოგრაფიული სახელმძღვანელო“, ცნობები საქ. შესახებ, გვ. 200 და 201 (ხელნაწერი).

¹¹⁷ ВДИ, 1948, № 2, გვ. 271.

¹¹⁸ მაგ.: ზემოხსენებულ შემთხვევაში ქართველ მეფეებს; აზორც და არმაზელს, სომხეთის დარბევის შემდეგ, რომ კამბეჩანში იყოფდნენ ნაალაფევს, აქ წამოეწია სომხეთა მხედარმთავარი, სუმბატ ბივრიტიანი და აქვე მოხდა მათ შორის ბრძოლა. ამის შემდეგ კონტექსტით ისე გამოდის, რომ კამბეჩანი ქართლში (აქ კი ქართლი ივერიას ნიშნავს) არ იგულისხმება; ასეთივე ამბავია პგრეთვე ზემოხსენებულ შემთხვევაში ჯვანშერ ალვანთა მთავრის მიმართ, რომელიც კამბეჩანში ბრძოლის სპარსელებს, კამბეჩანი კი აქ კონტექსტით ქართლს ეკუთვნის: იხ. ქვემოთ.



ტომ ჩვენ დიონ კასიუსის ცნობის ასეთი ინტერპრეტაციის მომხრენი ვართ, თუმცა, რასაკვირველია, ამ ცნობის საფუძველზე პტოლემეოსის (II ს. ა. წ.) დროინდელ საზღვარს ივერიისას ვერ დავადგენთ¹¹⁹, რადგან პომპეუსსა (და არა დიონ კასიუსს) და პტოლემეოსს შორის თითქმის 2,5 საუკუნეა.

ამგვარად, თუ მივიღებთ, რომ იორ-მტკვარ შორისი ნაწილი კამბეჩანისა ძ. წ. I ს-ის შუა წლებისათვის ივერიელებს არ ეკუთვნის, უნდა დავასკვნათ, რომ მათ უნდა სჭეროდათ იორ-ალაზან შორისი ნაწილი, კამბეჩანის ჩრდილო-დასავლეთი ნაწილი.

ახლა, მე მგონია, ჩვენთვის სრულიად მისაღები უნდა გახდეს ქ-ც-ის ჩვენება, რის შედეგადაც, სტრაბონის ცნობებთან შეთანაბრებით, ჩვენ შეგვიძლია დანამდვილებით ვილაპარაკოთ ქართლის სამეფოს აღმოსავლეთისაკენ გაფართოების ტენდენციის შესახებ¹²⁰.

თუ ჩვენი მოსაზრებები სწორია, მაშინ უნდა მივიღოთ, რომ განხილული ცნობებით სავარაუდოა ამ ტენდენციის განვითარება ორი ძირითადი ხაზით: ივრისა და ალაზნის ხეობათა გაყოლებით და, ე. ი. კუხეთიდან და კახეთიდან¹²¹.

ჩვენთვის საინტერესოა ახლა ამის მომდევნო ხანის ცნობები, რომლებიც ივერია-ალვანეთის საზღვარს ეხებიან.

აქ პირველ რიგში აღსანიშნავია პლინიუსის ცნობა. იგი აღნიშნავს: „მთელ ველზე, დაწყებული მდინარე, კირიდან, მოსახლეობს

¹¹⁹ იხ. ნ. ლომოური, იქვე, ნახე აგრეთვე იქვე თანდართული რუკა.

¹²⁰ შდ. დიონ კასიუსის ცნობა იბერთა მეფე ფარნაბაზის შესახებ, ВДИ, 1948, № 2, გვ. 275. იხ. აგრეთვე პლუტარქის ცნობა, ВДИ, 1947, № 4, გვ. 285.

¹²¹ როგორც ქვემოთ დავინახავთ, უფრო გვიან წყაროები მესამე მიმართულებასაც უჩვენებენ: მტკვრის ხეობით, ქვემო ქართლიდან. არაა გამორიცხული, რომ ექსპანსია აქედან აგრეთვე უძველესი დროიდან ვითარდებოდა. მაგრამ რამდენადაც ვიცი ამ დროისათვის საამისო ცნობები არ არის. თანაც აქ მდგომარეობა იმით იყო გართულებული, რომ ქვემო ქართლი, გუგარეთი, თვით განიცდიდა ამ დროს შემოტევას სამხრეთიდან. ეს გარემოება, რასაკვირველია, უარყოფათად იმოქმედებდა და შეაფერხებდა ექსპანსიას აღმოსავლეთისაკენ. თავის მხრივ ეს უკანასკნელი, კახეთ-კუხეთის მხრიდან, ერთგვარი კომპენსაციას უნდა ყოფილიყო ივერიის სამხრეთი პროვინციების (სტრაბონის ცნობა გოგარენეს შესახებ) დაკარგვისა. სომხეთის ექსპანსია ჩრდილოეთისაკენ მარტო ივერიაზე არ ვრცელდებოდა. სწორედ I ს-ში ძ. წ. ტიგრან II სომხეთს უერთებს ალვანურ პროვინციებს: არცახს და უტიქს (იხ. История армянского народа, ч. I, 1951, გვ. 75); ამავე ხანებში უნდა წაედო სომხეთს ფაიტაკარანიც, რომელიც მისე კალანკატუელით ალვანური პროვინციაა არცახ-უტიქთან ერთად. ამაზევე უნდა მიუთითებდეს სტრაბონის ცნობა, რომ კამბისენე სომხეთშია ანუ რომ, ე. ი. კამბეჩანის ნაწილი სომხებს ჰკუთვნებიათ.

ალბანების ტომი; შემდეგ—იბერებისა, რომლებიც გამიჯნულნი არიან პირველთაგან მდინარე ოკაზანით (სხვა ვარიანტით—Olazanes—დ. მ.), რომელიც კავკასიის მთებიდან მომდინარეობს და მდინარე კირს ერთვის¹²².

მაშასადამე, პლინიუსით ივერია-ალვანეთის საზღვარი მდ. ალაზანზე გადის. ე. ი. დაახლოებით ერთი საუკუნის მანძილზე საზღვარი კვლავ აღმოსავლეთით გადაინაცვლებულა.

მაგრამ იგივე პლინიუსი, იმავე თავის თხზულებაში, სხვა ადგილას წერს: „ალბანეთზე გავლით ზღვისკენ მიედინებიან მდინარეები კასუსი და ალბანი, შემდეგ კამბისი, რომელსაც სათავე კავკასიის მთებში აქვს, შემდეგ კირი, რომელიც მომდინარეობს, როგორც ზემოთ ითქვა, კორაქსიული მთებიდან“¹²³.

ცნობა, როგორც ეს ცხადად ჩანს, მცდარია, რადგან მდ. კამბისს (თუკი მას იორთან გვაიგივებთ, როგორც ჩვეულებრივ იქცევიან, თუმცა ყოველთვის ეს ასე არაა, იხ. ზემოთ) პლინიუსი პირდაპირ ზღვაში ჩამავალად თვლის. მაგრამ ეს ჩვენთვის არც უნდა იყოს საინტერესო მთავარი ისაა, რომ მდ. კამბისი (იორი) თურმე ალვანეთზე გადის, და ე. ი. ეს გარემოება ალაზანზე ივერია-ალვანეთის საზღვრის კონსტატაციას უარყოფს. მაგრამ სინამდვილეში ამ ცნობიდან ეს არ გამომდინარეობს. საქმე ისაა, რომ პლინიუსი არ მიუთითებს, თითქოს კამბისს სათავე ალვანეთში ჰქონდეს და, თუკი მას კამბისად ნაძღვალად იორი წარმოუდგენია, იგი სავსებით სამართლიანად ამბობს, რომ იგი ალვანეთზე მიედინება, რადგანაც მან კარგად იცის, რომ ივერიასა და კასპიის ზღვას შორის, ანუ მისებურად რომ ვთქვათ, „ალბანეთის ზღვას“ შორის¹²⁴ სწორედ ალვანეთია. ასე რომ ეს ცნობა ვერ გამოდგება მისივე პირველი ცნობის უარსაყოფად.

ამ დროისათვის (I—II ს-ების მიჯნა) ქ^რ-ის ჩვენებით მტკვარი იორ შორისი ნაწილი კამბეჩანისა (გვიანდ. ქვემო ყარაიას ველი). ჯერ კიდევ არ უნდა იყოს შემოსული საკუთრივ ქართლის სამეფოს საზღვრებში. ამას გვაგვარაუდებინებს ზემოხსენებული ცნობა, რომლის მიხედვითაც კამბეჩანში მომხდარი ბრძოლის შემდეგ „სუმბატ გამარჯუებული შემოვიდა ქართლად და მოაოკრა ქართლი“¹²⁵. აქედან თითქოს საგულისხმოა რომ კამბეჩანი ამ დროისათვის არ ითვლება ქართლად და ე. ი. ქართლის პოლიტიკური ბატონობა აქამდე ჯერ კიდევ ვერ აღწევს. ეს კი გვაგვარაუდებინებს, რომ ძირითადი მიმართულება ივერიელთა ექსპანსიისა კვლავ კახეთ-კუხეთის მხრიდა-

¹²² VI, 29; ВДИ, 1949, № 2, გვ. 297.

¹²³ VI, 38; იქვე, გვ. 303.

¹²⁴ VI, 38; იქვე, 302.

¹²⁵ ანას. ქ^რცა, 29.

ნაა და იგი უკვე ალაზნის აღწევს (იგულისხმება ალბათ ალაზნის ქვემო დინება, კამბეჩანს რომ შემოსდევს, თორემ შუა წელზე ჩვენ უკვე რამოდენიმე საუკუნით ადრე ივერიელები ნეკრესის ციხე-ქალაქში გამაგრებულად გვეგულებიან. ნეკრესი კი ალაზნის მარცხენა სანაპიროზეა).

დაახლოებით ერთი საუკუნის შემდეგ, ჩვენ კიდევ გვეძლევა საშუალება უცხო წყაროებით შევამოწმოთ ჩვენი მოსაზრებანი. მხედველობაში გვაქვს პტოლემეაიოსის სათანადო ცნობები.

პტოლემეაიოსი აღნიშნავს: „შემდეგი ქალაქები და სოფლებია ალბანეთში: იბერიასა და იმ მდინარეს შორის, რომელიც კავკასიიდან გამოდის და კირს უერთდება“. ესა და ეს ბუნქტებიაო¹²⁶. კომენტატორების სამართლიანი აზრით¹²⁷ ეს უსახელო მდინარე უნდა იყოს ალაზანი, რომელსაც სხვაგვარი პტოლემეაიოსი არ იცნობს. ამგვარად, პტოლემეაიოსით ივერია-ალვანეთის საზღვარი ალაზნის დასავლეთითაა საძიებელი. მაგრამ ჩვენ ამაში იმის საფუძველს ვერ ვხედავთ, რომ უარვყოთ პლინიუსის ცნობა.

ჯერ ერთი, პტოლემეაიოსი შესაძლებელია ძველი ცნობებით სარგებლობდა. ამ ჩვენ ექვს საფუძველი რომ აქვს, ეს იქიდანაც ჩანს, რომ კასპების ტომს იგი არსებულად თვლის¹²⁸, მაშინ როცა სტრაბონის მიხედვით¹²⁹ კასპები მის დროს უკვე აღარ არსებობენ. სამეცნიერო ლიტერატურაში დღეს მიღებულად ითვლება სტრაბონის ცნობა და კასპებს თვლიან ასიმილირებულად უკვე ძ. წ. II ს-ში ალვანელების მიერ¹³⁰. მაგრამ პტოლემეაიოსის ცნობა სწორიც რომ იყოს, იგი ჩვენს შეხედულებებს ვერ დაარღვევს, თუკი გავითვალისწინებთ ერთ მნიშვნელოვან და აუცილებლად გასათვალისწინებელ გარემოებას, რომელიც, ბუნებრივია, თან სდევდა ქართლ-ჰერეთის ურთიერთობის ზემოაღნიშნულ ტენდენციას.

საქმე ისაა, რომ არ უნდა წარმოვიდგინოთ, თითქოს ეს ტენდენცია—ქართლის ექსპანსია აღმოსავლეთისაკენ, მუდამ აღმავალი ხაზით მიდიოდა. პირიქით, აქ, ბუნებრივია, ადგილი ექნებოდა და ჰქონდა კიდევ უკუქცევას. მთელი ეს ურთიერთობა უნდა ყოფილიყო ცვალებადი მიძალბა-უკუქცევის ისტორია და თუ ჩვენ ალვანელებს ვნახავთ იქ, საცა ერთი საუკუნის წინ ქართველი ტომები იყვნენ, ეს ჩვენ მხოლოდ ჩვეულებრივ ამბად უნდა მივიჩნიოთ. მაგ-

¹²⁶ V, II₃; ВДИ, 1948, № 2, 253.

¹²⁷ იხ. იქვე, შენ. 3.

¹²⁸ VI, 2₅; იქვე, 255.

¹²⁹ სტრაბ. XI, 4₆; ВДИ, 1947, № 4, 220.

¹³⁰ იხ. БСЭ, т. XX.

რამ ის კი ცხადია, რომ ამ ცვალებადი მიძალება-უკუქცევის განმავლობაში ქართველი ტომები თანდათან, მაგრამ განუხრელად წინ იწეოდნენ აღმოსავლეთისაკენ, რასაც საბოლოო ჯამში მოჰყვა ალვანეთის ერთი ნაწილის, ქართული „პერეთის“ შემოერთება და თვით პერული ტომების გაქართველება. თუ რამდენად ნელა მიდიოდა ეს პროცესი იქიდანაც ჩანს, რომ მიუხედავად იმისა, რომ ძ. წ. I საუკუნეში (თუ უფრო ადრე არა) ივერიელები კამბისენებში მოსახლეობენ, თვით კამბეჩანის საბოლოო შემომტკიცება, როგორც ქვემოთ ვნახავთ, ვახტანგ გორგასალის მეფობის ბოლო წლებშია სავარაუდო, ე. ი. თითქმის მთელი ექვსი საუკუნის შემდეგ.

ჩვენთვის საინტერესოა პტოლემეაიოსის კიდევ ერთი ცნობა. იგი ასახელებს ალვანეთში „ქალაქ ტელებას“¹³¹, რომელსაც კომენტატორები თელავთან აიგივებენ¹³². თუკი ეს გაიგივება სწორია და თანაც პტოლემეაიოსი თავისი დროის სინამდვილეს გადმოგვცემს, მაშინ ეს მოვლენა ისევე უნდა ავხსნათ, როგორც მის მიერვე ივერია-ალვანეთის საზღვრის ალაზნის დასავლეთით ლოკალიზაცია ავხსენით. მაგრამ თუ პტოლემეაიოსის ცნობა ძველ ამბავს გულისხმობს, მაშინ სავარაუდოა ეს ცნობა იმ დროისა იყოს, როდესაც ქართლის სამეფოს აღმოსავლეთი საზღვარი თურდოს ხევზე გადიოდა და როდესაც თელავი, მართლაც, პერეთში (და ე. ი. ალვანეთში) მდებარეობდა¹³³.

131 V, II₂; 1948, № 2, გვ. 252.

132 იხ. იქვე, შენ. 10.

133 თვით ტომონიმი — თელავი — მოწმობს, რომ აქ ქართული მოსახლეობაა და თუკი პტოლემეაიოსის „ტელება“ = თელავს ე. ი. ეს არის ერთ-ერთი უძველესა მოწმობა ქართველთა მოძრაობისა ალვანეთისაკენ.

**პოლიტიკური ცენტრის გადანაცვლება უჯარმაში. უჯარმა
ვახტანგ პორგასლამდე**

დაწყებული ჩვ. წ-ის IV ს-დან, ჩვენთვის საინტერესო ცნობები ქართულ წყაროებში მრავლდება და ამასთან სრულიად რეალურ ხასიათს იღებს.

მხედველობაში გვაქვს მირიან მეფის ხანა და, კერძოდ, ქართლის სამეფოში ქრისტიანობის გავრცელებასთან დაკავშირებული ფაქტები.

| აქ უკვე სხვა რიგის მოვლენას ვხედავთ, ვიდრე აქამდე¹, მაგრამ ვიდრე თვით ამ მოვლენის განხილვას შევუდგებოდეთ, აუცილებელია ყურადღება გავამახვილოთ ერთ ფრიად მნიშვნელოვან გარემოებაზე, რომელიც თან სდევდა და ხშირად, როგორც ჩანს, აპირობებდა ქართლის სამეფოს მმართველი წრეების პოლიტიკას, მიმართულს სამეფოს აღმოსავლეთით მდებარე მხარეების კულტურული და პოლიტიკური შერწყმისაკენ.

*
*
*

საქმე ისაა, რომ ქართლის სამეფოს ურთიერთობა (ამ მხრივ) აღმოსავლელ მეზობელთან არ გამოიხატებოდა მხოლოდ პოლიტიკურ და კულტურულ შერწყმაში. ამ უკანასკნელისაგან იგი გამოიჩინებოდა ფრიად მნიშვნელოვანი გარემოებით, რასაც უფრო გვიან მოჰყვა ჰერეთის ქართული ადრეფეოდალური სამეფოს შექმნა.

ქართლის სამეფოს პოლიტიკურ კურსს თან სდევდა, ეგებ, უფრო სწორად, წინ უსწრებდა და აპირობებდა ქართული ეთნიკური ელემენტის მძლავრად შეჭრა აღვანეთის ტერიტორიაზე (ჰერეთში და, ნაწილობრივ, რანშიც), რასაც, რასაკვირველია, თავის მხრივ, უნდა გამოეწვია ქართული კულტურის მძლავრი ნაკადის დენა იმავე მიმართულებით. ქართული ეთნიკური ელემენტის შეჭრა ჰერეთში

¹ თუმცა ჩვენ ამას ვხედავთ მხოლოდ იმიტომ, რომ წყარო გვაპარაუდებინებს. ამდენად, რადგან უფრო ძველი პერიოდისათვის ასეთი მითითება არ გვაქვს, ეს სრულიად არ გამორიცხავს ასეთი მოვლენის ადრევე არსებობასაც. პარიკით, ჩვენ ვფიქრობთ, რომ ის ახალი მოვლენა, რომელსაც ჩვენ მირიანის ხანაში ვადასტურებთ და რომელზედაც ქვევით ვილაპარაკებთ, სინამდვილეში დიდა ხნის დაწყებული პროცესის ერთ-ერთ, თუმცა მნიშვნელოვან, ეტაპს წარმოადგენს.

ხდებოდა, როგორც მეზობელი ქართული ოლქებიდან (კახეთი, კუხეთი), აგრეთვე ივერიზებული „კახეთის მთელუღეთიდან“².

ეს რომ სრულიად რეალური ამბავია, ამას, ჯერ ერთი, მოწმობს დღევანდელი ტოპონიმია. ის გარემოება, რომ არაგვის თუ ივრის ხეობაში და ძველი ჰერეთის ტერიტორიაზე ერთი და იგივე სახელწოდების სოფლები გვხვდება, ხოლო ხშირად ჰერეთის ტერიტორიაზე დამოწმებული სახელწოდებანი სადაურობის სუფიქსითაა წარმოდგენილი—ეს გარემოება სწორედ ამის უეჭველ საბუთად მიგვაჩნია³. ეს სახელწოდებანი შემდეგია:

ბ უ შ ა ტ ი—ივრის ხეობაში, სოფ. ორხევთან⁴.

ბ უ შ ა ტ ი—შიგნიკახეთში, წინანდალთან.

ბ ო დ ა ვ ი—ივრის ხეობაში.

ბ ო დ ი ნ ი, ბ ო დ ბ ე—ქიზიყში.

ა რ ტ ა ნ ი—ივრის ხეობაში, თიანეთის ზემოთ.

ა რ ტ ა ნ ი—ალაზანს გაღმა, ნაფარეულთან (ა რ თ ა ნ ა).

ყ ვ ა რ ა—ივრის ხეობაში, არტანს ზემოთ.

ყ ვ ა რ ე ლ ი—ქახეთში, გაღმამხარში (ყ ვ ა რ ე ლ ნ ი).

ა ხ ა ტ ა ნ ი—არაგვის ხეობაში, ბიწმენდთან.

ა ხ ა ტ ე ლ ი—შიგნიკახეთში, გულგულას გაღმა.

გ ო მ ე წ ა რ ი—ფშავში.

გ ო მ ე წ რ ე ლ ი—ალავერდის პირდაპირ, ალაზანს გაღმა.

ხ ო რ ხ ი—არაგვის ხეობაში, ხორხის ხევზე, ქინვალთან რომ ერთვის არაგვს.

ხ ო რ ხ ი—გომბორის მთასთან.

ხ ო რ ხ ე ლ ი—წირდლის ხევზე (ხ ო რ ხ ე ლ ნ ი?).

ხ ო რ ხ ე ლ ი—შიგნიკახეთში, მდ. რიყეზე. ალაზანს რომ ერთვის, ოყიოს პირისპირ.

ქ ა რ თ ა ლ ი—არაგვზე, ანანურს ზევით.

² რომ ეს მთიელები ივერიული კულტურის მატარებლები იყვნენ და ეთნიკურად თუ მთლად არა, ყოველ შემთხვევაში ძლიერ ივერიზებულნი, ეს, მიუხედავად სომხური ანონიმური გეოგრაფიის ჩვენებისა, თითქოს ისინი სარმატიაში მოსახლეობდნენ (იხ. პატკანოვის გამოც. გვ. 16; თარგმანის გვ. 37—8), მტკიცდება სტრაბონის ცნობით, რომ, ე. ი. ძვ. წ. I საუკუნეში მინც, ივერიის მთიანეთში სწორედ ივერიელები ცხოვრობენ, თუმცა ისინი სკიო-სარმატებს ენათესავებიან („გეოგრ.“ XI, 33, ВДИ, 1947, № 4, გვ. 218).

³ ამაზე მიგვითითა აკად. ნ. ბერძენიშვილმა.

⁴ იხ. ივ. ჯავახიშვილის მიერ 1923 წ. გამოც. ისტორიული რუკა. დღეს ამ სოფელს ორხევი ეწოდება, მაგრამ მისი სახელი შერჩა მთას —ბუშატის მაღალი, ორხევის აღმოსავლეთით.

ქართლის მიწდორი—ივრის შენაკად, საგმის ზევზე მდებარე სოფ. ჩაბანოს პირისპირ, საგმის მარცხენა ნაპირზე⁵.

ქართალა—მდ. ილტოზე.

ქართალი ივ. ჯავახიშვილით ერთ დროს „მთელ კახეთსაც სწოდებია“⁶.

ამას გარდა, მთიელების ჩამოსახლების პირდაპირი მოწმობაა ისეთი სოფლები, როგორცაა: ფშაველი (ფშაველნი) — ქიჭაკვის ზევზე.

ფხოველი (ფხოველნი)—ლაკბეს ხევში.

ეს ექსპანსია დასტურდება ეთნოგრაფიული მასალებითაც. კერძოდ, ამის მოწმობაა, რომ გაღმამზრისა—და შიგნიკახელები სალოცავად, ხატობაში ივრის ხეობაში დადიან; ლაშარობისას—ხატხევში⁷ და გიორგობისას—ბოჭორმის წმ. გიორგის ეკლესიაში⁸.

შესანიშნავია, ამასთან დაკავშირებით, ის ცნობილი გარემოება, რომ დღევანდელ ყვარლელებს და, საერთოდ, ლაშარისა და თამარის ხატში „მლოცველებს თავის პირველად სამშობლოდ არტნის (ანუ ივრის—დ. მ.) ხეობის სოფლები—ყვარა და სხვ. მიაჩნიათ“⁹.

მთიელების ასეთი მოძრაობა საკმაოდ ცნობილია (მთიდან ბარში) და იგი ეხლაც გრძელდება.

ჩვენთვის უფრო საინტერესოა თვით კახეთის (უმთოდ) მოსახლეობის მოძრაობის დადასტურება.

მაგრამ საკითხი დგება ამ მოვლენის დამოწმებისა ისტორიულ ხანაში. გვაქვს თუ არა ჩვენ საამისო მონაცემები?

უპირველესად ყოვლისა, ყურადღებას მივაქცევთ სოფ. ფხოველის სახელწოდებას. იგი, ცხადია, მაშინ იყო შესაძლებელი წარმოქმნილიყო, როდესაც ფშავს ფხოვი ეწოდებოდა (ე. ი. მაინცდამაინც XVIII ს-დე).

⁵ ჩაწერილია ჩვენ მიერ, 1954 წ. ივლის-აგვისტოში ივრის ხეობაში მიკლინების დროს. მოსახლეობას აღარ ახსოვს თუ რატომ უწოდებენ ასე ამ მიწდორს.

⁶ იხ. ქართ. ერის ისტ. შესავალი, წ. I, 1950 წ., გვ. 47.

⁷ იხ. ვ. ბარდაველიძე, ივრის ფშაველებში, ენიშქის მ-ბე, XI, 103.

⁸ ჩაწერილია ჩვენ მიერ მიკლინების დროს.

⁹ იხ. ვ. ბარდაველიძე, დასახ. წერილი, გვ. 107; პროფ. გ. ჩიტაია, თიანეთის ეთნოგრაფიული ექსპედიციის მოკლე ანგარიში, ენიშქის მ-ბე, XI, 60; ამ მხრივ ფრიალ მნიშვნელოვანი გვეჩვენება ზემოთ ერთხელ უკვე აღნიშნული გარემოება, რომ თავდაპირველი კახეთის ტერიტორიის (ივრის ზემო წელის) მოსახლეობა „კახი“—დ იწოდება, ხოლო დღევანდელი შიგნიკახელები—„კახელი“—დ. რა დროისაც არ უნდა იყოს ეს მოვლენა, ვფიქრობთ, „კახელას“ ისტორიული ეტიმოლოგია ამგვარი უნდა იყოს: უნდა უკვე არსებულიყო გეოგრაფიული პუნქტი „კახი“, რომ წარმოქმნილიყო ეთნოგრაფიული ტერმინი „კახ-ელ-ი“ (მდ. ქალაქი ქართ-ლ-ი და ქართ-ლ-ელ-ი, ან ეგრი და მ-ეგრ-ელ-ი, ან ფხო და

საამისოდ მნიშვნელოვანია აგრეთვე ლ. მელიქსეთ-ბეგის მოსაზრება. ერთ-ერთ თავის წერილში იგი, ლაპარაკობს რა კაწარეთის შესახებ (ხაშმის სამების ძველი სახელწოდება. დამოწმებული „მოქცევის“ მატრიანეში), ამბობს: „კაწარეთი ცნობილია აგრეთვე ზოგიერთი სომეხ მემატრიანეთა ნაწარმოებებშიაც, მაგ.: კვირიკე განძაკელი-სა (XIII ს.) და ზაქარია დიაკონისა (XVII ს.), მაგრამ მის ქვეშ უნდა იგულისხმებოდეს გარეკახეთის კაწარეთი—სამება კი არა, არამედ ჰერეთის (ყაზახ-განჯის რაიონის) ფარგლებში ცნობილი „კაწარეთის“ ციხე (*Կածարսիქ ყიხასի*) რომელსაც ექვს გარეშეა. რალაც კავშირი უნდა ჰქონდეს პირველთან, მით უმეტეს, რომ ჰერეთშიც კაწარეთის—ციხის ახლოს ცნობილია ერთი მონასტერი ისეთივე სახელწოდებით, როგორიცაა „ხაშმი“, ე. ი. „ხაშმის“ ანუ „ხაშმის“ მონასტერი (*Մամչի վանք*). ყოველ შემთხვევაში, ორივე სახელწოდების გარეგნული სახე—ერთში სუფიქსი „სქ“, ხოლო მეორეში დაბოლოება „ქ“—გვიმტოცებს, რომ ისინი ქართული ნომენკლატურიდან წარმომდგარან, ალბათ გარეკახეთიდან ჰერეთში ჯერ კიდევ XIII საუკუნემდე მომხდარ ემიგრაციის გამო“¹⁰. ჰერეთის ლ. მელიქსეთ-ბეგისეულ ლოკალიზაციას რომ თავი დაეანებოთ (აქ უკეთესი იქნებოდა რანის ან გარდაბანის ხმარება), ფორმალური მსგავსება ჩვენ ეხლა შეგვიძლია ზემოთ წარმოდგენილი, ქართლის სამეფოს

ფხო-ელ-ი ანუ ფხოვი და ფხოველი და სხვ... (მეორე მხრივ, ეს პუნქტი („კახი“) უნდა არსებულიყო დღევანდელი შივნიკახეთის ანუ ჰერეთის ტერიტორიაზე, რადგან სწორედ აქ მოსახლენი არიან „კახელები“. გეოგრაფიული პუნქტი „კახი“ კი, ცხადია, უნდა წარმოექმნათ იქ დასახლებულ „კახებს“. ამგვარად, იქმნება ასეთი გრადაცია (უეპველია, ქრონოლოგიურიც): „კახი“ (ეთნიკური ცნება)—„კახი“ (გეოგრაფიული ცნება)—„კახელი“ (ეთნიკური ცნება). ნ. ბერძენიშვილმა შეგვნიშნა, რომ უფრო სწორი უნდა იყოს ასეთი თანამომდევნობა: „კახი“ (ეთნ.), „კახეთ-ი“ (გეოგრ.)—„კახ-ელ-ი“ (ეთნ.), თუმცა მანვე მიგვითითა ზოგ შემთხვევაში ეთნიკური და გეოგრაფიული ცნებების იდენტურ გამოხატულებაზედაც (მაგალათად: ეგრი-გეოგრ. და ეგრი-ეთნ. ან ფშავი-გეოგრ. და ფშავი-ეთნ.). ასეც რომ იყოს, ვფიქრობთ ეს ჩვენს ვარაუდს არ დაარღვევს, რადგან მთავარია ის, რომ ჩვენ გვაქვს გეოგრაფიულად გამიჯნული ორი ეთნიკური ცნება: „კახი“ და „კახელი“, რომელშიც მეორე („კახელი“), უეპველია, მეორადი წარმოშობისაა.

თუ ჩვენი მსჯელობა სწორია, მაშინ ის გარემოება, მიუხედავად იმისა დღეს არსებული სოფ. კახია ამის მიზეზი (ნ. ბერძენიშვილის შენიშვნით აწინდელი კახა არის იგივე ძველი კაკი, მელქისედეკის დაწერილში რომაა მოხსენებული. საკითხავია: ხომ არ არის „კაკი“ „კახის“ ერთ-ერთი პერული დიალექტის ვარიაცია?), თუ სხვა ძველად არსებული ამავე სახელწოდების სოფელი, უეპველს ზღის ჰერეთის ტერიტორიაზე სწორედ „კახების“ ექსპანსიას, ამდენადვე საგულისხმოა, „კახელი“, როგორც „კახისაგან“ განსხვავებული, იმთავითვე „ჰერებთან“ რამოდენადმე ასიმილირებული ეთნიკური ერთეულის წარმომადგენელს ეწოდებოდა.

¹⁰ საისტორიო მ-ბე, წ. II, 1924, გვ. 160—1.

აღმოსავლეთი საზღვრის გაფართოების ტენდენციით შევამაგროთ და ამრიგად, ეს ცნობა საესეებით სანდოდ მივიჩნიოთ¹¹.

მაგრამ, რამდენადაც ქართული ელემენტის ექსპანსიას უძველესი დროიდან ვგულისხმობთ, ამდენად ამ ცნობებს ჩვენთვის არც-თუ ისე დიდი ღირებულება უნდა ჰქონდეს, რადგან შუა საუკუნეებს არ სცილდებიან.

ჩვენ უფრო ძველი მოწმობა გვჭირდება. და სწორედ ასეთი ძველი მოწმობა დაცული აქვს სტრაბონს ზემოთ უკვე განხილულ ცნობაში, რომელსაც კვლავ მოვიტანთ: „კამბისენეში... სომხები ხვდებიან იბერებს და ალბანებს“¹². სტრაბონის ცნობა სწორედ იმითაა შესანიშნავი, რომ იგი ლაპარაკობს არა ივერიის პოლიტიკურ საზღვარზე, არამედ ივერიელების ეთნიკურ (resp. პოლიტიკურ) საზღვარზე, რომლის მიხედვითაც ჩვენ უნდა ვივარაუდოთ ივერიელების განსახლება მეტ-ნაკლებად კომპაქტური მასით მთელ იორ-ალა-ზანს შორის ტერიტორიაზე უკვე ძვ. წ. I საუკუნეში და, ამდენადვე, ამ პროცესის დასაწყისი კიდევ უფრო უკან გადავწიოთ რამდენიმე საუკუნით მაინც.

ამგვარად, ჩვენ მიერ ნავარაუდები (ქ-ც-ის მიხედვით) უძველესი დროიდან ივერიელების პოლიტიკური ექსპანსია აღმოსავლეთისაკენ თანხვდება ამ უკანასკნელთა, ასე ვთქვათ, ეთნიკურ ექსპანსიასაც და ამდენად, დებულება, რომ ეს ორი მოვლენა ურთაერთგაპირობებული იყო, რეალური ხდება¹³.

¹¹ ცნობა სხვაგვარადაცაა საგულისხმო და, ეგების, მისი თარიღიც რამდენადმე დაზუსტდეს. კერძოდ, ეს ცნობა შესაძლებელია IX ს-ში ცნობილ „კახ გარდაბანელებს“ დაუფუკავშიროთ და კახთა გარდაბანში ექსპანსიის მატერიალურ საბუთად ვიცნოთ.

¹² XI, 4; ВДИ, № 4, გვ. 219.

¹³ გ. მელიქიშვილმა შეგვნიშნა, რომ სტრაბონთან ტერმინი „იბერი“ პოლიტიკური მნიშვნელობა აქვს, რაც მოწმდება მისი ცნობით მთიელი ივერელებას შესახებ, რომლებიც სარმატებს ენათესავებიან (იხ. ზემოთ). ამდენად ჩვენს შემთხვევაშიც გარკვეული სიფრთხილე გვმართებს.

რასაკვირველია, ჩვენ ეს გათვალისწინებული გვაქვს და გვგონია, რომ არა ვცდებით, როდესაც ეთნიკურ საზღვარზე ვლაპარაკობთ: ჯერ ერთი, თვით იმ ცნობაში ივერიის მთიელებს რომ ეხება, როგორც აღენიშნეთ, სტრაბონი ამ უკანასკნელებს მაინცდამაინც ივერიელებს უწოდებს, მიუხედავად იმისა, რომ ისინი სკვით-სარმატებს ენათესავებიან. ეს ჩვენი აზრით, მაშასადამე, ამ მთიელების უკვე შორს წასულ კულტურულ და აგრეთვე ეთნიკურ ივერიზაციაზე უნდა მიუთითებდეს. თუ არა ვცდები, სხვა სახელი ამ მთიელებისა სტრაბონმა არ იცის. ესეც, ამ მხრივ, ნიშანდობლივი უნდა იყოს.

რაც შეეხება კამბისენეს შესახებ ცნობას, არა მგონია აქ „იბერების“ ქვეშ პერებიც იგულისხმებოდნენ. პერები ალვანური ტომი იყო, ხოლო ალვანელებს სტრაბონი კარგად იცნობს. პოლიტიკური აზრითაც რომ გავიგოთ აქ ივერიელები,

ამ მოვლენის მეორე მხარეა ის ფრიად მნიშვნელოვანი გარემოება, რომ უკვე უძველესი პერიოდიდან უნდა დაწყებულიყო ივერიელთა მიერ ჰერების ასიმილაციის პროცესი, რისი შედეგიც იყო ჰერეთის ადრეფეოდალური ქართული სამეფოს წარმოქმნა (ამის შესახებ ქვემოთ). რომ ამ პროცესში სწორედ ქართული ელემენტი იყო აქტიური და არა ალვანური, ეს მართლდება ჯერ ერთი, სტრაბონის ცნობით, რომლის მიხედვით ივერია გაცილებით დაწინაურებულია ალვანეთზე სოც.-ეკონომიურად და, მეორე, თვით ამ პროცესის შედეგით—ქართული ჰერეთის სამეფოს წარმოქმნით.

დავუბრუნდეთ ახლა კვლავ მირიან მეფისა და წმ. ნინოს მოღვაწეობას. შესანიშნავ ცნობებს გვაწვდიან „მოქცევაჲ ქართლისაჲს“ მატიანე და „წმ. ნინოს შატბერდისეული ცხოვრება“.

ჩვენთვის მეთად საინტერესოა ის გზა, რომელსაც წმ. ნინო გაივლის სხვადასხვა ტომთა მდსაქცევად.

წმ. ნინო „წარვიდა და დადგა წობენს და მოუწოდა მთეულთა: ჰართალელთა და ფხოველთა და წილკანელთა და უქადაგა სარწმუნოვება“¹⁴; შემდეგ „გარდავიდა ერწოდ და დადგა ქალეთს, დაბასა ედემს და ნათელსცა ერწუთიანელთა და ყუარელთა ესმა ესე და გარდაკრბეს თოშეთა“¹⁵. ჰელიშისეული ნუსხა აქ, როგორც ვიცით, სხვაგვარად უჩვენებს: „წარვიდეს ერწოდ და დადგეს ედომს, დაბასა ქალეთს“¹⁶.

ამის შემდეგ ნინო „შთავიდა კხოეთა და დადგა კაწარეთს და მონათლნა კხოელნი და სოჯნი ერითურთ მათით“¹⁷. შემდეგ, „გარდავიდა კახეთა და დადგა ქველ დაბას და მოიყვანნა კაცნი მთავარნი და მონათლნა“¹⁸. ჰელიშის ნუსხა აქ მნიშვნელოვან ჩანართს აკეთებს „კ“ დ გარდვიდა დიდად კახეთად. და დადგა... ქველ დაბას

მაინც, ეს მთიელთა ანალოგიურად, ჰერთა მძლავრ ივერიზაციაზე მიგვიითიებდა. რომ აქ, ასე ვთქვათ, „წმინდა“ ივერიელები „გულისხმებიან, ამას გვაგარაუდებინებს ჯერ ერთი, სტრაბონის ცნობის პირდაპირი ვაგება და აგრეთვე მთელი ის ტენდენცია, რომლითაც ჩასიათდება ქართლ-ჰერეთის ურთიერთობა და, კერძოდ, უფრო გვიანდელი უტყუარი მოწმობანი ქართველთა მოძრაობისა აღმოსავლეთით, ჰერეთისაკენ.

¹⁴ Опис., 716.

¹⁵ იქვე, 716—7.

¹⁶ იქვე. ჩვენ უკვე აღვნიშნეთ, რომ ამ პუნქტებში საგულისხმოა იმდროინდელი პოლიტიკური (და კულტურული) ცენტრები (წობენი, ქალეთი).

¹⁷ იქვე, 717. ჰელიშის ვარიანტი იგივე ტექსტს იძლევა, მხოლოდ „კხოეთას“ მაგიერ „კახეთია“, შესაბამისად „კხოელთა“ მაგიერ „კაოხნი“; ხოლო „სოჯთა“ მაგიერ „სუჯნი“. როგორც ეს ჯერ კიდევ ე. თაყაიშვილმა აღნიშნა კახ-კხოელთა ქვეშ უნდა კახნი თუ კოხნი ვიგულისხმოთ, იხ. СМОНПК, 28, გვ. 26, შენ. 2.

¹⁸ იქვე.

და მოიყვანა კაცნი მო¹⁹ ვრნი, ამათვე მეფეთა ნათესავნი, და ნათესავნი¹⁹. „და დასნეულდა და წარმოემართა მცხეთად და ვა მოიწია¹⁹ ეს თეთას (ჭელიშ.—კახეთად) დაბასა რ¹⁹ ლსა ჰრქვან ბოდინა (ჭელ.: ბოდისი), ვერღარა უძლო სლვად“²⁰.

განგებ მოვიტანეთ დაწვრილებითი ამონაწერი, რადგან, უპირველეს ყოვლისა, გვინტერესებს ნინოს ზუსტი მარშრუტის დადგენა. ამ მხრივ, შატბერდისეული ნუსხა გაცილებით უფრო ზუსტია: წობენიდან, რომელიც წობენის მთის ჩრდ. ფერდობზეა, არაგვის მარცხენა შენაკადის, წირღლის ხევის ზემო წელზე, წმ. ნინო, მართლაც, უნდა „გარდასულიყო ერწულ“; ქალეთიდან კი, ცხადია უნდა „შთასულიყო“ კაწარეთს და აქედან კვლავ „გარდასულიყო კახეთა“, ალბათ კაწარეთზე გამავალი გომბორის უღელტეხილზე გადასასვლელი გზით²¹. კახეთიდან წმ. ნინო წამოსულა მცხეთისკენ და გზად გამოუვლია ბოდინში, რომელსაც ბოდბესთან აიგივებენ. გომბორზე გადასული ნინო რომ გზად ბოდბეში მომხვდარიყო, ცხადია, მას მანამდე ვრცელი გზა უნდა გაევილო და ამდენადვე თავისი „საგანმანათლებლო“ საქმიანობაც დიდ ტერიტორიაზე განეგრძო. კერძოდ, მას თითქმის მთელი აწინდელი შიგნიკახეთი უნდა მოევილო, რომ ბოდბეში გამოსულიყო.

ერთი სიტყვით, ასეა თუ ისე, ცხადია, რომ თავის სამოციქულო მოღვაწეობას ნინო ჰერეთის ტერიტორიაზე ეწევა. თვით ბოდბეც ხომ ჰერეთის ტერიტორიაზეა²². წმ. ნინოს მოღვაწეობა რომ სწორედ ჰერეთშია ნაგულისხმევი, ამის დადასტურებას თვით ქ¹⁹ ც¹⁹ შივ ცხოვრებით, მაგრამ ამას ქვევით ვნახავთ.

ახლა კი აღვნიშნავთ: თუ გავითვალისწინებთ, რომ ამ შემთხვევაში ქრისტიანული რელიგიის გავრცელება გულისხმობს სათანადო კულტურის გავრცელებას, ხოლო საბოლოო ჯამში პოლიტიკურ ბატონობას, ცხადი გახდება, რომ წმ. ნინოს მოღვაწეობის სახით ჩვენ გვეძლევა საბუთი ქართლის სამეფოს პოლიტიკური და კულტურული ბატონობის კიდევ უფრო მეტად განმტკიცებისა ჰერეთის შემოერთებულ ნაწილში. ამასთან თუ გავიხსენებთ, რომ „აღმოსავლეთ საქართველოში ქრისტიანული ეკლესიის ენა თავიდანვე ადგილობრი-

¹⁹ Опис...

²⁰ იქვე.

²¹ ეს გზა სამების ხევით ვერონამდე, ხოლო აქედან, უღელტეხილით, შიგნიკახეთში ეხლაც არსებობს.

²² ის გარემოება, რომ ჰერეთი აქ მოხსენებული არ არის, ან რომ დაბა ბოდიხან კახეთშია— Опис..., 717; ქ¹⁹ ც¹⁹, 77, 82; ხან კახეთში— Опис..., 803; ქ¹⁹ ც¹⁹, 80; მიგვაჩნია გვიანდელი ვითარების გამოძახილად რასაც, უთუთა, თავისი მიზეზი ჰქონდა; მაინცდამაინც ნიშანდობლივად მიგვაჩნია, რომ ჰიჭინაძის გამოცემული ქ¹⁹ ც¹⁹, წ. I, გვ. 136, დაბა ბოდს ჰერეთში უჩვენებს.

ვია, ეროვნული-ქართული²³, და რომ, ე. ი. მოქცეული ჰერეთის ნაწილის ოფიციალური ენაც ამიტომ ქართული უნდა ყოფილიყო, მაშინ ნათელი იქნება ის საკმაოდ მნიშვნელოვანი კულტურული საქმიანობა, რასაც ადგილი უნდა ჰქონოდა IV ს-ის პირველი ნახევრის ჰერეთში და რომელსაც ნიადაგი საუკუნეთა მანძილზე ჰქონდა შემზადებული.

ცხადია, მეორე მხრივ, ეს იმის მაჩვენებელია, რომ ჰერთა ასიმილაციის საქმე საკმაოდ შორს წასულა, თუმცა ამ დროს მათი მთლიანი ასიმილაცია არაა სავარაუდებელი.

რომ ქართული წყაროების ცნობები სინამდვილეს შეეფერება ამისი მატერიალური დადასტურება IV ს-ის ნეკრესის ბაზილიკა, ჰერემის კვადრატი და ბოდბის ძველი პატარა ეკლესია²⁴—სამივე ძველ ჰერეთში.

ყოველივე ამის შედეგად უკვე ამ დროს, ე. ი. IV ს-ში ივერიის აღმოსავლეთ პერიფერიაზე იქმნება პოლიტიკური ერთეული ეთნიკურად ჭერ კიდევ ნარევი მოსახლეობით. ესაა სწორედ გვიანდელი შიგნი და გარეკახეთი.

აქ უნდა შევნიშნოთ, რომ არაა სავალდებულო წარმოვიდგინოთ მაინცდამაინც ერთი ერთეულის შექმნა. დღევანდელ შიგნიკახეთს, როგორც ზემოთ აღვნიშნეთ, ჰელიშის ნუსხა „დიდ კახეთს“ უწოდებს. შესაძლებელია ეს ტერმინი ძველი იყოს და ჰერეთის გარკვეულ ტერიტორიასაც მოიცავდეს²⁵, ხოლო „მთავარნი, ამათვე მეუფეთა (ქართლის მეფეებზეა ლაპარაკი—დ. მ.) ნათესავნი“ სწორედ ამ ერთეულის განმგებლებად წარმოვიდგინოთ; მაგრამ შესაძლებელია ტერმინი „დიდი კახეთი“ გვიანდელი იყოს, მერმინდელ გადამწერთაგან შექმნილი, ხოლო ზემოხსენებული მთავარნი მხოლოდ კახეთის (თავდაპირველი კახეთის იმ ნაწილის, დღევანდელი კახეთის ქედის იქით რომ იყო) განმგებელნი²⁶. ეგების სავარაუდო იყოს თავ-

23 ს. ჯ ა ნ ა შ ი ა, შრომები, ტ. I, გვ. 244.

24 გ. ჩ უ ბ ი ნ ა შ ვ ი ლ ი, ქართ. ხელ. ისტ., 1936, გვ. 25—27.

25 ამასთან დაკავშირებით საინტერესოა, რომ ქაოქი ნეკრესი „უკვლავან (ლენონტისთანაც და აბიბოსის მარტივლობაშიაც), კახეთის კევშია“, მაშინ როცა ლენონტისვე კონცეფციით იგი ჰერეთში უნდა იყოს.

26 აქ არ შეიძლება არ მოვიგონოთ მდიდრული სამარხის ინვენტარი ახმეტის რ-ნის სოფ. ახალდაბიდან, აღმოჩენილი 1948 წელს. ამ ნაწილობრივ შემორჩენილი ინვენტარის სიმდიდრე და დიდი მსგავსება არმაზის პიტიახშთა სამარხულთან, ვფიქრობთ, ქმნის საფუძველს ამ ტერიტორიაზე ცალკე ადმინისტრაციული ერთეული ვივარაუდოთ, მსგავსად იმისა, როგორც დაახლოებით ამავე ხანებში ქართლის სამეფოს საპირისპირო დასავლეთ ნაწილში, გვიანდელი არგვეთის საერისთავოს ტერიტორიაზე, ლომსიანთ ხეეში, საქმარისი საფუძელით, ივარაუდება („ბორის საპიტიახშო“. გ. ცქიტიშვილი); ადვილი დასაშვებია, რომ ეს მთავარნი, ქარ-

დაპირველად ჰერეთის გარკვეულ ხანამდე ვასალური დამოკიდებულება ქართლის სამეფოს მიმართ, რის საფუძველსაც, როგორც ვნახეთ, ქ-ც-ის ტექსტი გვაძლევს, მაგრამ ყოველივე ამისთვის ცნობები გვაკლია.

მაინცდამაინც ჰერეთის ერთი გარკვეული ნაწილი, სახელდობრ, დაახლოებით გვიანდელი გარეკახეთი, კახეთ-კუხეთისათვის უშუალოდ შეუერთებიათ და სწორედ ამ დიდი ერთეულის (კახეთ-კუხეთი, ჰერეთის ნაწილი) ცენტრად ეხლა უკვე ქალაქი უჯარმა გვევლინება.



უჯარმის გადაქცევა კახეთის ცენტრად სრულიად კანონზომიერად მოხდა და ეს მოვლენა გაპირობებული იყო მთელი იმ პროცესით, რომლის ჩვენებაც ჩვენ ზემოთ ვცადეთ.

უჯარმა გეოგრაფიულად იმ ადგილას მდებარეობს, საცა ერთმანეთს ხვდებოდა კახეთის, კუხეთისა და ჰერეთის საზღვრები. თუმცა ვახუშტი მას მაინცდამაინც კუხეთს აკუთვნებს²⁷, მაგრამ უეჭველია, რომ უჯარმა კახეთის (ეგებ პოლიტიკური კახეთის) ცენტრია²⁸.

უჯარმა პირველად იხსენიება ასფაგურ უკანასკნელი ფარნავაზიანის დროს, რომელიც ქ-ც-ით თანამედროვე იყო სასანელთა დინასტიის გაბატონებისა ერანში. „ამან აღაშენა ციხე-ქალაქი უჯარმა“, ამგვარად, ქალაქი უჯარმა პირველად III ს-ის შუა წლებისთვისაა დამოწმებული. სავარაუდოა, რომ აქ ცარიელ ადგილზე აშენების შე-

თლის სამეფო დინასტიის გვარიშვილები, რომლებიც დაახლოებით იმავე ტერიტორიაზე ივლისხმებიან, სწორედ იმ წარჩინებულთა „შთამომავალნი“ ყოფილიყვნენ, რომელთა საგვარეულო სამაროვანთანაც, ვფიქრობთ, საქმე გვაქვს ახალდაბის აღმოჩენის სახით.

²⁷ „საქ-ს ცხოვრება“. გვ. 151; მაგრამ ვახუშტის ცნობა ეხება XI ს-ეს და ამდენად გვიანდელი მოვლენა შეიძლება იყოს; თუმცა ჩვენ ზემოთ ვნახეთ, რომ ქ-ც-ის მიხედვითაც კუხეთის საზღვარი ერთ დროს დედაციხე-ბოჭორმამდეა გაწეული, იხ. ზემოთ.

²⁸ ამას ქვემოთაც დავინახავთ; მაგრამ აქ აღვნიშნავთ, რომ კახეთ-კუხეთის საკითხი ქართულ წყაროებში ბუნდოვანი და გაურკვეველი გვეჩვენება: რა ურთიერთობაში არიან კახები კუხებთან? ლეონტის მიხედვით კუხები, მაინცდამაინც, ცალკე ტომად და ამდენად მათი ტერიტორია ცალკე საგამგეო ერთეულადაა წარმოსადგენი. მაგრამ უკვე ფარნავაზის დროს კუხეთი, როგორც ცალკე ერთეული, მისივე წარმოდგენით აღარ არსებობს. ლეონტის მიერ კახეთის ასეთ დიდ ფარგლებში წარმოდგენა შესაძლებელია მისი დროის სინამდვილის გავლენა იყოს. მაინცდამაინც მისივე თხრობიდან ირკვევა, რომ კუხეთი ცალკე საგამგეო ერთეულია. ასე, მაგ.: თუმცა ამზასპის დროსაც კუხეთი „კახეთის საერისთაოშია“ საგულისხმო (ანას. ქ-ცა, 34), ხოლო მირიანის დროს კახეთი და კუხეთი, მიუხედავად იმისა, რომ ცალ-ცალკეა დასახლებული, მაინც ერთ ერთეულად გაიზრება, მი-



სახებ არაა ლაპარაკი²⁹, არამედ—საკუთრივ ქალაქ უჯარმის აგებაზე³⁰. ამას ტექსტის პირდაპირი გაგება გვავარაუდებინებს. მეორე მხრივ, უკვე მესამე საუკუნეში უჯარმის ქალაქად ხსენება არ უნდა იყოს გადაჭარბებული: დაახლოებით ერთი საუკუნის შემდეგ უჯარმა მცხეთის მეტოქედ და მასთან ერთად ქართლის სამეფოს უმნიშვნელოვანეს ცენტრად გვევლინება. შესაძლებელია ეს ცნობა, III საუკუნეს რომ ეხება, მიუთითებდეს უჯარმის ქალაქად გადაქცევის ეპოქას.

უჯარმის ქალაქად და შემდეგ კახეთის პოლიტიკურ ცენტრად გადაქცევა გაპირობებულ იყო კახეთის (კუხეთიანად) და ჰერეთის ხანგრძლივი პოლიტიკური ურთიერთობის ევოლუციით და, რაც მთავარია, კახეთის (კერძოდ ივრის ხეობის) მეურნეობრივი ვითარებით.

რიანის ძის ბაქარის დროიდან მაინც, ვიდრე ვახტანგ გორგასალამდე კუხეთი ცალკე საერისთავოა. ლეონტი მროველი ამბობს: ბაქარმა „მოიყვანა ძმისწულნი მისნი და მისცა კუხეთი და დასხნა რუსთავს ერისთავად“ (ანას. ქცა, 85). აქედან ეგებ ისიცაა სავარაუდო, რომ სწორედ ბაქარმა ადადგინა კუხეთის დამოუკიდებლობა კახეთისაგან, რომ თითქმის მანამდე რუსთავს ერისთავნი არა მკდარან, ხოლო მან კი „დასხნა“; ჯუანშერის ცნობა უეჭველს ხდის ლეონტის ამ ცნობას. ჩვენთვის საინტერესო ადგილი ჩართულია, ვახტანგ გორგასლის შესახებ თხრობაში: „ხოლო შირიან და გრიგოლ იყუნეს ნათესავისაგან რვეის, შირიანის ძისა და აქუნდა კუხეთი და ცხორებდეს რუსთავს ციხე-ქალაქსა: რამეთუ შემციობულ იყუნეს ურთიერთას კლვითა“ (ანას. ქცა, გვ. 105). ვახტანგის დროს კუხეთი და კახეთი კვლავ ცალ-ცალკეა დასახელებული, მაგრამ აქაც ერთ ერთეულადაა ნაგულისხმევი. VI ს-ში, როგორც უკვე აღვნიშნეთ, დავით გარეჯელის ცხოვრების მიხედვით კუხეთი ცალკე საერისთავოა. აქედანვე ივარაუდება, რომ ჰერეთის ნაწილს (გარეჯის უდაბნო) ამ ერისთავის საგამგეოშია. VII ს-ში კუხეთი კვლავ ცალკეა. (იხ. არაბების მიერ დაპყრობილ მხარეთა სია, ქვემოთ). ვახუშტი კუხეთის საბოლოო შეერთებას კახეთის მიერ გრიგოლ კახთა მთავარს (VIII ს-ის ბოლო) უკავშირებს (აღწ. გვ. 87). კუხეთი რომ, მართლაც, ცალკე ერთეულად არსებობდა ამას ისტორიული ტოპონიმიკაც მოწმობს: ზემონაჩვენებ „წინააღმდეგობებთან“ ერთად, ბოდბის ლოკალიზაციასთან რომ აღვნიშნეთ, ამის მოწმობაა დავით აღმაშენებლის ისტორიკოსის ცნობა: „ქუეყანა იორის პირი, კუხეთი“ (ანას. ქცა, 203). ეს ჰერეთის ქვეყანა კუხეთად მხოლოდ მაშინ შეიძლება წოდებულიყო, როდესაც კუხეთი პოლიტიკურად მასაც მოიცავდა, ხოლო ეს კი შესაძლებელია მაშინ მომხდარიყო, როდესაც კუხეთი პოლიტიკურად დამოუკიდებელ (კახეთისაგან) ერთეულს წარმოადგენდა. ამის გამოძახილია ივრის ბასეინის კუხეთად წოდება; (ცხადია, ივრის ზემო წელი გამორიცხულია).

²⁹ ამას უცილობლად, რასაკვირველია, მხოლოდ არქეოლოგია დაამტკიცებს.

³⁰ და არა იმ ციხე-სიმაგრისა, რომელიც დღესაცაა და არქეოლოგიური გათხრებით სამი წლის განმავლობაში კარგადაა გამოვლენილი.



აქ პირდაპირ მივადექით იმ ეკონომიურ სარჩულს, რომლითაც გაპირობებული იყო ქართლ-ჰერეთის პოლიტიკური ურთიერთობა და რომელმაც საბოლოო ჯამში წარმოქმნა ქალაქი უჯარმა.

ისეთი ჰავისა და რელიეფის მქონე ქვეყნისათვის, როგორცაა საქართველო, ცხადია, განსაკუთრებით ისტორიულ ხანაში, დიდი მეურნეობრივი მნიშვნელობა უნდა ჰქონოდა მესაქონლეობას და, კერძოდ, მეცხვარეობას³¹. ეს სრულიად უდავოა საამისო არქეოლოგიური, ეთნოგრაფიული და აგრეთვე ისტორიული წყაროების მონაცემებით. ცხადია, ამ გარემოებას უნდა გამოეწვია გარკვეული პოლიტიკური კურსი, ქართლის სამეფოს მესვეურებისა, რომელსაც ისინი ატარებდნენ კავკასიონის მთიანეთის მოსახლეობის მიმართ. კერძოდ, ჩვენ გვგონია, ამით უნდა აიხსნებოდეს ძირითადად ის ნშირად დამოწმებული ქრ-ში საქმიანობა, რომელსაც ქართლის მეფეები ეწევიან კავკასის მთიანეთში: მაგ., ფარნავაზის და გათხოვილია ოსეთში; ცოლი ურძუყეთიდანა ჰყავს; საურმაგიც საქმიანობს მთიანეთში „დიდოეთიდან ეგრისამდე“ და ესენი „დაიპყრნა მისანდობელად თვისად“³². სპარსთა მეფემ მირიანის, თავისი შვილის, ქართლის ტახტზე დაჯდომის შემდეგ „წარიხუნა კვენი კავკასიანთანი, და დასხნა ყოველგან მთავარნი, და უბრძანა მათ ყოველთა, რათა იყუნენ მორჩილ ძისა მისისა მირიანისსა“³³. თვით მირიანი, როგორც ვიცით, მთიანეთში ავრცელებს ქრისტიანულ რელიგიას; ვახტანგ გორგასალმა ოსები და „ყიფჩაყები“ დაიმორჩილა; მას საერთოდ მთელი ივერიის მთიანეთი ემორჩილება: „წარვიდა ვახტანგ და მიადგა თიანეთს. მუნ მიერთნეს ყოველნი მეფენი კავკასიანნი, ორმოცდაათი ათასი მკედარი“³⁴. დაჩი „ნობატელებში“ საქმიანობს და სხვ. და სხვ. მაინცდამაინც ნეკრეს-ნელქარის ასეთი დაქინებითი მშენებლობა და გამაგრება ქართლის მეფეების მიერ, რაც ორი ზემოხსენებული შემთხვევის გარდა ნაჩვენებია აგრეთვე მირიანის დროს³⁵ და თრდატის დროს³⁶—ეს გარემოებაც ჩვენ, ნაწილობრივ მაინც, მიგვაჩნია ქართლის გავლენის გავრცელების ნიშნად მთიანეთში, კერძოდ, დიდოეთ-ხუნზახში, რომელთა მახლობლადაც იყო ეს გამაგრებული ქალაქი³⁷.

31 განსაკუთრებით ისეთი მთიანი ქვეყნისთვის, როგორც იყო თავდაპირველი კახეთი, რომლის ძირითადი მეურნეობის დარგი სწორედ მესაქონლეობა და, კერძოდ, მეცხვარეობა იყო (იხ. ქვემოთ).

32 ანახ. ქრცა, გვ. 19.

33 იქვე, გვ. 41.

34 იქვე, 98.

35 იქვე, 41. მირვანოზმა „მოამტკიცნა ზღუდენი ნეკრეს ქალაქის“.

36 *Опис...* 720; „ნეკრესს კახეთისასა ეკლესია აღიშენა განსრულებით“.

37 ამასთან დაკავშირებით ვფიქრობთ უადგილო არ იქნებოდა აქ მოგვეტანა მ. ჯანაშვილის ცნობები, რომლებიც მართალია შედარებით უფრო გვიანდელი სპ

რასაკვირველია საქმე ცალმხრივად ან მხოლოდ კეთილგანწყობილებით არ უნდა გავიგოთ. თვით მთიელთა ბარში ექსპანსიისა და ბრძოლების ამბებიც კარგადაა ჩვენს წყაროებში ნაჩვენები (ოვსები, „ხაზარები“) და სხვა მხრივაც კარგადაა ცნობილი. მაგრამ ქართლის სამეფოს მესვეურთა ზემონაჩვენები პოლიტიკური კურსიც უცილობლად მიგვაჩნია. და ეს მით უფრო რომ რამდენადაც ქართლის სამეფოს ეკონომიკა დაინტერესებული იყო მთიელ მომთაბარეთა ჯოგფარებით, იმდენადვე თვით მთა დამოკიდებული იყო ბარზე³⁸.

მაგრამ ამ პოლიტიკური კურსის ხორცშესხმისათვის გადასალახავი იყო ერთი მნიშვნელოვანი დაბრკოლება, რის გარეშე თვით ეს კურსი ჰაერში გამოკიდებული დარჩებოდა.

საქმე ისაა, რომ: „При рассмотрении агроботанической карты древней Грузии бросается в глаза большое несоответствие зимних и летних пастбищ: по площади летние пастбища в несколько раз превышают зимние, если к этому добавить и тот факт, что по емкости, т. е. количеству скота, выпасаемого на единицу площади, и та летних пастбищ более чем вдвое превосходит соответствующую площадь зимних пастбищ, то несоответствие между зимними и летними пастбищами, применительно к количеству общего поголовья всех видов выпасаемого на них скота, станет еще более очевидным“³⁹. ივ. ჯავახიშვილი, რომელსაც შედგენილი აქვს ეს აგრო-ბოტანიკური რუკა⁴⁰, წერს: „ტფილისითგან ბარდავამდე და ივრის სანაპიროებზე

ნას მიუთითებენ, მაგრამ უთუოდ ძველ ტრადიციასაც მოწმობენ. მ. ჯანაშვილი წერს: „კვალი ქართველობისა ღლიდეს, საჩენოს და ხუნს ღღესაც არ გამოქალა. საჩენოს, მდ. ასის ხეობაში, არის ძველი ტაძარი, რომლის ქართული წარწერებაც იხსენიებენ აჭაურს ერისთავს (830 წელს) ეპისკოპოზ გიორგის და სხვ. ხუნძახის ახლოს აგრეთვე არის ტაძარი „დათუნი“, რომლის ქართული წარწერა წაიკითხა ე. თაყაიშვილმა (ქართ. მატთანე, გვ. 58). ყაბარდოსაც აღმოჩნდა ქართულ წარწერაინი საყდარი“ და სხვ. (იხ. ვ ა ხ უ შ ტ ი, საქართველოს გეოგრაფია, მ. ჯანაშვილის გამოც., გვ. 173, შენ. 320). შდ. აკად. ა. ჩ ი ბ ა ვ ა, ქართულ-ხუნძურა წარწერა XIV საუკუნის დაღესტანში, შენ. აკად. საქართ. ფილიალის მოამბე, ტ. I, № 4, 1940 წ. აკად. ჯ. კ ე კ ე ლ ი ძ ე, ქართული კულტურის ისტორიისათვის მონღოლთა ბატონობის ხანაში, ეტიუდები ძველი ქართული ლიტერატურის ისტორიიდან, II, 1945, 314—324; ტ. ვ უ დ ა ვ ა, ორი წარწერა (ქართული და ქართულ-ხუნძური) დაღესტნიდან. მასალები საქ. და კავკასიის ისტორიისათვის, ნაკვ. 30, 1954, 185—196.

³⁸ კერძოდ, შესანიშნავად აქვს გამოთქმული. ამ მხრივ, ძველი კახეთის მნიშვნელობის შესახებ ვახუშტს. ლაპარაკობს რა ფშავებზე ამბობს: მიწის „სიმწირისათვის მონებენ ვისცა უპყრავსთ თიანეთი, რამეთუ იზრდებია მუნ იდამ“; აღწ. სამ. საქ., გვ. 92.

³⁹ М. Д. Рчеулишвили, К истории овцеводства Грузии, 1953, გვ. 19.

⁴⁰ იხ. საქართველოს ეკონ. ისტორია, წ. I, 1930.

ზამთრის საძოვრების არე იყო ისევე, როგორც გარეჯის მთებსა და უდაბნოს მიდამოებში. ასეთივე დანიშნულება ჰქონდა, სარწყავი რუს გამოყვანამდე, სამგორის ველსა და ჩადივარსაც⁴¹. ცხადია, აქ იგულისხმება აგრეთვე ქიზიყი და შირაქი (ანუ ძველი კამბეჩანცი).

„Такое сравнительное малое количество участков, выделенных специально под зимние выпасы, с первого взгляда наводит на мысль, что возможности для развития овцеводства были ограничены. В этих условиях (небольшое количество зимних пастбищ) овцеводство могло достигнуть значительного развития или: 1. путем использования зимних пастбищ Северного Кавказа и современной Азербайджанской ССР; 2. путем засева больших площадей с целью заготовки сена, либо использования их под выпас и 3. Путем комбинированного использования пахотных площадей, а отчасти виноградников и садов, наряду с основным их назначением также и под зимние выпасы.

Использование зимних пастбищ Северного Кавказа и нынешнего Азербайджана не оставляет сомнений. Однако бывали периоды, когда оно не могло быть таким же широким, как после присоединения Кавказа к России, и, в особенности, после установления Советской власти на Кавказе. Кроме того использование зимних пастбищ Северного Кавказа могло иметь известное значение лишь для некоторых высокогорных районов Грузии.

ამგვარად, თვით ზემოჩამოთვლილი საზამთრო საძოვრების გამოყენებაც კი, სხვა ნათესი ფართობების კომბინირებული მოხმარების გარეშე არ იყო საკმარისი მესაქონლეობის, კერძოდ, მეცხვარეობის მნიშვნელოვანად განვითარებისათვის. ამის შემდეგ ცხადია, თუ რამდენად მკაფიოდ უნდა დამდგარიყო ეს საკითხი ქართლის სამეფოსათვის მაშინ, როდესაც ამ საძოვრების უმეტესობა მის ფარგლებს გარეთ — ჰერეთსა და ნაწილობრივ რანში. როგორც ზემოთ უკვე აღნიშნული იყო, უეჭველია, ამ საძოვრების გამოყენება ქართლის სამეფოს მიერ, მაგრამ, მაინცდამაინც, მათი მოხმარების შესაძლებლობა და მოკიდებული იყო მეორე სახელმწიფოს ნება-სურვილზე და, ე. ი. სწორედ იმ დროს, როდესაც ქართლის სამეფოსათვის დიდმნიშვნელოვანი სამეურნეო დარგის — მესაქონლეობის განვითარება მუდმივ საფრთხეში უნდა ყოფილიყო. აქედან გამომდინარე, ქართლის სამეფოს მეურნეობის დოვლათიანობისათვის აუცილებელი იყო ამ

⁴¹ საქართველოს მკვლევართა კავშირის წიგნი, ისტორია, წ. 1, 1930.

⁴² М. Рчеулишვილი, ИЛИ, № 20—21.

საკითხის მისთვის სასარგებლოდ გადაჭრა, ე. ი. საზამთრო საძოვრების ხელში ჩაგდება და საკუთარი მესაქონლეობის განვითარების რეგულაცია და კონტროლი.

მეორე აგრეთვე ძირითადი ფაქტორი ივერიელთა აღმოსავლეთისაკენ მიგრაციისა უნდა ყოფილიყო იმ სავაჭრო გზის ხელში ჩაგდების სურვილი, რომელიც აღვანეთიდან სომხეთის გზით ივერიის მახლობელ აღმოსავლეთთან აკავშირებდა. მხედველობაში გვაქვს ე. წ. *Tabula Pentingeriana*, რომელიც დიდი ხანია რავენის ანონიმთან ერთად მეცნიერთა ყურადღებას იპყრობს სასანიდების დროინდელი ამ-კავკასიის სავაჭრო გზების დადგენის საკითხში.

როგორც ცნობილია, ტაბულა პეტინგერიანა IV ს-ის ძეგლად ითვლება, თუმცა სრულიადაც არაა გამორიცხული მისი გამოყენება უფრო ძველი დროის მდგომარეობის გასათვალისწინებლად. ჩვენ, უპირველესად ყოვლისა, გვაინტერესებს ამიერკავკასიაზე გამავალი სავაჭრო გზის ის მონაკვეთი, რომელიც ცნობილია ე. წ. „შემოვლითი ხაზის“ სახელწოდებით.

რაიონი, სადაც ეს გზა გადიოდა ჯერჯერობით საბოლოოდ დადგენილი არ არის და საამისოდ სხვადასხვა აზრია გამოთქმული.

მთელ რიგ ნაკლოვანებათა მიუხედავად, მაინც ჩვენ ს. ერემიანის მიერ განსაზღვრა ამ გზისა უფრო სწორად მიგვაჩნია, ვიდრე მარკვარტის⁴³ ან მანანდიანის მიერ, რომელიც მარკვარტს ემბრობა⁴⁴.

ჩვენ შეიძლება არ დავეთანხმოთ ერემიანს იმ პუნქტების აღდგენის საკითხში, რომელზედაც ამ გზას უნდა გაევიღო; მართლაც, მისი აღდგენა მეტად თვითნებურია და ყოველ შემთხვევაში სადავო⁴⁵; მაგრამ, ჩვენი აზრით, ის კი თითქოს ცხადი უნდა იყოს, რომ ქვეყანა *Hiroae* — *Eroon*, რომელზედაც ეს გზა გადიოდა უნდა იყოს ქართული ჰერეთი⁴⁶.

ამგვარად, ჩვენ ერემიანთან ერთად გვგონია, რომ „შემოვლითი გზა“ ჰერეთზე იდო. მაგრამ, დასადგენია, საკუთრივ სად გადიოდა იგი. ჩვენ აქ შესაძლებელია დახმარება გაგვიწიოს ნუმისმატიკურმა მასალამ.

⁴³ იხ. С. Еремян, ВДИ, 1939, № 1, 82.

⁴⁴ იხ. О торговле и городах Армении, 1954, გვ. 166—168.

⁴⁵ მაგ. რავენის ანონიმის *Samia*-ს აღადგენს ასე: *Cambiza* და ათავსებს სამგორის ველზე, „называемой в древности Камбечан-Камбисена античных авторов“!?

⁴⁶ „Вьяснив пункты, через которые проходила „круговая линия,“ мы тем самым определили страну *Hiroae*, которой соответствует *Eroon* — *AR*. Пространство, заключенное в указанной „круговой линии,“ в древнегрузинских источниках известно под названием *Heroti* (sic.—დ. მ.) чему соответствуют *Hiroae* и *Eroon*. იქვე, გვ. 90.

ამ მხრივ, უფრო გვიანი დროისათვის, სახელდობრ VIII ს-თვის, არსებობს თ. ლომოურის ფრიად საყურადღებო გამოკვლევა⁴⁷. ლაგოდენის რაიონის სოფლებში: აფენში, ლელიანში და კავშირში აღმოჩენილი შერეული განძების (სასანურ-არაბული მონეტები) განხილვის შედეგად იგი ასკვნის: „ეს ფაქტები (განძების აღმოჩენა—**დ. მ.**) გვიჩვენებენ, რომ მოხსენებული რაიონი VIII—IX ს-ში ცხოველ სავაჭრო ურთიერთობაში ყოფილა დიდ პოლიტ.-ეკონომიურ ცენტრებთან (იგულისხმება სახალიფოს ცენტრები—**დ. მ.**). ბუნებრივია ვიფიქროთ, რომ ამ რაიონშიც, საცა ამდენი სასანურ-არაბული ფულების განძების პოვნა დადასტურებული, მოხსენებული ურთიერთობის შედეგად წარმოიშვება უფრო მძლავრი ცენტრი, რომელსაც დაქვემდებარებოდა მთელი რაიონი. შესაძლებელია ასეთ ცენტრად სწორედ ლაგოდენი ყოფილიყო, რომლის არსებობის შესახებ საკმაოდ ძველი და სანდო ცნობა მოგვეპოვება (იგულისხმება მელქისედეკ კათ-ის დაწერილი—**დ. მ.**). ასეთი მოსაზრების საფუძვლად ლაგოდენის გეოგრაფიული მდებარეობა უნდა მივიჩნიოთ. იგი მდებარეობდა იმ დიდ გზაზე, რომელიც გაჭიმული იყო, რამოდენიმე ასეული კმ-ის მანძილზე და რომლის საშუალებითაც საქართველოს ეს მხარე უკავშირდებოდა ჩვენი ქვეყნისათვის ისეთი მნიშვნელობის მქონე პროვინციას, როგორც იყო სასანიანთა და არაბთა დროის რანი. ეს გზა მიიმართებოდა ალაზანსა და კავკასიონის ქედის შუა მდებარე ველზე. ერთი ბოლოთი გადასჭრიდა რა ალაზანს, ეინვალს სამხრეთით უერთდებოდა თბილის-მცხეთიდან ჩრდილოეთისაკენ მიმავალ გზას, ხოლო მეორე ბოლოთი გადიოდა ბელაქანსა, ზაქათალასა და ნუხაზე. აქ ერთი მისი შტო უხვევდა სამხრეთისაკენ, გადასჭრიდა მტკვარს და კვლავ სამხრეთისკენ მიდიოდა ქ. ბარდავამდე“.

სავარაუდოა თუ არა მაინცდამაინც ლაგოდენი ცენტრად, ეს სხვა საკითხია; ჩვენთვის აქ საინტერესო ის არის, რომ, ამგვარად, ლაგოდენის მახლობლად აღმოჩენილი განძები გვაგულისხმებინებენ VIII ს-ში აქ სავაჭრო გზის არსებობას, რომლის მიმართულებაც, საგულისხმოა ისეთი ყოფილიყო, როგორც დღევანდელ ანმეტა-ზაქათლის შემაერთებელ გზასა აქვს (სოფ. ფშაველის და მთისძირის შერეული განძები). ჩვენთვის უფრო საინტერესოა—შესაძლებელია თუ არა ასეთი გზის დადასტურება უფრო ადრინდელი ხანისათვის?

მიუხედავად იმისა, რომ ზემოხსენებული განძები IX ს-ის დასაწყისით თარიღდებიან, ჩვენ ვვგონია, რომ საამისო საბუთს ისინი იძლევიან. საამისო საბუთი უნდა იყოს, ჯერ ერთი, თვით ამ განძებ-

⁴⁷ „სასანურ-არაბული ფულების სამი კახური განძი“. 1945, ხელნაწერი.

ში არსებული სასანური ფული, რომელიც თარიღდება VI ს. ბოლო-თი და VII ს-ის დასაწყისით⁴⁸. თვით ამ მონეტების გვიანდელ განძებში მოხვედრა მოწმობს, რომ „IX ს-ის პირველ ნახევარში VI—VII ს-ში მოჭრილი ფული ჯერ ისევ ცოცხალია და ხმარებიდან გამოსული არ არის“. მართალია, აფენში, ლელიანში და კავშირში ნაპოვნი განძების მონეტების უმცირესი ნაწილია (8,3%) სასანური, მაგრამ თვით მათი შემონახვის ფაქტი მაინცდამაინც ამ ტერიტორიაზე, ეგებ ერთგვარად იმაზედაც მიუთითებდეს, რომ თვით მათი მოჭრის დროსაც ეს რაიონი სავაჭრო ურთიერთობის ასპარეზს წარმოადგენდა. საქმე ისაა, რომ არის ცნობები მსგავსი შერეული განძების აღმოჩენისა იმავე ტერიტორიიდან: თვით ლაგოდეხიდან და სოფ. ცოდნიდან (განძები დაიტაცეს). ამგვარივე განძებია აღმოჩენილი თელავის რ-ში: ფშაველში და ცულიყლაპია ტყონის ტყეში⁴⁹ და ერთი შემთხვევაა კიდევ ბოგდანოვკის რაიონის სოფ. დლივში. ერთი შერეული განძი, ძხოლოდ სასანურ-ბიზანტიური, ცნობილია თბილისიდან⁵⁰. სხვა დანარჩენი პუნქტების მიხედვითაც, საცა მხოლოდ სასანური ფული აღმოჩნდა, ეგებ შესაძლებელი იყოს ჩვენთვის საინტერესო საკითხზე საგულისხმო დასკვნების გაკეთება. ჯერ ერთი, ლაგოდეხის რაიონის სოფ. ბაისუბანში 1939 წ. აღმოჩენილია განძი, რომლისაგანაც გადარჩენილია მხოლოდ ორი მონეტა—კავადისა (488—531) და ორმიზდისა (579—90). შესაძლებელია ესეც შერეული განძი იყო. ერწოში: სოფ. ლულელებში, სამარხში—პეროზის (458—84) დრამა—1 ც; სიმონიანთ-ხევეში (განძი უნდა იყოს)—კავადის (488—531) დრამები—17,5 ც; თოლენჯში (დიდი განძი)—71 ცალი გადაეგზავნა მუზეუმს—თარიღდება 457—579 წწ.; შემდეგ უჯარმაში (სიმაგრის № 5 კოშკიდან)—პეროზის დრამა—1 ც. უფრო დასავლეთით: მცხეთიდან ბევრია⁵¹; წიწამურში—კავადისა—2 ც; მუხრანთან—შაბურ 1 241—272⁵²;

პირველ ყოვლისა, აქედან გამოგვაქვს დასკვნა, რომ ნუმისმატიკური მასალა ნაკლებია და ამდენად მასზე დაყრდნობით საბოლოო

⁴⁸ ხოსრო I-ის, 531—579; პორმიზდ IV-ის, 579—590; ხოსრო II-ის, 590—628.

⁴⁹ სად არის არ ვიცით.

⁵⁰ ორმიზდ IV-ის, 579—90, ხოსრო II-ის, 590—628 და ერეკლე კეისრის, 610—41. 1962 წელს კიდევ ერთი განძი აღმოჩნდა სოფ. მთისძირში (არიში)—ყვარელის რ-ნი. ისტ. მეცნ. კანდიდატ ირ. ჯალალანიას ცნობა.

⁵¹ შაბურ I, 241—272, ბარამ V, 420—32, იეზდივერდ II, 439—57; კავადი, ხოსრო I, 531—79.

⁵² ქართლიდან კიდევ ერთი დრამაა ცნობილი კავადისა თრიალეთიდან, სოფ. სანთასთან (კუფტინით), სოლანულში—ხოსრო I-ის დრამა. უფრო დასავლეთით—საჩხერე, ზესტაფონი; უკიდურეს დასავლეთით—ციხისძირთან კავადის—2 ც. და ხოსრო I-ის 1 ც. პეტრასთან დაკავშირებული ამბები!

გადაწყვეტილების მიღება ნაადრევია. მაგრამ მიუხედავად ასეთი მდგომარეობისა, სავარაუდო დასკვნის გამოტანის შესაძლებლობას მაინც ვხედავთ. პირველი გარემოება ის არის, რომ არცერთი სასა-
ნური (და არც არაბული) მონეტა დღევანდელი გარეკახეთიდან არ
გვხვდება⁵³, ხოლო აწინდელი შიგნიკახეთის, ძველი ჰერეთის და
ძველი კახეთის ტერიტორიაზე დამოწმებული პუნქტები (კოდნა,
ლაგოდეხი, კავშირი, ბაისუბანი, აფენი, ლელიანი, მთისძირი, ფშავე-
ლი, ერწო, უჯარმა, მცხეთა), გვგონია, შესაძლებელია მიგვითითებ-
დეს იმ გზაზე, რომლის შესახებაც ჩვენ ზემოთ ვლაპარაკობდით (იხ.
რუკა).

არ უნდა დავივიწყოთ ერთი მნიშვნელოვანი გარემოება: ნუმიზ-
მატიკური მასალა, მართალია, სასაინტერესოების ბატონობის ხანაში თით-
ქოს უნდა მიგვითითებდეს იმ სავაჭრო გზაზე, რომელიც ჰერეთ-კა-
ხეთზე გადიოდა, მაგრამ იგი მიგვითითებს, მაინცდამაინც V ს-ის
მეორე ნახევარზე და ამის შემდგომ ხანაზე. ეს ქმნის საცთურს უფრო
ადრე სადღაც სხვაგან ვეძებოთ ასეთი გზა; მაგრამ სამაგისო მონა-
ცემებიც ჭრჭერობით არა გვაქვს (IV ს-ის ყარაღაჯული დრამა მა-
ინცდამაინც, განცალკევებულად გამოიყურება სადღეისოდ). ამას
გარდა, არის საფუძველი IV საუკუნეშიც იგივე გზა ვივარაუდოთ.
მხედველობაში გვაქვს ზემოგანხილული მარშრუტი წმ. ნინოსი: წო-
ბენიდან გადადის ერწოში, დგება ქალეთში, აქედან ჩამოდის კაწა-
რეთში, ხოლო კაწარეთიდან გადადის კახეთში და გადის ჰერეთში.
გზის მონაკვეთი ქალეთიდან კაწარეთში ნუმიზმატიკურადაც ივარა-
უდება V ს-ში (ერწო-უჯარმა); რაც შეეხება კაწარეთ-კახეთის გზას,
ანუ, როგორც ვვარაუდობდით, გომბორის საულელტეხილო გზას, ეს
ასაკვირველია როგორც უმოკლესი, თავისთავად სავარაუდებელია
ს-შიც (ეხლაც ნომ ასეა).

დაბოლოს, რომ სავაჭრო გზა, მართლაც, ალაზნის ველზე გადი-
ამას, ეგების, ის გარემოება მიგვითითებდეს, რომ ზემოდასახე-
ლლ სოფელთა უმრავლესობა, რომელთაც ჩვენ კახეთ-კუხეთი-
სქანეთში გადმოსული მოსახლეობის სამოსახლოებად ვთვლით,
და ალაზნის ველზე მდებარეობს (ყვარელი, არტანი, ბუშათი
— 54.

სოფ. ფურესი ი წერტილი საამისო არის წითელწყაროს რ-ნის ტერიტორიაზე;
380), რთან სამარხიდან მოპოვებული, 1938 წ. მონეტა, შაბურ II-ისა—(310—
გორც ეს ისთავად მნიშვნელოვანი გარემოებაა, იმითაც, რომ IV ს-სე, რო-
რასაკვირველადემ შეგვნიშნა, საქართველოში ნუმიზმატიკური ლაქუნაა. ესეც,
ზემხსენება შემთხვევითი და ასახსნელი გარემოებაა.

მეცნ. დოქტ. დ. ცნობები ნუმიზმატიკური მასალის შესახებ მოგვაწოდა ისტ.
54 თვისთავადემ.

ყოველივე ზემოთქმულის შემდეგ თითქოს სავარაუდო უნდა იყოს, რომ Tabula Peutingeriana-ზე აღნიშნული გზა, რომელიც ერემიანის სამართლიანი ვარაუდით კახეთ-ჰერეთზე იდო, უნდა გასულიყო ალაზნის ველზე და იქიდან გომბორის უღელტეხილით და ან თიანეთის გზით ივრის ხეობაში გადასულიყო. ჩვენი აზრით, უძველესია, ამ გზას ქალაქ უჯარმაზე უნდა გაევიღო, ხოლო აქედან სამგორით თბილის-მცხეთისკენ გასულიყო⁵⁵.

ამგვარად, ეს მნიშვნელოვანი სავაჭრო გზა, რომელიც ალაზნის ველის ნაყოფიერ მიწაზე იდო, უნდა ყოფილიყო, როგორც აღვნიშნეთ, ერთ-ერთი ძირითადი ფაქტორი ქართლის სამეფოს გაფართოების ტენდენციისა ჰერეთისაკენ და აგრეთვე კახების ჩამოსახლებისა, ჰერეთში. ეგვევ გზა უნდა ყოფილიყო მძლავრი ფაქტორი უჯარმის ხვედრითი წონის გაზრდისა და მისი კახეთის პოლიტიკურ ცენტრად გადაქცევისა. მაგრამ აქ ახვა ფაქტორებიც მოქმედებდნენ.



ზემოთ ნათქვამი გვქონდა, რომ უჯარმის ქალაქად გადაქცევის ძირითად ფაქტორად კახეთის (ვიწროდ: ივრის ხეობის) მეურნეობრივი ევოლუციის მთელი გზა მიგვაჩნია.

მეურნეობის მხრივ ივრის ხეობა ორ ზონად შეიძლება დაიყოს: ზემო წელი (ივრის ფშავი, თიანეთი, ერწო)—მთის ტიპის მეურნეობა: მესაქონლეობა, მემინდვრეობა (პირველის ხვედრითი წონა მეტი); ქვემო წელი (უკეთ, შუა წელი, გარე კახეთი)—ბარის ტიპის მეურნეობა (მემინდვრეობა, მევენახეობა, მებაღეობა-მებოსტნეობა; მესაქონლეობა). ამას გარდა, ივრის ქვემო წელის გაყოლებით, როგორც ვიცით, საზამთრო საძოვრები იყო.

გეოგრაფიულად ქ. უჯარმა ამ ორი ზონის საზღვარზეა, უკეთ, იგი მეორე ზონაში შედის. მცირე ვენახები უჯარმაში ეხლაცაა. ჯერ კიდევ დღევანდელი მოსახლეობის ხსოვნაში უჯარმას დიდი ზვრება ჰქონდა; რომ აქ ადრეც, უძველეს ხანაში უნდა ყოფილიყო განვითარებული მევენახეობა და ე. ი. მეღვინეობაც, ამას მოწმობს ალაზნის ველის კულტურის ძეგლების აღმოჩენა პატარძელსა და ანთოკ-

⁵⁵ შდ. BDI, 1939, № 1, 89.

⁵⁶ ამ მხარის ურთიერთობისათვის სასაზურ ერანთან საინტერესოა მულანლოში შემთხვევით აღმოჩენილი სამარხეული ბეჭედი ბრინჯაოსი, ფარზე გემით, (ცნობა მოგვაწოდა გ. ლომთათიძემ).

ში⁵⁷ და აგრეთვე ყურძნის წიპწების აღმოჩენა საგარეჯოსთან გათხრილი ადრე-ანტიკური დროის სამაროვანში, (გიორგი-წმინდასთან)⁵⁸.

მნიშვნელობა უნდა ჰქონოდა მემინდვრეობის განვითარებასაც (ქვაკაცას არხი⁵⁹, სამგორის არხი).

განსაკუთრებული მნიშვნელობა უჩარმის ქალაქად გადაქცევისათვის უნდა ჰქონოდა მესაქონლეობას, კერძოდ მეცხვარეობას; ამ მხრივ ნიშანდობლივია მისი მდებარეობა სწორედ ივრის ვიწრო ხეობაში შესასვლელთან, რომლის ქვევით ივრის „ხეობა“ ფაქტიურად ველს წარმოადგენს და რომელიც ზამთრის საძოვრებად გამოიყენებოდა. „კახეთის მთეულეთის“ ჯოგ-ფარებს, ივრის ხეობით მომავალთ, სწორედ აქ უნდა გაეცლოთ. სავარაუდოა უჩარმის ხელში ყოფილიყო ივრის ზამთრის საძოვრების მთიელთა მიერ გამოყენების კონტროლი და რეგულაცია. ჩვენ გვგონია საამისო პირდაპირი მითითება გვაქვს, ცოტა უფრო გვიანი ხანისათვის, ქ ც-ში: იერუსალიმში და იქიდან ერანში მიმავალი ვახტანგ გორგასალი თავის ერთგულ ერისთავებს უტოვებს აღსაზრდელად მემკვიდრეს: „ამათ შევედრა ძე თვისი დარჩი, და უბრძანა აღშენება უჩარმისა და მუნ შინა ზრდა დაჩი მეფისა, რამეთუ სიმარჯუედ გამონახა იგი ნადირთა და ცხოვართათუის“⁶⁰.

აქ უნიკალური ცნობა გვაქვს ქალაქ უჩარმის მნიშვნელობის შესახებ ქართლის სამეფოს მესაქონლეობისათვის, კერძოდ, მეცხვარეობისათვის და პირუტყუ — მეცხვარეობის, როგორც მნიშვნელოვანი ფაქტორის შესახებ, უჩარმის განვითარება-აყვავებისათვის.

ამგვარად, ივრის ხეობის მეურნეობის (მესაქონლეობა, მევენახეობა, მემინდვრეობა) განვითარებაში უნდა ვეძიოთ უჩარმის გაქალაქების მიზეზები. მეორე მხრივ, უჩარმაზე გამავალ სავაჭრო

⁵⁷ გ. ნ ი ო რ ა ძ ე, ალაზნის ველის გათხრები, 1940, გვ. 31 და 36.

⁵⁸ საშუალო საუკუნეებშიაც რომ იყო მეღვინეობა ამაზე უნდა მიუთითებდეს სამეურნეო დანიშნულების მარნიანი შენობა სოფ. უჯარმასთან, სასახლის ხეეში, ნინიკელანთ ეკლესიის მახლობლად.

⁵⁹ ამ ნაარხალის შესახებ, რომელიც სოფ. სართიქალიდან სამხრეთით 9—10 კმ-ის მანძილზე გადის, ცნობა მოგვაწოდა დ. თუშაბრამიშვილმა. მანვე მიგვითითა იქ ადრეფეოდალური სამაროვნის არსებობაზე, რომლის ზოგიერთი სამარხი კიდევაც გაითხარა.

⁶⁰ ანას, ქ რ ც ა, გვ. 126. საინტერესოა, რომ ივრის ხეობაში, საერთოდ, და უჩარმის სანახებში კერძოდ, ცნობილია მარილიანი წყლები. რომელთაც მესაქონლეობისათვის დიდი მნიშვნელობა აქვთ. ერთ-ერთ ამგვარ წყაროს უჯარმასთან „გორგასლის წყაროს“ უწოდებენ (იხ. **Минеральные ресурсы**, 1933, გვ. 961—967; ლიტერატურაზე მიგვითითა და ცნობა მოგვაწოდა ისტ. მეცნ. კანდიდატმა ნ. ზოშტარიამ).



გზას ხელი უნდა შეეწყო ქალაქის დაწინაურებისა და ზრდა-განვითარებისათვის.

ცხადია, როდესაც ჩვენ ვამბობთ, რომ მესაქონლეობას, კერძოდ, მეცხვარეობას განსაკუთრებული მნიშვნელობა უნდა ჰქონოდა უჯარმის ქალაქად გადაქცევისათვის, ჩვენ ვგულისხმობთ, რომ მეცხვარეობა უშუალოდ კი არ ახდენდა გავლენას ამ პროცესზე, არამედ მასზე დამყარებული ხელოსნობისა და ვაჭრობის საშუალებით. სამწყურსაოდ, ჯერჯერობით, ვიდრე არქეოლოგიურად არ იქნება შესწავლილი თვით ქალაქი უჯარმა, ჩვენთვის სრულიად შეუძლებელია კონკრეტულად იმის წარმოდგენა, თუ რა მიმართებაში იყო უჯარმის საქალაქო მეურნეობა ივრის ხეობის სოფლის მეურნეობასთან; მაგრამ ერთი კი უეჭველია, რომ ეს უკანასკნელი წარმოადგენდა იმ საფუძველს, რომელზედაც, ძირითადად, დამყარებული უნდა ყოფილიყო ქალაქის ეკონომიკა,—ხელოსნური წარმოება და ვაჭრობა.

უნდა აღვნიშნოთ: ჩვენ არაფერს ვამბობთ „ქართლის ცხოვრების“ ცნობის იმ ნაწილზე, სადაც ლაპარაკია, რომ ვახტანგმა უჯარმა „სიმარჯვედ გამოიხა... ნადირთათვის“ და არა მხოლოდ „ცხოვართათვის“. არაფერს ვამბობთ შეგნებულად, რადგან ცნობის ეს ჩვენება სულ სხვა კომპლექსში უნდა იყოს განხილული. საქმე ისაა, რომ აქ ლაპარაკია ნადირობაზე იმ სახელმწიფოებრივი მნიშვნელობით, რომელიც კარგადაა დამოწმებული ფეოდალური საქართველოს ისტორიის მთელ სიგრძეზე. ცხადია, უფლისწულის აღსაზრდელად მომავალი მმართველობისათვის ნადირობასაც დიდი მნიშვნელობა ჰქონდა და ამიტომ ის პუნქტიც უფრო მარჯვე იყო და მნიშვნელოვანი, რომელსაც საამისო პირობები გააჩნდა. სწორედ ამიტომაც, რომ ვახტანგმა უჯარმა „სიმარჯვედ გამოიხა... ნადირთა და ცხოვართათვის“: თუ მაშასადამე ქალაქი უჯარმა მარჯვე იყო თავისი მდებარეობით „კახეთის მთელეთის“ ცხვრის ექსპლოატაციისათვის, რამდენადაც იგი, სავარაუდოა, ბატონობდა კახეთის მთაზედაც და ველზეც, და პირველსაც და მეორესაც ექსპლოატაციას უწყევდა, ამდენადვე იგი მარჯვე იყო ნადირობისათვის და ე. ი. იგი მნიშვნელოვანი იყო, როგორც სამეფო და სახელმწიფო მეურნეობისათვის, ისევე მომავალი მმართველის აღსაზრდელადაც.

სხვაგვარი, ჩვენი აზრით, ამ ცნობის გაგება შეუძლებელია. აქედან კი ვასაგებია, რომ ქალაქის წარმოქმნის საკითხისათვის, რომელიც ჩვენ ამჟამად ვვინტერესებ, უჯარმის „ნადირთათვის“ მნიშვნელობა მხედველობაში მისაღები არ არის.

რამდენადაც თვით მეურნეობის იმ დარგებში განვითარება, რომელთაც განაპირობეს უჯარმის ქალაქად გადაქცევა, დამოკიდებული

იყო კახეთის (და კუხეთის) პერეთისაკენ ზემოაღნიშნული გაფართოების ტენდენციისაგან (ამის შესახებ ჩვენ ზემოთ ვილაპარაკეთ), ამდენადვე ეს უკანასკნელიც მნიშვნელოვნად აპირობებდა უჯარმის გაქალაქებას. სავარაუდოა ამიტომ ამგვარი პოლიტიკური კურსის წარმოების ძირითადი ცენტრი ამ დროისათვის უჯარმაში ყოფილიყო. ეგებ ამაზე მიგვითითებდეს ზემოხსენებული მშენებლობა უჯარმისა ასფაგურ ფარნავაზიანის მიერ (III ს.). მეორე მხრივ, IV საუკუნისათვის პერეთის მიწების შემოერთება-შემომტკიცების საქმე იმდენად წინ წასული ჩანს, რომ ბუნებრივია, მოთხოვნილება გაჩენილიყო კახეთის პოლიტიკური ცენტრის ჩრდილოეთიდან უფრო სამხრეთისაკენ თუ სამხრეთ-აღმოსავლეთისაკენ გადანაცვლებისა. ამ პროცესის დასაწყისს უნდა მიუთითებდეს ასფაგურის მიერ უჯარმის აღშენება, ხოლო მის საბოლოო გაფორმებას—მირიანის საქმიანობა: მირიანმა „მისცა ძესა მისსა რევს საუფლისწულოდ კახეთი და კუხეთი და დასუა იგი უჯარმას“⁶¹.

ამგვარად, IV ს-ის პირველ ნახევარში უჯარმა ხდება კახეთის (და კუხეთის) პოლიტიკური ცენტრი.

ჩვენთვის საინტერესოა იმ პოლიტიკური ერთეულის დაახლოებითი მოცულობის ვაგება, რომლის ცენტრადაც უჯარმა იყო.

თუ „ქართლის ცხოვრებას“ დავუჯერეთ, აქ გაერთიანებული იყო, ჯერ ერთი, კახეთი და მასთან ერთად კუხეთიც; მაგრამ, როგორც ირკვევა, ამ ერთეულში უნდა შესულიყო შემოერთებული პერეთის გარკვეული ნაწილიც.

მხედველობაში გვაქვს წმ. ნინოს შატბერდული ცხოვრების თხრობა ორი ვარსკვლავის შესახებ, რომელნიც პატიოსანი ჯვრიდან ამოვიდნენ და „ერთი იგი წარვიდეს აღმოსავლით და ერთი დასავლით“. ერთი დაადგა თხოთის მთას, მეორე „დაბასა ბოდს კახეთისა ქყნსა“⁶²; „მაშინ ბრძანა, ნეტარმან ნინო, რა წარიხუნენ ორნი ესე ჯრნი და აღჰმართნენ ერთი თხოთს, სადა იგი ამხილა ღწნ მეფესა ძალი თვისი; და ერთი იგი მიეც სალომეს უჯარმელსა ქეშმარიტსა მკევალსა ქესსა, და აღჰმართოს იგი უჯარმას ქლქსა და დაბა ბოდისი არა წინა აღუდგეს ქლქსა მეფეთასა რერისა სიმრაველს არს მუნ“⁶³.

ამჯერად, ამ ფრიად საყურადღებო ცნობიდან, რომელსაც ქვემოთ კვლავ დავუბრუნდებით, ყურადღებას მივაქცევთ იმ გარემოე-

⁶¹ ანას. ქ^რც ა, 14.

⁶² Опис., 789, 790.

⁶³ იქვე, 791.

ბას, რომ აქედან გამომდინარე, კახეთის დაბა ბოდისი ანუ ბოდბე, მაინცდამაინც, ქალაქ უჯარმის საგამგეოში შედის, წინააღმდეგ შემთხვევაში აქ არ გადაიტანდნენ ჯვარს (ე. ი. საეკლესიო, resp. კულტურული, resp. პოლიტიკური ძალაუფლების ნიშანს) ბოდბედან.

ე. ი. ის პოლიტიკური ერთეული, რომლის ცენტრადაც IV ს-ის პირველი ნახევრისათვის ქალაქი უჯარმა გვევლინება, წყაროების მიხედვით, შედგებოდა კახეთ-კუხეთისაგან და ჰერეთის შემოერთებული ნაწილისაგან ბოდბიანად, ე. ი. პოლიტიკურად ჰერეთის ეს ნაწილი კახეთ-კუხეთი იყო⁶⁴.

IV ს-ში უჯარმა ქართლის სამეფოს ერთ-ერთი უმნიშვნელოვანესი და უდიდესი ცენტრია, როგორც ვნახეთ „ერისა სიმრავლმ არს მუნ“; იგი, ამ მხრივ, მხოლოდ მცხეთას თუ შეედრება: ამიტომაც, მემათიანე მხოლოდ ამ ორ ქალაქს რომ იხსენიებს ნინოს სიკვდილთან დაკავშირებით: „მაშინ შეიძრნეს ორნი ესე ქალაქნი მცხეთა და უჯარმა და ყრი ქართლი“⁶⁵.

კიდევ უფრო შესანიშნავია ის გარემოება, რომ უჯარმა მისი საგამგეოითურთ საუფლისწულო ხდება მირიანის დროს. ეს ცხადია ზემომოტანილი ამონაწერიდან: „მისცა ძესა მისსა რევს საუფლისწულოდ კახეთი და კუხეთი და დასუა იგი უჯარმას“. წმ. ნინოს სიკვდილის დროსაც რევი და სალომე უჯარმაში არიან. ბოდბედან რომ ამბავი მოვიდა, „მოხვიდეს უჯარმით ქლქით რევ ძმ მეფისა და სალომე ცოლი მისი“ ბოდბეში⁶⁶.

ეს გარემოება თავისთავად მეტად მნიშვნელოვანია. „საუფლისწულო“ გარკვეული ინსტიტუტი იყო. თუ რა შინაარსისა და დანიშნულებისა იყო ეს ინსტიტუტი, საამისოდ მირიანის თანამედროვე სასანური ერანის მიხედვითაც შეგვიძლია ვიმსჯელოთ.

ა. კრისტენსენი თავის მონოგრაფიაში სასანური ერანის შესახებ წერს, რომ ძველი ჩვეულების მიხედვით შაჰის შვილებს, განსაკუთრებით ტახტის მემკვიდრეებს, სახელმწიფო მმართველობის გამოცდილება უნდა მიეღოთ მნიშვნელოვანი პროვინციების გამგებლობის საშუალებით; ასეთი მნიშვნელოვანი პროვინცია ერანისთვის იყო, მაგ.: აღმოსავლეთის ქვეყნები, რომელთა მმართველები (სეფეწუ-

64 შესაძლებელია ამ გარემოებით აიხსნას ის ხშირი ზემოაღნიშნული მოვლენა ბოდბე რომ ხან კახეთ-კუხეთშია, ხან ჰერეთში; ან ის რომ დავით აღმაშენებლის ისტორიკოსით „ქუეყანა იორის პირი, კუხეთი“ ყოფილა მის დროს. რაც შეეხება ჰერეთის დანარჩენ ნაწილს ამის შესახებ ქვემოთ ვილაპარაკებთ.

65 იქვე, 718.

66 Опис..., 717. ესეც კიდევ ერთხელ მოწმობს რომ ბოდბე საუფლისწულოში შედის.

ლები) ხორასნის გამგებლებად და „ქუშანის მეფეებად“ იწოდებოდნენ და სხვ. ეს სეფეწულნი აგრეთვე შაჰებად იწოდებოდნენ⁶⁷.

„საუფლისწულოს“ შინაარსის ერთგვარად განმსაზღვრელად მიგვაჩნია ქ¹ც-ში დაცული ერთი ცნობა. კერძოდ, მირიან მეფე თავის შესახებ ამბობს: მამაჩემსო „საუფლისწულოდ ებოდნეს უცხო-ნი ქვეყანანი მკლავითა წახმულნი“⁶⁸.

კახეთ-ჰერეთი, როგორც ზემოთქმული დახასიათებიდან ცხადი უნდა ყოფილიყო, სამეურნეო თვალსაზრისით უაღრესად დიდი მნიშვნელობისა იყო ქართლის სამეფოსათვის, ამასთან, მიუხედავად ამ პროცესის უძველესი ხანებიდან დაწყებისა და რამდენადაც შერწყმის ეს პროცესი მირიანის დროსაც გრძელდებოდა, ჰერეთი მაინცდამაინც „მკლავითა წახმული“ ქვეყანა იყო. ამგვარად, თუ ეს გარემოებანი, თავის მხრივ, კახეთ-ჰერეთის „საუფლისწულოდ“ გადაქცევას, ასე ვთქვათ, გასაგებად ხდიან, მეორე მხრივ, თვით ეს მოვლენა ხაზს უსვამს იმ დიდ მნიშვნელობას, ქართლის სამეფოსათვის რომ ჰქონდა ქვეყნის ამ აღმოსავლეთ პერიფერიას. ის ქალაქი კი, რომელიც საუფლისწულოს ცენტრი იყო, აკი „მეფეთა ქალაქად“ იწოდება (იხ. ზემოთ).

მირიანის დროს ტრადიციული პოლიტიკური კურსი აღმოსავლეთის მიმართ გრძელდება. ამ ქართული წყაროებით პირველად ვხვდებით ცნობას, რომლის მიხედვითაც იგი ქვემო ქართლიდანაც უნდა ვივარაუდოთ. ვგულისხმობთ ცნობას იმის შესახებ, რომ მირიანმა მოიყვანა „თუისი მისი“ ფეროზ და „მისცა ქუეყანა ხუნანითგან ბარდავამდინ, ორივე კერძო მტკურისა“⁶⁹.

რაც შეეხება მირიანის კულტურულ საქმიანობას შემოერთებულ ჰერეთში, მიუხედავად იმისა, რომ ნიადაგი საამისოდ დიდი ხნის შემზადებული იყო, მაინც, როგორც ჩანს, ყველაფერი ისე თანხმობით არ იყო, როგორც ჩვენს წყაროებს სურთ წარმოადგინონ. მირიანის საქმიანობა წინააღმდეგობას ხვდებოდა.

ჩვენ დავუბრუნდებით ზემომოტანილ ცნობას უჯარმაში „ჯვრის აღმართვას“ რომ შეეხება. ამ ცნობის მიხედვით ბოდბეში „ჯვრის აღმართვა“, ე. ი. საეკლესიო ცენტრის დაარსება (აქედან გამოიძინარე თუ, პირუკუ, საამპირობო ყველა გარემოებათა ჯერ კიდევ ხელშეუწყობლობის გამო), ჯერჯერობით, ნაადრევად უცვნიათ (ეს ცოტა უფრო გვიან მოხერხდა). საამისოდ ნიადაგია ჯერ კიდევ მოსამ-

⁶⁷ A. Christensen, *L' Iran sous les Sassanides*, 1944, p. 102.

⁶⁸ ანს. ქ¹ცა, 42.

⁶⁹ ანს. ქ¹ცა, 43.

ზადებელი. ამიტომაც ამბობს წმ. ნინო: „დაბაჲ კულა ბოდისო თვთ ვიხილოთ სათნოჲ იგი ადგილი ღ^ა“⁷⁰. რომ ეს, მართლაც, ასე უნდა ყოფილიყო და რომ თავისი ეს მისია წმ. ნინომ შეასრულა კიდევც, ეს, ჭერ-ერთი, იქიდანაც ჩანს, რომ წმ. ნინო, მართლაც, მიდის ბოდში. ეს ჩანს აგრეთვე მირიან მეფის ანდერძიდან. სიკვდილის წინ იგი უბარებს თავის ცოლს: „შენ... განიყო სამეფო განძი ჩვენი ორად: და მიიღე სამარხავსა ნინოსა განმანათლებელსა ჩვენსა, ჟამთა შეცუალებისათვის, რათა არა შეირყიოს უკუნისამდე იგი ადგილი: რამეთუ მეფეთა საჯდომი არს, არამედ მწირს არს“⁷¹. ამგვარად, მირიან მეფე, რომელმაც ბოდზე შემოიმტკიცა, თავის პოზიციას აქ მაინცდამაინც მყარად ვერა გრძნობს და მემკვიდრეებს საგანგებოდ უბარებს ამ ადგილის დაცვას „ჟამთა შეცუალებისაგან“. რასაკვირველია, ბოდზე აქ სიტყვა-სიტყვით ერთ პუნქტად კი არ უნდა გავიგოთ, არამედ გარკვეული მხარის ერთ-ერთ ცენტრად.

მტკიცე არა ჩანს მირიანის პოზიცია რანშიც. იგი ვერ ახერხებს იმგვარი დიდი კულტურული საქმიანობის გაშლას, როგორსაც ჰერეთის შემოერთებულ ნაწილში ეწეოდა. ამას ახერხებს მისი შვილი ბაქარი⁷².

მაგრამ, რასაკვირველია, მირიანის ეპოქის კულტურული საქმიანობა, მეტად მნიშვნელოვანი იყო ქართლის სამეფოსა და ჰერეთისათვის. ამის შედეგად „მირიან მეფემან, განამტკიცა ყოველი ქართლი და ერეთი სარწმუნოებასა ზედა სამეგისა წმიდისასა“⁷³. თუ როგორ უნდა გავიგოთ ეს „სარწმუნოებრივი განმტკიცება“ ამის შესახებ ჩვენ ზემოთ უკვე ვილაპარაკეთ.

ამგვარად, ყოველივე ზემოთქმულის შემდეგ შეგვიძლია დავასკვნათ, რომ უკვე IV ს-ში ქართლის სამეფოს აღმოსავლეთ პერიფერიაზე იქმნება დიდი პოლიტიკური ერთეული კულტურით ერთიანი, თუმცა ეთნიკურად კიდევ ნარევი მოსახლეობით, და ამ ერთეულის ცენტრია ქალაქი უჯარმა.

⁷⁰ Опис..., 791.

⁷¹ ანას. ქ^რცა, გვ. 83.

⁷² იქვე, 84—85.

⁷³ ანას. ქ^რცა, 82, ეს თავის მხრივ ადასტურებს ჩვენს ზემოთ მოტანილ ვარაუდს, რომ წმ. ნინოს ჰერეთშიც გაუშლია თავისი საგანმანათლებლო მოღვაწეობა.

უჯარმა ვახტანგ გორგასლის დროს

თუ ერთმანეთს შევადარებთ „ჰერეთის“ შინაარსის ლეონტი მროველისეულ და ჯუანშერისეულ გაგებას, დავინახავთ მათ შორის არსებით განსხვავებას. განსხვავებაა „ჰერეთის“ შინაარსის ქართლისადმი მიმართებაში.

დავიწყოთ ლეონტი მროველიდან. გამომდინარე თავისი კონცეფციიდან, რომ ქართლოსი და ჰეროსი ძმები არიან, იგი მთელი თავისი თხზულების მანძილზე ჰერეთსა და ქართლს თანასწორ ერთეულებად სახავს. მაგალითად: „და მეფობდა მირიან მცხეთით გაღმართ ქართლს, სომხითს, რანს, ერეთს, მოგვანს და ეგრს“¹; ჩვენთვის განსაკუთრებით საინტერესოა ის ადგილები ამ თხზულებიდან, საცა საკუთრივ ქართლი და ჰერეთია ურთიერთ დაპირისპირებული. ერთი ასეთი ადგილი ჩვენ ზემოთ უკვე მოვიტანეთ: „მირიან მეფემან განამტკიცა ყოველი ქართლი და ერეთი სარწმუნოებასა ზედა“ და სხვ². აქ მაშასადამე, მიუხედავად იმისა, რომ ჰერეთი (თუ მისი დიდი ნაწილი) ფაქტიურად შემოერთებულია და მირიანის სახელმწიფოში შემოდის, იგი მაინც ქართლის თანასწორ ერთეულად იგულისხმება (ეს ჩანს კონტრექსტიდან; ქართლში აქ იგულისხმება ივერია, ამდენად „ჰერეთი“ არის ის, რაც ჯერ არ არის ივერია; წინააღმდეგ შემთხვევაში გაუგებარი იქნებოდა ამგვარი დაპირისპირება). კიდევ უფრო კარგად ჩანს ეს ცოტა ქვემოთ. მირიანის ერთ-ერთ შემკვიდრეს, ვარაზ-ბაქარ მირდატის ძეს განუდგა კლარჯეთი, რომელიც მიერთო ბერძნებს, და „დაპრჩა ვარაზ-ბაქარს ქართლი, თუნიერ კლარჯეთისა, და ერეთი და ეგრისი“³. აქაც, მაშასადამე, ჰერეთი ქართლის თანასწორ ერთეულადაა ეგრისთან ერთად ნაგულისხმევი (და არა კლარჯეთივით ქართლში შემავალად!).

სხვაგვარი მდგომარეობაა, ამ მხრივ, ჯუანშერთან. ეს შეიმჩნევა მისი თხზულების დასაწყისიდანვე. მაგალითად: მირდატის (IV—V სს.) ტყვეობაში სიკვდილის შემდეგ, სამი წლის განმავლობაში

¹ ქ¹ც¹ ანას. 41.

² იქვე, 82.

³ იქვე, 86.

სპარსელები განაგებდნენ ქართლის სამეფოს და „ერისთავი სპარსთა მეფისა, რომელი ერისთაობდა რანს და მოვკანს, ვიდრე არჩილის მეფობამდე, მისვე განგებულ იყო ქართლი“⁴. აქედან, ჩვენი აზრით, სავარაუდოა რომ „ქართლში“ იგულისხმება პერეთიც. მაინცდამაინც, დაუჭერებელია სპარსთა ერისთავი ქართლს, რანს და მოვკანს განაგებდეს, ხოლო მათ შორის მოთავსებულ პერეთს კი არა. ჩვენი ვარაუდი რომ სწორია, აშკარად ჩანს შემდეგიდან: ვახტანგ გორგასალთან საბრძოლველად „მოვიდა ხუასრო მეფე, და შემუსრნა ქალაქნი კამბეჩოანი, და ჭერამის ციხე. და ვითარცა მოიწივნეს კახეთად, და იბანაკეს იორსა ზედა“⁵. ამგვარად, ხუასროს გამოუვლია პერეთი (კამბეჩოანი, ჭერემი) და აქედან გადასულა კახეთში. ლეონტი მროველის კონცეფციით, ზემოთქმულის შემდეგ, ცხადი უნდა იყოს, რომ ხუასრო პერეთიდან უნდა გადასულიყო „ქართლად“⁶. ამგვარად, ჯუანშერი ლეონტივით ქართლს კი არ უპირისპირებს პერეთს, არამედ კახეთს და ამდენადვე „პერეთის“ ცნება ქართლის მიმართ მას ისევე ესმის, როგორც, მაგალითად, ზემომოტანილ ამონაწერში ლეონტი მროველს კლარჯეთის ცნება ესმოდა ქართლის მიმართ. სხვა სიტყვებით რომ ვთქვათ, წინააღმდეგ ლეონტი მროველის კონცეფციისა, ჯუანშერის კონცეფციით „ქართლის“ ცნება ფარავს პერეთს, ე. ი. პერეთი ქართლის ერთ-ერთ ნაწილად ითვლება ისევე, როგორც კახეთი ან კლარჯეთი და ა. შ. ეს რომ ასეა, პერეთი რომ უკვე არა ქართლის, არამედ კახეთის თანასწორად ესმით, ეს კარგად ჩანს სხვა ადგილებიდანაც: ბაკურ მეფის ჩამომავლებმა (VI ს-ის მეორე ნახევარი) „დაიპყრეს კახეთი და ერეთი“⁷; ან: „ყოველი პირი კავკასიისა, რანით კერძი, უმკუიდრო ქმნილ იყო, ხოლო ერეთი და კახეთი ჭალაკთა და ტყეთაგან უკეთუ დარჩომილ იყო...“⁸.

თუ ჩვენ ზემომოტანილ მსჯელობას სწორად ჩავთვლით, მაშინ უნდა დავასკვნათ, რომ „პერეთის“ ცნების „ქართლის“ მიმართებით ლეონტი მროველისეულ და ჯუანშერისეულ ინტერპრეტაციაში არსებითი განსხვავებაა.

რაში უნდა გამოხატულიყო რეალურად ასეთი განსხვავება? ამაზე პასუხის გაცემა არსებული წყაროებით ჩვენთვის ადვილი არ არის, მაგრამ ვარაუდის სახით შესაძლებლად მიგვაჩნია შემდეგი მოსაზრების წამოყენება.

4 იქვე, 89.

5 იქვე, 137. აქედან, სხვათა შორის, ცხადია: „ქვეყანა, იორის პირა“ კუხეთთან ერთად კახეთიცაა ზოგჯერ!

6 შდ. ზემოთ, ლეონტის ცნობა აზორკ და არმაზელის შესახებ!

7 იქვე, 143.

8 იქვე, 155.

ეგების ზემოთქმულის საფუძველზე სავარაუდო იყო, თავდაპირველად ჰერეთი ქართლთან ვასალურ დამოკიდებულებაში ყოფილიყო (ლეონტის კონცეფცია), ხოლო უფრო გვიან ჰერეთი უშუალოდ იქნა შეერთებული ქართლის სახელმწიფოს მიერ (ჯუანშერიის კონცეფცია). ეს უკანასკნელი მოვლენა მოსალოდნელია მომხდარიყო მხოლოდ მაშინ, როდესაც ჰერეთის მოსახლეობა ქართლთან კულტურულად ერთ მთლიანს შეადგენდა, ხოლო თვით ჰერები მთლიანად თუ არა დიდ ნაწილში მაინც ასიმილირებულნი იქნებოდნენ. ე. ი. ეს მოვლენა სავარაუდოა, მაინცდამაინც, მირიანის შემდეგ. მირიანის მეფობა მოსამზადებელი პერიოდი იყო ამისათვის (მართლაც მის დროს, როგორც ვნახეთ, ეს არაა სავარაუდებელი); მაგრამ მაინც როდის და ვის მიერ უნდა ჩატარებულიყო ეს მნიშვნელოვანი რეფორმა? ამისი დაზუსტებაც თითქოს შესაძლებელია.

„მოქცევაჲ ქართლისაჲ“ ვახტანგ გორგასლის მამის შესახებ ამბობს: „მეფობდა მირდატ, და მთავარ ებს“ კპსი იყო გლონოქორ; და ესე მთავარ ებს“ კპსი ერისთავადცა იყო ბარაზბოდ პიტიახშისაგან ქართლს და ჰერეთს“⁹. გვგონია აქ სწორედ ისეთ მოვლენასთან გვაქვს საქმე, როგორც ზოგადად ლეონტი მროველის კონცეფციას ახასიათებს და ამდენად ჰერეთის გულკება ქართლის სამეფოს ერთ-ერთ ადმინისტრაციულ ერთეულად უფრო გვიანაა მოსალოდნელი, და მართლაც, მირდატის შემკვიდრე ვახტანგ გორგასლის დროს „ჰერეთი ქართლის სახელმწიფოში შემავალი იყო და მის ერთ-ერთ სერისთაოს შეადგენდა“¹⁰.

⁹ Опис..., 721.

¹⁰ ნ. ბერძენიშვილი, „მცმოშ.“, III, 67. პ. ინგოროყვა თავის გამოკვლევაში წერს: „მეტად არჩებულია ლეონტი მროველის წარმოდგენა ჰერეთის შესახებ...“

აღსანიშნავია, რომ ლეონტი მროველს ჰერეთი ჯერ კიდევ მიაჩნია საქართველოდან—„ქართლი“-ს ქვეყნიდან (იბერიიდან) განკერძოებულ მხარედ... ასეთი შეხედულება შეუძლებელია გამოეთქვა ქართველ მწერალს მე-7—8 საუკუნეზე უფრო გვიან ხანაში.

მე-8 საუკუნიდან მოკიდებული ჰერეთი საბოლოოდ შედის ქართული კულტურის გავლენის ზონაში, ქართული ქვეყნების კოლექტივში“. ამის საბუთად ავტორს არჩილ მეფის მოღვაწეობა მოჰყავს (იხ. ამის შესახებ ქვემოთ). „მე-9 საუკუნის ქართველი ავტორი—ვახტანგ გორგასლის ცხოვრების“ აღმწერელი პერეთს უკვე ძირითად ქართულ პროვინციად სთვლის“ (იხ. ენიშვილის მ-ბე, 1941, ტ. X, გვ. 123). გაურკვეველია, რატომ მაინცდამაინც VIII ს-დან ვარაუდობს ავტორი ჰერეთის საბოლოო შემოსვლას „ქართული კულტურის გავლენის ზონაში“? ჩვენ ვიციით, რომ უკვე IV ს-დან მაინც იქ კულტურა ძირითადად ქართულია. რაც

ამგვარად, ჩვენ გვგონია არ შევცდებით თუ ამ რეფორმას ვახტანგ გორგასალს მივაწერთ. ამდენად, ვახტანგ გორგასლის ეპოქა ახალი ეტაპია ქართლის სამეფოსა და პერეთის ურთიერთობაში.

ვახტანგის ადმინისტრაციულ მოღვაწეობას. მისი ცნობილი საეკლესიო რეფორმების გატარების გარდა, სხვა მონაცემებიც ადასტურებენ.

ზემოთ უკვე აღვნიშნეთ, რომ დაწყებული ბაქარ მირიანის ძის მეფობიდან მაინც, კუხეთი ცალკე საერისთავოა. ბაქარმა თავის ძმისწულეებს (რევ მირიანის ძის შვილებს) ხელწერილი დაადებინა, რომ მათ არავითარი პრეტენზია არ ექნებოდათ სამეფო ტახტზე და „მამინლა მოიყვანნა ძმისწულნი ძისნი დ. მისცა კუხეთი და დასხნა რუსთავს ერისთავად“¹¹. ვახტანგ გორგასლის დროსაც, დასაწყისში კუხეთი ცალკე საერისთავოა: „ხოლო მირიან და გრიგოლ იყუნნა ნათესავისაგან რევის, მირიანის ძისა, და აქუნდა მათ კუხეთი და ცხოვრებდეს რუსთავის ციხე-ქალაქსა“¹²; მაგრამ ერანში გამგზავრების წინ რომ ვახტანგი თავის მკირეწლოვან მემკვიდრეს ერთგულ წარჩინებულებს უტოვებს. მათ შორის არის დემეტრე, ერისთავი კახეთისა და კუხეთისა¹³. ე. ი. აქ, მსგავსად მირიან მეფის დროისა, კახეთ-კუხეთი ერთ ერთეულად გვევლინება. მირიანის დროს ჩვენ ამ პოლიტიკურ ერთეულში პერეთის გარკვეულ ნაწილსაც ვვარაუდობდით. გვგონია არ შევცდეთ თუ ვახტანგის დროსაც იგივე გარემოებას ვიგულისხმებთ¹⁴. დაბოლოს, ქართლის ამ საერისთავოს ცენტრი კვლავ ქალაქი უჯარმაა: ერისთავებს „შევედრა ჰე თუისი დაჩი, და უბრძანა აღშენება უჯარმისა და მუნ შინა ზრდა დარჩი მეფისა“¹⁵.

ვახტანგის ეპოქა მრავალმხრივია შესანიშნავი ჩვენთვის საინტერესო საკითხისათვის. სამწუხაროდ წყაროთა სიმცირის გამო ამ საინტერესო ხანის მეტ-ნაკლები სისრულით აღდგენა ჭირს. შეგვიძლია

შეეხება ჭუანჭერის ცნობას პერეთის შესახებ, იგი რომ IX ს-ეს არ ეხება („ვახტანგ გორგასალის ცხოვრების აღმწერელი“ რომ IX ს-ში ცხოვრობდა, ეს კიდევ დასამტკიცებელია), არამედ სწორედ იმ ხანას, რომელსაც თვით მემატანე გულისხმობს, ე. ი. V ს-ეს, ეს შესანიშნავად ჩანს ნამდვილად V ს-ის ავტორის იაკობ კურტაველის ცნობილი თხზულებიდან, საიდანაც უცილობლად ირკვევა, რომ სწორედ უკვე მაშინ, V ს-ში, პერეთი „ძირეული ქართული პროვინცია“ იყო.

¹¹ ანას ქ-ცა, 84—5. საინტერესოა, რომ ბაქარს ისინი უნდა მოეყვანა უჯარმიდან, სადაც თვით რევი იჭდა. აქედან ცხადია, რომ უჯარმა კახეთშია. კახეთშივე იქნებოდა „ველი... უჯარმისა, რომელსა სამგორობით უხმობენ“ (იხ. მ. ს. ა. ბ. ი. ნ. ი., საქართველოს სამოთხე, 1882, გვ. 180).

¹² იქვე, 105.

¹³ იქვე, გვ. 125.

¹⁴ ჩვენ გვგონია ანთი უნდა აიხსნებოდეს ის გარემოება, რომ „ქუეყანა იორის პირი“, ჭუანჭერით, კახეთია. გვ. 137; ხოლო დავით აღმაშენებლის ისტორიკოსას

სრული უეჭველობით დავადგინოთ, რომ ვახტანგ გორგასალი მეტად დიდ მნიშვნელობას ანიჭებს ქართლის სამეფოს ამ აღმოსავლეთ პერიფერიას (კახეთ-ჰერეთს), მაგრამ მხოლოდ ან თითქმის მხოლოდ ვარაუდის გაწევა შეგვიძლია იმ მიზეზების შესახებ, რომელთაც განაპირობებს ამ მხარის ასეთი მნიშვნელობა.

ციხე-ქალაქ უჯარმისთვის ვახტანგ გორგასალი განსაკუთრებულად ზრუნავს. ეს გასაგებიც არის. ვახტანგი ილწვის ქართლის სამეფოს ეკონომიური აღმავლობისათვის. მას ემორჩილებიან „ყოველნი მეფენი კავკასიანნი“, იგი ზრუნავს სახელმწიფოს ისეთი მნიშვნელოვანი სამეურნეო დარგის განვითარებისათვის, როგორცაა მესაქონლეობა; ამისათვის, სწორედ, მან „უჯარმა... სიმარჯვედ გამონახა... ცხოვართათვის“. მისი დროინდელი მესაქონლეობის როლის რამოდენადმე მაჩვენებელია ძღვენი, რომელსაც იგი „სპარსთა მეფეს“ აძლევს: „ქდალი ცხენი ათი ათასი, ცხენი შარიგი ხუთასი, ჯორი სამასი, ზროხა ოთხი ათასი, ცხუარი ათი ათასი“¹⁶. მის დროს ეს მხარე ეკონომიურად ძლიერ უნდა დაწინაურებულიყო. უჯარმის მახლობლად უკვე რამდენიმე ქალაქი იხსენიება: „ქალაქნი გარემოს უჯარმისა“¹⁷.

ვახტანგ გორგასლის ეპოქაში ჰერეთის მხარეში ინტენსიური კულტურული საქმიანობა წარმოებს. ამის უტყუარი საბუთებია: ძველი შუა მთის ბაზილიკა, ზეგანის ჯვარისებური ეკლესია, ხირსის ეკლესია, ბოდბის ერთნავიანი ეკლესია¹⁸.

ჯუანშერთ, იმ თორმეტ საეპისკოპოსოდან, ვახტანგი რომ აარსებს, ორი ჰერეთშია: ჰერეთისა, სადაც ვახტანგმა „ქმნა ქალაქი“ და თან ორი ეკლესია აღაშენა და მეორე—ხორნაბუჩისა. ამგვარად, ეს ორი კულტურულ-პოლიტიკური ცენტრი ეგულება მემატიანეს ამ დროს ჰერეთში; ამასთან, ხორნაბუჩი—კამბეჩოვანის ქალაქია.

ვახტანგის ამგვარი საქმიანობა ჰერეთში სხვა მხრივაც მტკიცდება. მხედველობაში გვაქვს ე. წ. „ეპისტოლეთა წიგნი“, სადაც ჩვენთვის საინტერესო ტერიტორიაზე დასახელებულია 506 წ-ივის სამი საეპისკოპოსო: ჰერეთი, ხორნაბუჩი, ბოდბე¹⁹. მაგრამ ვახტანგის მოღვაწეობა ამ მხრივ მხოლოდ შემოერთებულ ტერიტორიაზე კულტურული საქმიანობით არ ამოიწურებოდა. შეიძლება ითქვას, რომ

მიხედვით, კუხეთი, გვ. 203; ამასვე უნდა მოწმობდეს რომ „ნინოწმინდა უჯარმისა კარსა“ არის. ნინოწმინდა—გარეკახეთია, ე. ი. ჰერეთი (იხ. ანას ქ. ცა, 135).

¹⁵ იქვე, 126.

¹⁶ იქვე, 123.

¹⁷ იქვე, გვ. 138.

¹⁸ გ. ჩ. უ. ბ. ი. ნ. ა. შ. ვ. ი. ლ. ი., ქართული ხელოვნების ისტორია, 1936, გვ. 27—35.

¹⁹ ს. ჯ. ა. ნ. ა. შ. ი. ა., შრომები, ტ. I, გვ. 20.

მის დროს უკვე გვიანდელი პერეთის სამეფოს ტერიტორია, ძირითადად, მთლიანადაა შემოერთებული. იგი პერეთის ჩრდილო-აღმოსავლეთ მხარეს, წუქეთს იერთებს და იქ თავის კაცს სვამს: იყვნენ „წუქეთს მთავარი რომელთადა მიეზოდა ვახტანგ მეფესა წუქეთი“²⁰. კამბეჩიანიც, რომელიც ალვანელებს ხელში ჩაუგდიათ, ვახტანგს კვლავ უკან დაუბრუნებია. როგორც ჩანს, მეფობის უკანასკნელ წლებში. მხედველობაში გვაქვს მოსე კალანკატუელის ცნობა ალვანთა მეფის, ღვთისმოსავი ვაჩაკანის შესახებ, რომელიც ვალარშ სასანელის (484—8) თანამედროვეა და რომელმაც ალვანეთში და კამბეჩიანში, ვახტანგ გორგასლისა არ იყოს, საეპისკოპოსოები დააწესა და სხვ²¹. თუ მოსე კალანკატუელს დავუჯერეთ, V ს-ის 80-იანი წლები-სათვის კამბეჩიანი ალვანეთისაა²². გამოდის ვახტანგს კამბეჩიანი სულ უკანასკნელ წლებში დაუბრუნებია.

ვახტანგ გორგასლის აღმოსავლეთ პერიფერიაზე ინტენსიური საქმიანობის შედეგი ან უკეთ მოწმობაა ის, რომ მან „დაჩის მისცა ქალაქი ჭერამისა და ნეკრესისა, და ქალაქი კამბეჩოვანისა, რომელ არს ხუარნაბუჩი და ყოველი ქუეყანა მტკურისა აღმოსავლით“; ე. ი. საუფლისწულოდ ეხლა პერეთი გვევლინება, მაშინ როდესაც დაახლოებით ერთი საუკუნის წინ კახეთ-კუხეთი იყო. ეს გარემოება თავისთავად მანიშნებელია იმ დიდი პროგრესისა, რომელიც ჰქონია ქართლის სამეფოს კულტურული და პოლიტიკური შერწყმის ტენდენციას აღმოსავლეთით მდებარე მხარეებთან.

მაგრამ ეს კიდევ ცოტაა.

კახეთ-პერეთს, უაღრესად დიდი სამეურნეო მნიშვნელობის გარდა, ქართლის სახელმწიფოსთვის სტრატეგიული მნიშვნელობაც ჰქონდა. ჯუანშერის თხზულებიდან, რომელშიც, საგმირო ელემენტებით გადატვირთულობისდა მიუხედავად, სრულიად გარკვეულად ჩანს ვახტანგ გორგასლის პოლიტიკური კურსის ძირითადი გეზი, სავარაუდოა, რომ ვახტანგი ცდილობდა ეს მხარე (კახეთ-პერეთი) გადაექცია საკუთარ ბაზად სასანურ ერანთან საბრძოლველად. ამას

²⁰ ანას ქ¹ცა, 155.

²¹ «*სე ღორცხაჲ თსიგხაჲ თსიგხაჲ ნაქსიციყისა ხეჩვიანსა ხ ნაქვიციჲ 'ქ ღორცხნი, ქ კლიციანი ზსქ გნიენ ნრამან თათიჲ ღორცხაჲ' წათათაჲჲ გეაქსიციყისა ხ გეჩვიანსა ხ გააქსიციყიანსა, იხ. შათაოქსინ შვიანსიჲ შაქსიარსი, 1913. 60.*

²² მაგრამ ნიშანდობლივი უნდა იყოს, რომ კამბეჩიანი აქ არ იგულისხმება ალვანეთში უშუალოდ შემავალ კანტონად, როგორც ამაში სომხ. ანონიმური გეოგრაფია გვარწმუნებს, არამედ, მაინცდამაინც, ცალკე ქვეყანადა მიჩნეული, რომელზედაც ცხადია ალვანთა მეფის ხელისუფლება აწვერად ვრცელდება. ეს ეგებ სწორედ კამბეჩიანის დიდი ხნის გაქართველებით—აიხსენებოდეს.



ხელს უწყობდა ამ მხარის ეკონომიური სიმძლავრე და აგრეთვე დარებითი დაცულობა შემოსევების მხრივ.

სწორედ ამით უნდა ყოფილიყო, ჩვენი აზრით, ნაწილობრივ, გამოწვეული ის ფრიად მნიშვნელოვანი გარემოება, რომ ვახტანგ გორგასალს რეზიდენცია დროებით აღმოსავლეთით გადააქვს: „და თუთ ვახტანგ დაჯდა უჯარმოსა“²³.

ეს ფაქტი სხვამხრივაც უნდა აიხსნას. ზემოთ ვლაპარაკობდით კახეთ-ჰერეთის სამეურნეო მნიშვნელობაზე ქართლის სამეფოსათვის. სწორედ ამიტომ ვახტანგ გორგასლის უჯარმაში „დაჯდომა“ იმდენადვე უნდა ავსხნათ პოლიტიკური და სტრატეგიული მიზეზებით, რამდენადაც — ეკონომიური თვალსაზრისით. უჯარმა ვახტანგ გორგასალს კახეთის ცხვრისთვისაც სჭირდება და, გვეგონია, მაინცდამაინც არ შეეცდებოდა თუ ვიტყვი, რომ უპირატესად სწორედ ამისთვის სჭირდება. კიდევ ერთხელ ვაკვივრობთ: გადაჭარბებული არ იქნება ვთქვათ, რომ ვისიცაა უჯარმა, მისია „კახეთის მთეულეთის“ ცნვარი. ამიტომაც, რომ ქალაქი უჯარმა სამეფო ქალაქია და თვით მეფე თუ არა, უფლისწული, მაინცდამაინც, იქ ზის (რევი, დაჩი), ხოლო V—VI სს-ში დროებით მეფეებიც უჯარმაში ჯდებიან (ვახტანგი, დაჩი, იხ. ქვემოთ).

ქალაქ უჯარმაში რეზიდენციის გადმოტანა ისე არ უნდა გავიგოთ, თითქოს ვახტანგ გორგასალი აქ აპირებდა საბოლოოდ სახელმწიფო ცენტრის გადმოწევას. ეს რომ ასე არ არის, ამას ის მოწმობს, რომ თვით ვახტანგი ზრუნავს თბილისის დედაქალაქობაზე. თბილისი ქ-ც-ის მიხედვით, IV ს-ში „ალაშენა ერისთავმან სპარსთამან“²⁴ მცხეთის საკონტროლოდ. ამის შემდეგ ვარაზ-ბაქარს სპარსელებმა „მისცეს ციხე ტფილისისა“²⁵. ამავე საუკუნის ბოლოს, თუ V ს-ის დასაწყისში სპარსელებმა დაიპყრეს ქართლი, „ხოლო ნათესავნი მეფეთანი დარჩეს ჳევსა კახეთისასა“²⁶. ე. ი. სავარაუდოა ამ დროს სპარსელებს თბილისიც დაეპყროთ. ასე რჩება, როგორც ჩანს, ვახტანგამდე. რეზიდენციის დროებით უჯარმაში გადმოტანა იმითაც უნდა ყოფილიყო გამოწვეული, რომ მცხეთას აღმოსავლეთიდან კონტროლიორი ჰყავდა, ხოლო ვახტანგი სწორედ აქეთკენ საქმიანობდა (თიანეთი, ჰერეთი, წუქეთი), ამ მხარეს თავის ბაზად იხდიდა სპარსელების საწინააღმდეგოდ. უჯარმა უშუალოდ (გეოგრაფიულად, ეკონომიურად) დაკავშირებული იყო ამ მხარესთან და იგი ამასთანავე თავისუფალი იქნებოდა სპარსთა კონტროლისაგან.

23 ანას. ქ-ცა, 136.
 24 ანას. ქ-ცა, 86.
 25 იქვე.
 26 იქვე, 88.

მაგრამ თვით ვახტანგი რომ ხედავდა თბილისის, როგორც დედაქალაქის, უპირატესობას, ეს აშკარად ჩანს. მას შემდეგ რაც, ალბათ, ვახტანგ გორგასალმა თბილისი დაიბრუნა, „მეფე აშენებნ ქალაქსა ტფილისს, საფუძველი ოდენ დაედვა“²⁷, ხოლო დაჩის, მის შემკვიდრეს, უანდერძებს მისი საქმის განგრძობას და ამ უკანასკნელმაც „განასრულნა ზღუდენი ტფილისისანი; და ვითა ებრძანა ვახტანგს, იგი შექმნა სახლად სამეფოდ“²⁸.

ამგვარად, ასეთ თუ ისე, ვახტანგს თავისი რეზიდენცია ქალაქ უჯარმაში გადმოუტანია. მის დროს უჯარმის ისტორიის განვითარება უმაღლეს წერტილს აღწევს. სამწუხაროდ, ამ ფაქტის კონსტატაციის გარდა, წყაროების ცნობების სიმცირის გამო, ჭერჭერობით ჩვენ მეტის თქმა არ შეგვიძლია.

ვახტანგ გორგასლის მიერ ქალაქ უჯარმაში რეზიდენციის გადმოტანა აღინიშნა ფრთხილ დიდი მშენებლობით: „დაჯდა უჯარმოსა და აღაშენა იგი ნაშენებითა უზომოთა“²⁹. არც თუ აუცილებლად მიგვაჩნია ეს „უზომო ნაშენები“, მაინცდამაინც, მხოლოდ იმ „ციხესა უჯარმოვსასა“ გულისხმობდეს, „რომელი აგებულ იყო ვახტანგ გორგასლისაგან, რომელსა შინა თვით აღესრულა ლომი იგი ლომთაი და გოლიათი გოლიათთაი“³⁰ და რომელიც საკმაოდ კარგად შემონახული დღესაც აცვიფრებს ადამიანს, თავისი ორიგინალური არქიტექტურული ფორმებითა და მოხდენილობით.

ვახტანგის დროინდელ ქალაქზე მცირეოდენ წარმოდგენას გვაძლევს ქ. ც-ის ფრაგმენტული ცნობები. ქალაქი მტკიცე ვალაწით შემოზღუდული და შედარებით სხვა მახლობელ ქალაქებთან უკეთესად დაცული ყოფილა. ვახტანგი ამბობს: „ვექუ, ვითარმედ ყოველნი ქალაქნი გარემოს უჯარმოსა იძლიენენ, რამეთუ მტკიცენი და ძლიერნი ზღუდენი აქა დავსხენით“³¹. ქალაქ უჯარმას ამას გარდა ჩანს მთელი თავდაცვითი სისტემა ჰქონია: სამხრეთიდან მას იცავდა „წინა ციხე“³², რადგან ქალაქს წინა ციხე ჰქონია, სავარაუდოა „უკა-

27 იქვე, 136.

28 იქვე, 140.

29 ანას. ქ. ცა, 136.

30 ისტ. და აზმანი... პროფ. ვ. კაკელიის გამოც., გვ. 66.

31 ანას. ქ. ცა, 138.

32 იქვე, 137. რომ ეს უკანასკნელი, მართლაც, სამხრეთიდან იცავდა ქალაქს ეს ჩანს იქიდან, რომ მტერი უჯარმ-სკენ სამხრეთიდან მოდის: ხუასრომ „შემუსრნა ქალაქნი კამბეჩოანი და ჭერამის ციხე“. ჭიჭინაძის გამოცემა ამას უმატებს... „და ველის-ციხე“. ამგვარად, სპარსთა მარშრუტი ასე უნდა ვივარაუდოთ: ხორნაბუჯი—ველის-ციხე—ჭერამი. აქედან ალბათ გადმოვიდნენ ცივის მთაზე და „მოიწივნეს კახეთად, დაიბანაკეს იორსა ზედა“. ამასვე მოწმობს, რომ ბრძოლა მომხდარა „ველსა ზედა გარემოს ციხე-ქალაქისა, სადარჭუიანი დარფაჟა“ (იქვე), ასეთი



ნა ციხეც“, რომელიც ქალაქს ალბათ ჩრდილოეთიდან იცავდა. ეს ასეა, შესაძლებელია დღემდე შემონახული „გორგასლის ციხე“ სწორედ ეს „უკანა ციხე“ ყოფილიყო. „რაბატსა შინა უჯარმოსასა“³³ იდგა რაჟდენ-წმინდის ეკლესია აგებული თვით ვახტანგის მიერ. ს. კაკაბაძის აზრით „რაბატად... იწოდებოდა ქალაქის განსაზღვრული რაიონი მცხეთას, უჯარმას, ტფილისს, ალბათ ის რაიონი, რომელიც მოედნის გარშემო განვითარდა, ქალაქის მაშასადამე ცენტრალურად აღვილი“. და იქვე: „რაბატი არის ნასესხები სიტყვა და თავდაპირველად ის ფართო ქუჩას, მოედანს ნიშნავდა. ასეთი მნიშვნელობა ჰქონდა ასურულში სიტყვას rabatu“³⁴. ასეა თუ ისე ქალაქ უჯარმაში რაბატის არსებობა ვაჭარ-ხელოსანთა ფენის არსებობაზე უნდა მიუთითებდეს: გარეუბანში უმთავრესად ესენი ცხოვრობდნენ; მოედანზე (resp. ბაზარზე) ესენი ვაჭრობდნენ.

მაგრამ უჯარმაში ქართლის სამეფოს არისტოკრატიაც ცხოვრობდა. ეს თავისთავად ცხადია უკვე იქიდან, რომ ვახტანგმა რეზიდენცია აქ გადმოიტანა. მას უნდა გამოჰყოლოდა ამაღლა, კარისკაცი და ა. შ. მაგრამ საამისო პირდაპირი მითითებაც გვაქვს ქ-ც-ში: ქალაქ უჯარმაში ცხოვრობდა ქართლის სამეფოს არისტოკრატის უმაღლესი ფენა: წარჩინებულნი და მკუიდრნი ქალაქისანი³⁵. ვახტანგის დროს უჯარმა ფრიად ერმრავალი ქალაქი უნდა ყოფილიყო (ჯერ კიდევ მირიანის დროს „ერისა სიმრავლჳ არს მუნ“).

სახელწოდების ადგილი ეხლა თუმცა აღარ არის, მაგრამ, ცხადია, დიდი ბრძოლისთვის ასეთი ველი უჯარმას მხოლოდ სამხრეთიდან აკრავს.

³³ იქვე. 128. მოყვანილია მარიამისეული ნუსხით. ანასეულში დგას „პალატსა“. პირველი უფრო სწორი უნდა იყოს.

³⁴ საისტ. მ-ე, 1924, წ. I, 97. მეტად საინტერესო ცნობაა თუკი ეს, მართლაც ასეა. მაგრამ ამ სიტყვას ისლამის ეპოქაში სხვა მნიშვნელობა აქვს. კერძოდ, არაბული ტერმინი, რაბადი, ეწოდებოდა გარეუბანს, მაშინ როდესაც თავდაპირველ საქალაქო სამოსახლოს ეწოდებოდა შაჰრისტანი. რაბადი თვით ვალავანსაც ეწოდებოდა, რომლითაც ქალაქი გარეუბნიანად შემოზღუდული იყო. დაბოლოს, რაბატი შეიძლება პრქმეოდა მთელ სათავდაცვო სისტემასაც, რაბადის გარეუბნად გაგება სავარაუდოა მწყემსებთან დაკავშირებით რომელნიც იყვნენ „რაბატელნი დიდისა ქალაქისა მცხეთისანი“, Опис ... 748; მართლაც, ძნელი დასაჯერებელია მცხეთელ მწყემსებს ქალაქის ცენტრში ეცხოვრათ. მაგრამ ამ ტერმინის უფრო ძველად სხვა მნიშვნელობით ხმარებას გვაუარაუდებინებს, ის, რომ „რაბადი“ გარეუბნის მნიშვნელობით, მაინცდამაინც, მუსლიმანურ ხანაში იხმარება, იხ. **Б а р т о л ь д**, *Ист. культ. жизни Туркестана*, 1927, გვ. 28, 31.

³⁵ გვ. 139. მკუიდრთა შესახებ იხ. ივ. ჯავახიშვილი, სამართლის ისტ. წ. II, ნაწ. I.

სამწუხაროდ, მხოლოდ ამ მცირეოდენ ცნობებს, გვაწვდიან ისტორიული წყაროები ვახტანგ გორგასლის დროინდელი უჯარმის შესახებ.

ზემოთ აღვნიშნეთ, რომ აწინდელ სოფელ უჯარმის ჩრდილოეთით, რამდენიმე კმ-ზე მდებარე თავდაცვითი ნაგებობა უნდა იყოს სწორედ ის „ციხე უჯარმისა“, „რომელი აგებულ იყო ვახტანგ გორგასლისაგან“.

ვფიქრობთ, რომ სწორედ ეს ნაგებობა, რომელიც სამი წლის არქეოლოგიური კვლევის შედეგად საკმაოდ გამოვლენილია, უნდა იყოს საკუთრივ ვახტანგ გორგასლის რეზიდენცია; აქ უნდა მჯდარიყო მეფე მას შემდეგ, რაც რეზიდენცია მცხეთიდან უჯარმაში გადმოიტანა. ამდენად, ეს სათავდაცვო კომპლექსი უნდა იყოს არა იმდენად ხეობის ჩამკეტი სიმაგრე, რამდენადაც ციხე-დარბაზი, სასახლით, კარის ეკლესიით და სათავდაცვო სისტემით, რომელშიაც „მონასპის“ მსგავსი მეფის პირადი მცველები იქნებოდნენ³⁶.

უჯარმის ციხე-დარბაზის არქეოლოგიური თხრის დაწყება მოხერხდა მხოლოდ 1950 წლის ზაფხულში თბილისის სახელმწიფო უნივერსიტეტისა და ივ. ჯავახიშვილის სახელობის ისტორიის ინსტიტუტის ერთობლივი ღონისძიებით (ექსპედიციის ხელმძღვანელი — აკად. ნ. ბერძენიშვილი; გათხრების უშუალო ხელმძღვანელი — ისტ. მეცნ. კანდ. გ. ლომთათიძე).

ციხე-დარბაზი მდებარეობს მდ. ივრის შუა წელზე ქვიშა-ქვის კლდეებისგან შექმნილ მაღლობზე. კომპლექსი შედგება ორი ძირითადი ნაწილისაგან: „ზედა ციხისგან“, რომელიც მაღლობის თავბრუსეულ თხემზეა და მის კონტურს შემოჰყვება და „ქვედა ციხისაგან“.

³⁶ ხეობის ჩამკეტი ციხე-სიმაგრედ, ეკვი არაა, ბოქორმის მიუვალი და გრანდიოზული საფორტიფიკაციო ნაგებობა უფრო გამოდგებოდა. ბოქორმის ციხიდან, რომლის ცოტა ქვემოთ ორი სამხრეთისკენ უხვევს, ამ უკანასკნელის ხეობა ხელის გულივითა ჩანს, დაწყებული ერწოდან, ვიდრე აწინდელ პალდომდე, საცა სამგორის არხის კაშხალი ღვას, ე. ი. დაახლოებით 30 კმ-ის ფართობზე; მაშინ როდესაც უჯარმის ციხიდან თითქმის არაფერია ხედი არ არის; ამასთან. ეს უკანასკნელი საკმაოდ ადვილმისადგომი და ადვილასადენია, რომ ჩვენი აზრი სწორია, ამას შემდეგი გარემოება უნდა მოწმობდეს: 914 წ. უჯარმის ციხეს იღებს აბულ-კასიმი, არაბთა სარდალი. ბოქორმელებმა რომ ეს გაიგეს, „დაიგდეს ციხე და გარდაიხუწყნეს“. არაბებმა „აიღეს ბოქორმა და დაიპირეს ციხედვე; უჯარმის ზღუდენი დაარღვივნეს“. რა მოსაზრებით უნდა ესარგებლა არაბთა სარდალს, როდესაც ბოქორმაში ჯარს აყენებდა, ხოლო უჯარმას ანგრევდა? ჩვენი აზრით აქ ერთი ახსნაა: იგი ცდილობს ივრის ხეობის დამორჩილებას, თუ იქიდან ზურგის გამაგრებას. საამისოდ მას მიზანშეწონილად მიჩნია ბოქორმის ციხის დაკერა და ე. ი. შიგ ციხიონის ჩაყენება. ეს უკვე მოწმობს ბოქორმის უპირატესობას უჯარმის მიმართ, და რომ უჯარმა, რომელიც მას „ბაკად“ ეჩვენება ბოქორმასთან შედარებით, არ გახდეს კვლავ თავგანწირულ პატრიოტთა სიმაგრედ, იგა მას ანგრევს; წინააღმდეგ შემთხვევაში მას იქ აგრეთვე ციხიონი უნდა ჩაეყენე-

რომელიც ზედაციხეს ჩრდილოეთიდან უშუალოდ ადგება და მდინარისკენ დაქანებულ ფერდობზე აგებულ ოთხკუთხა-კონტურისაა გალავანს წარმოადგენს, რომელშიაც კოშკებია ჩადგმული.

ზედა ციხეში, გარდა ჩვეულებრივი, მარტივი კოშკებისა, ჩრდილო-აღმოსავლეთ კუთხეში ჩადგმულია რთული ორსართულიანი, თითო სართულზე სამ-სამი ოთახით, ნაგებობა, რომელიც აკად. ნ. ბერძენიშვილის მიერ პირობითად მიჩნეულ იქნა მეფის სადგომად, „სასახლედ“³⁷. დღეს ეს ნაგებობა ძალზედ დანგრეულია. ირ. ციციშვილის აზრით, რომელიც მონაწილეობდა უჯარმის არქეოლოგიურ ექსპედიციაში და რომლის მიერაცაა გაკეთებული ამ ძეგლის რეკონსტრუქცია, „შენობის ორივე სართულის სადგომები ნათდებოდა ფართო და მაღალი თაღოვანი სარკმლებით. განსაკუთრებით საყურადღებოა ზედა სართულის ნალისებრი მოხაზულობის სარკმლები და კარები, რომელთაგან უკანასკნელები, როგორც ჩანს, შვერილ აივნებზე გადადიოდნენ“³⁸. „სასახლის წინ გალავანს შიგნით გამოყოფილია საკმაოდ დიდი ეზო, გამაგრებული გალავანის კუთხური კოშკებით“³⁹.

ზედა ციხის ტერიტორიაზევეა მის ერთ-ერთ კოშკზე მიდგმული ორსართულიანი ეკლესია, რომლის მშენებლობაშიც სამი სხვადასხვა პერიოდის ფენა გამოიყოფა⁴⁰. მისი ძირითადი, უძველესი ნაწილი (ქვედა სართული) თარიღდება V ს-ით⁴¹. ეკლესიის პირდაპირ მოთავსებულია სამეურნეო ნაგებობანი.

ქვედა ციხის გალავანში მხოლოდ ოთხკუთხა კოშკებია ჩართული: სამი—დასავლეთ ზღუდეში, სამი—ჩრდილო ივრისპირა ზღუდეში და სამიც—აღმოსავლეთ ზღუდეში. კოშკები ორ ან სამსართულიანია, ქონგურებიანი. გარეთეკნ კოშკებს ყრუ კედლები აქვთ, ხოლო შიგნითეკნ—მაღალი და ფართო კარ-სარკმლები, ნალისებური თაღებით. განსაკუთრებით აღსანიშნავია დიდი, სამსართულიანი კოშკი ჩართული ივრისპირა ზღუდის ცენტრში, რომელსაც სხვა კოშკებთან შედარებით რთული აღნაგობა აქვს, და რომლის ძირა ფე-

ბინა. მაგრამ ამას არ აკეთებს, და არ აკეთებს იმიტომ, რომ უჯარმის ციხე არც სტრატეგიული და არც თავდაცვითი უნარიანობის თვალსაზრისით მას ამისათვის მიზანშეწონილად არ მიაჩნია.

37 იხ. აგრეთვე ი. ციციშვილი, ქართული არქიტექტურის ისტორია, 1955 წ., გვ. 50, ტაბ. XVII, ნახ. II.

38 იქვე, გვ. 50.

39 იქვე, გვ. 50, ტაბ. XVIII.

40 იქვე, გვ. 50.

41 გ. ჩუბინაშვილი, ქართული ხელოვნების ისტორია, 1936 წ., გვ. 31—32.

ნებშიც პეროზის (459—484 წწ.) ვერცხლის მონეტა აღმოჩნდა. კომპლექსის სიმაღლე ვარაუდით—13—14 მ-მდე უნდა ყოფილიყო.

ფრიალ დამახასიათებელია კედლების პერანგის წყობა: ჰორიზონტულად დალაგებული, მეტ-ნაკლებად თანაბარი და მსგავსი მოყვანილობის, ბრტყელი, ფლეთილი კლდის „კვადრები“. ამგვარი წყობითაა ნაგები უჯარმის ციხე-დარბაზის უძველესი, ძირითადი ნაგებობანი და მას პირობითად „უჯარმულ წყობას“ უწოდებენ.

რადგანაც ეს ნაგებობა შუა და გვიანფეოდალურ ხანაშიაც გამოიყენებოდა და, როგორც ჩანს, საკმაოდ ინტენსიურადაც, ამიტომ უძველესი კულტურული ფენის მკვეთრად გამოვლენა გათხრების დროს ვერ მოხერხდა ანუ უჯარმის კომპლექსის სტრატეგრაფია ჰორიზონტებით შეუძლებელი აღმოჩნდა. მაგრამ განათხარ არქეოლოგიურ მასალაში, ძირითადად კერამიკულ ნატეხებში, სავარაუდოდ შესაძლებელი ხდება გარკვეული ჯგუფის გამოყოფა, რომელიც უნდა თანადროული იყოს ციხე-დარბაზის აგების ხანისა. ამგვარი კერამიკა უმეტესად ქვედა ჰორიზონტებიდან ამოდიოდა. გ. ლომთათიძის სიტყვით „სასახლის“ ძირა სართულის ამოწმენდისას და სხვაგანაც მიწას აქა-იქ ამოჰყვებოდა ხოლმე წითელი, წითლად შეღებილი თუ წითელ-ლაკიანი მომცრო ჭურჭლის ნამტვრევები, რომლებიც მოგვაგონებენ ჩვენში (კერძოდ, მცხეთაში, ალაზნის ველზე) ახ. წ. I—III სს-ში გავრცელებულ კერამიკას. ამგვარი ჭურჭლისათვის უჯარმაში დამახასიათებელია მეტად თხელი კეცი და კარგი გამოწვა.

აღსანიშნავია აგრეთვე ზედა ციხის ერთ-ერთ ნაგებობაში აღმოჩენილი საკინძის თავის ნატეხი, რომელიც ლაქვარდისაგან ყოფილა გამოთლილი, ბროწეულის ყვავილის მსგავსად. გ. ლომთათიძის სიტყვით, მცხეთისა და რუსთავის ადრეფეოდალური ხანის სამაროვნებში სამკაულის ეს ტიპი ძალიან გავრცელებულია სწორედ IV და მომდევნო რამდენიმე საუკუნის მანძილზე, რის შემდეგაც იგი ქრება.

საინტერესოა, რომ უჯარმის განათხარში ისევე, როგორც არქიტექტურაშიაც, ინტენსიურადაა წარმოდგენილი უფრო გვიანდელი, შუა და გვიანფეოდალური ხანა (მოქიქული და მოუქიქავი კერამიკა; მრგვალი ბურჯები, აგურის გამოყენება), მაგრამ მეტად მნიშვნელოვანია და ხაზგასასმელი ის გარემოება, რომ ვახტანგ გორგასალზე უფრო ადრინდელი ეპოქის ნაშთი იქ ჯერჯერობით არ ჩანს.

ასეთია მოკლედ უჯარმის ციხე-დარბაზის არქიტექტურა არქეოლოგია⁴².

რაც შეეხება თვით ქალაქ უჯარმას, მისი კონკრეტული ლოკალიზაცია არქეოლოგიური გათხრების უკმარობის გამო, დღეს-დღეობით ჭირს. იგი განლაგებული უნდა ყოფილიყო ან თვით ციხე-დარბაზის მახლობლად თუ გარშემო, რაზედაც თითქოს ნასახლარების ინტენსიური კვალი უნდა მიუთითებდეს, თუმცა თითო-ორთა ნასახლარის გათხრამ საამისო არაფერი უჩვენა⁴³. თითქოს ამაზევე უნდა მიუთითებდეს ციხე-დარბაზიდან აღმოსავლეთით დაახლ. 800 მ-ზე მდგარი ცალნავიანი ეკლესია, რომელიც გადაკეთებული ჩანს და თავის დროზე ბაზილიკა უნდა ყოფილიყო, V—VI სს-ა⁴⁴; ანდა ქალაქი დღევანდელი უჯარმის სოფლის ტერიტორიაზე უნდა ყოფილიყო, რაზედაც იქ ამართული დიდი ბორცვი უნდა მიუთითებდეს, რომელიც, შესაძლებელია, ძველ ნამოსახლარ „გორას“ წარმოადგენს. ამ მხრივ საინტერესოა, რომ ამ ბორცვის ივრისპირა ფერდის ჩამონაზვავებში (ეს ფერდი ნაწილობრივ ჩაქეუულა) ჩვენ დავადასტურეთ ქვით ნაგები კედლის დიდი ნაგლეჯი, რომლის წყობაც იდენტურია „უჯარმული წყობისა“⁴⁵.

* * *

ვახტანგ გორგასლის შემკვიდრე დაჩიც თავდაპირველად უჯარმაში ზის. ამას მოწმობს ის, რომ იგი „უჯარმელად“ იწოდება⁴⁶. მაგრამ შემდეგ იგი თბილისში გადმოდის. „მისაზე ტფილისს კაცნი დასხდებოდეს“⁴⁷. თვით დაჩიმ, როგორც ვიცით, „განასრულნა ზღუდე-

⁴² ამ საკითხის გადმოცემისას მე ვსარგებლობდი გ. ლომთათიძის წინასწარი მოხსენებით—„უჯარმის არქეოლოგიური თხრის შედეგები“ 1953 წ. 22/III და ირ. ციციშვილის ზოგიერთი მითითებებით.

⁴³ ნასახლარებიდან მოჭიქული კერამიკა ამოვიდა.

⁴⁴ ცნობა მოგვაწოდა ირ. ციციშვილმა.

⁴⁵ ქალაქის სავარაუდო ლოკალიზაცია შემუშავებულია ნ. ბერძენიშვილისა და გ. ლომთათიძის მითითებითა საფუძველზე. რაც შეეხება სპეციალურ ლიტერატურაში გამოთქმულ მოსაზრებას, რომ ქალაქ უჯარმას წარმოადგენს სწორედ ის ნაგებობა, რომელიც ჩვენ მხოლოდ სამეფო ციხე-დარბაზად მიგვაჩნია და ამასთან უძველესი ქალაქი უნდა ყოფილიყო განლაგებული კლდოვან მაღლობზე, ე. ი. „ზედა ციხეში“ (იხ. პროფ. შ. ამირანაშვილი, ქართული ხელოვნების ისტორია, 1944, გვ. 155; Ш. М е с х и а, Города и городской строй феодальной Грузии, 1954, გვ. 109, 141). იგი არ უნდა იყოს სწორი: ქალაქისათვის იქ არც ტერიტორიაა საკმარისი და არც არქიტექტურა და არც არქეოლოგია არ იძლევა საამისო საფუძველს.

⁴⁶ Опис..., 722.

⁴⁷ იქვე.

ნი ტფილისისანი, და... შექმნა სახლად სამეფოდ“⁴⁸. დაჩი განაგრძობს ქართლის მეფეების უკვე ტრადიციულ პოლიტიკას: „მეფემან დაჩი დაპატიჟა მთეულთა კახეთისათა, რათა აღიარონ ქრისტე. ხოლო მათ არა ინებეს, და განდგეს ყოველნი ნობატელნი“⁴⁹. დაჩი რომ ნუჰპატოსა თუ ნუხის⁵⁰ მთიანეთში საქმიანობს, არც ესაა ჩვენთვის მოულოდნელი: აქ უკვე ვახტანგი საქმიანობდა. ქართული წყაროები მეტისმეტად თანმიმდევრულ ჩვენებებს იძლევიან, რაც, რასაკვირველია, მხოლოდ მათ რეალურ-ისტორიულ შინაარსზე მიუთითებს.

48 ანას. ქრცა, 140.

49 იქვე.

50 თუკი ნობატი და ნუხპატი იგივე დღევანდელი ნუხია, როგორც ჩვეულებრივ ვარაუდობენ.

უჯარმა აღრეფეოდალურ ხანაში (I)

VI ს-ში, ქართლში მეფობა ისპობა. სწორედ ამ საუკუნეს უკავშირებს მემატინე ერისთავობის ინსტიტუტის სამემკვიდრეოდ გადაქცევას. ცხადია, „აქ საქმე ეხება გარკვეულ ადმინისტრაციულ თანამდებობათა გადაქცევას მემკვიდრეობითი ხასიათის ინსტიტუტებად (დაწესებულებად). რადგანაც ჩვენი წარმოდგენით ამ სამოხელეო თანამდებობათა სოციალური საფუძველი მსხვილი მემამულეობაა, ამიტომ გასაგებია, რომ ახალი პირობები ხელს უწყობენ აღნიშნული წრის შემდგომ გაძლიერებას ამ მიმართულებითაც, ე. ი. მიწისმფლობელობის ზრდისა და სათანადო უფლებების განმტკიცების მიმართულებით“¹.

ამგვარად, უკვე VI ს-ის დასაწყისში მკვიდრად ჩაეყარა საფუძველი იმ მოვლენას, რომელმაც, დაახლოებით ორნახევარი საუკუნის შემდეგ, ცალკეული ქართული აღრეფეოდალური სამთავროების ჩამოყალიბებაში იჩინა თავი. მაგრამ ეს ჯერ კიდევ მომავლის საქმე იყო.

„აღებული პერიოდის (ლაპარაკია VI ს-ზე—**დ. მ.**) მეორე ნახევარისათვის აქ (ე. ი. საქართველოში.—**დ. მ.**) უკვე ახალ ნიადაგზე ადგილობრივ ფეოდალურ სახელმწიფოებრიობასაც გარკვეული წარმატებისთვის მიუღწევია და აშკარად მოჩანს, ან უკვე წარმოქმნილ ან ჯერ ჩანასახად მოცემულ, ახალი ფეოდალური პოლიტიკური ერთეულების კონტურები. ასეთია მდგომარეობა ქართლში...“².

მართლაც, უკვე ამ დროს უნდა ვიგულისხმოთ ქართლის აღმოსავლეთ პერიფერიაზე დიდი პოლიტიკური ერთეულების შექმნა, რომელთაგან უფრო გვიან კახეთისა და პერეთის სამთავროები წარმოიქმნენ: „და შვილნი ბაკურ მეფისანი, ნათესავნი დაჩისანი... იგინი დარჩეს კახეთს. დაიპყრეს კუხეთი (მარიამის, ნუსხით —**დ. მ.**) და

¹ ს. ჯანაშია, შრომები, ტ. I, 19.

² იქვე, 81—2.

ერთი იორითგან, და დასხდეს უჯარმოს, და იყუნეს მორჩილებას კულაპარატისსა“³.

ამ მრავალმხრივ საინტერესო ცნობიდან ჩვენ გვგონია საყარაუდლოა, რომ კახეთ-პერეთი ამ შემთხვევაში ერთ ერთეულად გაიარებდა, რომელიც ვახტანგ გორგასლის შთამომავალთ დაიმკვიდრეს. ეს ერთეული ჯერ არაა სრულიად დამოუკიდებელი, რამდენადაც მისი მფლობელები ქართლის კურაპალატის უზენაესობას აღიარებენ. ამ პოლიტიკური ერთეულის ცენტრად ქალაქი უჯარმა გვევლინება.

ცხადია, ეს დიდი პოლიტიკური ორგანიზმი დაყოფილი იქნებოდა შედარებით მცირე ადმინისტრაციულ ერთეულებად. ასეთა ერთეულების არსებობა ჯერ კიდევ ვახტანგის დროს ვივარაუდეთ. ასე იქნებოდა უფრო გვიანაც, ამას, სხვათა შორის, გვაგულისხმებინებს კვირიკე დიდის (XI ს.) რეფორმატორული საქმიანობა კახეთ-პერეთში. სრულიად არაა აუცილებელი მის მიერ დაარსებული ადმინისტრაციული ერთეულები მისივე დროის ნაყოფად ვცნათ. პირველ, მას ძველი დაყოფა უნდა გამოეყენებინა საკუთარი მიზნებისათვის და თუ ვახუშტს დაუჯერებთ სწორედ ასეც მოქცეულა⁴. ჩვენთვის საინტერესო ხანისათვისაც (VI ს-ის მეორე ნახევარი) გვაქვს საამისო მითითებები. კერძოდ, სუმბატ დავითის ძე თავის „ცხოვრება და უწყება ბაგრატიონთა“-ში ასე აგვიწერს ამ ამბავს: „და ოთხნი ძმანი მათნი (სომხეთში დარჩენილ ბაგრატიონთა.—**დ. მ.**) მოვიდეს ქართლს, ხოლო ერთი მათგანი, სახელათ გუარამ, განაჩინეს ერისთავად. და ესე ქართლისა ბაგრატიონიანნი შვილის შვილნი და ნათესავნი არიან მის გუარამისნი. ხოლო ძმა მისი სახელით საჰაკ, წარვიდა კახეთს და დაემზახა იგი ნერსეს⁵, და ორნი იგი ძმანი ამათნი, სახელით ასამ და ვარზევარად, წარვიდეს კამბეჩანს და მოკლეს მათ სპარსთა სპასალარი და დაიპყრნეს კამბეჩანი, და დასხდეს იგინი მუნ ცხოვრებად ხორნაბუჯს, და ამ ქამამდე შვილნი მათნი მთავრობენ

³ იგულისხმება პირველი ერისთავარი ქართლისა—გუარამ კურაპალატი (ანას ქ^აცა, 143), აქ საინტერესო ისაა, რომ ვახტანგის ჩამომავლებს „ერთი იორითგან“, ე. ი. ივრცს პერეთი დაუპყრიათ. ე. ი. ეს ერთეული დაახლოებით იმ მოცულობისა უნდა ყოფილიყო, როგორც უჯარმის საგამგეოს ჰქონდა IV—V სს-ში (იხ. ზემოთ). რაც შეეხება პერეთის დანარჩენ ნაწილს (ალაზნის პერეთი, კამბეჩანი, და სხვ.), იქ ამ დროსაც ცალკე ერთეულები უნდა ყოფილიყო. ასეთივე მოცულობის უნდა ყოფილიყო არჩილის თავდაპირველი სამფლობელო, აგრეთვე გრიგოლის სამთავროც + გარდაბანი + შიდა ქართლის ნაწილი (იხ. ქვემოთ).

⁴ იხ. ამის შესახებ ქვემოთ.

⁵ ეგებ ეს ნერსეა სწორედ პირველი მთავარი „ნათესავი დაჩისა“, რომელმაც „დაიპყრა კახეთი და ერეთი“—**დ. მ.**

მას შინა⁶. ცხადია, აქ ხორნაბუჯი და კამბეჩანი ერთი იმ მცირე-სა-
თეულთაგანი უნდა ყოფილიყო, რომელიც ჰერეთის შემადგენელი
ნაწილი იყო. ასეთივე ნახევრად დამოუკიდებელი ერთეული უნდა
ყოფილიყო ამ დროს წუჭეთიც. მსგავს მოვლენას ჩვენ ცოტა უფრო
გვიანაც შევხვდებით.

ამგვარად, წყაროები გვაპარაუდებინებენ VI ს-ის მეორე ნახევ-
რისათვის (თუ მისი დამლევისათვის) კახეთ-ჰერეთს (კუხეთიანად)
ერთ სამთავროდ (თუმცა ჯერ კიდევ არა დამოუკიდებელს). ცენტრი
ამ სამთავროსი, როგორც აღვნიშნეთ, ქალაქი უჯარმაა.

უჯარმა, რომელმაც ვახტანგ გორგასლის ეპოქაში თავისი ის-
ტორიის ზენიტს მიაღწია, მთელი VI ს-ის განმავლობაში (და უფრო
გვიანაც) ინარჩუნებს თავის მნიშვნელობას ქართლის სახელმწიფოს
ერთ-ერთი უდიდესი ცენტრისას. მიუხედავად იმისა, რომ მისი, რო-
გორც სახელმწიფოს პოლიტიკური ცენტრის, ფუნქცია ხანმოკლე
აღმოჩნდა და მალე თბილისზე გადავიდა (ასეთი ფუნქცია მას ეხლა
კახეთ-ჰერეთის სამთავროს მიმართ დაეკისრა), უჯარმას, როგორც
ეკონომიურ ცენტრს, სავარაუდოა, უფრო დიდი მნიშვნელობა სწო-
რედ VI ს-ში მისცემოდა.

იმ ფრაგმენტების შიხედვით, რომლებითაც, მართალია, მეტად
არასრულად, მაგრამ მაინც ნიშანდობლივად, შეგვიძლია ვიმსჯელოთ
კახეთის (და ჰერეთის) პოლიტიკური და ეკონომიური ევოლუციის
შესახებ, ეს მხარე ეკონომიურად ერთ-ერთ მძლავრ კუთხედ წარ-
მოგვიდგება (მესაქონლეობა, მევენახეობა, მარცვლეული კულტუ-
რები—IV ს-ის რუსთავის არხი; ვაჭრობა—ნუმიზმატიკა). უთუოა
ამისი ერთ-ერთი მიზეზი უნდა ყოფილიყო ამ მხარის კარგი დაცუ-
ლობა. ეს გარემოება, თავის მხრივ, მას დიდ სტრატეგიულ მნიშვნე-
ლობას ანიჭებდა. სწორედ ამიტომაა, რომ სპარსთა მძლავრებით შე-
ვიწროებული ქართველი მეფეები აქ აფარებენ თავს, მაგ.: ვარაზ-
ბაქარი (IV ს-ის მეორე ნახევარი) „უკუჯდა იგი ჳევსა კახეთისასა და
აღაშენა ციხე კიდრს“⁷. მირდატის დროს (IV—V სს. მიჯნა) სპარსე-
ლებმა დაიპყრეს ქართლი, „ხოლო ნათესავნი მეფეთანი დარჩეს ჳევ-
სა კახეთისასა“⁸. ვახტანგის დროს „გამოვიდეს ოგსნი... და მოტყუე-
ნეს ქართლი თავიდგან მტკურისათ ვიდრე ზუნანამდე“. „დაურჩეს წა-
რუტყუნველად ჳევნი ქართლისანი: კახეთი, კლარჯეთი...“⁹. დაჩიმ

⁶ სამი ისტ. ჳრონიკა, 1890 წ., გვ. 43.

⁷ ანას. ქცა, 86.

⁸ იქვე, 87.

⁹ იქვე, 94. ორწერტილი ჩვენ მიერაა დასმული. გამომცემელს მის მაგიერ
მძიმე უზის. ჩვენი შესწორება რომ სწორია, ეს ქვემოთოყვანილი ადგილიდან სრუ-
ლებით ცხადია.

„იწყო... შენებად ქართლისა, რამეთუ მოოკრებულ იყუნეს ყოველნი კეენი ქართლისანი, თუნიერ კახეთისა და კლარჯეთისა“¹⁰.

მოყვანილი მაგალითები სრულიად საყმარისია იმის საჩვენებლად, „რამეთუ კახეთი ტყე იყო და შეუვალი მტერისა მიერ“¹¹, ხოლო ერთი და კახეთი ჭალაკთა და ტყეთაგან“ აგრეთვე დაზღვეული იყო მძლავრებისაგან¹².

სწორედ აი ამ უპირატესობათა გამო ცდილობდა, როგორც ჩანს, ვახტანგ გორგასალი კახეთ-პერეთის გადაქცევას მძლავრ ბაზად ერანთან საბრძოლველად¹³. ამით იყო ნაწილობრივ გამოწვეული მისი ინტენსიური საქმიანობა ქართლის აღმოსავლეთ პერიფერიაზე. მაგრამ ვახტანგს მისი გეგმის შესრულება არ დასცალდა. იგი დამარცხდა.

VI ს. ქართლისათვის ამ მხრივ ძალთა მოკრებისა და მშენებლობის ხანა იყო. ჯერ კიდევ დაჩიმ, როგორც უკვე აღვნიშნეთ, დაიწყო „შენებად ქართლისა“. აღმავლობა ამ მიმართულებით შემდეგაც არ უნდა შეწყვეტილიყო. „ქართლში ამ ხანაში, ყოველ შემთხვევაში, VI ს. ოთხმოციან წლებამდის, ხელსაყრელი პირობები უნდა ვიგულისხმოთ სოფლის მეურნეობის... შემდგომი ზრდისათვის. ასეთი პირობა იყო პოლიტიკური მდგომარეობის სტაბილიზაცია, რომელიც ირანელთა უმეშვეო მმართველობის დამყარებამ მოიტანა“¹⁴. ამ დებულების სისწორეს უნდა ადასტურებდეს ჩვენ მიერ ზემოთ განხილული ნუმიზმატიკური მასალა სასაანური ხანისა, რომელიც ძირითადად V ს-ის მეორე ნახევარზე და VI ს-ზე მიუთითებს. თუ საერთოდ ქართლისთვის ასე ნასიათდება ეს ეპოქა, მით უმეტეს მნიშვნელოვანი უნდა ყოფილიყო იგი კახეთ-პერეთისათვის, რომ

¹⁰ იქვე, 140.

¹¹ იქვე, 137.

¹² იქვე, 155. ეს რასაკვირველია, იმას არ ნიშნავს, რომ კახეთ-პერეთი საერთოდ მიუწვდომელი იყო მტრისათვის. ცალკეული შემოსევები არც კახეთს ასცდებოდა. ჯერ კიდევ იმავე V ს-ში იერის ხეობით ჰუნები—სარაგურები შემოსევით ქართლსა და სომხეთს (იხ. ივ. ჯავახიშვილი, ქართ. ერის ისტ. 1, 240), თუმცა აქ კიდევ საკითხავია ნამდვილად იერის ხეობაზე პრისკო პანიელის იმ ნაწყვეტში ლაპარაკი თუ არა (იხ. ВДИ, 1948, № 4, ст. 265). ცნობილია აგრეთვე ხაზართა ლაშქრობა კახეთს და თბილისს (ჯონბერ ე-ვის დის შუშანის ამბავი). იერის ხეობა ბრძოლის ასპარეზად იქცა აბულ-კასიმის შემოსევების, 914 წ. მაგრამ, ჩვენ რომ ვიხილავთ იმ პერიოდისათვის, ასეთი შემთხვევები ეპიზოდურ ხასიათს ატარებენ.

¹³ ასეთივე ბაზად გაიხადა მან აგრეთვე კლარჯეთი—არტანუჯით. კლარჯეთსაც იგივე უპირატესობანი ჰქონდა დაახლოებით, რაც კახეთ-პერეთს. ეს კარგად ჩანს ზემოთ ამოწერილი ნაწყვეტებიდანაც. იხ. ანას: ქ-ცა, 119.

¹⁴ ს. ჯანაშია, შრომები, ტ. I, 90.

ეს მხარე ეკონომიურად მძლავრია, ამას მოწმობს, სხვათა შორის, ის მრავალრიცხოვანი, ხშირად მონუმენტალური და პირველხარისხოვანი არქიტექტურული ძეგლები, რომლებითაც მოფენილია ისტორიული კახეთ-ჰერეთის ტერიტორია, დაწლებული უკვე V ს-დან ვიდრე საქართველოს გაერთიანების ხანამდე. ამგვარად, იმ ფაქტს, რომ VIII—IX სს-ში კახეთის სამთავრო გვევლინება საკმაოდ მძლავრ ერთეულად (პოლიტიკურადაც და ეკონომიურადაც) სულ ცოტა 3—4 საუკუნის, ასე ვთქვათ, მოსამზადებელი ისტორია აქვს.

უჯარმის შესახებ VI ს-თვის, იმის გარდა, რომ იგი გარკვეული პოლიტიკური ერთეულის ცენტრად გვევლინება, სხვა ცნობა არა გვაქვს. მაგრამ ჩვენ სწორედ იმის გამო მოვიტანეთ ზემომოტანილი ზოგადი დახასიათება იმდროინდელი კახეთისა (და ჰერეთისა), რომ რადგან ჭერჭერობით სხვა საშუალება არა გვაქვს, ამით მაინც ერთგვარი წარმოდგენა შევიქმნათ ქალაქ უჯარმის მდგომარეობაზე იმ ხანაში: ცხადია, მძლავრ პოლიტიკურ ერთეულს, ასეთივე ცენტრი უნდა ჰქონდეს.

დაწყებული VI ს-ის მეორე ნახევრიდან, ქართლის სახელმწიფოს ხელისუფალთა ორიენტაცია, აღებული აქამდე სასანურ ერანზე, იცვლება. სხვადასხვა ფაქტები „VI ს-ის სამოციანი წლებიდან მოყოლებული, აშკარად გვიჩვენებენ ბიზანტიის სამხედრო-პოლიტიკური უპირატესობის შეუჩერებელს, თუმცა ხანმოკლე შეფერხებით დახასიათებულს, ზრდას. VII ს. ოციანი წლების დამლევისათვის მთელს ამიერკავკასიაში და, მით უმეტეს, საქართველოში, ბიზანტიის ჰეგემონია უკვე უცილობელი ფაქტია“¹⁵.

VII ს-ის ოციან წლებში ჰერაკლე კეისარმა საბოლოოდ მოუღო ბოლო ერანელთა ძლიერებას. 627 წ. თბილისი აიღეს კეისრის მოკავშირე ხაზარებმა. ქ-ც-ის მიხედვით კალა ჭერ კიდევ აღებული არა ჰქონდათ, რომ „კეისარმან მოუწოდა ძესა ბაკურისსა, ქართველთა მეფისასა, ნათესავსა დაჩისასა, ვახტანგის ძისასა, რომელ ერისთაობდა კახეთს (და იჯდა, ე. ი. უჯარმაში, იხ. ზემოთ), რომელსა ერქვა ადარნასე, და მისცა ტფილისი და მთავრობდა ქართლს“¹⁶. განსხვავებულად აქვს ეს ამბავი წარმოდგენილი „მოქც. ქართლისაჲ“-ს მემატიანეს. მის მიხედვით ადარნასე ჰერაკლე კეისრის წასვლის შემდგომ „ერისთობდა“¹⁷. თავისთავად ქ-ც-ის გადმოცემაში არაფერი

¹⁵ ს. ჯანაშია, შრომები, ტ. 1, 81.

¹⁶ ანას ქ-ცა, 146.

¹⁷ Опис. . .



არაა დაუჯერებელი; მის სისწორეს რომ თავი დავანებოთ, ჩვენთვის უფრო მნიშვნელოვანია ის კონკრეტული ცნობა, რომ ადარნასე იმ „ნათესავთა დაჩისათა“ ჩამომავალი იყო, VI ს-ის მეორე ნახევარში რომ კახეთ-ჰერეთი დაიმკვიდრეს და უჯარმაში დასხდნენ. ეს უნდა იყოს ის ადარნერსე ვპატოსი, მცხეთის ჯვრის ტაძარზე რომაა გამო-სახული. იგივე ადარნასეს (ატრნერსეჰ) იცნობს მოსე კალანკატუე-ლი¹⁸.

VII ს-ის დასაწყისიდანვე (608 წ.) უკვე დიდი ხნით აღრე დაწყებული ანტიერანული მოძრაობის შედეგად ქართლი მტკიცედ აღ-გება დიოფიზიტურ მიმართულებას სარწმუნოებაში¹⁹. ამ მხრივ, მნიშვნელოვანი როლი ითამაშა ჰერაკლე კეისრის ლაშქრობებმაც VII ს-ის 30 წწ. ამ ლაშქრობათა შედეგები კავკასიამ და კერძოდ, საქართველომ უშუალოდ თავის ზურგზე გადაიტანეს. როგორც ეს

18 რომ ქ^რცის ადარნასე არის მოსე კალანკატუელის ატრნერსეჰ, ამის შესა-ხებ უკვე მ. ბროსეს ჰქონია მოსაზრება (იხ. Introduction etc., XLIX). მოსე კალანკატუელის აღვანეთის ისტორიიდან კი ეს ადგილი ჩვენ ზემოთ ნაწილობ-რივ მოვიტანეთ: ჯივანშური, გარდმანის უფალი და აღვანთა მთავარი (ზარყან-საყ თხრე ს მკვირანსიჰ ხქსანს) მას, შემდეგ, რაც კამბეჩანში სპარსელები დაამარცხა ამიტომაც „უკლავ სახელოვნებით დადგა ქართლის საზღვრებზე, და იმ ადგილას მოვიდა მასთან დიდად პატივცემული კაცი, ატრნერსეჰ, მთავარი იმ ქვეყნისა, რომელსაც სამგზისი დიდი წოდებულება ჰქონდა ბერძენთა მეფობისაგან, და თავისი ნებით უხვევდა მას ჭრილობებს და უხაროდა მისი (ჯივანშირის—დ. მ.) დიდი სიმზნის გამარჯვება. მაშინ დაამყარეს ერთმანეთში სამშვიდობო და ურღვე-ვი თანხმობა და აიყვანა (ჯივანშირმა—დ. მ.) დასახმარებლად ქართლის ლაშქარი და სწრაფად გაეშურა უტის მხარეში“—„**დასოჰ ს მხდაყანმ ანიათარე ყაყა-რხრ ყარბნაჰ ათა თანმანსენ ქრავ: ნა ანე მხდაყათი აყენ სორნხრხნ ხქსანს აქსარჩინ**“ ირ ხერხას განხრევირჩინ 'ხ ნაიქმანხევიე ზაყაიური-რხნხნ იხხრ, ყაყრ ათ ნა ს ხარექი ყათხრ ვქხრ ნირა' ვმხბი რავირხანს ნირა ყაყაიურჩინ ხნვიურჩინ ნამარხაჰ: მანქმამ ხაყაყახანს ს ანრას მქარანირჩინ ნათათონაჰ რნე მქმანს' ათნიერ ქიგნახანირჩინ ვვირ ქრავ, ანთაყარხრ ზასარჰაჰ. კმოხხანს ვალო“.

შათირჩინ მკვირანსიჰ მკსარჩინ, 1913, 203—4, აქედან ცხადია ვერ ერთი, რომ კამბეჩანი ქართლის საზღვრებში შედის (სომხ. ნონ. გეოგრაფიით კამბეჩანი აღვანეთშია (VII ს.), მაგ-რამ ეს სხვადასხვა მოსაზრებათა გამო ვერ უარყოფს ჩვენს აზრს). შემდეგ, ჩვენ ვვგონია, ეს ნაწიეტი ამტკიცებს, რომ ქართლის ერისმთავარს სახელმწიფოში ფაქტიური (და არა მხოლოდ ნომინალური) ძალა-უფლება უპყრია. წინააღმდეგ შემთხვევაში კამბეჩანში მყოფ აღვანთა მთავართან მისი მისვლა ძნელი გასაგები იქნებოდა—იქ რომ უკვე VI ს-დან ადგილობრივი მთავრები იჯდნენ. ეს ამბავი კი VII ს-ის 30-იან წლებში ხდება. რაც შეეხება ადარნასეს სამგვარ წოდებულებას საამისო ცნობა სხვა არ არის. მაგრამ ჩვენთანაც იგი ცნობილი უნდა იყოს „ვა-ტოსის“ ტიტულით.

19 ივ. ჯავახიშვილი, ქართ. ერის ისტ., I, 379—394, ს. ჯანაშია. შრომები, ტ. I, 119.

კარგად უჩვენა ს. ჯანაშიამ, ქართულ წყაროებში შეიმჩნევა ის მიზანდასახულობა, რომელსაც ჰერაკლე კეისრის ლაშქრობები ემსახურებოდნენ: „უკანასკნელი მახვილი „მართლმადიდებლობის“ (ე. ი. დიოფიზიტიზმის—დ. მ.) მტრებისათვის ქართლში ჰერაკლე კეისარს ჩაუტყდა“²⁰.

ამ ამბებთან დაკავშირებით იხსენიება ქალაქი უჯარმაც: „ამან ჰერაკლეს ტფილისს და ჰცხეთას და უჯარმას განავლინა ქადაგნი, რაითა ყოველნი ქრისტიანენი ქალაქთა შინა ეკლესიათა შინა შემოკრბენ და ყ-ნი მოგუნი და ცეცხლისა მსახურნი, ანუ მოინათლენ, ანუ მოისრნენ“²¹. მაშასადამე, VII ს-ის პირველ მესამედშიაც უჯარმა გვევლინება ქართლის ერთ-ერთ უმნიშვნელოვანეს, ამ ჯერად სარწმუნოებრივ (resp. კულტურულ) ცენტრად მცხეთასთან და თბილისთან ერთად.



VI—VII სს-ში ჰერეთში კულტურული შერწყმის პროცესი კვლავ გრძელდება.

VI ს-ში აღმ. საქართველოში და განსაკუთრებით კახეთში ინტენსიურ საქმიანობას ეწევიან „სირიელი მამები“, რომელნიც, როგორც ეს ნათელჰყო ივ. ჯავახიშვილმა²², დიოფიზიტური მიმართულების წარმომადგენლნი იყვნენ. ქალკედონიტობა ამ დროს აღვანეთშიაც ვრცელდება²³. ამ კულტურული საქმიანობის დამამტკიცებელი მატერიალური მოწმობაა ისტორიული ჰერეთის ტერიტორიაზე შემონახული ხუროთმოძღვრული ძეგლები: ნინოწმინდა, ძველი გავაზის ტეტრაკონქი, ურიათუბნის „დავითიანის ეკლესია“, კისისხევის კონდამიანი და სხვ.²⁴. VII ს-თვის, მაგალითად, ძველი შუა მთის ჯვრის ტიპის პატარა ეკლესია²⁵.

ნიშანდობლივია, რომ ამგვარი საქმიანობა ეხლა უკვე ჰერეთის განაპირა აღმოსავლეთ მხარეშიც მოწმდება. მხედველობაში გვაქვს აზერბაიჯანის სსრ-ს კახის რ-ნის სოფ. ყუმის ბაზილიკა და სოფ. ლეკითის ტეტრაკონქი.

ამ ძეგლების შემსწავლელი პ. ბარანოვსკი ყუმის ბაზილიკის შესახებ წერს: „Этот плановый прием (ლაპარაკია ამ ეკლესიის თა-

20 ს. ჯანაშია, იქვე, 119.

21 მოქც. ქ-მ, Опис..., 725—6.

22 ქართ. ერის ისტ., I, 351—377.

23 იქვე, 349.

24 იხ. გ. ჩუბინაშვილი, ქართ. ხელ. ისტ., 54—74.

25 იქვე, გვ. 128—9.

ვისებურებაზე—დ. მ.) связывает памятник с самыми ранними крупными базиликами Грузии и Армении (Болниси, 478—494 годы; Уриатубани и Хашми, начало VI века; Ереруйк и Текор, V—VI вв. и др.)²⁶ შემდეგ: „Применение подковообразных арок, наблюдаемое в памятниках Северного Ирана и Кавказа с IV по X века, является излюбленным приемом, особенно в архитектуре Кахетии, и составляет непременную принадлежность ранних крупных базилик — Болниси, Цхаростави, Анчисхат, Урбниси, Хашми и Уриатубани“. ცოტა უფრო ქვემოთ პ. ბარანოვსკი აცხადებს, რომ ყუმის ბაზილიკა განსაკუთრებით ურიათუბნისას ჰგავს²⁷. ამ ტაძარს იგი VI ს-ით ათარიღებს²⁸. მეორე ძეგლი, ლეკითის ტეტრაკონქი, თარიღდება VII-ს-ით²⁹. ამის საფუძველს იგივე ავტორი შემდეგში ხედავს: „Близость памятника по своим техническим особенностям к Кумской базилике, которую едва ли можно выносить за пределы VI века, и к другим родственным памятникам района, а также к памятникам Кахетии, с которой Геретия жила, по видимому, общей-или весьма близкой культурной жизнью. В этом отношении памятники Кахетии VI века как тетраконх в Старом Гавази²⁹ и замечательный кафедрал в Никоцминде, кажутся наиболее близкими нашему памятнику, с поправкой на местный материал—кирпич, по соображениям, высказанным выше“³⁰.

ამის შემდეგ, ვფიქრობთ, ზედმეტია სიტყვის გაგრძელება, რომ ეს ორი ძეგლი აღმოსავლეთი ჰერეთიდან ზედმიწევნით ადასტურებს ქართული წყაროების ჩვენებებს. ფრიად საყურადღებოდ გვეჩვენება ა. ხახანაშვილის მოსაზრებაც, რომელიც მოაქვს პ. ბარანოვსკის, იმის შესახებ, რომ სწორედ ლეკითში უნდა ყოფილიყო წუქეთის, ელისენისა და შაქის ქართული საეპისკოპოსო ცენტრი³¹.

²⁶ „Здание являлось характерной базиликой типа Уриатубани“. იხ. П. Д. Барановский, Памятники в селениях Кум и Лекит. კრებულში: Архитектура Азербайджана, Эпоха Низами, 1947, გვ. 39—33. ქართველი ხელოვნებათმცოდნეები ამ ორი ძეგლის (ურიათუბნის ბაზილიკასთან ერთად) რამოდენადმე გააბალგაზრდავების მომხრენი არიან (იხ. Г. И. Чубинашвили, Архитектура Кахетии, Тб., 1959, გვ. 123, 227).

²⁷ იქვე, 31.

²⁸ იქვე, 33.

²⁹ ტექსტში შეცდომით: Таваძე.

³⁰ იქვე.

³¹ იქვე, 32.

VII ს-ის შუა ხანებში აღმ. საქართველოს ახალი დამპყრობელი მოველინა. დაიწყო არაბობა საქართველოში. 655 წ. ჯურჯანისკენ (ქართლი) დაიწყო არაბთა სარდალი, ჰაბიბ-იბნ მასლამა. ზათულ-ლუჯუმში მასთან სამშვიდობო მისიით მოდის ქართლის პატრიკიოზის (ჯურჯანის ბატრიკის) მოციქული, რის შედეგადაც ხდება მორიგება არაბ-ქართველთა შორის. ჰაბიბი ამის შემდეგ მოდის თბილისში და დაცვით სიგელს აძლევს თბილისის მცხოვრებლებს და აგრეთვე მანგლისიდან და „წითელი ქართლიდან“ მოსულთ. ამის შემდეგ ჰაბიბი იმორჩილებს აღმ. საქართველოს სხვა კუთხეებსაც: ჰავარეჰს, ქსერის, ქისალს, ხუნანს, სამცხეს, გარდაბანს, კსტსჯი-ს, შავშეთს, ბაზალეთს, კლარჯეთს, თრიალეთს, კახეთს, კუხეთს, არტაჰანს, დარიალანს; სამშვიდობო ხელშეკრულებას სდებს წინარებთან და დიდოელებთან³².

ჩვენთვის საინტერესოა ის მხარეები, რომლებიც აღნიშნული აქვს ბალაძორის, როგორც ვხედავთ, აქ ჩამოთვლილია აღმ. საქართველოს თითქმის ყველა თემი³³. ჩვენთვის მნიშვნელობა აქვს იმის დადგენას მოხსენებული აქვს თუ არა ბალაძორის ჰერეთი: სამწუხაროდ, გადაჭრით ამის თქმა ჭირს. ამ შემთხვევაში სხვადასხვა ხასიათის მოვლენასთან შეიძლება გვქონდეს საქმე: 1) შესაძლებელია ბალაძორის სია ნაკლულია³⁴. 2) შესაძლებელია რომელიმე დამახინჯებული სახელი სწორედ ჰერეთს ნიშნავდეს³⁵. 3) შესაძლებელია აქაც „კახეთი“ ფარავს „ჰერეთს“, როგორც ამას ჩვენ VI ს-ის

³² იხ. **Баладзори-Жузе**, 11—13; ივ. ჯავახიშვილი, ქართ. ერის ისტ., II, გვ. 72—73. ივ. ჯავახიშვილი პირველ სამ გეოგრაფიულ სახელს ასე აღადგენს: ხერკი, ქსოვრისი, ქსანი, რამდენად მართებულია ასეთი აღდგენა, ამის განხილვას ჩვენ, რასაკვირველია, თავს ვერ ვიდებთ; მაგრამ აღვნიშნავთ, რომ **كسال**-ის ქსანად აღდგენა არ უნდა იყოს სწორი. ეს ჩანს იმავე ბალაძორის სიტყვებიდან: საიღის შემდეგ სომხეთის მმართველად ჰიშამის (724—43) მიერ „был назначен Мерван-ибн-Мухамед, который расположился в (области) Кисале и построил в нем город, в сорока фарсах от Бердаи и двадцати от Тифлиса“ (იგივე გამოც., გვ. 17); ცხადია ქისალი სადღაც ბარდაესა და თბილისს შორისაა.

³³ თრიალეთი და მანგლისი რადგან ცალკეა დასახელებული, „წითელი ქართლი“ ამიტომ თითქოს შიდა ქართლს უნდა უდრიდეს, შდ. ს. ჯ ა ნ ა შ ი ა, არაბობა საქ-ში, 23. არტაჰანი ხომ არაა ივრის ხეობაში დღესაც არსებული არტანი? ამაზე თითქოს მისი ადგილი მიუთითებს ნუსხაში.

³⁴ იგივე ნუსხა, მაგრამ უფრო ნაკლული სახით დაცული აქვს იბნ. აღფა-
 ყიჰსაც—**СММПК**, 31, 27, ისე რომ ეს საქმეს არ შველის.

³⁵ მაგ.: **حوارج**, რომელსაც ხან ჯურაჰად კითხულობენ, ხან ჰავარეჰად; ეგებ ეს იყოს ქართული ჰერეთი.

მეორე ნახევრისთვის ვვარაუდობდით. მაგრამ ეს საეჭვოა, რადგან აქ „კუხეთიც“ უკვე გამოყოფია კახეთს. კუხეთი კი კახეთთან გაცილებით უფრო „მჭიდრო“ კავშირში იყო ძველადაც, როგორც ვნახეთ, და შემდეგშიაც (იხ. ქვემოთ), ვიდრე პერეთი.

ასე რომ არცერთი ამ შემთხვევათაგანი საკითხის გარკვევას არ შეუძლია. მაგრამ სრულიად არაა აუცილებელი არაბები ქართლის ამ მხარეს იმავე სახელწოდებით იცნობდნენ, როგორითაც ქართველები. ჩვენ მხედველობაში გვაქვს იმავე ბალაძორის ცნობა მეორე არაბი სარდლის, სალმან იბნ-რაბი'ას შესახებ, რომელიც ჰაბიბის თანამედროვე იყო და მასთან ერთად მოღვაწეობდა კავკასიაში. ბალაძორი წერს „Сальман . . . переправился через курр, занял Кабалу и заключил с владетелями Шаккана и Камибарана мир, с условием платить подать“³⁶. აქ „შაქანში“ გვიანდელი „შაქნი“ ანუ შაქი უნდა იგულისხმებოდეს. შესაძლებელია ამ ტერმინის ქვეშ ჩვენ ქართული „პერეთი“ უნდა ვივარაუდოთ³⁷.



დღეს უკვე კარგადაა ცნობილი, რომ ომაიელ ხალიფთა დროს, და განსაკუთრებით VII ს-ის მეორე ნახევარში, საქართველო შედარებით ხელსაყრელ მდგომარეობაში იყო, ვიდრე შემდგომ პერიოდში³⁸.

ამგვარად, ზოგადად აღმ. საქართველოს და, კერძოდ, კახეთ-პერეთის ამდროინდელი მდგომარეობა ჯერ კიდევ არ გვაძლევს საფუძველს ვივარაუდოთ ქალაქ უჯარმის დაქვეითების ხანა.

VIII ს-ში კახეთ-პერეთში არჩილ მეფე მოღვაწეობს. ინტენსიურად საქმიანობს იგი ქართული პერეთის უკიდურეს აღმოსავლეთ ნაწილში: „დაჯდა წუქეთს და აღაშენა კასრი, და ჳევსა ლაკუასტასსა აღაშენა ციხე, და პოვნა წუქეთს მთავარნი, რომელთადა მიებოდა ვახტანგ მეფესა წუქეთი, და იყო მაშინ რომელი ერისთაობდა თუშთა და ხუნძთა ზედა და ყოველთა წარმართთა მის მთისათა, სახელით აბუ-ხუასრო, და არა ინება მისგან წაღებად წუქეთი“. არჩილმა „აღა-

³⁶ ბ ა ლ ა ძ ო რ ი - ე უ ზ ე . 14.

³⁷ უფრო გვიან რომ „შაქი“ სწორედ „პერეთს“ უნდა ნიშნავდეს ამას ქვემოთ დავინახავთ. ამასთან დაკავშირებით საინტერესოა, რომ „კამიბერანი“ [القمبيران] დამახინჯებული „კამბეჩანი“ უნდა იყოს.

³⁸ იხ. ივ. ჯ ა ე ა ხ ი შ ვ ი ლ ი, ქართ. ერის ისტ., II2, გვ. 83; ს. ჯ ა ე ა შ ი ა, არაბობა საქ-ში, 28.

შენა ციხე-ქალაქი ერთი ნოპატას, ორთა წყალთა შუა. ხოლო ნობოტელნი... იძულებით მონათლნა“. მისი შემწეობით და ნებართვით შაქში დასავლეთიდან ლტოლვილ მთავართა. როგორც ჩანს ბაგრატიონთა, წარმომადგენლები ემკვიდრებიან: „ხოლო ძმისწულნი ადარნასე ბრმისანი... წარმოვიდეს ტარონით შაკიხად, სამნი ძმანი და დემკუიდნეს მუნ ბრძანებითა არჩილისათა. რამეთუ ყოველი პირი კავკასისა რანით კერძი. უმკუიდრო ქმნილ იყო ხოლო ერთი და კახეთი ქალაქთა და ტყეთაგან უკეთუ დარჩომილ იყო, და დამკუიდრნეს სამნივე იგი ძმანი ვიდრე გულგულამდე“. ცხადია, ბაგრატიონთა ეს შთამომავალნი საკუთრივ ჰერეთში და შაქში დამკვიდრებულან. ამავე დროს „პატიახშთა ნახევარნი“, რომელნიც „არა შეეშუნეს კლარჯეთს“ „მოვიდეს კახეთად არჩილის თანა. ერთსა მათგანსა მისცა ცოლად ნათესავისაგან აბუ-ხოსროსა, რამეთუ დაქუროივებულ იყო იგი და არა ესუა ქმარი. და მიუბოძა წუქეთი ციხით და კასრითურთ“³⁹. ეს ვრცელი ამონაწერი ცხადად უნდა მოწმობდეს არჩილის ინტენსიურ საქმიანობას კახეთში და განსაკუთრებით ჰერეთში. ძნელია იმის თქმა არჩილი ნამდვილად მთელი ქართლის ერისმთავარია, თუ მხოლოდ კახეთ-ჰერეთის მთავარი (მსგავსად პაპამისისა). მემატიანის წარმოდგენით იგი ქართლის მეფეა.

არჩილის შესახებ ძირითადი ცნობები დაცულია ე. წ. ანონიმის თხზულებაში, რომელიც ჩართულია ჯუანშერის თხზულების ბოლოში⁴¹. არჩილის სიკვდილი აღწერილია სპეციალურ თხზულებაში: „წამება წმიდისა და დიდებულისა მოწამისა არჩილისი, რომელი იყო მეფე ქართლისა“. ჯ. ც-ის მინაწერი, როგორც ცნობილია, ამ თხზულებას ლეონტი მროველს მიაწერს.

არჩილის მოღვაწეობის ხანის საკითხს შეეხო ჯერ კიდევ მ. ბროსე⁴². იგი არჩილის წამების თარიღად 727 წ. დებს.

³⁹ იხ. ნ. ბერძენიშვილი, „მომომხილველი“, III, 68.

⁴⁰ ანას ჯ. ცა, 155.

⁴¹ რომ ეს, მართლაც ანონიმია იხ. ამის შესახებ პ. ინგოროყვა, ენაშის მ-ბე, 1941 წ., X, გვ. 143 და სხვ., ნ. ბერძენიშვილი, „მომომხ.“ III, გვ. 66. პ. ინგოროყვა შემდეგს წერს (იმავე გვერდზე): „ჩვენ დრომდე მოღწეულია თვით არჩილის ეპოქის მე-8 საუკუნის ქართული მატიანის უაღრესად საყურადღებო ტექსტი, რომელიც ექსცერპტულად არის ჩართული ჯუანშერის სახელით ცნობილ ქრონიკაში. ეს ძველი ექსცერპტულად დაცული ტექსტი, რომელიც ჩვენ ქვემოთ მოხსენებული გვაქვს სახელწოდებით „ჯუანშერის მატიანის პირველწყარო“—იწყება მურვან ოშიაღის (მურვან ურუს) ლაშქრობის აღწერილობით და მოყვანილია იმ დრომდე, როდესაც არჩილი დამკვიდრდა კახეთ-ჰერეთში. ე. ი. ანონიმის თხზულება 1942 წ. გამოც. ანას ჯ. ც-ში მოთავსებულია: გვ. 149₁₅—გვ. 156₆.

⁴² Introduction p. L—LII.

არჩილის მარტვილობას ეხება კ. კეკელიძე. იგი წერს: „როდის ეწამა არჩილ მეფე? ეს საკითხი მეტად ბუნდოვანი და ძნელი გასარკვევია ჩვენს ისტორიაში; საქმე ისაა, რომ, გარდა ჯუანშერისა (კ. კეკელიძე ანონიმის ცალკე თხზულებას არ სცნობს—დ. შ.), სხვა ძველი ისტორიკოსები არჩილს არ იხსენიებენ. ამით აიხსნება, რომ მის გარდაცვალებას ჩვენი მკვლევარნი სხვადასხვა დროს უჩვენებენ: ბატონიშვილი ვახუშტით (მასთან ერთად ბროსსე, ბაქრაძე, ჯანაშვილი) არჩილი გამეფებული 668 წ. გარდაიცვალა 718 წელს, მ. საბინინით 744 წ., პროფ. ივ. ჯავახიშვილი, მართალია, არჩილ მეფეს სულ არ იხსენიებს, მაგრამ, ვინაიდან მისი შვილის ჯუანშერის ამბავს 761—771 წლებში დებს, არჩილის წამებას, მისი კონცეფციით, არაბთა მეორე შემოსევისას (737—741) უნდა ჰქონოდა ადგილი. არჩილი მეფობს 50 წლის შემდგომ არაბების არა პირველის, არამედ მეორედ, მურვან იბნ მუჰამედ ყრუს დროს, შემოსევისა (737 წ.). არაბთა მხედართმთავარი ჭიჭუმი, რომელსაც ასიმი ეწოდება, არის, როგორც Markuart-მაც აღნიშნა, ჰაზიმ ხუზაიმა, რომელიც ალ-რა-შიდმა დანიშნა მერვე-მეცხრე საუკუნეთა მიჯნაზე. არჩილი შვილია სტეფანოზისა, ეს, ალბათ არის სტეფანოზი აზო ტფილელის მარტვილობისა (?!დ. შ.). ასე რომ არჩილის წამებას ადგილი ჰქონდა მერვე საუკუნის გასულს (737+50), 787 წლის შემდგომ“⁴³.

ამასვე იმეორებს მ. ლორთქიფანიძე: „როგორც ცნობილია, არჩილის წამებას ადგილი ჰქონია მურვან ყრუს შემოსევიდან 50 წლის შემდეგ... მურვან ყრუს ლაშქრობიდან 50 წ. სწორედ ამ დროზე მოდის, ხოლო არაბი სარდლის სახელი ასიმი, როგორც მას ქართველი მემატიანე უწოდებს, შეიძლება იყოს ხუზაიმა იბნ ხაზიმის დამახინჯება“⁴⁴.

არჩილის მოღვაწეობის ხანას გაკვრით შეეხო ლ. მუსხელიშვილი. მისი აზრით, არჩილი VII ს-ის შუა ხანებისა და მეორე ნახევრის მოღვაწეა და იგი ეწამა არაბთა მარბიელის პირველი შემოსევის (643 წ.) შემდეგ „ვითარ გარდაჰდეს წელიწადნი ორმოცდაათნი“, ე. ი. 690-იანებში⁴⁵.

⁴³ ქართ. ლიტ. ისტორია, მეორე გამოც. გვ. 219.

⁴⁴ ფეოდალური საქ-ის პოლიტიკური გაერთიანების ისტორიიდან (კახეთის სამთავრო VIII—XI სს.), მასალები საქ. და კავკ. ისტორიისათვის, ნაყ. 31, გვ. 15—16.

⁴⁵ ლ. მუსხელიშვილი, სამშვილდის სიონის წარწერები და აშენების თარიღი, ენიშქის მოამბე, 1943 წ., ტ. XIII, გვ. 95, შენ. 1.

არჩილის ზეობის თარიღზე და აგრეთვე მის ვინაობაზე ვრცლად ზერდება პ. ინგოროყვა თავის გამოკვლევაში ლეონტი მროველის შესახებ. იგი წერს: „არჩილი მე-8 საუკუნეში უკანასკნელად აცოცხლებს იბერიის („ქართლი“-ს) ერთიანი სამეფოს ტრადიციას. ხოლო არჩილის შემდეგ საბოლოოდ „დაესრულა“ იბერიის („ქართლის“ ერთიანობა“. „აღსანიშნავია, რომ არჩილი „ქართველთა მეფის“ ტიტულს ატარებდა“⁴⁶. შემდეგ პ. ინგოროყვა არჩილის ზეობის შესახებ აღნიშნავს: „პირველწყაროების ანალიზის საფუძველზე შესაძლო ხდება საკმაო ზედმიწევნობით დადგენილ იქმნეს არჩილის მთავრობის წლები: მე-8 საუკუნის 30-იანი წლებიდან 50 წლებამდე (ანუ უფრო მიახლოებით 732—759 წლები)“⁴⁷. ზეობის დასაწყისი (732 წ.), როგორც ჩანს, მურვანის ამირად დანიშვნის თარიღთანაა დაკავშირებული (ამ წელს ინიშნება მურვანი ხალიფას ნაცვლად კავკასიაში), ხოლო სიკვდილის თარიღი (759 წ.) ამგვარადაა გამოყვანილი: ორმოციან-ორმოცდაათიან წლებში სახალიფოში არეულობაა, „ასეთი მდგომარეობა გაგრძელებულა დაახლოებით თხუთმეტი წელი, 744 წლიდან (—როდესაც მურვანი წავიდა საქართველოდან), ვიდრე ორმოცდაათიანი წლების ბოლომდე (ხალიფა მანსურის მეფობამდე) არაბები ისხდნენ მხოლოდ სამხრეთ-ქართლში (ტფილისის საამიროში) და კმაყოფილდებოდნენ ხარკის მიღებით. ძველი ქართული მატიანე (ჯუახშურის მატიანის პირველწყარო) მოგვითხრობს: „ეამთა მათ დაეცადნეს სარკინოზნი შემოსლვად ქართლად, ყრუსა წარსლვითგან წელიწადსა [ი ე?] არლარა შემოვიდეს, არამედ მიიღებდეს ხარკსა ერისთავთაგან“⁴⁸.

ამგვარად, მემატიანის „წელიწადსა ორმეოცდაათსა“ პ. ინგოროყვა ი ე-დ ანუ თხუთმეტად ცვლის და ამდენად მანსურის დროს არაბთა პირველ ლაშქრობას კახეთში 759 წ. დებს. იგი იქვე ამგვარად ამართლებს მატიანეს ტექსტის თავისებურ შესწორებას: „რომ თავდაპირველ დედანში უნდა ყოფილიყო „ი ე“ (ე. ი. 15 წელი), ეს დასტურდება იმ სინქრონიზმიდან, რომლის შესახებაც აქვე გვაქვს საუბარი. მე-15 წელი მურვან ყრუს წასვლიდან უდრის 759 წელს

46 ენიშის მ-ზე, X, გვ. 143, აქ აღნიშნავთ მხოლოდ, რომ რამდენადაც ვიცით, არსად არჩილს „ქართველთა მეფის“ ტიტული არა აქვს; წყაროები—ანონიში, ლეონტი მროველი—მას „ქართლის მეფის“ უწოდებენ, იხ. ანას ქ-ცა, გვ. გვ. 150, 152—153, 157.

47 ენიშის მ-ზე, X, იქვე.

48 იქვე, გვ. 146.

(744+15). ხოლო არაბთა ახალი ლაშქრობა საქართველოში როგორც ირკვევა, მართლაც ამ დროს დაწყებულია, არა უადრეს 754 წლის (როდესაც მანსური გამეფდა—**დ. მ.**) და არა უგვიანეს 761-სა“ (როცა არჩილი აღარაა ცოცხალი—**დ. მ.**). ამგვარია ის საბუთი, რომლითაც პ. ინგოროყვა მნიშვნელოვნად სცვლის მათიანის ჩვენებას და ამით არჩილის სიკვდილსაც 759 წ-ით ათარიღებს. მაგრამ საქმე ისაა, რომ მანსურის დროს არაბთა პირველი ლაშქრობის თარიღი სწორად არა აქვს აღნიშნული ავტორს და ამიტომ მათიანის ტექსტის მისებური შეცვლა და აგრეთვე არჩილის წამების თარიღიც სრულიად უსაფუძვლო ხდება.

მ. ლორთქიფანიძე, სამართლიანად, ამ ლაშქრობის თარიღად 770—5 წწ. თვლის⁴⁹. ასე, რომ „სინქრონიზმი“ ირღვევა. მაგრამ მთავარი ის არის, რომ იბნ-კაპტაბას ლაშქრობა არ იყო პირველი. მასზე ადრე იმავე წანარების წინააღმდეგ ილაშქრა იაზიდ-იბნ-უსაიდმა. აი რას გვეუბნება ბალაძორი ამის შესახებ: „როდესაც ხალიფა გახდა მანსური—შეიწყალოს ღმერთმა—არმენიის მმართველად მან დანიშნა იაზიდ იბნ-უსაიდ სულამიტი. ამან დაიპყრო ბაბალანი (დარიალი—**დ. მ.**) და ჩააყენა შიგ ციხიონი დივნის ხალხისაგან. მანვე ისე დაამარცხა სანარელები, რომ ისინი იძულებული იყვნენ ხარაჯა გადაეხალათ“⁵⁰. აქედან სრულებით ცხადია, რომ იაზიდს კანეთში ულაშქრია თუ იმავე 754 წელს არა, ყოველ შემთხვევაში 755 წ.⁵¹ მის შემდეგ ხალიფას ნაცვლად კავკასიაში ყოფილა ბაქარ იბნ-მუსლიმი, ხოლო ამ უკანასკნელის შემდეგ ჰასან იბნ-კაპტაბაა⁵². ამგვარად მათიანის ტექსტის შეცვლა სრულიად მოკლებულია საფუძველს. ამდენადვე, არაა სწორი არჩილის წამების დათარიღება 759 წლით.

როგორც უკვე აღვნიშნეთ, პ. ინგოროყვა არჩილის ვინაობასაც ეხება. მას არჩილ მეფე ძველი ქართლის ერთიანი სამეფოს უკანასკნელ ამალორძინებლად ესახება. იგი წერს: „აღხანიშნავია, რომ არჩილი „ქართველთა მეფის“ ტიტულს ატარებდა. როგორც ცნობილია, მე-6 საუკუნიდან მოკიდებული, როდესაც სპარსელებმა მოსპეს მეფობა ქართლში (იბერიაში), ვიდრე მე-9 საუკუნემდე, როდესაც არტანუჯის ბაგრატიონებმა ხელახლა მიიღეს ეს სახელწოდება „ქართველთა მეფე“, არცერთი ქართველი მფლობელი არ ატარებდა „ქართველთა მეფის“ ტიტულს. თავისთავად ჯერ მართო ეს გარემოება

⁴⁹ დასახ. წერილი, გვ. 13, შენ. I.

⁵⁰ Баладзори-Жузе, გვ. 29.

⁵¹ შდ. მ. ლორთქიფანიძის შემოაღნიშნულ წერილს, სადაც იგი „754 წ. ახლო ხანებში“ დებს ამ ლაშქრობას (იქვე, გვ. 12).

⁵² Баладзори-Жузе, იქვე; მ. ლორთქიფანიძე, იქვე, გვ. 13.

იქცევს ყურადღებას და მაჩვენებელია იმ მნიშვნელოვანი როლისა რომელიც არჩილს VIII ს-ის ისტორიაში ეკუთვნოდა⁵³:

ცოტა უფრო ქვემოთ პ. ინგოროყვა წერს: „მე-8 საუკუნის ამ მემატიანის (ჯუანშერის ქრონიკის პირველწყაროს) ცნობით არჩილის მფლობელობის ქვეშ თანდათან გაერთიანებულია საქართველოს ძირითადი პროვინციები,—როგორც კახეთ-ჰერეთი, ისე ქართლი (გარდა ტფილისის მხარისა, სადაც არაბები ისხდნენ), და აგრეთვე ნაწილი ეგრისისა. არჩილის გავლენა ვრცელდებოდა ნუხის მხრიდან დაწყებული ვიდრე დასავლეთ საქართველომდე და ტაო-კლარჯეთამდე“⁵⁴ და შემდეგ: „არჩილი, რომელმაც ამრიგად გააერთიანა საქართველოს მნიშვნელოვანი ნაწილი, განაახლებს ძველი ერთიანი იბერიის სახელმწიფოებრივ ტრადიციას იმითაც, რომ ღებულობს „ქართველთა მეფის“ ტიტულს“⁵⁵.

ვიდრე გარკვეულ აზრს გამოვიტანდეთ ზემოთქმულიდან, საჭიროა თვით წყაროს შეფასება. პ. ინგოროყვასთვის, როგორც ზემოთ უკვე აღვნიშნეთ, ეს წყარო, ანონიმის თხზულება, „თვით არჩილის ეპოქის მე-8 საუკუნის ქართული მათიანის უალრესად საყურადღებო ტექსტია“ და ამდენად, თუ ეს გავიზიარეთ, იგი სავსებით სანდოა ამ ეპოქისა და თვით არჩილის ვინაობის აღსადგენად. ჩვენი აზრით, ზოგიერთი მონაცემის საფუძველზე შესაძლებელი ხდება ძეგლის ღირებულების მეტ-ნაკლებად განსაზღვრა.

ჯერ თვით ძეგლის თარიღისათვის. მიუხედავად იმისა, რომ ეს ძეგლი ანონიმისაა, რომელიც ჯუანშერს თავის წყაროდ გაუხდია, მაინც მისი VIII ს-ით დათარიღება საეჭვოა. ექვს აგვიძრავს შემდეგი სამი გარემოება: ჯერ ერთი, ამ ტექსტშია დაცული წინასწარმეტყველება არაბთა ბატონობის დამსობის შესახებ. ბერძენთა კეისარი მოუწერს აფხაზეთში შეხიზნულ „ქართლის მეფეებს“: „არამედ დაადგერით სიმაგრეთა შინა თქუნთა, ვიდრემდის წარკდენ წელნი მათნი სამასნი; რამეთუ ორას მეერგასესა წელსა განიყოს მეფობა მათი, და განსრულებასა მესამისა წლისასა მოეცეს ძალი მეფობასა ჩუენსა. შემუსრნეთ აგარიანნი, და ყოველნი მათნი ამაღლებულნი დამდაბლდენ, და ჩუენ თანა მადიდებელნი ამაღლდენ“⁵⁶. ივ. ჯავახიშვილის სიტყვებით რომ ვთქვათ, „აქ ერთი სიტყვით ვითომდა წინასწარმეტყველებაა, რომ არაბთა ბატონობა საქართველოში 300 წელიწადს გასტანს. ჩვეულებრივ ამგვარი წინასწარმეტყველება ითხ-

53 პ. ინგოროყვა, დასახ. ნაშრომი, გვ. 143.

54 იქვე, გვ. 145.

55 იქვე.

56 ანას ქცა, 152.

ზება ხოლმე post factum⁵⁷. მართლაც, რომ, კერძოდ, ეს ამბავი შეთხზულია post factum ამას თვით ტექსტი გვამცნობს: კეისარი მიპრს და არჩილს ეუბნება, რომ გამაგრდნენ, ვიდრე არაბთა ბატონობის სამასი წელი გაივლის და ამის შემდეგ „მოეცეს ძალი მეფობასა თქუნესაო“. ცხადია, მიპრი და არჩილი, რომელნიც VIII ს-ზე გვიანდელი მოღვაწენი არავითარ შემთხვევაში არ არიან, არაბთა ბატონობის სამასი წლისთავს ვერ დაუცდიდნენ, რადგან ამ უკანასკნელის ასიოდე წელი იყო მხოლოდ გასული (არაბები საქართველოში VII ს-ის შუახანებში შემოდიან). ამიტომ ამ წინასწარმეტყველებას სრულიად ეკარგება აზრი. ამდენადვე ცხადია, რომ როდესაც მემატიანეს ეს სიტყვები „თავის ისტორიაში შეჰქონდა, 300 წელიწადი არაბთა შემოსევიდან უკვე აღსრულებული და არაბთა ბატონობაც შესუსტებული იყო“⁵⁸. ჩვენ შეიძლება არ დავეთანხმოთ განსვენებულ მეცნიერს, რომ ამის გამო ეს ტექსტი XI ს-ის პირველ ნახევარს მივაკუთვნოთ⁵⁹, მაგრამ ცხადია იგი X ს-ის ნახევარზე ადრინდელი არ უნდა იყოს.

არის კიდევ მეორე გარემოება, რის გამოც, ჩვენი აზრით, ეს ტექსტი VIII ს-ეს არ მიეკუთვნება. მხედველობაში გვაქვს ცნობილი ადგილი აქედან: „ჟამთა მათ დაეცადნეს სარკინოზნი შემოსლვად ქართლად ყრუსა წარსლვითგან წელიწადსა ორმოცდა ათსა⁶⁰. აქა ჟამამდე არა შემოვიდოდეს, არამედ მიიღებდეს ხარკსა ერისთავთაგან“⁶¹. ამ ცნობას ორგვარი ინტერპრეტაცია აქვს: ს. ჯანაშია ვარაუდობს (თუმცა გარკვეული ეჭვით), რომ ცნობა უნდა გავიგოთ პირდაპირ და ე. ი. „VIII ს-ის ოცდაათიანი წლებიდან ოთხმოციანი წლებამდის ქართლში სტაბილური პოლიტიკური მდგომარეობა დამყარებულია არაბთა მფლობელობის ქვეშ“⁶². ივ. ჯავახიშვილი ფიქრობს, რომ ეს ცნობა უნდა ეხებოდეს არაბთა პირველი ლაშქრობის შემდეგდროინდელ ამბავს⁶³.

ჩვენ ვფიქრობთ, რომ სწორია ივ. ჯავახიშვილის აზრი, რადგანაც მურვან ყრუს შემდეგ არამც თუ „არლარა შემოვიდოდეს“ ქართლში არაბნი, არამედ სწორედ ამ დროს ხშირდება მათი აქ შემოს-

57 ქართული საისტ. მწერლობა, 1928, გვ. 188.

58 იქვე.

59 იხ. იქვე. ივ. ჯავახიშვილი, როგორც ჩანს, 300 წელს VIII ს-ის შუა ხანიდან ვარაუდობს, როდესაც განსაკუთრებით მძიმდება არაბთა უღელა.

60 ანას ქ-ში: ორმოცდამეთათსა.

61 ანას ქ-ცა, 155—6.

62 არაბობა საქართველოში, 1936, გვ. 35.

63 ქართ. ერის ისტ. 112, გვ. 53.

ვლა. კერძოდ, ჩვენ უკვე აღვნიშნეთ, რომ ხალიფა მანსურის დროს (741—775) ლაშქრობს აქეთკენ ჯერ იაზიდი (754—5 წწ.), შემდეგ 70-იან წლებში ჰასან იბნ-კაჰტაბა, რომლის დასახმარებლად იგზავნება ამირ იბნ-ისმაილი⁶⁴.

სამაგიეროდ სულ სხვა მდგომარეობა გვაქვს VII ს-ის მეორე ნახევრისათვის. ამ ხანისათვის, რამდენადაც ვიცო, არაა დამოწმებული არცერთი ლაშქრობა არაბებისა საქართველოში. როგორც ჩანს, ჰაბიბ იბნ-მასლამას მიერ დადებული ხელშეკრულება მეტნაკლებად სრულდებოდა. ეს რომ ასე იყო, ამას მოწმობს ლევონდის ცნობა, რომ 30 წლის ვანშავლობაში ქართველები სომხებთან და ალვანელებთან ერთად ხარკს უხდიდნენ არაბებს, ხოლო შემდეგ აუჯანყდნენ⁶⁵. აჯანყება მომხდარა 681 წ. გაგრძელებულა სამ წელს, ხოლო 689 წ. ხაზარებს მოურბევით ამიერკავკასია⁶⁶.

თუ 643 წლის მარბიელს არ ჩავთვლით, არაბები (ჰაბიბი) ჩვენთან 654-5 წელს მოდიან პირველად და ე. ი. მართლაც, დაახლოებით 30 წელი გამოდის აჯანყებამდე. ჩვენ არ ვიცით ამის შემდეგ რა ხდება, ერთი კი ცხადია, რომ ლევონდის ცნობა მხარს უჭერს ქართველი მემკვიდრის ჩვენებას. ამდენადვე ცხადია, რომ ეს ცნობა არაბთა 50 წლის შემოუსვლელობის შესახებ უფრო შეეფერება VII ს-ეს, ვიდრე VIII-ს. თუ ჩვენი მსჯელობა სწორია, მაშინ უნდა დავასკვნათ შემდეგი: ანონიმი არ არის VIII ს-ის მწერალი, წინააღმდეგ შემთხვევაში მას ასეთი შეცდომა არ მოუვიდოდა და ვერ დასწერდა. რომ მურვანის შემდეგ ქართლში არაბები არ შემოსულან, რაც ეწინააღმდეგება სინამდვილეს.

რომ ანონიმი X ს-ზე აღრინდელი მწერალი არ უნდა იყოს, ამას, ბოლოს და ბოლოს, ადასტურებს მის მიერ ხმარება ტერმინისა—„საქართველო“⁶⁷. ეს უკანასკნელი კი, როგორც ცნობილია, არ

⁶⁴ იაკობი-ქუზე, გვ. 9. ჩვენ გვგონია რომ წყაროს: „დაეცადნეს სარკინოზნი შემოსლვად ქართლად“—აქ ქართლი პოლიტიკური მნიშვნელობით იხმარება. არ იქნებოდა სწორი გვეფიქრა, რომ რადგან ამ დროს არაბები „წინარებს“ ებრაევიან, ამიტომ გვაქვს საფუძველი „ქართლი“ კახეთის გარეშე ვიგარაუდოთ. ეს რომ ასეა, ამას იგივე იაკობი გვაგარაუდებინებს: „ამირ იბნ-ისმაილმა გასწყვიტა ერთ დღეში 16000 წინარი. ამის შემდეგ იგი გაემართა თბილისისკენ. გზაში დახოცა ტყვეები და ყოველმხრივ მღევრები გამოუყენა წინარებს“ (იქვე). აქედან ცხადია, ამირი საკუთრივ ქართლშიც შემოსულა.

⁶⁵ ივ. ჯ ა ვ ა ხ ი შ ვ ი ლ ი, იქვე, გვ. 74, შენ. 2; ს. ჯ ა ნ ა შ ი ა, იქვე, გვ. 25—6.

⁶⁶ ს. ჯ ა ნ ა შ ი ა, იქვე, 26—27.

⁶⁷ ანას ქ ც ა, 149³⁰.

შეიძლება შექმნილიყო X ს-ის ბოლო მეოთხედისა ან XI ს-ის საწყისზე უფრო ადრე⁶⁶.

შესაძლებელია, თუკი ეს თხზულება ჯუანშერმა გამოიყენა (პ. ინგოროყვა მას აკი ჯუანშერის პირველწყაროდ თვლის). ასეთი შესაბამობანი მისი ინტერპოლაციების შედეგი იყოს, მაგრამ ეს არცვლის საქმის ვითარებას. ცხადია, ყოველივე ეს ანონიმის ტექსტის სანდობაში არჩილის ვინაობის და სხვ. აღსადგენად გარკვეულ სიფრთხილეს გვიკარნახებს. თუმცა ის კი ცხადია, რომ ამ ტექსტში VIII ს-ის თანამედროვე წყაროცაა დაცული. კერძოდ, ეს უნდა ეხებოდეს უპირველესად ყოვლისა იმ ნაწილს, საცა არჩილის კახეთ-ჰერეთში საქმიანობაა აღწერილი. ამის შემდეგ შევუდგეთ არჩილის ვინაობასა და მოღვაწეობის ხანის დახასიათებას. დავიწყოთ ბოლოდან.

როგორც ეს უკვე პ. ინგოროყვამ აჩვენა, არჩილი მურვან ყრუს კავკასიაში ნაცვლობის (732—744) თანამედროვეა. მაგრამ იგი მურვანის წასვლის შემდეგაც⁶⁹ მოღვაწეობს, კერძოდ ნუხის (თუკი დღევანდელი ნუხი არის იგივე ნობოტი-ნუხპატო) მხარეში: „ხოლო ნობოტელნი უწინარეს იყუნეს კაცნი წარმართნი და მკეცის-ბუნებანი, არამედ ყრუსა მოესრა სიმრავლე მათი, და (არჩილმა—დ. შ.) იძულებით მონათლნა იგინი“⁷⁰. მაგრამ იგი მურვანზე ადრეც ჩანს. ამას გვაგვარაუდებინებს ჯერ ერთი, ის ჩანართი ანონიმის ტექსტში, რომელიც უშუალოდ მოსდევს ზემომოყვანილ ამონაწერს: „გაძლიერებულ იყუნეს სარკინოზნი ქუეყანასა რანისსა. დაეპყრათ გაზირი და სომხითი, და ბრძოდა მასლამა ბერძენთა“⁷¹. ცხადი ანაქრონიზმისდა მიუხედავად აქედან თითქოს სავარაუდოა, რომ არჩილი მასლამას თანამედროვეცაა⁷². მაგრამ არჩილის მოღვაწეობის დასაწყისი კიდევ უფრო უკან უნდა გადავწიოთ. ამას გვაგვარაუდებინებს ორი

68 ივ. ჯავახიშვილი, იქვე, გვ. 26; აგრეთვე, ლ. მენაბდე, რომელი საუკუნიდან იხმარება ტერმინი „საქართველო“, გაზეთი „ახალგაზრდა სტალინელი“, 1958, 8/XII.

69 ან ეგებ საქართველოში ლაშქრობის შემდეგ, 736—8 წ. იხ. ს. ჯანაშია, იქვე, 24.

70 ანას ქცა, 155.

71 იქვე, შდ. დ. ბაქრაძის „საქ. ისტ.“, 1889, გვ. 203.

72 ჩვენ გვგონია, რომ ეს მასლამა უნდა იყოს მასლამა იბნ-აბდულ-მალიქი, რომელიც ამ კავკასიის ვალი იყო 725—30 (თუ 732?) წწ. იხ. ბალაძორი-უ-ზე, გვ. 15—6 და იაყუბოვი-უ-ზე, გვ. 6—7. აგრეთვე ს. ჯანაშია, არაბობა, გვ. 31; თუმცა შესაძლებელია ეს იგივე მასლამა იყოს აშოტ კურაპალატის თანამედროვედ რომ არის გამოყვანილი. იხ. ქცა, გვ. 162. მაშინ ცხადია ეს ადგილი ჩვენ აქ გამოგვადგება და საერთოდ იგი უადგილო-ადგილას ჩართული გლოსის სთაბეჭდილებას სტოვებს.

გარემოება: ჯერ ერთი, ტექსტიდან ცხადი ხდება, რომ არჩილის მოღვაწეობის „უამამდე არა შემოვიდოდეს (სარკინოზნი—დ. მ.). არამედ მიიღებდეს ხარკსა ერისთავთაგან“⁷³. ზემოთ ეს პერიოდი VII ს-ის მეორე ნახევრისათვის ვივარაუდეთ, დაახლოებით VIII ს-ის ათიან წ-დე (655 + 50 = 705). ცხადია, არჩილის მოღვაწეობა ამ ხანიდან უნდა დაიწყო, თუ უფრო ადრე არა. და რომ თითქოს ამის დასაწყისი VII ს-ის ბოლოსთვის უნდა გადავიტანოთ, ამას გვაპარაუდებინებს ორი ერთმანეთისაგან დამოუკიდებელი ცნობა (ჯუანშერისა და ლეონტი მროველისა), რომ არჩილი იყო შვილიშვილი ადარნერსესი, რომელიც, ცნობილია, ჰერაკლე კეისრის თანამედროვე იყო⁷⁴.

როდის-ღა უნდა ეწამებინათ არჩილი?

ეფიქრობთ მურვანის წასვლის შემდეგ, არც თუ დიდი ხნის შემდგომ. ამას გვაპარაუდებინებს შემდეგი გარემოება. არაბ ისტორიკოს იაყუბს ნათქვამი აქვს: „როდესაც სტოვებდა მურვანი არმენიას (743—4 წწ.—დ. მ.), დასტოვა მან თავის მაგიერ მმართველად იქ ასიმ იბნ-აბდულაჰი“⁷⁵. ზემოთქმულის შემდეგ ჩვენ გვგონია, რომ იაყუ-

73 ეს მნიშვნელოვანი ცნობა „ქართლის ცხოვრებისა“, რომ „უამთა მათ დევცადნეს სარკინოზნი შემოსლვად ქართლად ყრუსსა წარსლვითგან წელიწადსა ორმოცდამეთესა. აქა უამამდე არა შემოვიდოდეს...“ ჩართულია ანონიმის თხზულების ბოლოს, მას შემდეგ, რაც არჩილის მოღვაწეობაზე იყო საუბარი და ამიტომ ქმნის საცთურს გამოთქმა „აქა უამამდე“ არჩილის მოღვაწეობის ბოლოს დავეუკავშიროთ. ამას ემატება „არჩილის წამების“ დასაწყისი ფრაზა: „და ვითარცა გარდაკდა წელიწადი ორმოცდაათი“, მაშინ ეწამა არჩილი (ანს. ქცა, 155—157). „ქართლის ცხოვრების“ სწორედ ეს ცნობებია საფუძველი ზემოაღნიშნულ მკვლევართათვის (პ. ინგოროყვას ჩათვლით) არჩილის წამების თარიღის დასადგენად. ჩვენ ზემოთ ვეცადეთ გვეჩვენებინა, რომ ანონიმის ცნობაში მურვან ყრუს მოხსენება ანაქრონიზშია. უკვე ამიტომ, რომ თუკი არჩილს მურვანის თანამედროვედ ვცნობთ, შეუძლებელია ამ ორმოცდაათწლიანი პერიოდის ბოლოს დაკავშირება არჩილის წამებასთან (არაბები VIII ს-ის ოციან წლებშიც შემოდიან ქართლში!). ამიტომ გამოთქმას „აქა უამამდე“ ჩვენ საერთოდ არჩილის მოღვაწეობის ხანას ვუკავშირებთ და არა მის ბოლოს. რაც შეეხება „წამების“ დასაწყის ფრაზას, იგი ჩვენის აზრით, შეუძლებელია მის ავტორს ეკუთვნოდეს, არამედ „ქართლის ცხოვრების“ კრებულის გვიანდელი რედაქტორის ინტერპოლაციას უნდა წარმოადგენდეს, რომელსაც ეს დამოუკიდებელი ნაწარმოები ორგანულად უნდა გადაეხა ანონიმის თხზულებასთან. თუ ასე არა, მაშინ ჩვენ უნდა ვალიაროთ, ლ. მუსხელიშვილის კვალად, რომ არჩილი VII ს-ის მეორე ნახევრის მოღვაწეა, რაც სხვაფრთვით მართლაც, შეესაბამება „ქართლის ცხოვრებაში“ წარმოდგენილ ისტორიულ-ქრონოლოგიურ კონცეფციას (იხ. ლ. მუსხელიშვილი, დსახ. შრომა, იქვე).

74 ანს ქცა, გვ. 147—148 და 158. შდრ. აგრეთვე, ვახუშტი, საქართველოს ისტორია, დ. ბაქრაძის გამოც., გვ. 116—117, სადაც არჩილის ზეობის თარიღად იგი 668—718 წწ. დებს. ეგების, ორმოცდაათწლიანი პერიოდის დადება 643 წ-დან უფრო სწორი იყოს, როგორც ამას ვარაუდობდა ლ. მუსხელიშვილი (იხ. ზემოთ), მაშინ არჩილი 690-იანებში უკვე „გამეფებულად“ უნდა ვიგულოთ.

75 იაყუბ ბი-ჰუ ზე, გვ. 8.

ბის ასიმი და „არჩილის მარტვილობის“ ასიმი ერთი და იგივე პირი და სწორედ მას უნდა ეწამებინა არჩილი. ასიმ იბნ-აბდულაჰი ჩქარა ამ პოსტზე შეუტყვლია ისპაკ იბნ- მუსლიმს⁷⁶, ამიტომ არჩილის სიკვდილიც, მურვანის წასვლის შემდეგ, მალეა სავარაუდო⁷⁷. ამგვარად, ჩვენ მიერ არჩილის ზეობის ხანა განისაზღვრება დაახლოებით 705—745 წწ-ით.

ვინ იყო არჩილი?

როგორც ზემოთ ვნახეთ პ. ინგოროყვას იგი „ქართველთა მეფედ“ მიაჩნია, რომელმაც აღადგინა ძველი ქართლის სამეფო ნუხიდან ვიდრე ტაო-კლარჯეთამდე, ეგრისის ნაწილითურთ, გარდა თბილისისა, სადაც არაბები ისხდნენ. საკითხავია, თუკი პატივცემულ მკვლევარს ეს წყარო (ამ ნაწილში) იმდენად სანდოდ მიაჩნია, რომ იგი ძველი ქართლის სამეფოს აღადგენს VIII ს-ის შუა ხანებში, მაშინ რა უფლებით არ ენდობა იგი ანონიმს იქ, საცა თბილისზეა ლაპარაკი. ანონიმი აკი აღნიშნავს, რომ არჩილმა სხვათა შორის „მისცა... ტფილისი“ ჯონბერ ჯონბერიანს. მაგრამ საქმეც ისაა, რომ ეს ნაწილი ანონიმის ტექსტისა (არჩილი ერისთავებს რომ უნაწილებს ოლქებს), რომელზედაცაა დამყარებული მოსაზრება არჩილის მიერ ძველი ქართლის სამეფოს აღდგენის შესახებ, გვიანდელი ჩანართი უნდა იყოს და ს. ჯანაშიას სიტყვებით, რომ ვთქვათ „შეთხზულია ავტორის მიერ, რათა ახსნას მის დროს არსებული ვითარება“⁷⁸.

მთელ ამ თხრობაში, არჩილს რომ ეხება, სავსებით რეალური არის მხოლოდ მისი საქმიანობა კახეთ-ჰერეთში. ამას მოწმობს აგრეთვე არქიტექტურული ძეგლები (VIII ს-ის ყუმის ბაზილიკა და VIII—IX ს-ის ლეკითის ტეტრაკონქი კახის რ-ნში).

ამასთან დაკავშირებით საინტერესოა, რომ არჩილი, მაინცდამაინც კახეთში ზის, როგორც ამას პ. ინგოროყვაც აღნიშნავს⁷⁹. კახეთშივე ზის მისი შვილი ჯონბერიც⁸⁰. ყველაფერი ეს გვაგვარაუდებინებს, რომ არჩილი უნდა ყოფილიყო იმ პოლიტიკური ერთეულის (კახეთ-ჰერეთის) ხელისუფალი, რომლის ჩამოყალიბება ჩვენ ჯერ VI ს-ის მეორე ნახევრისთვის ვივარაუდეთ. ამასვე გვაგვარაუდებინებს ის გარემოება, რომ, როგორც უკვე ზემოთაც აღვნიშ-

⁷⁶ იბ. იქვე.

⁷⁷ ამას ეწინააღმდეგება თითქოს ზემომოტანილი ცნობა, რომ არჩილმა ნოპოტელნი, ამ უკანასკნელთა ყრუს მკურ დაარბევის შემდეგ, მონათლა ჩვენ უკვე აღვნიშნეთ, რომ აქ შესაძლებელია მურვანის ერთ-ერთი ლაშქრობა იგულისხმებოდეს და არა მისი კავისიოდან წასვლა.

⁷⁸ ს. ჯანაშია, შრომები, ტ. II, გვ. 286, ავტორში ს. ჯანაშია ჟუანშერს გულისხმობს.

⁷⁹ დას. ნაშრ., გვ. 145.

⁸⁰ ანას ქცა, 160.

ნეთ, ეს პოლიტიკური ერთეული დაიმკვიდრეს „შვილთა ბაკურ-მეფისათა, ნათესავთა დაჩისათა, ვახტანგის ძისათა“, მაშინ როდესაც ქართლის ერისმთავრობა გუარამის შთამომავლებმა ჩაიგდეს ხელში.

რომ არჩილი და მისი შვილი ჯონბერიც მხოლოდ კახეთ-ჰერეთის ხელისუფალნი უნდა ყოფილიყვნენ ეს, ჩვენი აზრით, ჩანს შემდეგი-დანაც: ჯონბერ არჩილის ძე, რომელიც მემატიანისა⁸¹ და აგრეთვე ვახუშტის⁸² მიხედვითაც ქართლ-კახეთის ხელისუფალია, ცხოვრობს VIII ს-ის 60—70-იან წლებში⁸³, მაგრამ ამის შემდეგაც ჩანს⁸⁴. ჩვენ კი დანამდვილებით ვიცით, რომ სწორედ ამ ხანებში, VIII ს-ის 70—80-იან წლებში ქართლის ერისმთავარია „ნერსეა ძე ადარ-ნერსე კურაპალატისა და ერის-მთავარისა“⁸⁵, ხოლო მის შემდეგ, 80-იან წლებში „სტეფანოზ ძე გურგენისი ერისთავისა“⁸⁶, ამიტომ სრულიად შეუძლებელია ჯონბერიც ქართლის ერისმთავრად წარმოვიდგინოთ, როგორც ამას ვარაუდობენ⁸⁷. ამასთან ქართლის ერის-მთავარი თბილისში ზის, მაშინ როდესაც ჯონბერს რეზიდენცია კახეთში აქვს⁸⁸. ეს რაც შეეხება ჯონბერს.

დაახლოებით ანალოგიურ მდგომარეობაშია არჩილიც.

ნერსე ქართლის ერისმთავარი მემკვიდრეა მამისა — ადარ-ნერსე ქართლის ერისმთავრისა, რომელიც, მამასადამე, დაახლოებით არჩილის თანამედროვე, მისი თაობისა უნდა ყოფილიყო. ამიტომ ცხადია, არჩილიც არ უნდა ყოფილიყო ერისმთავრად, მითუმეტეს მისი რეზიდენციაც კახეთშია⁸⁹.

ამას დავუმატებდით, რომ „მოქცევაჲ ქართლისაჲს“ მატიანეში დაცულ ქართლის ერისმთავართა სიაში არც არჩილი და არც ჯონბერი მოხსენებულნი არ არიან, მიუხედავად იმისა, რომ მამამისი სტეფანოზი და პაპამისი ადარნესე იხსენიებიან⁹⁰.

მაგრამ არ არის გამორიცხული არჩილი გარკვეულ დროს ქართლის ერისმთავრად, მართლაც, მჯდარიყო. ამაში არაფერი იქნებო-

81 იხ. ანას ქცა. 100.

82 „საქ. ისტ.“, დ. ბაქრაძის გამოც. გვ. 117—8.

83 იხ. ივ. ჯავახიშვილი, ქართ. ერის ისტ., II², 77—8.

84 მატიანე ქართლისაჲს მიხედვით იგი აფხაზთა განდგომისაც მოსწრებია, იხ. ანას ქცა, გვ. 161.

85 აბოს მარტილობა; იხ. ივ. ჯავახიშვილი, იქვე, 78.

86 იქვე, 79.

87 იხ. იქვე, 77, აგრეთვე, საქართველოს ისტორია, 1946, გვ. 143.

88 ქცა, 160.

89 ანას ქცა, 157—9. მოწამებებრივი სიკვდილის შემდეგაც იგი კახეთში (ერწოში) იმარხება.

⁹⁰ Опис... 727. თუმცა უნდა ითქვას საერთოდ ეს სია (მიუხედავად იმისა, რომ სუმბატ დავითის შესთანავეა ნაწილობრივ დაცული) ნაკლებად უნდა იყოს.

და გასაკვირი. მისი წინაპრები ხომ სწორედ ქართლის ერისმთავრებში იყვნენ (აღარნერსე, სტეფანოზი). შესაძლებელია ამის გამოძახილი იყოს ანონიმის ტექსტის ეს ნაწილი, სადაც არჩილის ქართლში მოღვაწეობაზეა ლაპარაკი (საერისთავოებთან დაკავშირებით). არაა გამორიცხული აგრეთვე ის ამბავი, რომ მას შემდეგ რაც კახეთ-ჰერეთში ზოსროიანნი დამკვიდრდნენ, ხოლო ქართლში გუარამის მემკვიდრეები, მათ შორის მეტოქეობა ყოფილიყო. შესაძლებელია ამისი მაჩვენებელი იყოს ის გარემოება, რომ მაშინ როდესაც ჰერაკლე კეისარი კალას შემოსდგომიყო, „კეისარმან მოუწოდა ძესა ბაკურისსა, ქართველთა მეფისასა, ნათესავსა დაჩისასა, ვახტანგის ძისასა, რომელი ერისთაობდა კახეთს, რომელსა ერქვა აღარნასე, და მისცა ტფილისი და მთავრობდა ქართლს, დაუტევა მის თანა ერისთავი, რომელსა ერქვა, ჯიბლაი, და უბრძანა ბრძოლა კალისა“⁹¹. მაშასადამე, თუკი ქვა-ს დავუჯერეთ აღარნასე ზოსროიანი დახმარებია ჰერაკლეს თბილისის აღებაში⁹². შესაძლებელია ამ მეტოქეობის ბრალი იყოს აგრეთვე, რომ სტეფანოზ ქართლის ერისმთავრის მემკვიდრე, რომელიც თავდაპირველად, ეგებ მართლაც, ფლობდა ქართლს, „ამისსა შემდგომად მოვიდა არჩილ კახეთად“⁹³.

მაშასადამე, ჩვენი წარმოდგენით არჩილი კახეთ-ჰერეთის ხელისუფალია, თუმცა გარკვეულ პერიოდში იგი შესაძლებელია ქართლის ერისმთავარიც ყოფილიყო.

მაგრამ არჩილი, როგორც აღვნიშნეთ, მეფედ იხსენიება.

3. ინგოროყვას ეს ერთ-ერთ საბუთად მიაჩნია იმისა, რომ არჩილი ძველი ქართლის სამეფოს მესვეურია. იგი წერს: „არჩილი, რომელმაც ამრიგად გააერთიანა საქართველოს მნიშვნელოვანი ნაწილი,

⁹¹ ანას ქვა, 146.

⁹² „მოქც. ქართლისაჲ“ სხვაგვარად ასწერს ამავე ხანას. მის მიხედვით აღარნესე ერისმთავრობდა ჰერაკლე კეისრის ქართლიდან წასვლის შემდეგ. მაგრამ მაინცდამაინც, ნიშანდობლივია, რომ ზოსროიანებს მაინც შეუუცვლიათ, დროებით, გუარამის მემკვიდრეები, ეს იქიდანაც მტკიცდება, რომ, მაშინ როდესაც მემატიაზე მეორე ერისმთავარ სტეფანოზზე წერს, რომ იგი „მ“ იყო გუარამ კურაპალატისა, აღარნესეზე უბრალოდ ამბობს: „და შემდგომად ერისთაობდა აღარნესე“, ხოლო მის მემკვიდრეზე კვლავ: „და მისა შემდგომად ერისთაობდა სტეფანოზმ მისი“, ე. ი. აღარნესესი; **Опис ... 724, 726**; ცხადია, მხედველობაში არ არის მასაღები სუბმატ დავითის ძის ტენდენციური შეხედულება, რომ ეს აღარნესე და სტეფანოზი ერთი და ბაგრატიონები არიან, იხ. სამი ისტ. ქრონიკა, 1890, გვ. 49.

⁹³ ანას ქვა, 155; მაგრამ აქ კიდევ ერთი კითხვა იბადება: სწორია თუ არა ქვა-ს ჩვენება, რომ საუკუნე ნახევრის მანძილზე, VII ს-ის დასაწყისიდან VIII ს-ის შუახანებამდე, მხოლოდ სამი თაობა წარმოვიდგინოთ: აღარნერსე—სტეფანოზი—არჩილი?!

განაახლებს ძველი ერთიანი იბერიის სახელმწიფოებრივ ტრადიციას იმიტაც, რომ ლებულობს „ქართველთა მეფის“ ტიტულს“⁹⁴.

არსაიდან არა ჩანს, რომ არჩილს ეს ტიტული „მიეღოს“. მას ეს წოდება იმთავითვე უნდა პქონოდა, რადგანაც იგი, როგორც ხოსროიანი, ჩამომავლობით მეფის გვარისა იყო ანუ ძველი წყაროების ენით რომ ვთქვათ—„ნათესავით მეფე“. ეს დაახლოებით ისეთი მოვლენა უნდა ყოფილიყო, როგორც პიტიახშების მიმართ გვაქვს დამოწმებული: სწორედ ამ ხანებში იხსენიებიან „ნათესავით პიტიახშნი“⁹⁵. მსგავსად იმისა, რომ გასაგები მიზეზების გამო, ამ ხანებისათვის მრავლდებიან „პიტიახშები“, ანალოგიურად რამდენიმე „მეფეც“ გვხვდება, მაგალითად: „მეფენი ქართლისანი მიპრ და არჩილ“⁹⁶, რომ არჩილს მეფობა არ „მიუღია“ ეს იქიდანაც ჩანს, რომ მეფედ იწოდება, როგორც მისი ძმა, მიპრი, ისე მისი პაპაც, ადარნერსეც⁹⁷. ზემოთქმულის შემდეგ, ჩვენი აზრით, ცხადია, რომ ეს მეფობა ფიქცია უნდა ყოფილიყო, უბრალო წოდება, ძველებურ შინაარსს მოკლებული. ეს იქიდანაც მტკიცდება, რომ, მართალია, არჩილის პაპა მეფედ იწოდება, მაინც „ყოველი ქართლი დაიბყრა ადარნასე ბაკურის ძემან, მთავრობით, და მეფის სახელი ვერცა მან იბყრა, და ერისთავნი იგი თუის-თუისსა საერისთოსა ზედა შეუტყვალბელად მორჩილებდეს ადარნასე მთავარსა“⁹⁸. აქ შესანიშნავად ჩანს ადარნასეს ხელისუფლების შინაარსი: მიუხედავად იმისა, რომ მისი უფლე-

94 დასახ. ნაშრომი, გვ. 145.

95 ლ. მ უ ს ხ ე ლ ი შ ვ ი ლ ი, სამშვილდის სიონის წარწერები და აშენების თარიღი; ანიმკის მ-ბე, 1943 წ. XIII; გვ. 92—4.

96 ანას ქცა, 150.

97 იქვე, 158; ამასთან დაკავშირებით ფრიად საინტერესოა რომ პლატონ იოსელიანის მოწმობით, სვეტიცხოველის ერთ-ერთ ეკვდერზე, რომელიც 1837 წელს დაუნგრევიანთ, ყოფილა ასომთავრული წარწერა: „ადიდე ღმერთო მეფე ადარნასე და კათალიკოზი სვიმონ“. თ. ყორღანიძე ამ წარწერის კათალიკოსს VII ს-ის დასაწყისის მოღვაწედ თვლის (იხ. ქრონიკები, I, გვ. 57—8, შენ. 128) და ამდენად ადარნასე უნდა იყოს ცნობილი ადარნასე ერისმთავარი თუ ვაბატოსი. თუ მართლაც ასეა, მაშინ უაღრესად მნიშვნელოვან ფაქტთან გვექნებოდა საქმე: ამ შემთხვევაში უნდა გვეგულისხმა, რომ წინააღმდეგ ქც-ს მხოლოაზროვანი ცნობისა, მეფობა ადარნასესთვის იყო არა ფიქცია, არამედ ფაქტიური მდგომარეობა (მეტატიანემ რომ ზემოხსენებული მიზეზებისა გამო ერისმთავარს მეფე უწოდოს— ეს დასაშვებია, მაგრამ ისეთ ნახევრად ოფიციალურ ძეგლში, როგორცაა ჩვეულებრივ, ტაძრის წარწერები, ასეთი აღრევა, ვფიქრობთ, შეუძლებელია). მაგრამ საეჭვოა: ხომ არ ვკუთვნიოდა ეს წარწერა უფრო გვიანდელ ხანას და კერძოდ ადარნასე ქართველთა მეფის დროს?

რაც შეეხება იოანესა და ჯუანშერს, ერთ-ერთი მათგანი, როგორც ამას თ. ყორღანიძე ვარაუდობდა შიო მღვიმელის XII სასწაულის მიხედვით (იხ. „საქ. სა-შოთხე“, გვ. 262), აგრეთვე მეფედ იწოდება (იხ. ქრონიკები, I, გვ. 78, შენ. 154).

98 იქვე, 146.

ბები ვრცელდებოდა მთელი ძველი ქართლის სამეფოს ფარგლებზე („ყოველი ქართლი“) და მოუხედავად იმისა, რომ იგი „ნათესავით მეფე“ იყო, მაინც რეალური „მეფის სახელი ვერცა მან იპყრა“. ამის შემდეგ რაღა საფუძველი გვაქვს არჩილი რეალურ „ქართველთა მეფედ“ გამოვაცხადოთ, მით უმეტეს, რომ მისი უფლებების გავრცელება კახეთ-ჰერეთის ფარგლებს გარეთ, როგორც ვთქვით, საეჭვოა.

ამგვარად, მეფობა არჩილისათვის არის მხოლოდ უბრალო წოდება: იგი მეფეა იმდენად, რამდენადაც ჩამომავლობით სამეფო გვარიდან არის⁹⁹.

მაშასადამე, ჩვენი დასკვნები შემდეგია: არჩილ „მეფე“ არის კახეთ-ჰერეთის ხელისუფალი. იგი მოღვაწეობს დაახლოებით 705—745 წწ-ში. მის რეზიდენციაზე გადაჭრით არაფრის თქმა არ შეიძლება, მაგრამ არაა გამორიცხული, რომ ეს ქალაქი უჯარმა ყოფილიყო, რომელიც, როგორც უკვე აღვნიშნეთ, ამ ხანის კახეთის ისტორიის გათვალისწინების შედეგად, სავარაუდოა, კვლავ მნიშვნელოვანი ცენტრი ყოფილიყო ქართლის სახელმწიფოსი. ყოველ შემთხვევაში არჩილთან დაკავშირებით უჯარმა ორჯერაა მოხსენებული: ერთხელ, როდესაც „სამსახურებელნი ოქროსა და ვერცხლისანი ჭევსა უჯარმოსასა“¹⁰⁰ დაფლეს და მეორედ, როდესაც ვახტანგ გორგასლის მიერ ინდოეთიდან და სინდეთიდან მოტანილი განძეულობა აგრეთვე დაფლეს „უჯარმოს, მახლობელ შორის ორთა მათ კოშკთა უმცველოთა“¹⁰¹.

მოუხედავად მურვან ყრუს დამარბეველი ლაშქრობისა VIII ს-ში, აღმ. საქართველო და განსაკუთრებით მისი აღმოსავლეთი პერიფერია მნიშვნელოვან ეკონომიურ სიმძლავრეს ამჟღავნებს. ამას მოწმობს ზემოთ ერთხელ უკვე მოტანილი ნუმისმატიკური მასალა, რომლის შესახებაც თ. ლომოური ამბობს: „მოხსენებული ფაქტები მიგვითითებენ იმაზე, რომ VIII ს-ში და IX ს-ის პირველი მეოთხედის განმავლობაში ალაზან ვალმა მხარეს ცხოველი სავაჭრო ურთიერთობა ჰქონია არაბული სამყაროს დიდ ეკონომიურ ცენტრებთან. დადასტურებულია, რომ საქართველოს სხვა მხარეებშიც, უფრო კი მის აღმოსავლეთ ნაწილში, და მთელ ამიერკავკასიაში VIII—IX ს-ის

⁹⁹ ის ვარემოება, რომ იგი „ქართველთა“ თუ „ქართლის მეფედ“ იწოდება, არ გამოიკვება საწინააღმდეგო საბუთად, რადგან გვიანდელი მემათიანესთვის იგი ცხადია ქართლის მეფე უნდა ყოფილიყო, რადგანაც სხვა მეფე მას იმ დროს არსად ეგულებოდა.

¹⁰⁰ ანას ქ^რ ცა. 149.

¹⁰¹ იქვე, 150.



არაბული ფულის განძები საზოგადოდ იშვიათი არ არის. უცხოეთიდან შემოსული და ადგილობრივ ზარაფხანებში მოჭრილი ფული რჩება ქვეყნის შინაურ ბაზარზე და სათანადო პირობებში წარმოქმნის ნუმისმატიკურ განძებს¹⁰².

102 თ. ლომთური, დასახ. ნაშრ.

უჯარამ აღრეფეოდალურ ხანაში (II)

VIII ს-ში, უკეთ მის მეორე ნახევარში, საბოლოოდ ყალიბდება ცალკეული აღრეფეოდალური სამეფო-სამთავროები, რომელთა შორისაც იწყება ბრძოლა ჰეგემონიისათვის. ყველაზე ადრე, სავარაუდებელია, პოლიტიკურ ქართლს უნდა გამოჰყოფოდა კახეთი. ჩვენ საამისო საწყისები უკვე VI ს-ის მეორე ნახევარში ვნახეთ. ამ მხრივ, დამახასიათებელია, რომ „მატიანე ქართლისაჲ“ იწყებს რა თხრობას სწორედ ჩვენთვის საინტერესო პერიოდიდან, პირველივე სტრიქონებიდან „ქართლს“ და „კახეთს“, როგორც გეოგრაფიულად, ისე პოლიტიკურადაც ორ სხვადასხვა ერთეულად წარმოიდგენს¹: „ჯონბერ და ორნი დანი მისნი დაშთეს ქუეყანასა ქართლისასა და კახეთისა“², ე. ი. კახეთი აქ ისეთივე „ქუეყანაა“, როგორც ქართლი. ეს კიდევ უფრო კარგად ჩანს ქვევით: „აშოტ კურაპალატი... ეუფლა ქართლს“, მაგრამ სრულებით ცხადია, ეს ქართლი აღარაა ძველი ქართლის (ივერიის) შესატყვისი, რადგან ცოტა უფრო ქვემოთ ვიგებთ, რომ იმავე დროს „გრიგოლ მთავრობდა კახეთს“³. კახეთის „განდგომა“ უნდა მომხდარიყო VIII ს-ის მეორე ნახევარში, ყოველ შემთხვევაში 60-იანი წლების შემდეგ. ამას გვახარაუდებინებს სომეხი ისტორიკოსის ლევონდის ცნობა ხაზართა შემოსევის შესახებ, რომლის დაკავშირებაც ხერხდება ქართულ-არაბული წყაროების ცნობებთან და ამით შესაძლებელი ხდება მისი დათარიღება. ლევონდის ცნობით, ხალიფა მანსურის დროს ხაზარებს დაულაშქრიათ ალვანეთი და ქართლი. ქართლის სამთავროში მათ აუღლიათ შვიდი პროვინცია: შურქი, ქვეშკაფორი, ჩელეთი, წუქეთი, ველისციხე, თიანეთი და ხერკი. ეს ამბავი უნდა მომხდარიყო 764 წ.⁴ ცხადია, ამგვარად, რომ ხაზა-

¹ შდ. ზემოთ ლეონტისა და ჟღანშერის კონცეფციას, საცა „კახეთი“ პოლიტიკურად განუყოფელია „ქართლისაგან“ და გეოგრაფიულადაც (და ადმინისტრაციულადაც) მის ერთ-ერთ „ქვეს“ წარმოადგენს.

² ანას ქ¹ცა, 160.

³ იქვე, 162; „მატიანე ქართლისაჲ“ ძველებური მნიშვნელობითაც იცნობს „ქართლს“, იხ. მაგ. გვ. 161, 162; მაგრამ სწორედ ამგვარი აღრევაა ნიშანდობლივი.

⁴ იხ. ს. ჯანაშია, არაბობა, 36; ივ. ჯავახიშვილი, ქართ. ერის ისტ., II², 77.

რებს პერეთი (წუქეთი, ველისციხე), კახეთი (თიანეთი, ჩელთი) და კუხეთი (ხერკი, სუჯეთი) მოურბევიათ. რადგან ეს მხარეები ქართლის სამთავროში შემავალადაა ნაგულისხმევი, უნდა ვიფიქროთ ამ დროს ეს მხარე პოლიტიკურად კვლავ ქართლში შედიოდა და ე. ი. „განდგომაც“ უფრო გვიანაა სავარაუდებელი. ვახუშტი კახეთის სამთავროს გამოყოფას ჯონბერ ანუ ჭუანშერ ერვის გარდაცვალების შემდეგ დებს 787 წ.: „ხოლო შემდგომად იოანესა და ჭუანშერისის გარდაცვალებისა განდგა გრიგოლი მთავარი და დაიპყრა კახეთი და გარდაბანი და ესე იყო პირველი განდგომა თავადად“⁵ ჩვენთვის საინტერესოა რა ტერიტორიას მოიცავდა გრიგოლის სამთავრო. საკუთრივ კახეთს გარდა იგი მოიცავდა კუხეთსაც. ამას მოწმობს ვახუშტი: „განდგა რა გრიგოლი მთავარი, ამან მოსპო სახელი კუხეთისა და იწოდა კახთა მთავრად ანუ ქორიკოზად“⁶. და მართლაც, რამდენადაც ვიცი, კუხეთი, რომელიც ჰაბიბ იბნ--მასლამას დროს (655 წ.) ცალკე პოლიტიკურ ერთეულადაა სავარაუდებელი, ამის შემდეგ წყაროებში ასეთად აღარ მოიხსენება. „სახელის მოსპობა“, ამ შემთხვევაში ვახუშტთან უნდა ნიშნავდეს სწორედ პოლიტიკური დამოუკიდებლობის მოსპობას. „კახეთი“ ამიერიდან (VIII ს-ის უკანასკნელი მესამედიდან) „კუხეთსაც“ მოიცავდა. „კახეთშივე“ შედიოდა ამ ხანაში შიდა ქართლის ნაწილი და გარდაბანი. ცხადია ამიტომ, მასვე ეკუთვნოდა ტერიტორია მდ. იორსა (ეგებ მხოლოდ მის შუა წელსა) და მტკვარს შორის. ე. ი. ზამთრის საძოვრების საკმაო ნაწილი კახეთის ფარგლებში შედიოდა. გრიგოლის სამთავროს, ცენტრი, სავარაუდოა. კვლავ უჯარმა უნდა ყოფილიყო.

გასარკვევია, რა მდგომარეობა იყო ამ მხრივ პერეთთან დაკავშირებით. პერეთი რომ უფრო გვიან (მაგ., X ს-ში) ცალკე სამეფოა. ეს სრულიად უცილობელია, მაგრამ, შესაძლებელია, ეს მეორადი მოვლენაა და სავარაუდოა თუ არა ასეთი ფაქტი ორი საუკუნით უფრო ადრე, ეს კიდევ საკითხავია.

*
* * *

ვიდრე ამ კითხვაზე პასუხს გავცემდეთ, საჭიროდ მიგვაჩნია მოკლედ განვიხილოთ წინართა საკითხი.

არაბულენოვან ავტორთა მიხედვით, სამეცნიერო ლიტერატურაში კარგა ხანია გამოთქმულია მოსაზრება, რომ „წინარნი“ იგივე

⁵ საქ. ცხოვრება, 1913, 147.
⁶ აღწერა სამეფ. საქ., 86—87.

„კახელნი“ არიან⁷ ან რომ „პოლიტიკური აზრით, „წანარები“ კახეთის სამთავროს გულისხმობენ“⁸.

თვით წანართა ვინაობისა, მათი ისტორიისა და ტერიტორიალური ექსპანსიის შესახებ ჩვენ ხელთ არსებული ცნობებით დაახლოებით ამგვარი სურათი წარმოგვიდგება.

რამდენადაც ვიცით, უძველესი ცნობა წანართა შესახებ დაცული აქვს პტოლემეიოსს. თავის გეოგრაფიაში მას მოკლედ აქვს აღნიშნული, რომ ალვანეთის უკან (თუ იქით) წანარები ცხოვრობენ⁹. ძნელია ამ ლაკონიური წინადადების დამაკმაყოფილებლად ახსნა, მაგრამ ჩვენ გვგონია აქ ერთი რამის გულისხმობა მაინც შეიძლება, კერძოდ იმისა, რომ წანარები II ს-ში კავკასიონის მთიანეთში ცხოვრობენ (მიმართულება „იქით“ ალბათ ჩრდილოეთს გულისხმობს). მაგრამ ამ ცნობის უფრო დაზუსტებაცაა შესაძლებელი თუ შემდეგი დროის მონაცემებს გავითვალისწინებთ. მხედველობაში გვაქვს ჭერ ერთი „მოქც. ქართლისაჲს“ (ჭელიშ. ვარიანტი) ცნობა, რომელიც VI საუკუნის 30—40-იან წლებს უნდა ეხებოდეს: „ეთა მეფობა დაესროლა, ქართლს შინა სპარსნი განძლიერდეს და ერეთი და სომხითი დაიპყრეს. ხოლო ქართლი უმეტესად დაიპყრეს და კავკასიანთა შევიდეს და კარნი უვსეთისნი აიგნეს, და ერთი დიდი კარი უვსეთისვე და ორნი დვალეთს, და ერთი პარჭუანს დორძოკეთისსა. და იგი მთიულნი გომარდად დაადგინნეს და სხუად ვინმე კაცი დაიდგინეს მთავრად წანარეთისა კევსა და მორჩილებაჲ დასდევს მისი“¹⁰. როგორც ეს ს. ჭანაშიამ აღნიშნა¹¹. აქ ცენტრალური კავკასიონი უნდა იგულისხმებოდეს (დარიალანი, ლიახვ-არდონის წყალთგასაყარი ქედის ზეკარი და ფშავ-ხევსურეთიდან ჩაჩან-ქისტეთში მიმავალი გზა). ეს უკვე გარკვეულად ზღუდავს იმ არეს საცა „წანარეთის კევი“ და ე. ი. წანარნი უნდა ვიგულისხმოთ. კიდევ უფრო აზუსტებს წანართა ლოკალიზაციას სომხური ანონ. გეოგრაფია. ჩამოთვლის რა კავკასიის მთიულებს ანონიმი დასძენს: „წანარნი—რომელთაც უჭირავთ ალანთა კარი და წეჭანის კარი“ ან უკეთ: „წანარეთი—რომელშიაც სარის! ალანთა კარი და წეჭანის კარი“¹². ამგვარად, VII ს-ში წანარებს სქერით დაარიალანი. არ გვგონია შევცდეთ, თუ „წანარეთის კევსაც“

⁷ ივ. ჯავახიშვილი, ქართ. ერ. ისტ. II 2, 94.

⁸ ს. ჭანაშია, არაბობა..., 61.

⁹ За Албанией—санарей; кн. V, гл. 8₁₈₋₂₅, ВДИ, 1948, № 2, გვ. 249.

¹⁰ Он..., 723—724.

¹¹ ს. ჭანაშია, ტ. I, 4.

¹² „ძანარე ქორთ მკანაჲ ყიონს მხრან ყიონს“ იხ. პატკანოვის გამოც. 33. 16; თარგმანი, გვ. 37.

და პტოლემეაოსის მიერ ნაჩვენებ მათ ადგილსამყოფელს დარიალის მიმდგამ მთიანეთში ვივარაუდებთ, როგორც ეს ივარაუდება კიდევაც ჩვენს სამეცნიერო ლიტერატურაში¹³.

რაც შეეხება წექანის ანუ წილკანის კარს¹⁴, რომელიც აგრეთვე წანარებს სჭერიათ—იგი უნდა იყოს წანართა იმ ექსპანსიის (სამხრეთისკენ) მაჩვენებელი, რომელმაც საბოლოო შედეგად მოგვცა ის ფაქტი, რომ „წანარეთი“ იდენტური გახდა „კახეთის სამთავროსი“. ეს უნდა ყოფილიყო დაახლოებით იმგვარი მოვლენა, როგორსაც ვარაუდობდა ივ. ჯავახიშვილი ჭართალელების მიმართ. იგი წერდა: „ჭართალი თავდაპირველად თემის სახელი უნდა ყოფილიყო. წინათ რომ ჭართალი, მარტო პატარა თემისა-კი არა, არამედ გაცილებით უფრო ფართო მიწაწყლის სახელი ყოფილა და მთელ კახეთსაც სწოდებია, ეს იმითაც მტკიცდება, რომ ანდიელები კახეთს ეხლაც ჭორს უძახიან და კახურ დიდრქა ხარებს სწორედ ჭორთოლ უნსოლ-ს უწოდებენ“¹⁵.

როდის უნდა მომხდარიყო წანართა მიერ პოლიტიკური ჰეგემონობის მოპოვება კახეთის სამთავროში?

როგორც ეს უკვე VII ს-ის სომხური ანონიმური გეოგრაფიით სავარაუდოა, ამ დროს ეს ჯერ კიდევ არაა მომხდარი ფაქტი: რომ ეს ასეა, ამას მოწმობს ზემომოტანილი ცნობა ბალაძორისა, რომლის მიხედვით ჰაბიბ იბნ-მასლამამ 655 წ. დაიმორჩილა, სხვათა შორის კახეთი, კუხეთი და წანარნი. ცხადია, რომ „წანარნი“ ამ დროს პოლიტიკური მნიშვნელობით კახეთის სამთავროს გულისხმობდეს, მაშინ ისინი ცალ-ცალკე არ იქნებოდნენ მოხსენებულნი. თუმცა, მეორე მხრივ, წანარების ექსპანსია სამხრეთისაკენ საკმაოდ შორს წასულა. როგორც ქ. ცა-ს ერთი ცნობიდანაა სავარაუდებელი, უკვე ამ დროს ისინი გარდაბანსაც კი ესხმიან თავს¹⁶.

VIII ს-ის სამოციანი წლებისაათვის წანართა პოლიტიკური ჰეგემონობა კახეთში (კუხეთიანად) უკვე სავარაუდოა¹⁷, მაგრამ თუ ამ დროისთვის ჩვენ ჯერ კიდევ „კახეთის სამთავროს“ (პოლიტიკურად ქართლიდან გამოყოფილს) არსებულად ვერ ჩაეთვლით¹⁸, სამაგიერ-

13 იხ. მ. ლორთქიფანიძის დასახ. წერილი, გვ. 32, 34; ნ. ლომოური, დასახ. წერილი, გვ. 55.

14 იხ. ივ. ჯავახიშვილი, ქართ. ერის ისტ., II, 39.

15 ქართ. ერის ისტ. შესავალი, წ. I, 1950, გვ. 47.

16 ანას ქცა, 158.

17 იხ. ს. ჯანაშია, არაბობა..., 61:

18 არაბულ წყაროებში არცაა სამაგისო მითითება, იხ. მაგ.: ბალაძორი-ქუხეთი, გვ. 20; იბნ ალ-ფაყიბი. СМОНПК, вып. 31, გვ. 31; იაყუბი-ქუხეთი, გვ. 9—ყველგან ხალიფა მანსურის დროს (754-775 წწ.) ლაბარაკია წანარებზე და არა წანარეთზე.



როდ უკვე ამ საუკუნის ბოლოსათვის არაბულივე წყაროები ამაზე ამკარად მიუთითებენ. მხედველობაში გვაქვს იაყუბის ცნობა იმის შესახებ, რომ ხალიფა ჰარუნ არ-რაშიდის მიერ (786—809 წწ.) მმართველად დაყენებული ხუზაიმა იბნ-ხაზიმის მტარვალობამ გამოიწვია აღშფოთება ჯურჯანსა (უნდა იყოს ჯურჯანსა — დ. მ.) და სანარიაში. აჯანყებულთა წინააღმდეგ ხალიფამ გააგზავნა დიდი ლაშქარი საიდ იბნ-ხაისამის მეთაურობით, რომელიც იქამდე ებრძოდა ჯურჯანისა და სანარიის მცხოვრებლებს, ვიდრე არ დაატოვებინა მათ თავიანთი ქვეყნები¹⁹. სრულებით ცხადია, რომ ჯურჯანი და სანარია ანუ ქართლი და კახეთი აქ უკვე ორ პოლიტიკურად დამოუკიდებელ ერთეულებს უნდა მიუთითებდნენ და სანარია ანუ „წანარეთი“ აქ, მართლაც, იდენტურია „კახეთის სამთავროსი“²⁰.

რომ „წანარეთი“ უდრის სწორედ „კახეთის სამთავროს“ ეს უცილობლად მტკიცდება მასუდისა და იოანე დრასხანაკერტელის ცნობათაგან. პირველი ამბობს: თბილისსა და ალანთა სიმაგრეს შორის მდებარეობს სანარიალ წოდებული სამეფო, რომლის მეფესაც ქურისქუსს ეძახიან. ხალხი ქრისტიანობას აღიარებს²¹. „ქურისქუსი“ არის იგივე ქორეპისკოპოსი თუ ქორიკოზი²², რომელ ტიტულსაც კახეთის მმართველი ატარებდა. მასუდის ცნობა მისივე თანამედროვე უნდა იყოს და ე. ი. X ს-ის პირველი ნახევრისა. რომ მასუდის „ქურისქუსი“ ქორეპისკოპოსს ნიშნავს, ამას სრული სიცხადით მოწმობს იოანე დრასხანაკერტელის ცნობა, რომელიც სწორედ იმავე ხანას შეეხება და რომელიც ლაპარაკობს „წანართა დიდ ქორეპისკოპოსზე... რომელიც ფლობდა გუგარეთის (აქ=როგორც ჩანს, აღმ. საქართველოს — დ. მ.) ნაწილს ალანთა კარის ახლოს“²³.

ამგვარად, ზემომოტანილიდან სრულებით ცხადი უნდა იყოს, რომ „წანარეთი“ პოლიტიკურად გაგებულნი ნიშნავს „კახეთის სამთავროს“, ხოლო წანარეთის ქორეპისკოპოსები — ქართული წყაროებით კარგად ცნობილ კახეთის ქორეპისკოპოსებს (რომ ამ აზრით „წანარნი“ იდენტურნი არიან „კახებისა“, ეს ნათლად ჩანს ქართული წყაროებიდანვე. იხ. ქვემოთ).

მაგრამ ჩვენ დანამდვილებით ვიცით, რომ სწორედ X ს-ში კახეთის საქორეპისკოპოსოსთან ერთად არსებობდა ჰერეთის სამეფო⁴.

¹⁹ იხ. იაყუბი-ე უ ზ ე, გვ. 12.

²⁰ შდ. მ. ლ ო რ თ ქ ი ფ ა ნ ი ძ ე, დასახ. წერილი, გვ. 36.

²¹ СМОМПК, вып. 38, стр. 57.

²² იხ. ივ. ჯ ა ვ ა ხ ი შ ვ ი ლ ი, ქართ. ერის ისტ. II2, გვ. 39.

²³ იო ა ნ ე დ რ ა ს ხ ა ნ ა კ ე რ ტ ე ლ ი, ილია აბულაძის გამოცემა, 1937, გვ. 59.

²⁴ რომ X ს-ში ჰერეთი სამეფოა და არა სამთავრო, ამას სრულიად გარკვეულად მოწმობს, ჯერ ერთი, ვახუშტი და, შემდეგ, ერედვის ეკლესიის X ს-ის წარ-

ვიცნობთ ჰერეთის ორ მფლობელს მაინც. ესენია: ადარნასე პატრიკი და იშხანიკ მეფე²⁵. ვიცნობთ ჰერეთის ორ დედოფალს: ერთი დინარ დედოფალი იშხანიკის დედა და მეორე დინარ დედოფალი, იშხანიკის გარდაცვალების შემდეგ რომ ჩანს²⁶.

ამგვარად, ცხადი უნდა იყოს, რომ X ს-ში „წანარეთი“ აშკარად არ მოიცავს ჰერეთს. ასევე უნდა ვივარაუდოთ VIII ს-ის მეორე ნახევრის „წანარეთისთვისაც“. ამის საწინააღმდეგო რაიმე საბუთი ჩვენ არ მოგვეპოვება. ამის დამადასტურებლად კი ზემოთქმულს კიდევ ერთ გარემოებას დავუმატებთ.

ჩვენთვის საინტერესოა არაბული წყაროების მიხედვით „წანარეთის“ საზღვრების გარკვევა. საამისო ერთი ამონაწერი მასუდისა ჩვენ ზემოთ უკვე მოვიტანეთ და მის მიხედვით „სანარია“ თბილისსა და დარიალანს შორის მდებარეობს. არის მეორე ცნობა ანონიმურ „ქეთაბე ჰოდუდ ალ-ალემში“, რომელიც X საუკუნის უკანასკნელ ათეულებში შეუდგენიათ. არაბი ანონიმი გვეუბნება: „სანარი ქვეყანაა, მისი სიგრძე ოცი ფარსანგია, შაქსა და თბილისს შუაა და მცხოვრებნი ყველანი ურწმუნოები არიან“²⁷. თუ ამ ცნობას მასუდისას შევუდარებთ, წანარეთის საზღვრები გამოვა: დარიალანი—თბილისი—შაქი. შაქი, ცხადია, აღმოსავლეთი საზღვარია. რადგან ჩვენ ვიცით, რომ „წანარეთი“—კახეთია (კუხეთიანად), ხოლო ჰერეთი ამავე დროს ცალკე სამეფოა, რომელიც კახეთს სწორედ აღმოსავლეთიდან ესაზღვრება, ამიტომ გასაგები უნდა იყოს, რომ აქ შაქი იდენტურია ჰერეთისა (მრთუმეტეს ჩვენ ვიცით, რომ შაქი დიდი ხანია უკვე ჰერეთშია). თუ ეს ასეა, მაშინ განსაკუთრებით საინტერესო ხდება ჩვენთვის მასუდის მეორე ცნობა: „წანარეთის სამეფოს ახლოს ცხოვრობს შაქთა ქრისტიანული ტომი, რომელთა შორის ბევრია მუსლიმანიც, რომელნიც მისდევებ ვაჭრობასა და სხვადასხვა ხელოსნობას. შაქთა მეფე, ჩვენი წიგნის შედგენის დროისათვის, არის ადერნერსე იბნ-ჰამამ“²⁸.

ამ საინტერესო ცნობიდან კიდევ ერთხელ ვიგებთ, რომ „წანარეთი“ შაქს ემეზობლებოდა. მათი ქრისტიანობა, თუ გავითვალისწინებთ შაქის (ე. ი. ჰერეთის) ქართლთან ურთიერთობის მთელ პროცესს, დაწყებულს IV ს-დან, სრულიად არაა მოულოდნელი. ხოლო,

წერა, რომელშიაც „ჰერთა მეფეა“ მოხსენებული, 906 წ. იხ. რ. მეფისა შვილი ი. ერედვის წმ. გიორგის ეკლესიის სააშენებლო წარწერა, აკადემიის მ-ბე, 1944, ტ. V, № 10, გვ. 1045—1046.

²⁵ ანას ქცა, 167—178. ვახუშტი მათ შორის მესამე მეფესაც აყენებს ადარნასეს ძესა და იშხანიკის შამას, იხ. საქ. ცხოვრება, 1913, გვ. 147, 149—150.

²⁶ ქცა, გვ. 176. საქ. ცხოვრება, გვ. 151.

²⁷ ვ. ფუთურძის გამოცემა, 1927, გვ. 15.

²⁸ СМОМПК, вып. 38, стр. 58.



რაც შეეხება შაქთა მეფეს, თუკი ზემომოტანილი მსჯელობა არაბული „შაქისა“ და ქართული „ჰერეთის“ იდენტურობის შესახებ, სწორია, მაშინ საკმაოდ თამამად შეგვიძლია ვივარაუდოთ, რომ მასულის ადერნერსე ჰამამის ძე არის იგივე ადარნასე პატრიკი, ჰერეთის პყრობელი, რომელიც მეთე საუკუნის ათიან-ოციანი წლების მოღვაწე ჩანს.

დაბოლოს, ჩვენი ვარაუდის შესამაგრებლად, რომ არაბული „შაქის“ ქვეშ ჰერეთი უნდა ვიგულისხმეთ, დავიმოწმებთ ქართულ წყაროებს, რაც თავის მხრივ აბტკიცებს, რომ არც ქართველთათვის ყოფილა უცხო ამგვარი იდენტიფიკაცია.

მხედველობაში გვაქვს ქ. ც-ის ცნობა გიორგი I-ის შესახებ, რომელსაც, ბასილი კეისრისაგან დევნილს, თრიალეთში „მოერთო ძალი კახეთისა და ერეთისა“²⁹. ამავე გარემოებას სუმბატ დავითის ძე ამგვარად გადმოგვცემს: გიორგი I „კუალად განძლიერდა... ლაშქრითა, რამეთუ მოიყუანა წანარნი და შაქნი“³⁰. ასეთი შეცვლა ტერმინებისა ჩვენ ფრიად მნიშვნელოვან და ჩვენს სასარგებლოდ მოლაპარაკე მოვლენად მიგვაჩნია: „ძალი კახეთისა“ არის იგივე „წანარნი“, ხოლო „ძალი ჰერეთისა“ — „შაქნი“. ე. ი. საბოლოო ჯამში, გარკვეული აზრით, კახნი უდრიან წანარებს, ხოლო ჰერნი — შაქებს³¹.



ამგვარად, ამ ექსკურსის შედეგად, ვფიქრობთ, გვაქვს საფუძველი არაბული წყაროების შექიქართულ

²⁹ ანას ქ. ცა, გვ. 179.
³⁰ სამი ისტ. ქრონ., 1842, გვ. 69.

³¹ აკად. ნ. ბეოჟენიშვილმა, კერძო საუბრისას, ვარაუდის საბით გამოთქვა მოსაზრება, რომ პტოლემეოსის ზემომოყვანილი ცნობა წანართა შესახებ შესაძლებელია გაგებულ იქნას იმგვარად, თითქოს წანარები უკვე იმ დროს (II ს.) დიდ ტერიტორიაზე და, კერძოდ, ვვიანდელი კახეთის სამთავროს ტერიტორიაზე არიან საგულისხმონი. ამ ცნობის ასეთი ინტერპრეტაცია თავდაყირა დააყენებდა წანართა პოლიტიკური ისტორიის შესახებ ამ ნაშრომში წარმოდგენილ თვალსაზრისს. და რაც მთავარია: შესაძლებელია პარადოქსად მოგვეჩვენოს, მაგრამ უნდა ვიღაროთ, რომ თითქმის ყველა ის საბუთი, ჩვენ რომ აქ წარმოდგენილი აზრის შესამაგრებლად მოგვაქვს, საწინააღმდეგო შეხედულებასაც ამგვარსავე სამსახურს გაუწევს. ასე რომ, ამ შემთხვევაში, წანართა ექსპანსიაზე კი არ ვილაპარაკებდით, არამედ, პირუკუ, მათ უკუქცევაზე. ამასთან, ჩვენ ჰერეთისაკენ კახების მოძრაობაზე კი არ ვიმსჯელებდით, არამედ — წანართა მოძრაობაზე; ხოლო თვით წანარნი ქართულ ტომად უნდა გვევარაუდა, რაც თავისთავად, ცხადია, გამორაცხელი არ არის. მაგრამ ამ კონცეფციით შინც ბევრი რამ აუხსნელი დარჩებოდა (მაგ. ის, რომ VII ს-ის არაბები წანარებსაც იცნობენ და კახეთ-კუხეთსაც, ხოლო მომდევნო საუკუნეებში — მხოლოდ წანარებს და წანარეთს; რომ ლეონტი მროველის „მეფეთა ცხოვრება“, ყველა ნიშნით უძველეს წყაროებზე დამყარებული, წანარებს

პერეთად ვივარაუდოთ. ამდენადვე საფუძვლიანი გვეჩვენება მოსაზრება, რომ VIII ს-ის მეორე ნახევარში, როდესაც კახეთის სამთავრო (წანარეთი) გამოეყო ქართლს, იმავე ხანებში ცალკე ერთეულად შეიქმნა პერეთის სამთავრო. ამიტომ სავესებით სწორია ვახუშტი, როდესაც „პერეთის სამეფოს“ ჩამოყალიბებას დაახლოებით იმავე ხანებში გულისხმობს, რომელშიაც კახეთის განდგომას ვარაუდობს: „და შემდგომად და შემდგომად ჯუანშერისა სიკუდილისა დაიპყრეს სრულიად პერეთი (აღარანსე ბრმის ძმისწულეზება ლაპარაკი—დ. შ.) და იწოდეს მეფედ და დასხნეს ერისთავნი, ვითარცა იწერვის: ერისთავი შტორისა, ერისთავი ხორნაბუჯისა, ერისთავი ვეჯინისა, ერისთავის მაჭისა“³².

როგორც ეს უკვე ცნობილია, პირველი აბასიდი ხალიფების დროიდანვე განსაკუთრებით მიძიდება არაბ დამპყრობელთა უღელს³³. სწორედ ამ ხანებიდან მოკიდებულია ხშირდება ცნობები, როგორც არაბულ, ისე ქართულ წყაროებში, რომლებიც მიუთითებენ ქართველთა ბრძოლაზე დამპყრობელთა წინააღმდეგ. განსაკუთრებით ხშირია არაბული წყაროების მიხედვით აჯანყებები წანარეთში ანუ კახეთის სამთავროში (ბალაძორი, იაყუბი, იბნ-ალფაყიჰი). იშვიათი არ იყო ხაზართა შემოსევებიც. 764 წ. მათ კახეთი მოითარეშეს და თბილისიც აიღეს. ყოველივე ამას VIII ს-ის ბოლოსთვის დაემატა ბრძოლა თვით ქართულ სამთავროებს შორის.

ამ განუწყვეტელ ბრძოლებს არ შეიძლება უარყოფითი გავლენა არ მოეხდინა კახეთის სამთავროს ეკონომიკაზე. თუმცა გრიგოლ მთავრის დროს კახეთი დიდ და ძლიერ სამთავროდ ჩანს³⁴, ხოლო X ს-ის მეორე ნახევრისთვისაც, იბნ-ჰაუკალის ცნობით, წანარეთი ეკონომიურად ძლიერი ქვეყანაა³⁵, მაინც ჩვენ ფიქრობთ, რომ განუწყვეტელი საუკუნოვანი ბრძოლების გამო განსაკუთრებით უნდა დაზარალებულიყო კახეთის სამთავროს სამხრეთი ნაწილი (სამგორი და მისი მიმდგამი მხარეები), რომელიც ტრიალ ვაკეს წარმოადგენდა და ბუნებრივად სრულიად დაუცველი იყო. ამ გარემოებას უნდა გამოეწვია რაიონის მეურნეობის მეტნაკლები მოშლა.

არ იცნობს და სხვადასხვ.). ამიტომ, ვიდრე ჩვენ წანარებს არქეოლოგიურად შევიცნობდეთ და ამით საბოლოოდ საკითხს გადავჭრიდეთ, ჩვენ ამ ნაშრომში წარმოდგენილი თვალსაზრისი უფრო მართებულად მიგვაჩნია.

³² საქ. ცხოვრ. 147. ვახუშტისთვის პერეთი იმთავითვე სამეფოა.

³³ ივ. ჯავახიშვილი, ქართვ. ერის ისტ., II2, 78.

³⁴ იბ. ივ. ჯავახიშვილი, იქვე, 91.

³⁵ СМОМПК, вып. 38, стр. 98—99.

ამასთან ერთად ნუმისმატიკურ მასალაში შეიმჩნევა ფრიად საინტერესო მოვლენა. თუ VIII ს-ში ამ მასალის მიხედვით არაბული მონეტები ხშირია აღმ. საქართველოს ტერიტორიაზე, „საწინააღმდეგო მდგომარეობა იქმნება შემდეგ პერიოდში. IX ს-ის ოცდაათიანი წლებიდან მოყოლებული, მთელ IX—X ს-ში არაბული ფულის განძები ნაკლებად იპოვება არა მარტო ამიერკავკასიაში, არამედ ირანის ჩრდ. პროვინციებშიც. სამაგიეროდ იგი მასიურად ჩნდება ჩრდილოეთით—რუსეთის სხვადასხვა ადგილებში, ბალტიის ზღვის ნაპირებსა და კუნძულებზე, ფინლანდიასა, სკანდინავიასა და ჩრდ. გერმანიაში, აღწევს ინგლისს და ისლანდიასაც კი“³⁶.

„ამ ფაქტების საფუძველზე შეიძლებოდა გამოგვერკვია ზოგიერთი ხაზები აღმ. საქ-ოს სოც.—ეკონომიური ვითარებისა. პირველ პერიოდში, ე. ი. VIII ს. და IX ს-ის პირველ მეოთხედის განმავლობაში აღმ. საქ-ოს ცხოველი პოლიტ.-ეკონომიური ურთიერთობა ჰქონია არაბთა სახალიფოსთან... ამ დროს ბალანსი საქ-თვის დადებითი ხასიათისა იყო—საქართველოს უფრო მეტი საქონელი გაჰქონდა, ვიდრე შემოჰქონდა უცხოეთიდან. თანდათანობით მდგომარეობა შეცვლილა. გაცხოველებულა ჩრდ. ქვეყნებთან ეკონომიური ურთიერთობა. ვაჭრობას მიუღია ცალმხრივი ხასიათი—იმპორტი გაძლიერებულია, რის გამო ფულის მარაგს გადაუნაცვლებია ჩრდილოეთისკენ. ამ მოვლენების მიზეზები, ცხადია, მარტო საქ-ოს ამა თუ იმ ნაწილის ვითარებაში არ უნდა იყოს დამარბული, არამედ იმდროინდელ საერთაშორისო პირობებში უნდა ვიძიოთ“³⁷. ამასთან დაკავშირებით სავაჭრო გზებიც იცვლება. ვაჭრობა ჩრდილოეთთან ძირითადად სამი არხით წარმოებს: 1) სირია-მესოპოტომია-ირანი-იმიერკასპია-შუა ვოლგისპირეთი-აღმოს. ევროპა. აქედან სხვადასხვა განტოტებით სხვადასხვა მხარეს. 2) პირველთან შედარებით ნაკლები მნიშვნელობის: სახალიფოს ცენტრალური რაიონები—ერანის აზერბაიჯანი—აღმ. ამ. კავკასია-დარუბანდი. შემდეგ იგი ვოლგასთან და დონთან უერთდებოდა პირველ არხს. 3) მცირე აზიაზე—შავი ზღვით—დნებრის ბასეინში³⁸. ცხადია, როგორც არ უნდა აიხსნას ეს გარემოება, იგი გარკვეულ უარყოფით გავლენას მოახდენდა ამ.—კავკასიის და კერძოდ აღმ. საქართველოს ვაჭრობაზე.

ყოველივე ზემოთქმული გარკვეულ კავშირში უნდა იყოს იმ მნიშვნელოვან გარემოებასთან, რომ ერთ-ერთი დიდი პოლიტიკური (და ეკონომიური) ცენტრი აღმ. საქართველოში, როგორც ჯერ კი-

³⁶ თ. ლ. მ. ო. უ. რ. ი., დასახ. ნაშრომი.

³⁷ იქვე.

³⁸ Е. Пахомов, Монетные клады Азербайджана и Закавказья, I, 1926, გვ. 22—24.

დედ VII ს-ში აშკარად იყო ქალაქი უჯარმა, X ს-ის დასაწყისში ქალაქად არც კი მოიხსენიება; 914 წ. არაბთა სარდალი აბულ-კასიმმა „მოვიდა და მოადგა უჯარმას, შიგა დგა სამასი კაცი, და ჰბრძოდეს მრავალთა დღეთა, და ვითარ იხილეს, რამეთუ ვერ დაუდგმიდეს, და აგდეს ღამე და გარდაიხუენეს: რომელნიმე წარვიდეს, და რომელთამე ეწივნეს და დაკოცნეს“³⁹. ცხადია, X ს-თვის უჯარმა მხოლოდ ციხელაა, რომელსაც 300 კაცი იცავს და რომელიც არაბ სარდალს „ბაკად“ ეჩვენება⁴⁰. ეს სწორედ ის სიმაგრე უნდა იყოს, რომელსაც ჩვენ ვახტანგ გორგასლის რეზიდენციად ვვარაუდობდით⁴¹.

უჯარმის დაქვეითება და ბოლოს უმნიშვნელო პუნქტად გადაქცევა ხანგრძლივი პროცესი უნდა ყოფილიყო, გაპირობებული მრავალი მიზეზით.

ჩვენ უკვე აღვნიშნეთ, რომ VIII ს-ის ბოლოს, როდესაც საბოლოოდ ჩამოყალიბდა დამოუკიდებელი და ძლიერი კახეთის სამთავრო, ქალაქ უჯარმას ეხლა ამ ერთეულის პოლიტიკური ცენტრის როლი უნდა დაჰკისრებოდა. მაგრამ ეს ხანა არის უკვე უჯარმის დაცემის დასაწყისი.

ძირითადი მიზეზი ქ. უჯარმის დაცემისა უნდა ვეძიოთ იმ ფაქტორების მოსპობაში, რომელთაც უჯარმა, როგორც ქალაქი და ამასთან კახეთის ცენტრი, წარმოშვეს. მთავარი, რასაკვირველია, უნდა ყოფილიყო იმ ეკონომიური ბაზისის მოშლა, რომელზედაც იგი დამყარებული იყო. საამისო პირობები კი, როგორც უკვე აღვნიშნეთ, დაწყებული VIII ს-ის მეორე ნახევრიდან აღმ. საქართველოში საკმაო იყო: განუწყვეტელ საუკუნოვან ბრძოლას, გასაგებია, ვერ გაუძლებდა ისეთი ინტენსიური ხასიათის სასოფლო-სამეურნეო დარგი, როგორიცაა მევენახეობა; ცხადია, ასეთ პირობებში გაძნელებული იქნებოდა ზამთრის საძოვრების გამოყენება, რაც თავისთავად დიდ ზიანს მიაყენებდა კახეთის მესაქონლეობას. როგორც ეს ისედაც სავარაუდოა, კახეთის სამთავროს ეკონომიური სიძლიერის ძირითადი ღერძი მეურნეობის სწორედ ეს დარგი უნდა ყოფილიყო. საამისო პირდაპირი მითითება არსებობს. მხედველობაში გვაქვს იბნ-ჰაუკალის (X ს.) შესანიშნავი ცნობა კავკასიის მთიელებს რომ ეხება:

„В упомянутых выше горах (Кобх) существуют цари и владельцы, живущие среди больших стад, имений, прекрасных крепостей, коней и челяди вместе с принадлежащими им на

³⁹ ანას ქცა, 166.

⁴⁰ იხ. ვახუშტი, საქ. ისტ., დ. ბაქრაძის გამოცემა, 1885, გვ. 126:

⁴¹ შესაძლებელია, როგორც პატარა ქალაქი უჯარმა ამ დროს და შემდეგაც ვერ კიდევ არსებობდა და ვახუშტი სწორი იყოს, როდესაც მის დაბად გადაქცევის საქართველოს „განყოფას“ უკავშირებს. იხ. აღწ. სამეფ. საქ., გვ. 90.

правах собственности родами и областями с волостями и обработанными местностями, приносящими им обильный доход. В этих странах, горах, городах и земельных участках, о которых я упомянул, дешевизна и плодородие; там есть пастбища, скот, масса стад, продуктов и съестных припасов; громадное количество лесов, рек, плодов свежих и сушеных, деревьев, так, что если рассказать кому-либо, кто не видал этого сам, то он не поверит, чтобы было всего так много⁴². იქვე ცოტა ქვემოთ: „там есть кони и ценные мулы,“ შემდეგ იგი დასძენს, რომ ამ ქვეყნების მეფეებიდან ყველაზე მეტად გამოჩენილია ოთხი და მათ შორის წანარეთის მეფე სანხარიბი⁴². ე. ი., ცხადია, ყველაფერი ზემოთქმული პირველ რიგში ეხება კახეთის სამთავროსაც.

„არაბ-ქართველთა, ისე როგორც არაბებისა და სხვა, მათ მიერ დაპყრობილი, ქვეყნების ურთიერთობა ხარკისა და ბეგრის ღერძზე ტრიალეზდა“⁴³. ცხადია, წანარეთის ხშირი აჯანყებები სწორედ ამ ხარკისა და ბეგრის სიმძიმით იყო გამოწვეული. ძირითადი სიმძიმე კი ქვეყნის მეურნეობის წამყვან დარგზე იქნებოდა. ამის შესახებაც ჩვენ პირდაპირი მითითება მოგვეპოვება, რომელიც ეხება 830—833 წწ.: აღ-მამუნი ავზავნის აჯანყებულ ჯურხანის მმართველის დასამორჩილებლად, რომელსაც წანარებიც ეხმარებიან, ხალიდ იბნ-იაზიდს. „Тогда Халид двинулся против них (санарийцев—დ. მ.) упорно сражался в Джурзане, обратил их в бегство и захватил их скот, а потом предложит им заключить мир, что и состоялось на условии, чтобы они представили три тысячи кобылиц и двадцать тысяч овец. Но не прошло много времени, как они снова восстали...“⁴⁴. იაყუბის ეს ცნობა ცხადად ააშკარავებს წანარ-არაბთა ურთიერთობის ძირითად ბერკეტს და ამასთან ადასტურებს ჩვენს მოსაზრებას კახეთის სამთავროს მეურნეობის წამყვანი დარგის შესახებ. ჩვენ ზემოთ ვვარაუდობდით, რომ უჯარმის გაქალაქების საქმეში მესაქონლეობას და, კერძოდ, მეცხვარეობას დიდი მნიშვნელობა უნდა ჰქონოდა, ცხადია, მეურნეობის ამ დარგის დაქვეითებას ამგვარივე გავლენა უნდა მოეხდინა თავის, ასე ვთქვათ, ზედნაშენზე.

ზემოთ ჩვენ ვვარაუდობდით აგრეთვე, რომ უჯარმაზე უნდა გასულიყო ის მნიშვნელოვანი სავაჭრო გზა, რომელიც აღმ. საქართველოს აკავშირებდა ალვანეთთან და სასანურ ერანთან. ამ პერიოდისათვის, რომელსაც ჩვენ ეხლა ვიხილავთ, ასეთი გზა აღარ გვეკუ-

⁴² СМОМПК, вып. 38, стр. 98—99.

⁴³ ს. ჯ ა ნ ა შ ი ა, არაბობა..., 56—7.

⁴⁴ ი ა ყ უ ბ ი ე უ ზ ე, 15.

ლება. არცერთი არაბი გეოგრაფი, რომლებიც, როგორც ცნობილია, ძირითადად იმ პუნქტებს აღნიშნავენ, რომელთა შორისაც სავაჭრო გზები გადიოდა, მიუხედავად საკმაოდ დაწვრილებითი ცნობებისა, არ იხსენიებს უჯარმას. ცხადია, უჯარმა რომ მათ დროს ისეთივე მნიშვნელობის ყოფილიყო, როგორც მაგ.; VII ს-ში, ისინი მას არ დასტოვებდნენ ყურადღების გარეშე. მას აღარ იცნობს უკვე იბნ-პორდადბე, რომელიც თავის შრომას IX ს-ის მეორე ნახევარში წერს⁴⁵. შესაძლებელია სავაჭრო გზის გადანაცვლება სწორედ IX ს-ის დასაწყისში მომხდარიყოს და იგი რაიმე კავშირში იყოს იმ ზოგად მოვლენასთან ნუმისმატიკური მასალა რომ ამჟღავნებს (იხ. ზემოთ). ასეა თუ ისე, ცხადია, სავაჭრო გზის გადანაცვლებას უნდა გამოეწვია ქალაქ უჯარმის სწრაფი დაქვეითება.

დაბოლოს, უჯარმის, როგორც ქალაქისა და განსაკუთრებით კახეთის პოლიტიკური ცენტრის მნიშვნელობის დაცემისათვის ხელი უნდა შეეწყოს თვით უჯარმის მდებარეობას. იგი ფაქტიურად კახეთის სამთავროს პერიფერიაზე მდებარეობდა, ბუნებრივად შედარებით დაუცველ ადგილზე, რაც განსაკუთრებით საგრძნობი უნდა ყოფილიყო იმ შფოთიან პერიოდში, რომელსაც საქართველოს გაერთიანების ხანა ეწოდება და, მართლაც, ქართულ წყაროებში უჯარმის ციხე არა ერთხელაა მოხსენებული ურთიერთშორისი ბრძოლის ერთ-ერთ ობიექტად⁴⁶. ცხადია, უკვე ამის გამო იგი ახლად ჩამოყალიბებული ადრეფეოდალური კახეთის სამთავროსათვის ცენტრად არ გამოდგებოდა.

ამიტომაც, ჩვენ ვვარაუდობთ, რომ საბოლოო ჯამში, მრავალი ფაქტორით გაპირობებული დეგრადაცია ქალაქ უჯარმისა იწყება VIII ს-ის დამლევიდან, და ეს პროცესი ფეოდალური ურთიერთობის განვითარების პარალელურად და მასთან კავშირში ხდება. ძირითადად იგი მიმდინარეობს IX ს-ში. ამ საუკუნის ბოლოსათვის უჯარმას დაკარგული აქვს უწინდელი მნიშვნელობა და იგი მხოლოდ ციხე-სიმაგრის როლს ასრულებს.

ბუნებრივია, სამთავროს ცენტრს ჩრდილოეთისკენ გადაენაცვლა და მართლაც, XI ს-ის დასაწყისისთვის კახეთის სამთავროს ცენტრი თიანეთშია საგულევებელი⁴⁷. უეჭველია, ამას გულისხმობს ვა-

⁴⁵ იხ. СМОНПК, вып. 32, стр. 11.

⁴⁶ ანას ქცა, 166, 169.

⁴⁷ ეს ჩვენ შეგვნიშნა აკად. ნ. ბერძენიშვილმა, შდ. მ. ლორთქიფანიძე, დსაბ. წერილი, გვ. 24.

ხუმტის სიტყვები, რომ კახეთის ქორეპისკოპოსმა დიდმა კვირიკემ „ჰყო სასახლე თიანეთს ხელოვანი“⁴⁸. სწორედ ამ სასახლის ნაშთები უნდა იყოს ე. წ. „ცხრაკარას“ ნანგრევები, დღემდე რომაა შემონახული თიანეთის მახლობლად, ეს უნდა იყოს „დარბაზი ბოდოჯისა, სახლი სახელოვანი, დიდის კუირიკე მეფისგან აგებული“⁴⁹, როგორც ამას სამართლიანად ვარაუდობს მ. ლორთქიფანიძე⁵⁰.

ჩვენ არა გვგონია აუცილებელი იყოს ცენტრის უჯარმიდან თიანეთში უშუალოდ გადატანა ვიგულისხმოთ. ამ მოვლენას შესაძლებელია შუალედი ეტაპებიც ჰქონდა. ასეთად გვეჩვენება ჩვენ X ს-ში ბოჭორმა, რომელიც წყაროთა ცნობების მიხედვით ამ ხანებში თითქოს სამთავროს ცენტრი უნდა ყოფილიყო. ჩვენ მხედველობაში გვაქვს კვირიკე II კახთა მთავრისა და გიორგი აბხაზთა მეფის ბრძოლის ამბები, რომელიც დაახლოებით X ს-ის მეორე მეოთხედში მიმდინარეობდა (ან ეგებ უფრო ზუსტად ორმოციან-ორმოცდაათიან წლებში).

გიორგი აბხაზთა მეფე ლაშქრობს კახეთში. „ვითარ ცნა კვირიკე—ვერ დაუდგებოდა, აღგა და მოვიდა მათ წინაშე“. აბხაზებმაც შეიპყრეს იგი. ამის შემდეგ „მოერთო შტორა, ძმა კვირიკე ქორებისკობოსისა, გიორგი მეფესა, და მოუტანა თანა ციხე მისი უჯარმა (პირდაპირი მითითებაა, რომ უჯარმა უკვე აღარაა სამთავროს ცენტრი—დ. მ.), და ეუფლნეს სხუათაცა ტიხეთა კახეთისათა თუნიერ სამთა ციხეთა: ნახჭოვნისა, ბოჭორმისა და ლოწობანთა“.

„ვითარ იხილა კვირიკე ქორებისკობოსმან; რამეთუ არა იყო ღონე მისი, ითხოვა, სიმტკიცე ცოცხლებით გაგზავნისა, და დაულოცა კახეთი გიორგი მეფესა“ იმ პირობით, „რათა მას ზამთარსა არა აიღონ ციხე ბოჭორმა, და შემდგომად აღვსებისა წარვიდეს, ნება სცეს“. „და შევიდა კვირიკე ბოჭორმას, ეკაზმებოდა და ლამოდა შემდგომად აღვსებისა წარსვლასა“⁵¹. ჩვენ გვგონია აქედან სავარაუდოა, რომ ბოჭორმა კვირიკეს რეზიდენციაა. მართლაც, თითქოს ბუნებრივია, გადადგომის წინ იგი მიდის თავის რეზიდენციაში, სადაც, როგორც ჩანს, თავის საქმეებს აგვარებს („ეკაზმებოდა“). საამისოდ იგი თხოულობს გარანტიას, რომ გარკვეული დროის განმავლობაში მისი რეზიდენცია უშიშროების ქვეშე ყოფილიყო. ეს უნდა მომხდარიყო 957 წ-დე.

საფიქრებელია, რომ ჯერ კიდევ XI ს-ის დასაწყისში კვლავ ბოჭორმა კახეთის სამთავროს ცენტრი: ბაგრატ მესამემ 1010 წლ. ახ-

48 „საქ. ცხოვრება“, 151.

49 ანას ქცა, 185.

50 დასახ. წერილი, გვ. 24.

51 ანას ქცა, 169—170.

ლო „იწყო ძებნად კახეთისა...“ შეაწყუდია კუირიკე ბოჭორმას, დაუყენნა ციხეს გარეშამო მცველნი წელიწდამდი, და წარილო ბოჭორმაცა და დაიპყრა სრულიად კახეთი“⁵². შეიძლება სწორედ ამ გარემოებამ, რომ ბოჭორმა მაინც უფრო მისაწვდომი იყო შემოსული ლაშქრისათვის, აიძულა კვირიკე დიდი ჩქარა ამის შემდეგ რეზიდენცია უფრო ჩრდილოეთით გადაეტანა—თიანეთში. მაგრამ არც ამაზე შეჩერებულა დიდი კვირიკე და თავისივე მთავრობისას რეზიდენცია, უკვე მეორედ, სხვაგან გადააქვს.

*
* * *

მაგრამ ვიდრე ამ ფრიად მნიშვნელოვან აქტს და მისგან გამომდინარე შედეგებს მოვიხსენიებდეთ, ორიოდ სიტყვით უნდა შევეხხოთ ჰერეთის მდგომარეობას IX—X სს-ში.

მთელი იმ მრავალსაუკუნოვანი პოლიტიკური და კულტურული ურთიერთობის პროცესის (ქართლსა და ჰერეთს შორის რომ მიმდინარეობდა და რომლის დახასიათებაც ჩვენ ზემოთ ვცადეთ) შედეგი იყო, რომ „როცა, შემდეგ, საქართველოში ფეოდალური სამეფო-სამთავროები წარმოიშვა (VIII—IX სს) და პოლიტიკური ჰეგემონობისათვის მათ შორის ბრძოლა გაჩაღდა, ჰერეთი ერთი იმ ქართულ ერთეულთაგანი იყო, რომელიც ამ პროცესში ორგანულად მონაწილეობდა“⁵³.

მაგრამ მისი მონაწილეობა საქართველოს გაერთიანებისათვის ბრძოლაში შედარებით სხვა ერთეულებთან, რამდენადაც ეს ჩანს, უფრო პასიური იყო. ვახუშტიც სრულიად სამართლიანად ამბობს „არამედ ამ შლილობაებათა შინა (იგულისხმება სწორედ ეს პოლიტიკური ჰეგემონობისათვის ბრძოლა—დ. შ.) იყუნენ იგინი მშვიდობით და ოდესმე მოვიდიან მძლავრნი, მისცემდიან ხარკთა და დაიმშვიდიან“⁵⁴. მართლაც, „ქართლის ცხოვრებიდანაც“ კარგად ჩანს, რომ ჰერეთის სამეფო უფრო ობიექტია მეზობელ სამთავროთა ლაშქრობებისა, ვიდრე თვით ამ ლაშქრობათა ორგანიზატორი.

რაც შეეხება უკანასკნელ გარემოებას, ჰერეთი, მართლაც, სახარბიელო ობიექტი უნდა ყოფილიყო მეზობელთათვის, რადგანაც აღებული ხანისათვის სრული საფუძველი გვაქვს ვივარაუდოთ ამ მხარის საკმაო დოვლათიანობა. ამას გვაგვარაუდებინებს ჭერ ერთი, ზემომოტანილი ნუმიზმატიკური მასალა. მაინცდამაინც საგულისხ-

⁵² იქვე, 176.

⁵³ ნ. ბერძენიშვილი, „მიმოხილველი“, III, 68.

⁵⁴ „საქ. ცხოვრება“, 147.

მოა, რომ საქართველოში აღმოჩენილი VIII—IX სს. არაბული მონეტების განძთა დიდი უმრავლესობა სწორედ ამ ტერიტორიაზე მოდის (ლელიანი, აფენი, კავშირი, მთისძირი). ეს ფაქტები უთუოდ მაჩვენებელია აღებულ ხანაში ჰერეთის გაცხოველებული ვაჭრობისა არაბულ სამყაროსთან, რაც თავისთავად ამ სამთავროს გარკვეულ ეკონომიურ სიმპლავრეზე უნდა მიუთითებდეს.

შემდეგ, საბოლოო ჯამში, უდიდესი ნაწილი იმ ზამთრის საქოვრებისა, რომელიც ედო საფუძვლად ქართლის ექსპანსიის აღმოსავლეთისაკენ. ესლა ჰერეთის ფარგლებში შევიდა, ამას რასაკვირველია, მეტად დიდი მნიშვნელობა ჰქონდა კახეთის მთიანეთის მესაქონლეობისათვის (ამაზე ჩვენ ზემოთ ვლაპარაკობდით), რომელიც დიდად იყო დამოკიდებული ამ საქოვრებისაგან.

უდიდესი მნიშვნელობა ჰერეთის ეკონომიკაში უნდა ჰქონოდა, რასაკვირველია, ალაზნის ველის ბარაქიან მიწას. დღეს ჩვენ სრული უფლება გვაქვს ვივარაუდოთ, რომ ეს ტერიტორია უძველესი დროიდანვე წარმოადგენდა ინტენსიური სასოფლო მეურნეობის დარგების ბუდეს. კერძოდ უძველესი დროიდანვე უნდა ყოფილიყო აქ განვითარებული მევენახეობა. ბუნებრივი პირობების მხრივ ეს მხარე საქართველოს სხვა კუთხეებთან შედარებით საუკეთესოა.

ალაზნის ველზე, რომ უძველესი დროიდან უნდა ყოფილიყო განვითარებული მევენახეობა, ამას მოწმობენ: ბაკურციხის „სასახლავი ნამგლები“⁵⁵, რომლებიც მთელ მასალასთან ერთად II—I ათასწლეულთა მიჯნით თარიღდება; და ე. წ. „ალაზნის ველის კულტურა“, რომელიც ძველი და ახალი წელთაღრიცხვის მიჯნის დროისაა.

ცხადია, მევენახეობასთან ერთად აქ სხვა დარგებიც იქნებოდა განვითარებული: მებაღეობა-მებოსტნეობა, მემინდვრეობა და ა. შ. იმ ხანაში (IX—X სს), როდესაც შედარებით თავის მეზობლებთან ჰერები „იყუნენ მშვიდობით“, ეკონომიურადაც მათი ქვეყანა მძლავრი უნდა ყოფილიყო. ჩვენ ამას ზემოთ ქართული წყაროების მიხედვითაც ვვარაუდობდით. საამისო პირდაპირი მითითება კვლავ არაბულ წყაროებში გვაქვს.

ალ-მუყადასი იხსენიებს შაქს და X ს-ის მეორე ნახევრისათვის თელავს, რომელიც, როგორც ჩანს, სწორედ ამ ხანებში იწყებს დაწინაურებას „При Бердаа города: Тифлис, Кала, Хунан, Шамкур, Джанза, Бердиж, Шамахия, Шарван, Баку, Шабиран, Бат-уль-Абван, Абхаз, Кабала, Шакки, Малазкерд и Тебла“⁵⁶. გამომცემელი ნ. კარაულოვი შენიშვნაში ამბობს, რომ „თებლა“

⁵⁵ იხ. ა. აფაქიძე, ბაკურციხის არქეოლოგიური ძეგლები, გვ. 63—89.

⁵⁶ СМОМПК, вып. 38, стр. 3.

არის დღევანდელი—თელავი⁵⁷. რომ ეს, მართლაც, ასე უნდა იყოს, ეს ჩანს შემდეგიდან: ქალაქთა ჩამოთვლისას ალ-მუყადასი სრულიად გარკვეულ მიმართულებას იცავს, კერძოდ იმ სავაჭრო გზის მიმართულებას რომელიც თბილისს ბარდავის საშუალებით დარუბანდთან აერთებდა⁵⁸ და იწყებს რა თბილისიდან მიდის აღმოსავლეთისაკენ, დაახლოებით მტკვრის გაყოლებით. პუნქტები ჩამოთვლილია ზუსტი თანამომდევნობით: თბილისი-კალა-ხუნანი-შამქორი-განჯა-ბარდავი-ბერდიჯი (იბნ-ჰალკალს-ბერხენჯი) — შემდეგ ჩამოთვლის ამ. კავკასიის უკიდურესი აღმოსავლეთი ნაწილის პუნქტებს (რომლებიც ამასთანავე ყველა ერთ გზაზე არ მდებარეობენ; მაგ., ბაქო. შამახია, შარვანი, ბაქო, შაბურანი და დარუბანდი. შემდეგ ალ-მუყადასი კვლავ უკან (დასავლეთისკენ) ბრუნდება, და ეხლა, სხვათა შორის, კავკასიონის სამხრეთ კალთებზე მდებარე პუნქტებს აღნიშნავს, კვლავ რიგის მიხედვით: აბხაზი⁵⁹—ყაბალა-შაქი-მელაზგერდი-თებლა. აქ ექვს იწვევს მხოლოდ მელაზგერდი. ასეთ პუნქტს არცერთი არაბი ავტორი არ იცნობს „არანში“ (ალ-მუყადასი კი, ცხადია, სწორედ არანის პუნქტებს ჩამოთვლის). ეს უნდა იყოს ავტორის შეცდომა, ანდა ასეთი პუნქტი, მართლაც, უნდა ყოფილიყო სადღაც კავკასიონის სამხრეთ კალთებზე. ცხადია, ეს არ შეიძლება იყოს ცნობილი მალასგერდი თუ მანასკერტი, რომელიც არაბი ავტორების მიხედვითვე შედიოდა „სომხეთში“.

უკვე ასეთი მეთოდი არაბი ავტორისა და აგრეთვე ის, რომ თებლა შაქის შემდეგაა დასახელებული, ცხადყოფს, ჩვენის აზრით, რომ აქ ნამდვილად თელავი იგულისხმება.

ჩვენთვის, ამგვარად, ამ სიაში საინტერესოა შაქისა და თელავის მოხსენება. თვით ამა თუ იმ პუნქტთა მოხსენიების ფაქტი არაბ ავტორებთან ამ ობიექტების მნიშვნელობაზე⁶⁰ უნდა მიუთითებდეს. ჩვენ კი ვიცით, რომ შაქი არაერთხელაა მოხსენიებული არაბ ავტორებთან⁶¹. პუნქტი შაქი უდრის ნუხას⁶², ხოლო ქვეყანა შაქი, კი, როგორც ჩვენ ამისი ჩვენება ვცადეთ, უნდა იყოს იგივე ქართული

⁵⁷ იქვე, გვ. 22, შენ. 7.

⁵⁸ შრ. იბნ-ჰალკალი, СМОНПК, вып. 38, стр. 101.

⁵⁹ აბხაზის ლოკალიზაციისათვის იხ. I. Marquart, Osteuropäische und ostasiatische Streifzüge, Leipzig, 1903, გვ. 174, შენ. 4.

⁶⁰ რასაკვირველია, უპირველესად ყოვლისა სავაჭრო მნიშვნელობაზე—იხ. იქვე, გვ. 27, შენ. 38.

⁶¹ ბალაძორი-ქუხე, გვ. 5, 14, 16; იბნ-ჰორდადბე, СМОНПК, вып. 38, стр. 15; ალ-ისტახრი, СМОНПК, вып. 29, стр. 31; ალ-მუყადასი, СМОНПК, вып. 38, стр. 3, 9; მასუდი, იქვე, 57; იბნ-ჰალკალი, იქვე, 92; პოდუდ-ალ-ალემი, გ. თოფურძის გამოც. 15.

⁶² იხ. ბალაძორი-ქუხე, გვ. 16; СМОНПК, вып. 38, стр. 22, შენ. 7.

პეოტი. ქალაქი შაქი აღ-მუყადასის ცნობით ველზე მდებარეობს და მისი მცხოვრებთა უმეტესობა ქრისტიანები არიან. თელავს კი იგი ასე ახასიათებს: „В Тебла в руках мусульман 500 домов, а большая часть жителей христиане; местность эта цветущая“⁶³. ჩვენ ვიცით აგრეთვე, რომ შექელი მაჰმადიანები ვაჭრობასა და ხელოსნობას მისდევენ⁶⁴. ყველა ეს ცნობა ჩვენ ჰერეთს IX—X სს-ში მდიდარ ქვეყნად გვისახავს, ხოლო შაქს მის ერთ-ერთ ცენტრად⁶⁵.

ცხადია ასეთი დოვლათიანი კუთხის ხელში ჩაგდება დიდად მნიშვნელოვანი იქნებოდა საქართველოს გაერთიანებისათვის მებრძოლ სამეფო სამთავროთათვის. და მართლაც ქ-ს-ში კარგადაა დახასიათებული ის გარემოება, თუ როგორ ცდილობენ მთავარი მებრძოლი მხარეები (ჯერ აფხაზეთ-კახეთი, ხოლო უფრო გვიან აფხაზ-ქართველთა მეფეები და კვლავ კახი ქორეპისკოპოსები) ჰერეთის თავის გავლენის ქვეშ მოქცევას და საკუთარ ბაზად გადაქცევას. მაგრამ ჰერეთს მესამე მხარეც ეკიდებოდა. ეს იყო მონოფიზიტური სომხეთი.

სომხეთ-ჰერეთის ურთიერთობა საკმაოდ ხანგრძლივი და, როგორც ჩანს ქართლ-ჰერეთის ურთიერთობის პარალელური მოვლენაა (იხ. ზემოთ). მაგრამ ჩვენ ეხლა ამის შესახებ სიტყვას აღარ გავაგრძელებთ.

რომ სომხეთ-ჰერეთის ურთიერთობა დიდი ხნის ამბავია და რომ სომხეთიც ცდილობდა ამ ტერიტორიაზე თავისი გავლენის გავრცელებას და ნაწილობრივ კიდევაც აღწევდა ამას, ეს კარგად ჩანს იქიდან, რომ „ერეთს ვიდრე მეფობამდე იშხანიკისსა პირველნი ყოველნი იყუნეს მწვალებელნი“⁶⁶, ე. ი. ანტიქალკედონიტები. მეტად საინტერესო მოვლენაა, რომ უკვე IV ს-დან კულტურულად და თითქმის ეთნიკურადაც გაქართველებული ჰერები უფრო გვიან სომხურ გავლენასაც განიცდიან (შდ. სომხითის მხარე). მას შემდეგ რაც ქართლი დიოფიზიტობას დაადგა, ჰერეთი, როგორც ზემომოტანილი ცნობიდან ჩანს, მონოფიზიტობაზე შერჩა, და ეს X ს-ის მეორე ნახევრამდე, როდესაც უნდა ემეფა იშხანიკს. შესაძლებელია ამ

⁶³ СМОМПК, вып. 38, стр. 9.

⁶⁴ მასუდი СМОМПК, вып. 38, стр. 57.

⁶⁵ თელავი X ს-ის მეორე ნახევარში ფაქტიურად საკუთრივ კახეთის სამთავროს ერთ-ერთი ცენტრი უნდა ყოფილიყო.

⁶⁶ ანას ქ-ცა, 168.

საქმეში აღვანთა ხელიც ერია, მაგრამ, მაინცდამაინც, დამახასიათებელია, რომ ჰერთა მეფეს სომხური სახელი, იშხანიკი, ეწოდება⁶⁷.

ცხადია, პირველ რიგში საჭირო იყო კვლავ ძველი რელიგიური ერთიანობის აღდგენა ქართველთა და ჰერთა შორის. ეს მოხდა სწორედ იშხანიკის ზეობის დროს: „ხოლო იშხანიკ დისწული იყო გურგენ ერისთავთა ერისთავისა, და დედამან მისმან მოაქცივნა მართლმადიდებლად, დინარ დედოფალმან“⁶⁸. მეტად საინტერესო ცნობაა: გამოდის, რომ ჰერეთისათვის მხოლოდ აფხაზნი და კახნი კი არ იბრძოდნენ, არამედ საკუთრივ „ქართველნიც“. ცხადია, ჰერთა „მოქცევაში“ ამ უკანასკნელთა (ეგებ თვით გურგენ ეწვევის) ხელი ერია. ამგვარად, X ს-ში ხდება ჰერების საბოლოო „გაკახელება“⁶⁹.

მაგრამ საქმე ამით არ მთავრდება. 1010 წ. ბაგრატე ჰერეთს და მასთან ერთად კახეთსაც იერთებს⁷⁰, კახეთში და ჰერეთში ბაგრატ III თავისი ერისთავები დაუსვამს. მაგრამ გიორგი I-ის მეფობაში (1014—1027) „განდგა ამას ქუეყანასა ჰერეთ-კახეთისა და ლაღობითა აზნაურთათა შეპყრობილ იქმნეს ერისთავნი. მათ ქუეყანათ კუალადვე ეუფლნეს მათნი უფალნი, რომელთა პირველ აქუნდა იგი“⁷¹. ეს უნდა მომხდარიყო XI ს-ის ოციან წლებში⁷². ამ ამბავთან დაკავშირებული უნდა იყოს ვახუშტის ცნობა, რომ დიდმა „კვირიკემ დაიპყრა კახეთი და ჰერეთიცა და იწოდა მეფედ კახთა. გარნა თუ ისინენ ერისთავნი ჰერეთს, არამედ ამან კვირიკე მეფემან უფროს განამტკიცნა და დასხნა სამი კახეთს და ოთხი ჰერეთს“⁷³. ამგვარად, ამიერიდან ჰერეთს, როგორც დამოუკიდებელი სამეფოს არსებობა წყდება. შეიქმნა ახალი ერთეული, კახეთის სამეფო, რომელიც დაიყო შვიდ საერისთავოდ (ამის შესახებ ჩვენ ზემოთ უკვე ვილაპარაკეთ). ცხადია, ამ ახალ ერთეულს ახალი ცენტრი სჭირდებოდა, და, მართლაც, იმავე კვირიკემ „ჰყო თელავი. სასახლედ და ტახტად კა-

⁶⁷ იხ. Н. Марр, Аркаун..., გვ. 7.

⁶⁸ ანას. ქცა, იქვე.

⁶⁹ რომ, მართლაც, ამ დროისთვის ჰერები ეთნიკურად სავსებით გაქართველებულნი უნდა ყოფილიყვნენ, ამას, ჩვენის აზრით, მოწმობს სოფ. ფშაველის „კოხტა ლეთისმშობლის“ სამონასტრო კომპლექსის მთავარი ეკლესიის (თარიღდება IX ს-ით, ლ. რჩეულიშვილი) კრამიტები, რომლებზედაც ქართული ასოებით მონოგრამებია გამოძერწილი.

⁷⁰ ანას. ქცა, 177; ივ. ჯავახიშვილი, ქართ. ერის ისტ., 112, გვ. 127; ნ. ბერძენიშვილი, „მიმოხ.“, გვ. 68.

⁷¹ სუმბატ დავითის ძე, სამი ისტორ. ქრონიკა, 1890, გვ. 67.

⁷² ნ. ბერძენიშვილი, იქვე.

⁷³ „საქ. ცხოვრება“, 151.

ხეთისა და ჰერეთისა“⁷⁴. ბუნებრივია სწორედ თელავი გამხდარიყო კახეთის სამეფოს ცენტრად—ამას ხელს უწყობდა მისი მდებარეობაც და მისი მეურნეობაც. „ამით ჰერეთ-კახეთის პოლიტიკური შერწყმის პროცესი დასრულდა“⁷⁵.

ამასთან დაკავშირებით შესაძლებელია წამოიჭრას კითხვა: რატომ არ დაუბრუნდა თავისი ძველი მნიშვნელობა უჯარმას მას შემდეგ, რაც ბრძოლა გაერთიანებისათვის საბოლოოდ დასრულდა (დავით აღმაშენებელი). მართალია, ადრეფეოდალურ ხანაში, პოლიტიკური ვითარების გამო, სავარაუდოა ქალაქის მიმდგამ რაიონში მეურნეობის და, კერძოდ, მესაქონლეობის დაცემა, მაგრამ აქ ეს უკანასკნელი არასოდეს მოშლილა. მაშ რატომ დაეცა მაინც უჯარმა ისე, რომ მან შემდეგში უწინდელი მნიშვნელობა ვეღარ დაიბრუნა? რატომ გადაიწია ცენტრი თელავისაკენ?

ამ შემთხვევაში, ცხადია, დიდი მნიშვნელობა უნდა ჰქონოდა სავაჭრო გზის გადანაცვლებას თუ გაუქმებას. საამისო კლასიკური მაგალითია ქალაქი დმანისი⁷⁶. მაგრამ აქ სხვა ფაქტორიც იყო. ძირითადი მნიშვნელობა იმ მეურნეობრივ ბაზისს უნდა ჰქონოდა, რომელსაც ემყარებოდა კახეთის და ჰერეთის ეკონომიკა. თუ კახეთის სამთავროში ძირითადი მესაქონლეობა და, კერძოდ, მეცხვარეობა (და მეცხენეობა) იყო, ჰერეთის სამეფოში ძირითადი მიწათმოქმედება და, კერძოდ, მევენახეობა უნდა ყოფილიყო, რომლის შემდგომი დაწინაურებისათვის, უეჭველია, ხელსაყრელ პირობებს შექმნიდა კახეთ-ჰერეთის ერთ პოლიტიკურ ერთეულად გაერთიანება და განსაკუთრებით ამ უკანასკნელის შესვლა საქართველოს ფეოდალური სახელმწიფოს ფარგლებში. ხოლო განვითარებული ფეოდალიზმის ხანაში, ეკონომიურმა ცენტრმა ინტენსიური მეურნეობის, მევენახეობის, განვითარების რაიონში გადაინაცვლა, უჯარმა კი შერჩა თავის მესაქონლეობას. სწორედ ამიტომ ახლად შექმნილი კახეთის სამეფოს ეკონომიური (resp. პოლიტიკური) ცენტრის როლი ბუნებრივია თელავს დაჰკისრებოდა.

ჩვენ უჯარმის გაქალაქებაში რამდენადმე მევენახეობასაც დავუდეთ წილი, მაგრამ, გარკვეული აზრით, შესაძლებელია ითქვას,

74 იქვე, 151—152.

75 ნ. ბერძენიშვილი, იქვე.

76 ლ. მუსხელიშვილი. დმანისი, ქალაქის ისტორია და ნაქალაქარის აღწერა. კრებულში: შოთა რუსთაველის ეპოქის მატერიალური კულტურა, 1938 წ.

როგორც ეს შეგვიწინა აკად. ნ. ბერძენიშვილმა, რომ საბჭოთა
ლოოდ მევენახეობის განვითარებამ დასცა
უჯარმის მნიშვნელობა⁷⁷.

77 სულ უკანასკნელ ხანში ქალაქ უჯარმის წარმოქმნის საკითხს გაკერით შე-
ეხო თავის საინტერესო მონოგრაფიაში, („მორწყვა ძველ საქართველოში“, 1963
წ.) ი. კიკვიძე. მისი აზრით, „უჯარმა ვახტანგ გორგასლის აშენებულია და,
როგორც მისი აგება, ისევე პოლიტიკურ-ადმინისტრაციულ ცენტრად ქცევა ივრის
სარწყავი სისტემების შექმნას უკავშირდება, რომლებიც სწორედ უჯარმასთან ილე-
ბენ სათავეს“ (გვ. 91), თუმცა მეორე ადგილას იგი საამისოდ „სხვა პირობებსაც“
თითქოს დასაშვებად მიიჩნევს (გვ. 117), მაგრამ იქაც აშკარაა, რომ უჯარმის გა-
ქალაქების მთავარ ფაქტორად ირიგაციას თვლის. ქალაქ უჯარმის ვახტანგ გორ-
გასლის შიერ მშენებლობას რომ თავი დავანებოთ, რაც ფაქტიურად არ არის სწო-
რი, აქ ისევე, როგორც მთელს მონოგრაფიაში, ირიგაციის როლის გადაჭარბებას-
თან გვაქვს საქმე. აქაც, როგორც ყოველი სხვა ქალაქის წარმოქმნის პროცესი ასე
მარტივად არ შეიძლება წარმოვიდგინოთ. ჩვენ ზემოთ ვნახეთ რომ უჯარმის, რო-
გორც ქალაქის წარმოშობა ხანგრძლივი და რთული პროცესია, გაპირობებული
მრავალი ფაქტორით, რომელთა შორის ჩვენ გარკვეული წილი შევენახეობასაც და
ირიგაციასაც დავუთმეთ (იხ. ზემოთ). მაგრამ, როგორც აღვნიშნეთ ამ უკანასკნე-
ლის მნიშვნელობა დიდი და მით უმეტეს ძირითადი არ უნდა ყოფილიყო. ამას
ისტორიული კახეთის მეურნეობის გათვალისწინებისა, და წყაროთა ჩვენებების
გარდა ის ფაქტიც მოწმობს, რომ უკვე IX ს-ში უჯარმა კარგავს საბოლოოდ თავის
უწინდელ მნიშვნელობას, ხოლო თვით ი. კიკვიძის აზრით, მხოლოდ XIV ს-ის ბო-
ლოსთვის „უქმდება, ალბათ, სამგორის არხი და ივრიდან გამოტანილი მეტი წი-
ლი რუებისა“ (იქვე, გვ. 128). რა თქმა უნდა, უჯარმის, როგორც მნიშვნელოვანი
ქალაქის და პოლიტიკური ცენტრის საფუძველი რომ მხოლოდ არხი ყოფილიყო,
იგი ამ უკანასკნელის მოქმედების გაუქმებამდე შეინარჩუნებდა ძველ მდგომარე-
ობას. ამდენადვე ცხადია, რომ უჯარმის დაცემა სხვა ფაქტორებითაა გაპირობებუ-
ლი (იხ. ზემოთ).

ს ა ძ ი ნ ბ ე ლ ი

1. გეოგრაფიული და ეთნიკური სახელებისა

- აბანტუ (მდინარე) 33
 აზერბაიჯანი 23
 ალაზანი 7—8, 11, 13—15, 18—19, 23, 29—36, 39, 42, 52, 55, 73, 99, 115
 ალაზანი მცირე 7, 9, 13, 18
 ალბანა 25
 ალბანი (მდინარე) 35
 ალბანია, იხ. ალვანეთი
 ალბანები, იხ. ალვანელები
 ალბანეთი, იხ. ალვანეთი
 ალავერდი 39
 ალვანეთი 5—6, 12, 22, 24, 29—38, 43, 51, 67, 81—82, 101, 103, 111
 ალვანელები (ალვანები) 13, 22, 24—25, 28, 29, 32—33, 35—36, 42, 51, 67, 81, 92, 118
 ალვანი 13, 24
 ალონი 25
 ალონის ველი 13, 15, 24
 ამიერკავკასია 51, 92, 99, 109
 ანანური 39
 ანთოკი 55
 არაბები 47, 52, 84—85, 88—92, 94, 111
 არაგვი 6—8, 12, 18—21, 23, 26—27, 39, 44
 არარატი 30
 არაქსი 33
 არგვეთი 45
 არღონი (მდინარე) 103
 ართანა 39
 არიში 53
 არმაზი 45
 არტანი 39, 84
 არტანუჯი 79
 არტაპანი (არტანი?) 84
 არტნის ხევი 40
 არცახი 31, 34
 ასანური 31
 ასის ხეობა 49
 აფენი 52—54, 115
 აფხაზეთი 90, 117
 ახალდაბა 45—46
 ახატანი 39
 ახატელი 39
 ახმეტა 45
 ბაზალეთი 84
 ბაისუბანი 53—54
 ბაკურციხე 115
 ბაშბაქის ხევი 30—31
 ბარდავი 25, 49, 52, 70, 84, 115
 ბახტრიონი 13, 15
 ბელაქანი 52
 ბერი 24—25, 27
 ბერდუჯი (მდინარე) 9—10, 21
 ბერძნები 62, 81
 ბიზანტია 80
 ბიჭმენდი 39
 ბოგდანოვკა 53
 ბოღავი 39
 ბოღბე 23, 39, 44—45, 58—61, 66
 ბოღი, იხ. ბოღბე
 ბოღინი, იხ. ბოღბე
 ბოღისი, იხ. ბოღბე
 ბოლოჯი 113

ბოსტან-ქალაქი, იხ. რუსთავი
 აოკორომა 25, 27, 40, 46, 71, 113—114
 პუშატი 39

გაზირი 93
 განჯა 41
 გარდაბანი 23, 41—42, 77, 84, 102, 104
 გარდმანი (გარდაბანი) 30, 81
 გარეკახეთი 16, 41, 45—46, 54
 გარეჯის შთა 11—13, 15, 19—20, 50
 გარეჯის უდაბნო 30, 47, 50
 გაღმამხარი 15, 28, 39—40
 გაჩიანი (ქალაქი) 9, 23
 გიორგიწმინდა 56
 გომბორი 15—16, 39, 44, 54—55
 გომეწარი 39
 გომეწრელი 39
 გრდანი 11
 გუგარეთი (გოგარენე) 34, 105
 გულგულა (გოლგოლა) 7—8, 10—11, 13,
 23—24, 39, 86

დარიალანი (დარიალი, ალანთა კარი, უვ-
 სეთის კარი, ბაბ-ალანი), 84, 89, 103—
 —106

დარუბანდი 116
 დარფაკა 69
 დაშტი 29
 დებედა 10
 დედაციხე 25, 27, 46
 დვალეთი 103
 დიდგვერდის შთა 15
 დიდოეთი 15, 21, 48
 დიდოელები 84
 დღევი 53
 დმანისი 119
 დუისოფელი 15
 დურძუკეთი (დორძოკეთი) 103

ევრი (არაგვი) 18
 ევრი (პუნქტი) 40—41
 ევრისი (ევრი) 22, 48, 62, 90, 95
 ეღემი (ედომი) 27, 43

ელისენი 83
 ერანი 16, 46, 55—56, 59, 65, 67, 79—
 80, 111
 ერედვი 105
 ერწო 20—21, 27, 43—44, 53—55, 71,
 96
 ერწო-თიანეთი 8, 14, 16—17, 25—26
 ერწუთიანელნი 21, 26, 43

ველისციხე 69, 101—102
 ვერონა 44
 ვერხველი (მდინარე) 26
 ვეჯინი 14, 108

ზაქათალა 52
 ზედაძნის შთა 19
 ზესტაფონი 53

თბილისი (ტფილისი) 12, 49, 52—53, 55,
 68—71, 74—75, 78—80, 82, 84, 88,
 90, 92, 95—97, 105—106, 108, 116
 თელავი (თებლა) 37, 53, 115—119
 თეძმის ხევი 11
 თიანეთი 11, 20—21, 26, 39, 48—49, 55,
 68, 101—102, 112—114
 თოლენჯი 53
 თოშნი 21
 თრიალეთი 53, 84, 107
 თურღო 8, 11, 13—15, 23, 37
 თუშები 85
 თუშეთი (თოშეთი) 14, 26, 43
 თხოთის შთა 58

იალნოს ქედი 17, 19, 21, 25
 იალონი, იხ. იალნოს ქედი
 იბერები, იხ. ივერიელები
 იბერია, იხ. ივერია
 ივერია 5, 12, 15—16, 22, 24, 28, 31
 —37, 39, 42—43, 45, 48, 51, 52,
 64, 88
 ივერიელები 22—23, 28—29, 32, 34—35,
 37, 42—43, 51
 ილტო (ირტო) 16

ორი 7—8, 11, 13, 15, 17—18, 20, 23,
25—27, 29—35, 39—40, 42, 47, 49,
55—57, 63, 65, 69, 71, 77, 79,
102, 120

კავკასი (მთა) 8, 10, 14, 16, 21, 86

კავკასია (მთა) 6—8, 18, 20, 28, 30, 32,
35—36, 63, 81, 85, 89, 95, 110

კავკასიონი 9, 15, 21—22, 31, 48, 52, 103

კავშირი (სოფ.) 52—54, 115

კალა 80, 97

კალა (გარდაბანი) 116

კამბეჩანი (კამბეჩოანი, კამბეჩიანი) 23,
29—37, 66—67, 77—78, 81, 85

კამბისენე 28—32, 34, 37, 42

კამბისი (მდინარე) 33, 35

კამბერანი, იხ. კამბეჩანი

კარდანები 11

კასპები 36

კასპიის ზღვა (ალბანეთის ზღვა) 35

კასრი 85—86

კასუსი (მდინარე) 35

კაწარეთი 8, 41, 43—44, 54

კახეთი, იხ. კუხეთი

კახები 17, 23, 25, 40—42, 55, 105

კახეთი 5—6, 8, 10—11, 13—18, 20—25,
27—28, 34—35, 39—40, 43—47, 49,
54—55, 57—60, 63, 65—69, 76—82,
84—86, 88—90, 92—93, 95—97,
99, 101—106, 108—109, 112—115,
117—120

კახეთის მთა 6—8, 14, 16—21, 27

კახეთის მთეულეთი 5, 21, 23, 39, 56—
57, 68

კახეთის ქედი 14, 16—17, 21, 45

კახელები 17, 40—41

კახი (კაცი) 40—41

კახნი ვარდაბანელნი 42

კვეტერა 14

კირი (მდინარე) 34—36

კისისხევი 82

კლარჯეთი 62—63, 78—79, 84, 86

კოლხეთი 28

კორაქსიული მთები 35

კოხეთი, იხ. კუხეთი

კუხეთი 5—6, 8, 10—14, 16—17, 19—23,
25, 27, 30, 34—35, 39, 43—44, 46
—47, 58—59, 65, 67, 76, 78, 84—85,
102, 104, 106—107

კუხეთის მთა 14

კხოეთი 43, 44

კხოელნი 43

ლაგოდები 52—54

ლაკბის ხევი 31, 40

ლაკუასტი 85

ლალისყური 13

ლექითი 82—83, 95

ლელიანი 52—54, 115

ლიახვი 103

ლილო 11

ლომსიანთ ხევი 45

ლოწობანნი 113

ლოჭინის ხევი 11

შანგლისი 84

შარგუი 23

შარილისი 14—15

შარტყოფი 11

შალარო 16

შაქარეული (მდინარე) 15

შაქი 14, 108

შაქის წყალი 14—15

შახვილის ხევი 16

შეგრელი 40

შელასგერდი 116

მთეულეთი კახეთისა, იხ. კახეთის მთე-
ულეთი

მთეულნი კახეთისანი 21—22, 75

მთისძირი (სოფ.) 52—54, 115

მთიულეთი 20

მოვკანი 8—10, 13, 62—63

მტკვარი 6—13, 15—16, 18—21, 29—
35, 52, 67, 78, 102

მულანლო 55

მუხრანი 53

მცხეთა 44, 47, 52—55, 59, 68, 70—71,
73, 81—82

მწარე წყალი 11

- წაგები 11—12, 33
 ნაქერალას ქედი 15
 ნაჭარმაგევი 25
 ნახჭევანი 29
 ნახჭოვანი 113
 ნეკრესი (ნელქარი) 28, 36, 45, 48, 67
 ნინოწმინდა 82
 ნოპატელნი (ნოპოტელნი) 21—22, 48, 75, 86, 93, 95
 ნოპატო (ნოპატა) 21, 75, 86, 93
 ნუხი 23, 52, 75, 93, 95, 116
- ომანისხევი 11
 ოყიო 39
 ორხევი 39
 ოსები (ოვსები) 25, 48—49
 ოსეთი (უვსეთი) 48, 103
- პაღლო 71
 პანკისი 14—15
 პარჭუანი 103
 პატარძეული 55
 პეტრა 53
 პონტოს ზღვა 9
- ჭალეთი 16, 25—27, 43—44, 54
 ქინვანი (ქინვალი) 20, 26, 39, 52
- რანი 10, 13, 16, 38, 50, 52, 61—63, 86, 93
 რიყე (მდინარე) 39
 რომაელები 33
 რუსთავი 6—7, 11—15, 17—18, 20—21, 30, 33, 47, 65
- საგარეჯო 55
 საგმის ხევი 40
 საგურამო 11, 20
 საინგილო 21—23
 სანარია, იხ. წანარეთი
 სამგორი 11—12, 15, 20, 31, 50—51, 55, 65, 71, 108
 სამების ხევი 8, 11—12, 15, 44
- სამცხე 84
 სანთა 53
 სართიქალა 56
 სარმატები 42
 სამარტია 39
 სასახლის ხევი 56
 საქართველო 5, 11, 14, 16, 44, 48, 52, 57, 64, 76, 80—83, 85, 88, 90, 92—93, 97, 99, 105, 109, 111—112, 114, 119
- საქვაბე 31
 საყარაულო 17, 26
 საყდრიონი 16
 საჩეჩნო 49, 103
 საჩხერე 53
 სიმონიანთ-ხევი 53
 სიონი (სოფ.) 26
 სკვით-სარმატები 39, 42
 სომხები 25, 28—30, 32, 42
 სომხეთი 28—31, 33—34, 51, 79, 117
 სომხითი 24, 29, 62, 93, 103
 სომხითის ხევი 30
 სოღანლული 53
 სოღუთ-ბულახი 11
 სოჯნი (სუჯნი) 43
 სპარსელები 33, 63, 68, 78, 81, 103
 სპერის ზღვა 9
 სტორი (მდინარე), იხ. შტორი (მდ.)
 სუჯეთი (შუჩქი) 101, 102
- ტაოელნი 25
 ტაო-კლარჯეთი 95
 ტარონი 86
 ტელეზა 37
 ტრაპიზონელნი 25
 ტური 15
 ტყე-ტბა 6—7, 10—11, 13, 18, 20
- ურიათუბანი 82—83
 ურჭუკეთი (ქურჭუკეთი) 48
 უტიეები (ვიტიეები) 31
 უტიქი (უტი) 25, 31, 34, 81
 უჯარმა 6, 14, 23, 38, 46—48, 53—59, 61, 65—66, 68—74, 76—78, 81—82, 85, 99, 102, 110—113, 119, 120

- ფაიტაკარანი 34
 ფისოსი (ფარისოსი) 29
 ფილო 33
 ფშავეები 17, 49
 ფშაველი (სოფ.) 40, 52—54, 118
 ფშავი 15, 20, 25—26, 39—41, 55, 103
 ფხო 40
 ფხოელნი 41, 43
 ფხოველი (სოფ.) 40
 ფხოველნი 14, 21, 41
 ფხოვი 16, 40, 41
 ფხოვნი, იხ. ფხოველნი
- ქალაქნი კამბეჩოანი 63, 69
 ქართველები 24, 29, 36—37, 118
 ქართლელი 40
 ქართლი (პუნქტი) 40
 ქართლი 5—6, 9—10, 12, 15—16, 20—
 —24, 27—28, 32—38, 41, 43—50,
 55—56, 59—68, 70, 75—82, 84—86,
 88, 90, 92, 95—97, 99, 101—102,
 104—106, 108, 111, 114—115, 117
 ქართლის ქედი 14, 17, 21
 ქვეშაფორი 101
 ქისალი 84
 ქისიყი (ქიზიყი) 14, 16, 31, 39, 50
 ქისტეთი 103
 ქსანი 84
 ქსოვრისი 84
 ქუშანი 60
 ქცელი (ქველი) 43
 ქცია 10
- ღლიღვი 14, 16, 21, 49
 ღულგლები 53
- ყაბალა 116
 ყაბარდო 49
 ყაზახი 41
 ყარაია 11—13, 35
 ყარაღაჯი (რუსთაფთან) 11
 ყარაღაჯი (კახეთში) 54
 ყვარა 39—40
 ყვარელი 39, 53
 ყვარელნი 21, 43
- ყიფჩაყები 25, 48
 ყუმი 82—83, 95
- შავშეთი 84
 შამქორი 30, 116
 შაქი (ქალაქი) 116—117
 შაქი (შაყიხი) 14, 21, 23—24, 83, 85—86,
 106—107, 115—116
 შაქნი 106—107
 შაჰ-დაღის ქედი 30—31
 შიგნიკახეთი 14, 16, 23, 39, 41, 44—
 45, 54
 შიგნიკახელები 17, 40
 შილა 28
 შირაქი 29, 32, 50
 შუა-შთა 11, 16, 82
 შტორი (პუნქტი) 14, 108
 შტორი (მდინარე) 8, 11, 13—15, 20
- ჩაბანო 40
 ჩადივარი 11—12, 15, 20, 50
 ჩელეთი 25—27, 101—102
 ჩელთი (მდინარე) 15
- ცივი (მთა) 16, 31
 ციხისძირი 53
 ცოდნა (სოფ.) 53—54
 ცულიყლაპია ჭყონის ტყე 53
- ძველი გავაზი 82
 ძორთორი 30
 ძურძუკი 14, 21
- წანარები (სანარიელები) 25, 84, 89, 92,
 102—105, 107—108, 111
 წანარეთი 104—108, 111
 წანარეთის ხევი 103
 წილკანელნი 43
 წილკანის (წექანის) კარი 103—104
 წინანდალი 39
 წირღლის ხევი 39, 44
 წიწამური 53
 წობენი 26—27, 43—44, 54
 წუქეთი 67—68, 78, 83, 85—86, 101—
 102

პართალა 40
პართალელნი 43, 104
პართალი 39, 104
პართლის მინდორი 40
პერემი (ქერამი) 45, 63, 66—67, 69
პიოტაანთ კარი 17, 26
პიჭავკის ხევი 40

ხაზარები 49, 79—80, 92, 101, 108
ხარჭაშო 26—27
ხატხევი 40
ხაშმი 8, 41
ხევსურეთი 16, 25—26, 103
ხერკი 20, 26, 84, 101—102
ხორანთა 8, 13
ხორასანი 60
ხორხენე 28
ხორნაბუჯი 14, 16, 66—67, 69, 77—78,
108
ხორხელა 39
ხორხი 39
ხუნანი 8—10, 12, 15, 60, 78, 84, 116
ხუნხაზი 14, 21, 48—49
ხუნძები 85

წერკი, (იხ. ხერკი)
ჯიღრი (ჯიღარი) 78

ჭურხანი, იხ. ქართლი

მავარეჰი (ხერკი?) 84
პერები 22, 24, 42, 43, 45
პერეთი (ქალაქი) იხ. ხორანთა
პერეთი (ერეთი) 5—16, 18, 20—24, 27—
—28, 30, 33, 36—39, 41, 43—48, 50—

51, 54—55, 58—68, 76—86, 90—93,
95—97, 99, 102, 105—108, 114—115
117—119
პერეთის მთა 14, 16
პნარაკერტი 10
ქუნები-სარაგურები 79

Албания 12
Албаны 22
Грузия 49—50
Иберы 22
Кабала 85
Камбисена (Камбечан) 51
Камибаран 85
Кобх 110
Курр (Кура) 85
Тейла (Телави) 115, 117
Шаккан 85
Эрцо 26

Ավանայ դուღ 103
Աղուანք 67
Աղուღ 25
Աղուღნი 25
ხամჯი վანք 41
შანარք 103
შხრან დուღ 103
ყამარქ 41
ყაպխნან (ყამქნ) 30, 67
ყուღայ 29—30
მითქ (მითხნან დუღი) 31, 81
վիրք 81
ზამქნან 29

II. პირთა საკუთარი სახელწოდება

- ბასილდები 108
 აბიბოს ნეკრესელი 45
 აბო ტფილელი 87
 აბულ-კასიმი 71, 79, 109
 აბუ-ხუასრო 85—86
 ადარნასე (ატრნერსკ, ადარნერსე), კახეთის და ქართლის ერისთავი 80—81, 94, 96—98
 ადარნასე ბრმა 86, 108
 ადარნასე მეფე 98
 ადარნასე, პერთა პატრიკი 106—107
 ადარნერსე, ქართლის ერისთავი 96
 ადარნერსე იბნ-ჰამამ 106—107
 აზოტ მეფე 29, 33
 ალექსანდრე მაკედონელი 27
 ამზას მეფე 46
 ამირ იბნ-ისმაილი 92
 არანი 10
 არბაი 28
 არმაზელ მეფე 29, 33
 არსენ საფარელი 24, 30
 არჩილ მეფე 63
 არჩილ „მეფე“ 23—24, 64, 77, 85—91, 93—99
 ასამ, კამბეჩანის მთავარი 77
 ასიმი 87, 95
 ასიმ იბნ-აბდულაჰი 94—95
 ასფაგურ მეფე 46, 58
 აშოტ კურაპალატი 93, 101
 ბაგრატ III 113, 118
 ბაგრატიონები ჰერეთისა 23—24, 86
 ბაქურ მეფე 63, 76, 96
 ბარაზზოდ პიტიახში 64
 ბარამ V 53
 ბარდოსი 10
 ბასილი კეისარი 107
 ბაქარ იბნ-მუსლიმი 89
 ბაქარ მეფე 47, 61, 65
 ბუბაქარ 30
 გარდაბოსი 9
 გიორგი I 107, 118
 გიორგი, აფხაზთა მეფე 113
 გლონოქორი 64
 გრიგოლ, კახთა მთავარი 47, 77, 101—102, 108
 გრიგოლ, რუსთავის მფლობელი 47, 65
 გუარამ, ქართლის ერისმთავარი, 77, 96—97
 გურგენ ერისთავთ-ერისთავი 118
 გუშარი 10
 დავით აღმაშენებელი 25, 119
 დავით გარეჯელი 12, 30, 47
 დანი (დარჩი) 56, 65, 67—69, 74—76, 78—81, 96
 დემეტრე, კახეთის ერისთავი 65
 დინარ, ჰერთა დედოფალი 106, 118
 ვალარში 67
 ვარაზ-ბაქარ მეფე 62, 68, 78
 ვარზვარდ, კამბეჩანის მთავარი 77
 ვარსკენ პიტიახში 16
 ვაჩაკან, ალვანთა მეფე 67
 ვახუშტი 8—17, 19—21, 23—28, 31, 46, 49, 77, 87, 96, 102, 105—106, 108, 110, 112—114, 118
 ვახტანგ გორგასალი 25—26, 37—38, 47—48, 56—57, 63—71, 73, 75, 77—80, 85, 96, 99, 109, 120
 თრდატ მეფე 48
 იაზიდ იბნ-უსაიდი 89, 92
 იაკობ ცურტაველი 16, 24, 65



ჭართალა 40
 ჭართალელნი 43, 104
 ჭართალი 39, 104
 ჭართლის მინდორი 40
 ჭერეში (ჭერამი) 45, 63, 66—67, 69
 ჭიოტანთ კარი 17, 26
 ჭიჭაკის ხევი 40

 ხაზარები 49, 79—80, 92, 101, 108
 ხარჭაშო 26—27
 ხატხევი 40
 ხაში 8, 41
 ხევესურეთი 16, 25—26, 103
 ხერკი 20, 26, 84, 101—102
 ხორანთა 8, 13
 ხორასანი 60
 ხორხევე 28
 ხორნაბუჯი 14, 16, 66—67, 69, 77—78,
 108
 ხორხელი 39
 ხორხი 39
 ხუნანი 8—10, 12, 15, 60, 78, 84, 116
 ხუნზახი 14, 21, 48—49
 ხუნძები 85

 ჳერკი, (იხ. ხერკი)
 ჳიღრი (ჯიღარი) 78

 ჳურზანი, იხ. ჳართლი

 ჳავარეჳი (ხერკი?) 84
 ჳერეში 22, 24, 42, 43, 45
 ჳერეთი (ქალაქი) იხ. ხორანთა
 ჳერეთი (ერეთი) 5—16, 18, 20—24, 27—
 —28, 30, 33, 36—39, 41, 43—48, 50—

51, 54—55, 58—68, 76—86, 90, 93,
 95—97, 99, 102, 105—108, 114—115
 117—119
 ჳერეთის შთა 14, 16
 ჳნარაკერტი 10
 ჳუნეში-სარაკურები 79

Албания 12
 Албаны 22
 Грузия 49—50
 Иберы 22
 Кабала 85
 Камбисена (Камбечан) 51
 Камибаран 85
 Кобх 110
 Курр (Кура) 85
 Тебла (Телави) 115, 117
 Шаккан 85
 Эрцо 26

Այանայ դուռ 103
 Աղուანք 67
 Աղուս 25
 Աղուսն 25
 ხააქი ქანք 41
 შანარქ 103
 შხრან დუონ 103
 ყადარქ 41
 ყააქხნან (ყამქნნ) 30, 67
 ყიყყ 29—30
 მათქ (მათხნანნ დათთ) 31, 81
 ქქქ 81
 ჳამქნან 29

ԻՆՏՈՒ-ԻՂՏՈՒՈՆ ԵՒ ՀՂԱՏՈՒՈՆ

ՆԱՅԸԳԿԴՅՈՒ

d. 5. IV-III և և



☐ Կոնստանդուպոլիս

○ Գյումրի

○ Երևան

● Կոտայք

☐ Կապ

☐ Բնակավայր

x Զանգեզուրի Բնակավայր

և Զանգեզուր

— Գյումրի-Երևան

..... Կոտայք-Երևան

ს ა რ ო მ ე ბ ი

თ ა ვ ი I. კახეთ-ჰერეთის ისტორიული გეოგრაფიის საკითხები, კახეთის უძველესი პოლიტიკური ცენტრები	5
თ ა ვ ი II. პოლიტიკური ცენტრის გადანაცვლება უჯარმაში. უჯარმა ვახტანგ გორგასლამდე	38
თ ა ვ ი III. უჯარმა ვახტანგ გორგასლის დრღს	62
თ ა ვ ი IV. უჯარმა ადრეფეოდალურ ხანაში (I)	76
თ ა ვ ი V. უჯარმა ადრეფეოდალურ ხანაში (II)	101
საძიებელი	121

108/750



Handwritten signature

Давид Леванович Мухелишвили

ГОРОД УДЖАРМА

(на грузинском языке)

დაიბეჭდა საქართველოს სსრ მეცნიერებათა აკადემიის
სარედ.-საგამომც. საბჭოს დადგენილებით

*

რედაქტორი ნ. ბერძენიშვილი

გამომცემლობის რედაქტორი დ. ბაქრაძე

ტექნიკური რედაქტორი ე. ბოკერია

კორექტორი რ. ფარესიშვილი

ხელმოწერილია დასაბეჭდად 21.4.1966; ნაბეჭდი თაბახი 8.38;

საღირებულო-საგამომცემლო თაბახი 7.89;

შე 02280; ტირაჟი 1000; შეკვეთა 1684;

ფასი 57 კაპ.

გამომცემლობა „მეცნიერება“, თბილისი, 60, კუტუშოვის ქ., 15

Издательство «Мецниереба», Тбилиси, 60, ул. Кутузова 15

გამომცემლობა „მეცნიერების“ სტამბა, თბილისი, გ. ტაბიძის ქ. № 3/5

Типография Издательства «Мецниереба», Тбилиси, ул. Г. Табидзе 3/5



ფასი 57 კპ.

25

n 108/750